

PROTO-PARENTIBUS
SANCTISSIMIS

IGNATIO,

ET

XAVERIO

CONCLUSIONES
ANALYTICO-ECLECTICAS

Ex Universa Philosophia,

PRÆSIDE

R. P. M. JOANNE LEITÃO S. J.

Publico Philosophiæ Professore,

D. O. & C.



EMMANUEL ALVARES, FRANCISCUS VILLARES,

ET

ALEXANDER LIMPO ex eâdem Soc. J.

DEFENSURI

*In Regali, ac Pontificiâ Eborensis Academiæ Aula integrâ die
16 Martii.*

PRÆVIDIT R. P. ac S. D.

ANTONIUS VIEYRA. S. J.

Academiæ Cancellarius.

PROBLEMA

*Utrum maiorem fidem Philosophiæ conferat Qualitatum occultarum
mysterium, an Modificationum sacramentum?*

E B O R Æ,

Typis Academicis Anno Domini M.DCCLVIII. Sup. permiff.

Ad Lectorem.

P

AUCIS te volo immorari, Lector humanissime, antequam Philosophiæ siparium removeatur, illiusque patefiat augustale: mentem nostram tibi in limine referamus; tum, ut quantum ex animo tuam benignitatem amplectimur, cognoscas; tum ut palam fiat, qualem in tractandis methodum sequemur, qualisque ad eam sequendam nos sensus inducat. Inducit enim verò non novitatis amor, sed veritatis; hanc enim (utpote quæ latet in puteo,) cum Philosophi studeant expiscari, nos etiam, illorum vestigia terentes, inquirimus. Nullum præteximus vanæ laudis aucupium; solum enim verius, aut veritati similis aucupari studemus: quod ut facilius assequi possit, *Eclecticam Philosophiam* profitemur: id est, nulli Philosophorum sacramentum dicimus; neque enim in illorum numerum recensemur, qui sine delectu adeò majorum probant inventa, ut ab illis cæcorum more ducantur, nec putant plus sapere posse minores, nec posse majores desipere; vel quia turpe putant parere minoribus; & quæ Imberbes didicere, senes perdenda fateri (a). Ex omnibus igitur Philosophorum sectis ea decerptum ibimus, quæ ad jucunditatem pariter, ac dulcedinem nostræ sapiunt ætati. Maximo nobis habentur veteres honori,

(a) Horat. lib. 2. Epistol. ad August.

nori; nec tamen idcirco Neotericis despiciatui sunt habendi: laudantur omnes: alii; quia plurima inveniunt: alii; quia plurima addiderunt inventis. Absit à nobis, ut veritatem prosequentes, quæ per singulas Philosophorum sectas dispescitur, in alicujus Magistri verba juremus: omnium nos discipulos esse gloriamur, Aristotelis scilicet cum Peripato; Empedoclis cum Elementaribus; Epicuri cum Gassendo; Democriti cum Cartesio; Chymicorum Paracelsi nempe, Helmontii, & Quercenati cum Lavagnolo, & Lemery; Thaletis Milesii cum Jonicis; Pythagoræ cum Italicis; Socratis cum Academicis. Verbo dicā: veritatem, canolis Philosophorum omnium rivis innatantem, quantum fieri possit, hauriemus. Nec, ut id assequamur, necesse est, peregrinos fontes adire; cum intra ipsum nostræ JESU Societatis viridarium abundè scaturiant Oceani, ex quibus nostra, & universi terrarum orbis, proluatur aviditas. Uberrima scilicet fluentia nobis sufficiunt P. Natalis Regnault (b), Honoratus Fabry (c), Athanasius Kircher (d), Paulus Cassato (e), Gasparus Schotto (f), Franciscus Tertius de Lanis (g), Franciscus Maria Grimaldi (h), Ignatius Gaston Pardies (i), Josephus Falck (l), Carolus Scherffer (m), Josephus Kbell (n), Josephus Zanchi (o),

(b) Tom. 5. Phys. 3. tom. de orig. Phys. veteris, & novæ. (c) Physica, five rerum corp. scient. tom. 5. De motu terræ, & mar. æstu &c. (d) Multis vol. apud Bibliot. Soc. (e) Vacuum proscriptum &c. (f) Phys. curios. Magia Univ. &c. (g) De Magist. Nat. & Art. (h) Physico-Math. de Lum. & Color. (i) De Nat. & motu Comet. de Motu loc. de cognit. brut. (l) Mundus aspect. (m) Inst. Phys. tom. 2. Logica tom. 1. (n) Phys. tom. 2.

(o), *Ludovicus Castell* (p), *Carolus Noceti* (q), *Josephus Rogerius Boscovich* (r), *Christophorus Scheinerus* (s), *Joannes Baptista Ptolemæus* (t), *Claudius Franciscus Milliet de Chales* (u), *Nicolaus Cabæus* (x), *Franciscus Maria Plata* (y), *Gasparus Bubon* (z), *Petrus Galturchius* (aa), *Antonius Forti* (bb), *Joannes Kisling* (cc), *Henriqus Niderndorff* (dd), *Eschinardus* (ee), *Claudius Rabuel* (ff). Denique Cl. *Patres Halden*, *Zuchius*, *Belgrado*, *Marchentus*, *Volc*, *Bonhours*, *Ville-neuve*, *Le Charron*, *Barbieri*, *Bougeant*, & innumerabiles alii, quos in amoris tessera, & grati animi monumentum libentissimè nuncuparem, & huc summo voluptatis fœnore transcriberem; nisi in ipso limine plus æquo immorari videremur. Hinc velim, pro comperto omnibus habeatur, nostram, qua philosophabimur, methodum, quanvis externis destituëretur, domesticis abundare Patronis, quorum quilibet, tanquam Pharos præclarissima, nobis facem præfert ad veritatem.

Vale.

(o) *Phil. mentis, & sens. tom. 3.* (p) *Le vrai systême de Physique Newton. mis en parallele avec celui de Descartes tom. I. Optique des couleurs. Traite de Physique sur la pesanteur, &c.* (q) *De Irid. & Aur. Bor. &c.* (r) *De Lum. &c.* (s) *Rosa Ursina, tom. 1. fol.* (t) *Phil. Ment. & Sens. tom. 2.* (u) *Digres. Phys. inter opera Mat.* (x) *De Meteor. t. 4. Phil. Magnet. tom. 1. fol.* (y) *Dissert. de Electricit.* (z) *Phil. ad morem Gymnas. tom. 4.* (aa) *Phil. ac Mat. Inst. tom. 5.* (bb) *Philos. negat. tom. 3.* (cc) *Comp. Phys. experim.* (dd) *Geogr. Gen. tom. 4.* (ee) *de Impet. tract. duplex vol. 1. in 4.* (ff) *Commentaires sur la Geometr. de Mr. Desc.*

Pertinet ad Sapientem non repugnare omnibus, quæ dicuntur; sed assentire his, quæ fuerint rationis.

Berchor. Repert. T. 3. v. *Sapiens*.

Non me cuiquam mancipavi, nullius nomen fero; multum magnorum virorum iudicio tribuo.

Senec. Epist. 45.

O Missis ad Philosophiam extollendam encomiis, cujus æquæ nomen ipsum laus est, nobilissima pariter, & antiquissima illius cunabula recentere, (quod ante me plurimi, de Republica Litteraria optimè meriti, præstiterunt) operæ pretium duco, ut, quanta sit illius dignitas, vel ab ipsa discamus origine. Ortum duxit Philosophia, non ut à Jovis cerebro mentita Pallas, sed ab ipso Deitatis thætario, & à profundo Divinæ Sapientiæ oceano ad terras usque diffluit: ad hoc fortasse alludit Plato, (in hoc vel maximè Divinus) qui interrogatus a suis, cui Deus (a) suam curam impenderet: respondisse fertur: *Deus semper Geometrizat*. Sed harioli mentem interpretari desinamus: hoc ratum, sanctumque sit, Summum rerum Conditorum Protoparenti nostro rerum naturalium scientiam indidisse, qua imbutus Adam (b) appellavit nominibus suis cuncta animantia. Nec satis hoc: suam in Ligno Scientiæ Boni, & Mali sapientiam inoculavit Omnisciens, quam plus sapere, quàm oportet sapere, cupiens Adam, nostro didicit incommodo: & hinc primò Philosophicam arborem caries cepit absumere. Succrevit illa quidem, & tam longè radices egit, ut à Paradiso voluptatis ubique terrarum, ac marium, sese latè protenderit, tantumque brachia distulit, & cacumen evexit, ut vel ipsum contingat Firmamentum. Sed quanvis illius sit adeò sublimis origo, à Paradisi tamen arbore, tanquam ab incunabulis vitium contraxit, quò malus hic bonæ arboris fructus, spissis ignorantie tenebris amarè decoctus, & nævo falsitatis inustus, ad nostram usque tempora veuditur. Ex quo scilicet scientiam boni, & mali Adamus ex Arbore degustavit, illam multis depravatam erroribus traduxit in posteros, qui eodem, quo Pater, imbuti sapore, & ab immodica sciendi aviditate famelici, illam mordiculis adeò tractant, ut solus Deus Sapientis gaudeat encomio; homines autem Sapientiæ Studiosi, id est, Philosophi (c) nuncupentur.

Hanc igitur Sapientiam, vel potiùs Sapientiæ Studium, *Philosophiam* scilicet ex Adamo hæreditario jure illius nepotes adierunt, Sethi nempe filij, quam ab Avo acceperant, & proprio Marte compararunt, Cælorum doctrinam ex illo primi coluerunt, syderum cursus rudibus adhuc ingeniorum telescopiis metientes; eamque quali quali Astronomiæ rudimento exaratam, diluvio superstitem, transmiserunt. in posteros. Et ita Divino factum esse consilio arbitror, ut, quoniam internam, ac æternam cæli faciem unius crimen obduxerat, saltem studiosis multorum exulum curis observaretur externa. Absoluto cataclysmo, sicut per universum terrarum orbem dispersi sunt Noemi posteri, ita cum illis in absurdissimas sententias abeuntibus peregrinata est Philosophia, degener

(a) Tul. l. 2. de Nat. Deor. c. 12. (b) Gen. 2. v. 20. (c) Pythag. apud Laert. lib. 1.

degener illa quidem, & natalibus aberrans; hominum enim mentibus, originalis peccati vulnere sauciatis, & temporum injuriâ aded Philosophica Facultas elanguit, ut omnis penè illius memoria videretur abolita: Divina tamen dirigente Providentia, factum est, ut viri præstantes ingenio, amatores Sapientiæ, Naturæ percrutatores, omnibus ferè Nationibus præluxerint: tales extiterunt apud Hebræos Rabbini, apud Babylonios, & Assyrios Chaldei, apud Persas Magi, apud Indos Brachmanes, seu Gymnosophistæ, apud Celtas, seu Gallos Druidæ, apud Italos Hetrusci, apud Ægyptios unus pro omnibus abunde sufficit Mercurius Trismegistus, qui 36525. voluminibus in lucem editis (d), immortale sibi nomen comparavit.

Græcia tamè præ cæteris orbis Nationibus sibi primas arrogare visa est; ea enim fuisse creditur tam sæcunda Sapientium nutritrix, & alitrix, ut plurimos (cùm tot capere non posset) in reliquis terre plagas demiserit. Septem præcipuè Græciæ laudantur Sapientes: *Solon Salaminus: Chilo Lacedæmonius: Pittacus Mitylenæus: Bias Priæneus: Cleobulus Lindius: Periander Corinthius: Thales Milesius*; quanvis apud aliquos non parum de eorum laude detrahatur (e). Non discutio veritatem: hoc in confesso est apud omnes, quod ex Græcis Sapientibus, tanquam ex fontibus, Philosophorum sectæ scaturierunt; id est, hominum multitudines, quæ quodammodo sectæ, ac divisæ, diversam philosophiæ di semitam arripuerunt (*). Ex illis scilicet ortum duxere sectæ, *Italica, Stoica, Ionica, Pyrrhonica, Epicurea, Academica, Peripatetica, Ecclesiastica*, & cæteræ, quarum recensendis placitis, ne multus fiam, superfedeo. *Secta Italica* Author fuisse creditur Pythagoras, qui sicut Philosophiæ nomenclaturam invenit, ita uberi illius doctrinæ venâ Philosophia totam penè Græciam irrigavit; & sicut primus Philosophus apud omnes audit, ita omnium studiosissimus, & Sapientiæ flagrans amore, per quadraginta circiter annos peregrinatus est: quo tempore Hebræos, Chaldaeos, Persas non est dedignatus Magistros, plures tamen ex Asia, & Europa sectatores habuit egregios, qui ejus Philosophiam longè, latèque provexerunt; eorum illustriores fama fuerunt Archyta Tarentinus, Empedocles Agrigentinus, Ocellus Lucanus, Parmenides Eleates, præter innumeros, quos refert Stanleius (f): sedem Italiæ fixit Crotonæ, Servio Tullio regnante; ubi 20. annorum spatio philosophicas vel ipsis legislatoribus leges tulit.

Secta Stoica ab Stoba, porticu quadam apud Athenienses celebri, nomen accepit: illam Zeno Citticus erexit, maximâ auditorum frequentia, qui illius fama commoti undique convenerant. *Ionica* in Jonia, ejusque urbe Mileto initium habuit, cujus Author, & Princeps fuit Thales Milesius,

(d) Jamblic. L. de Myster. §. 39. (e) Diczarc. apud Laert. in Thalet. ait: ipsos neque Sapientes, neque Philosophos fuisse: sed cordatos tantum viros, legumque latores (*). Vide, sis, Muischemb. Tom. 1. Elem. Physic. D. Physico-Histor. (f) Hist. Philosoph. P. 2. cap. 23. & 24.

Mileſius, ita dictus; quia inter Mileti cives fuit adſcriptus (g). Illum *Philosophia Principem* jure vocavit Plutarchus (h); primus enim inter Græciæ Sapientes Zodiaci obliquitatem deprehendit, Tropicos, Zonarum numerum, diametrum Solis, annuam illius periodum 365. dierum, Stellarum motum, & curſum; aliisque id genus naturæ phænomenis obſervatis, maximam ſibi gloriam comparavit. Thaleri ſucceſſit in ſchola Anaximander itidem Mileſius, qui ex illius diſcipulo multorum Magiſter evaſit, huic ſucceſſit Anaximenes, poſtea Anaxagoras, qui Jonicam ſcholam à Mileto tranſtulit Athenas, ubi illius auditores feruntur Pericles Orator egregius, Socrates, moraliſ diſciplinæ parens, & Tragediarum Scriptor Euripides. *Secta Pyrrhonica* Authorem habuit Pyrrhonem Eleum, qui ex pictore Philoſophus Anaxarchum audivit, & à ſuo nomine hanc ſectam inſtituit: *Sceptica* etiam nuncupatur, quia res quidem conſiderat, ſed nihil de illis decernit. *Apoſretica*, quia de omnibus dubitat: *Zetetica*; quia ſemper quaerit, & numquam invenit. *Ephectica*; quia judicium ſemper cohibet. *Secta Epicurea* nomen impoſuit Epicurus, qui cætera nobilis, ac dives, rei familiaris inopia depreſſus, Philoſophiæ navavit operam, nullo uſus Præceptore (ſcribit Cic.) ſed non ſibi ſolè ſapere cupiens, Scholam inſtituit Mitylene, deinde Lamſaci; ſed loci obſcuritate perterritus, vel diſcipulorum inopia, vel maioris gloriæ aucupandæ ſtudio, Athenas ſe contulit, ibique in horto peramæno philoſophatus eſt.

Sectam Cynicam condidit Antiſthenes, Socratiſ diſcipulus, ita nominatam vel à publico Athenienſium gymnaſio *Cynofarge* dicto, ubi docebatur, vel ab illius mordacitate, qua omnium mores dirè carpebat. Præcipuus hujus ſectæ finis, & prima Magiſtri cura in eo verſabatur, ut oſtenderet hominiſ felicitatem eſſe *vivere ſecundum virtutem*. (dignum proſecto ſtudium, cui omnes Præceptores animi nervos impenderent) *virtutem doctrinâ acquiri: amore dignum eſſe ſapientem, nec peccati� obnoxium*, cui ego ſuffragium adderem Sapientiæ (*). *Secta Academica* nomen ſumpſit ab Ecademia, ſive Academia, nemoroſo ſcilicet Athenarum loco, quem Ecademus, ſive Academus quidam nobiliſ Philoſophorum diſputationibus deſtinavit. Hujus ſectæ Philoſophi aſſenſum omnè cohibebant, & nihil omnino affirmabant, adeo ut Arceſilas *Media* fundator Academiæ, novo inducto dogmate nihil ſciri poſſe aſſerebat, *ne illud quidem* (quod Socrates ſibi reliquerat) nempe *nihil ſciri* (†). Hujus ſectæ Principes fuerunt Socrates, illius Auctor, & Plato, qui in illius diſciplina 8. annos verſatus, ea, quæ ex Magiſtro tacitus audierat, literiſ mandavit: ſed iſtiſ animi divitiis non contentus itineraria literaria ſuſcepit, ut uberioreſ doctrinæ fructus colligeret; quibus onuſtus, domumque

(g) Clem. Alex. L. 1. Stromatum. (h) Paræn. ad Græcos. (*) C. 1. v. 4. In malèvolam animam non introibit Sapientia, nec habitabit in corpore ſubdito peccatiſ. (†) Tullius L. 1. QQ. Acad. cap. 12.

que redux, suburbanum Athenis Gymnasium aperuit, in quo Mathematicas scientias prædocebat, ad Philosophiæ studium necessarias, asserens, istis præparari debere, qui Philosophiæ studiis operam essent navaturi. Hinc mihi stomachum movent, vel potius miserationem asserunt quidam hujus ævi scioli, qui Philosophos carpunt Recentiores eo, quod inutiliter (inquiunt) Mathesin Physicis dissertationibus immisceant. Quid de *Ideis* senserit Plato, acerrimè disputatum est. Aristoteles multis *Librorum metaphysicorum* locis testatur Platonem constituisse Ideas, non veluti imagines in Divinâ mente existentes, sed veluti *substantias quasdam incorruptibiles, & incorporeas ab ipso Deo separatas, quas veluti archetypas rerum formas, & exemplaria inspiciebat Deus, ad illarum similitudinem res omnes produceret.* Sed in his diutiùs immorari desinamus.

Sectam Peripateticam, ut omnibus notum est, erexit Græcorum Philosophorum facilè Princeps, Platonis per 20. annos alumnus, & Magni Alexandri Præceptor, Aristoteles: hoc illi satis esset ad laudem, nisi plura superessent monumenta, quæ *Philosopho*, nulli ex antiquis non præferendo, gloria n parerent immortalem. *Peripatetica* dicitur hæc secta eo, quod illius auditores disputabant inambulantes in lyceæo (1). Ad summum felicitatis apicem pervenerat Doctrina Aristotelica, floruitque ad annum Christi 524, eximiosque habuit propugnatores Boetium, & Alexandrum Aphrodisæum, qui omnes ferè Aristotelis libros est interpretatus; sed cum sublimia gravioribus sint obnoxia casibus, post Boetii mortem paulatim defecit Aristotelis Philosophia. Ita Arbor illa, omnibus vernantior, & libani cedris procerior, emarcuit: donec post finem octavi sæculi revirescere cæpit in Hispania. Hanc enim ferro, flammaque vastantes, Philosophiam Aristotelicam, ex suis, & ipsius Hispaniæ cineribus effossam excolere cæperunt Arabes, pluribusque commentariis in pristinum asseruere vigorem. Multum, diuque iterum sese latè protulit Aristotelis imperium, cui per septingentos, & amplius annos se sponte devoverunt Arabia, Græcia, Gallia, Germania, Italia, Hispania; ac denique in tota Europa, imò in omnibus Christiani orbis regionibus regnavit Aristoteles, cujus imperii summa est, quod innumerabiles, tum sanctitate, tum doctrina viros, sectatores habuerit. Monarchiam sine rivali exercuit Aristoteles ad medium usque sæculi 17. ex quo Peripatetismo bellum primus indixit Galileus Galilei, egregius Magni Etruriæ Ducis Mathematicus, & enuntiatissimæ naris homo, qui excutiens inveteratæ in scholis consuetudinis jugum, novam philosophandi viam aggressus est, aliique prævit, qui tanti ducis vexilla sequentes in Aristotelem conjurarunt, tantumque invaluit conjuratio, ut nullam in tota Europa Aca-
demiam invenies, quæ rigorem Peripateticum non excusserit; nullum publicum Philosophiæ Professorem, (nisi sit pertinax vetustatis amator,
aut

ant in evolendis libris socors) qui tam sacre devotus sit Aristoteli, ut illum pro aris, & focis fideliter colat.

Hæc secta Recentiorum innumerabiles sortita est assertores; quorum ut multa sunt capita, tot etiam sunt sententiæ: principaliora tamen systemata ad 3. classes reducuntur, scilicet ad *Cartesianum*, *Gassendicum*, & *Newtonianum*, quorum placita per totius Europæ gymnasia leguntur; quanvis non omnia (jure quidem) apud omnes bene audiant. Illam colere ceperunt in Italia Bernardinus Telesius, nobilis Consentinus, Jordanus Brunus, impius ex Religioso transfuga, cujus mundanorum vorticum systema, Cartesius evulgavit (m). Hieronymus Cardanus, Joannes Baptista Porta, Joannes Alphonsus Borelli, Andreas Cæsalpinus, Joannes Picus, Mirandulanus, Galileum hic primum appello, solertissimi ingenii virum, cujus tanta apud Gallos fama percipuit, ut nonnulli illius tantum visendi causa iter in Italiam instituerint. In Germania Godofridus Guilielmus Leibnitius, Christianus Wolfius, Joannes Franciscus Budeus, Joannes Jacobus Scheuchzerus, Jacobus Bruckerus, Theophrastus Paracelsus. In Gallia Renatus Descartes, Petrus Gassendus, Nicolaus Malebranchius, Petrus Daniel Huetius, Joannes Baptista Du-Hamel, Edmundus Putehotius, Franciscus Bayle. In Britania Thomas Burnetius, Guilielmus Wistonus, Franciscus Baconus Baro de Verulamio, Guilielmus Harveyus, Robertus Boyle, Samuel Clarkius, quos inter sibi primas arrogat Isaac Nevvtonus, vir summis laudibus dignus (n). Tandem in Suecia Joannes Keplerus, in Dania Tycho Brahe, ut innumeros præteream Cl. viros, qui novam philosophandi methodum sunt amplexati, quique eam eximiiis voluminibus in lucem editis, illustrarunt; quos inter honoris gratia sunt referendi Gravefandus, Hugenius, uterque Bernoullius, Varignonius, Keil, Rohaultius, Hurmius, Malpighius, Hermannus Bultingerus, Rizzetus, Cl. que nostræ JESU Societatis viri, quos Lectori supra jucundissime obtulimus, de quibus (o) meritò sane, atque optimo jure dici potest, tantam illorum labore, ac studio factam esse Philosophiæ accessionem, ut brevi tempore rerum naturalium scientia absoluta futura esse videatur.

En per summa capitum Philosophiæ recensita genesis, rudibusque lineamentis adumbrata à Paradisi scilicet Arbore, ubi primas egit radices, ad nostra usque tempora, in quibus nova foliorum luxurie, & fructuum jucunditate vernal, protensa. Non me latet, quòd hujus ævi Philosophi pro diversitate palati diversos ab hac arbore fructus colligunt, aliis vel spretis, vel intactis. Nos verò aliquid ex omnibus delibabimus, cum enim non delicato simus palato, non aliquis in hac Arbore fructus est, quem stomachus omnino respuat, & à nobis penitus fastidiatur. Seli-

B

genus

(m) Huet Cens. Phil. Cart. c. 2. (n) Muffchemb. D. Physico-Elef. Nemo post hominum memoriam, aut ingenio plus valuit, aut judicio fuit reperiore, aut meditatione, & studio exercit citation. (o) à Brix, Phil. Sens. Proleg. in Physic.

genus tamen, ut Beatiſſimi, quidquid magis nobis arriſerit, dummodo ei, quam ſequimur, philoſophandi methodo contentaneum videatur: & ita veritatem, quæ in uniuſcuique ſectæ præceptis reperiri nequit, ex pluribus coaleſcentem inveniri poſſe conſidimus.

De Definitione, & Partitione Philoſophiæ.

Pæter ſimpliciſſimam Philoſophiæ Definitionem (*), Pythagoræ tribui ſolitam, illam multipliciter Philoſophi deſcribunt. Platō (†) Philoſophiam appellat: *Mortis contemplationem*: Ariſtoteles (‡) *Cognitionem rerum, ut ſunt*: Wolffius (§) *Scientiam poſſibilem*. Aliique aliis cognoſcentis præclariſſimam hanc facultatē contendentes honorare, dedecorant: præ cæteris tamen habenda eſt definitio Ariſtoteliç, quæ ad mentem Cl. Muſſchenb. (s), ſic eſt aptanda: *Scientia omnium rerum, Divinarum ſcilicet; & humanarum, earumque proprietatum, operationum, effectuum, cauſarum, quæ intellectu, ſenſibus, ratione, vel alia quacumque via cognosci poſſunt, ad veram hominum felicitatem, quantum in hac vita fieri poteſt, comparandam, aut conſervandam deſtinata*: Per *Res Divinas* intelligimus Deum, & omnia illius opera, ſive ſpiritualia ſunt, ſive corporea. Per *Res humanas* intelligi volumus hominum actiones, omniaque artificia ab hominibus res creatas certo modo, & ſitu ordinantibus peracta. Ex hac definitione liquet, quanta ſit Philoſophiæ ditionis amplitudo; cum ubique gentium, terrarum, marium, ac celorum ſuum protoget imperium. Hinc eſt; cur pro rerum, quibus moderatur, diverſitate diverſis quoque donetur titulis; & pro varietate partium, in quas diſpeſcit illius diſto, multas etiam ſubſtat partitiones.

Dividitur in *Theoreticam*, & *Practicam*; cum enim in veritatis contemplatione verſatur; aut veritates ad felicitatem ſeſtu neceſſarias, fundamentaque; & motiva praxeos inculcat, dicitur *Theoretica*: cum verò actiones immediate dirigit, aut documenta ſufficit, quibus illæ dirigantur, *Practica* nuncupatur. Sed quia non una, eademque eſt rerum contemplatio, pro illarum varietate variis in ſuo Theoretico Philoſophia gaudet nomenclaturis. *Phytologia* dicitur, cum vegetabilia in genere conſiderat. *Bonatology*, cum herbas: *Dendrologia*, cum arbores, & fructus in ſpecie contemplatur. Si verò in ſuſpicendis ſublimitibus occupatur, *Meteorologia* eſt: ſi in rimandis ſoſſilibus, *Oryctologia*: ſi in aquarum meditatione, *Hydrologia*. Primas tamen ſibi vendicat præcipuum Theoreticæ Philoſophiæ membrum, *Pneumatologia* ſcilicet, id eſt, *Scientia Spirituum*, Deum, Angelos, & Animæ Rationalem attingens: hinc

(*) Sapientiz ſtudium. (†) Dialog. de Sapientia. (‡) Met. 10. c. 3. (§) Log. Latin: 3. 29. (s) Miſm. Theſ. c. 1. §. 1.

hinc pronomen duplex nanciscitur Philosophia; Deum enim contem-
plans, dicitur *Theologia*, *Naturalis*, *Psychologia* autem, cum Angelos,
aut Animam meditatur: sed quoniam quiddam de his cognoscimus,
vel experientia comparatur, vel ratiocinio discitur; ideo Psychologia
alia est *Empyrica*, alia *Rationalis*.

Jun vero ad aliud Philosophiæ membrum ad *Prædicum* scilicet
progrediamur. Quantum de nobis merita sit Philosophia Practica, &
quantis illi devinciamur beneficiis, ex eo vel maxime patet, quod ho-
minum mentes dirigat, omnesque omnium nostrum actus informet ad
finem consequendum: siue enim extra hominum societatem quis vi-
tam degit, actiones illum suas *Ethica* docet exercere: aut in societate
civili versatur, *Politica* illum instruit: aut curam gerit alicujus, illum
regit *Oeconomica*: aut denique in quocumque vitæ statu, & Reipublicæ
provincia ad opus aliquod accingitur, illum dirigit *Paranetica*. Opti-
ma est, & ab omnibus accepta hæc Philosophiæ partitio. Aliqui Neo-
terici à Philosophiæ albo *Dialecticam* expungere videntur, agentes enim
de *Philosophia Practica* alto silentio premunt *Dialecticam*: immerito
quidem; non enim minus *Practica* est scientia, quæ in dirigendis vo-
luntatis actibus impenditur, quam quæ dirigit intellectum. Alia est
Philosophiæ divisio, scilicet in *Rationalem*, *Naturalem*, & *Moralem*;
& quanvis refragari Plato videatur, nos illam sequemur in progressu,
est enim amicus Plato, sed magis amica veritas. Studium igitur no-
strum in 3. Partes distribuimus: prima de *Philosophia Rationali*: 2. de
Naturali: 3. de *Morali*, quidquid vero similis visum nobis fuerit, ex-
ponet. Hanc divisionem lubentes arripimus; ut siquid Rationi consen-
taneum, aut miris Naturæ phænomenis congruum, aut componendis
moribus aptum, studiosus Lector amavesit, in hoc qualiquali nostri la-
boris opere delectum habeat: quanvis enim multam rerum sylvam, &
acutissimis quidem sentibus horridam transluimus, huc certe non pau-
ca congerimus, quibus, tanquam dura eote, aut Philosophorum acia-
antur ingenia, quæ scholarum assuescunt subtilitatibus; aut mirificè pro-
lectentur, qui scrutandis Naturæ miraculis dediti, illorum causas in-
quirunt; aut serio virtutum studio navesit operam, qui Christianam
Sapientes Philosophiam terrena dediscunt, & cælesti (quod caput est)
summæ votis inhiant felicitati.

PARS PRIMA.

Philosophia Rationalis.

§. I. De Logica.

L Nalyfes Philosophicas aggredientes, æquum est, ut à Rationali Philosophia exordium, celo auspice, capiamus, utpotè quæ aliis præit scientiis, faciem præfert, viamque, ut pharos, ostendit. Ea dicitur *Logica*, quod idem sonat, ac *Rationalis*, sive *Ratiocinativa*: dicitur *Dialectica*, seu *Disceptativa*: *Modus sciendi*, sive *Ars Syllogizandi*: *Instrumentum sciendi*: *Ars omnium maxima* (a). *Disciplina disciplinarum* (b). *Omnium Scientiarum Juxta* (c). & cæt. Hinc meritò Logicam veteres insignibant clavam manu tenentem; quia ipsa viam panderet ad disciplinas omnes perdiscedas (d). Hujus inventor fuisse creditur Zeno Eleates, cujus auditor Chrysippus tanto fuit in honore habitus, ut veterum plerique dicerent, si apud Deos usus esset Dialecticæ, non futuram aliam, quàm Chrysippeam (e). Palmam tamen omnibus præripuit Aristoteles; nullus enim hanc Philosophiæ partem accuratius pertractavit, & XVII. libris complexus est, libro scilicet *Categoriarum*, in quo agit ea, quæ ad *Perceptionem* pertinent: duo, qui sequuntur *Perihermenias* dicti, *Judicium* respiciunt: hisce subjiciuntur quatuor, quorum duo *Priorum Analyticorum* de *Syllogismo* generatione sumpto agunt: duo verb alij *Posteriorum Analyticorum* de *Syllogismo Demonstrativo* differunt. Occurrunt deinde 8. libri *Topicorum*, locorum scilicet, ex quibus media argumentandi in qualibet re desumuntur.

II. Mirum est, quantum Schola Peripatetica in involvendis potius, quàm in evolvendis logices præceptis insudavit, in quos dictum existimes illud Baconi (f). *Logica, quæ in abusu est, ad errores stabiliendos, & figendos valet potius, quàm ad inquisitionem veritatis*. Non est tamen diffitendum, quòd ingeniorum cultus, & scientiarum nitor, ac proventus à Logica proficiuntur, utpotè quæ humane mentis operationes, in quibus dirigendis tota versatur, imbuat, excolit, ac præposit, ut illius exprimit *Definitio*: *Disciplina directiva operationum mentis in inquisitione veri*. Hinc est, cur illius *objectum Materiale* esse dicantur, & sint *Operationes*

(a) Tull. L. 5. QQ. Tuscul. c. 25. (b) S. Aug. lib. 2. de ordine c. 13. (c) Idem. Tul. lib. 3. de Academ. c. 13. (d) Beyerlinck in Max. Theor. v. Logica. (e) Lact. in vita Chrysippi. (f) Aphor. 12. Nov. Arg.

Operationes intellectus. Tres communiter recensentur huiusmodi operationes, nempe *simplex rerum Perceptio, Judicium, & Discursus*, quibus quartam addunt Recentiores scilicet *Methodum*. Ex quo fit, ut ab illis in 4. partes Logica dividatur: prima pars regulas præscribit, quibus mens in percipiendo dirigatur: 2. mentem instruit, ne iudicando fallatur: 3. Ratiocinationis naturam, principia, legesque complectitur: 4. in tradendis regulis, quibus recta inveniendi, docendi, studendi, disputandique *Methodus* continetur, curam impendit. De singulis sigillatim.

§. II. De prima mentis operatione.

III. **P**rimum nostri intellectus opus est, objectum aliquod offendere, & illius imaginem in se ipso nullis coloribus, nullo fuce depingere: hic actus *Apprehensio, Perceptio*, sive *Idea simplex* nuncupatur; non quia solum objectum simplex attingat, sed quia est *simplex mentis intuitus expers affirmationis, aut negationis*. Tunc certum est, dari in nobis rerum ideas, quam est dubium, quoniam illarum sit origo? Hariolus Plato divinavit, animas rationales ante constitutionem mundi fuisse creatas à Deo in Cælo Empyreo, ubi rerum omnium scientias habebant; sed quia peccaverunt, in corpora fuisse detrusas somniavit, ut debitas peccatis luarent pœnas, non tamen amissæ refert scientiarum semina, quæ postea utcumque revirescunt. Hoc delirium merito proficitur à Concil. Lat. 5. sub Leon. X. Sess. 8. (*). Nicolaus Malebranchius (g) docet imagines rerum omnium representativas esse in Essentia D. tanquam in archetypo, nosque in eadem Essentia illas percipere: distinguit ergo *Ideam* à *Perceptione*; si enim mille homines cogitarent de triangulo v.g. unica esset idea trianguli, & mille ejusdem perceptiones: sed hoc Malebranchii cogitatum à veritatis, quam inquirere proficetur, tramite deflectit; & nostræ Fidei satis officine videtur. Cartesius ut idearum originem patefaceret, illas in *Primigenias, Adventitias, & Facultas* distinguit: illius mentem aperiemus, sed non sequimur. Dicimus ergo cum Peripateticis: *Non sunt in nobis Idea rerum innata: 2. Duo sunt idearum fontes, Sensatio, & Reflexio.*

IV. Omisiss aliis Perceptionum divisionibus, quæ interroganti aperiuntur, nota est illarum divisio in *Singulares, & Universales*. Universales sunt, quæ representant gradum aliquem, multis inferioribus communem, de quibus verè affirmari potest. Ut autem vera sit hæc assertio non est necessaria *distinctio virtualis intrinseca, aut ex natura rei* inter prædicatum, & subjectum; sed sufficit *distinctio mentis Objectiva*,
Porphyrus.

(*) Quibus animas humanas dicit prius in exilii habitatione peccasse & pro hac in corpore humano in terram dejectas, sicut Priscillianus dixit, anathema sit. (g) Lib. 3. de Inquis. ver.

Porphyrius ex Platonis doctrina in gratiam Chrysaorii, Romani adolescentis, libellum *Porphyrii isagogem* contexuit, in quo idearum universaliū numerum, naturamque exposuit: ab omnibus hucusque recipitur Porphyriana universalis divisio in 5. species, *Genus, Speciem, Differentiam, Proprium, & Accidens*, quarum definitiones, & essentias, aliasque minutias, quæ in Scholis pulverulento vociferantium strepitu solebant ventilari, pacatè reddimus. Interim dicimus, *Prædictam divisionem esse adequatam: Illarum verificativam esse identitatem* (saltem inadæquatam,) *inter subiectum, & prædicatum*. Perceptio Singularis est illa, quæ rem individuum representat, illam scilicet, cui soli conveniunt hæc, *Forma, Figura, Locus, Stirps, Nomen, Patria, Tempus*. De Individuo *prima*, ut aiunt, *intentionis* multa possunt enuntiari, quæ, si attendatur ad modum, quo enuntiantur, dicuntur *Prædicabilia*; si ad attributa, quæ enuntiantur, *Prædicamenta* dicuntur.

V. Hujusmodi seriem Attributorum, sive alio nomine *Categoriam* alii tribuunt Aristoteli; alii cum Boetio (h) Archytæ Tarentino: sed ut res sit de Authore, hoc certum, quod Aristoteles, cui omnes adstipulantur, decem numeret Prædicamenta, scilicet *Substantiam, Quantitatem, Relationem, Qualitatem, Actionem, Passionem, Ubicationem, Durationem, Situm, & Habitum*, quæ his versibus significantur:

Arbor, Sex, Servos, Fervere, Refrigerat, Ustos,

Ruri, Cras, Stabo, sed Tunicatus ero.

Quid de his decem Prædicamentis sentiamus, in præsentiarum nostrum judicium propalabimus inquirenti. Recentiores aliam ab Aristotele viam arripuerunt, & septem numerant Prædicamenta, quæ his vocibus continentur. *Mens, Mensura, Quies, Motus, Positura, Figura*. Sunt cum *Materia* cunctarum exordia rerum. Per vocem *Mens* significant *Substantiam*, per *Mensuram* designatur *Quantitas*, per *Quietem* perseverantiam corporis in loco; per *Motum* translatio de loco in locum; per *Posituram* intimus ordo partium; per *Figuram* autem extimus; *Materia* denique est substantia corporea, de qua postea. Hæc Recentiorum Prædicamenta anteposimus Aristotelicis.

VI. Veritas *Representationis* ita convenit simplici Ideæ, ut hæc non possit esse falsa, & hinc resolvimus *Impossibilem esse Ideam Chymera*. Nostræ mentis ideæ multiplici (divisim) gaudent appellatione, & totidem scorsim donantur affectionibus: si rem cognoscimus *in se*, idea est *intuitiva*, si *in alio*, vel *ex alio*, est *abstractiva*: si objectum discretè representatur, est *distincta*, si indiscretè, *confusa*: si attingantur omnia prædicata.

prædicta essentialia rei usque ad ultimam differentiam individuantem (quod naturaliter fieri nequit,) est *Quidditativa*. Si denique mens ipsa cognoscat objectum, quantum est cognoscibile, aut si firmiter illi adhæreat, vel debiliter, clarè, vel obtusè, eliciet cognitionem aut *Compræhensivam*, aut *Sciëntificam*, aut *Opinativam*, aut *Evidentem*, aut *Inevadentem*. Hinc dices quale nostrum sit iudicium de Pyrrhonismo, qui cum Scepticis, & Academicis asserit dari tantummodo *Probabilitatem*: de omnibus esse dubitandum: in eo de se adeo humiliter sentiebat Arcesilas, ut ne id quidem ipsam sciri posse, quid nihil sciret, autumaverit: illum idcirco *Ignorantia Magistrum* Lactantius appellat (r). Non æquiori animo ferre possum generalem Cartesii dubitationem (s): multæ enim dantur veritates, (etiam præcisa Fide) quibus firmiter acquiescit intellectus, nec assensum cohibere potest.

VII. Sed quia mentis nostre penetralia subire nequit, alterius mentis acies, cautum est à summo rerum Conditor, ut *Signa* aliqua externa haberentur, ad interpretandas ideas, quæ in augustalibus mentium delitescunt. Huiusmodi signa sunt, in duplici differentiâ, alia ad idearum formationem, alia ad earundem partum, id est, ut in lucem prodeant, inserviunt. Signa, quæ sunt (ut ita dicam) idearum obstetrices, sunt voces, risus, gemitus, suspiria, aut qualibet interjectio externa, latentes animæ affectiones evulgans. Sed præcipue *Nomen*, & *Verbum* cognitiones nostras exprimunt; *Nomen* quidem *Perceptiones*, *Verbum* autem *Judicia*. Idcirco *Nomen* ab Aristotele definitur (m): *Vox ex instituto significans sine tempore*: & *Verbum* (n): *Vox ex instituto significans cum tempore*. Jam vero signa, quæ ad idearum genesis inserviunt, ita ab scholasticis optime definiuntur, *Id, quod potentia cognoscenti aliquid representat*: & cum signum quadrupliciter objectum sistere possit intellectui, scilicet vel prius, vel non prius cognitum; vel propter connexionem naturalem, vel propter arbitriam: ideo signum adequatè dividitur in 4. membra, *Naturale*, vel *Arbitrarium*, *Instrumentale*, vel *Formale*, (omnibus aliis prolixis divisionibus) quorum notissimas definitiones explicabimus: hanc tamen signo Formali attribuiamus cum P. Lyceo (v): *Id, quod se ipso informans potentiam cognoscitivam, illi reddit objectum notum*. Posita hac definitione de Philosophiæ alumnis me bene meritù fore confido; à signi enim Formalis albo spectrum phantasmatis expressi, quod illos terrere solet, expungo.

(r) Ars dirigend. ment. P. 1. de Log. & Met. Elem. (s) Med. ment. P. 1. Princ. & alibi.
(m) Lib. de Interp. c. 1. (n) eodem L. c. 3. (v) de Sign. c. 2. n. 15.

§. III. De Secunda mentis Operatione.

VIII. **P**rimam mentis operationem, sive Perceptionē sequitur secunda, sive *Judicium*, quod duplici modo spectari potest, vel ratione *sui*, prout est in mente, vel ratione *signi*, prout exterius proponitur, sive prout est propositio externa, de qua postea. *Judicium* ratione *sui* spectatum definitur *Actus mentis statuentis de habitudine convenientiæ inter duos terminos*. Ex hac definitione colligitur 1. *Judicium* vel esse affirmativum, vel negativum: 2. secum devolvere *Subjectum*, de quo aliquid affirmatur, vel negatur, & *Prædicatum* affirmatum, vel negatum: 3. esse actum intellectus, & non voluntatis, ut Cartesius (*p*) pronuntiavit. Omne *Judicium* vel confirmatur cum suo objecto, & est *Verum*, vel ab illo deviat, & est *Falsum*. Et licet habitudo *Prædicati* ad *subjectum* sit contingens, veritas, aut falsitas est *judicio* necessaria; ita ut nequeat transire in falsum, nec vice versa; dummodo respiciat tempus indivisibile, vel copulatum: de *judicio* autem respiciente tempus divisibile, aut disjunctivum, mentem nostram aperiemus. Hinc Dico 1. Veritas, aut Falsitas est de essentia *judicii*: 2. *Judicia* tam de *præterito*, quam de *futuro*, tam *contingenti*, quam *necessario*, tam *absoluto*, quam *conditionato* sunt determinatè vera, vel falsa: 3. *Judicia* de futuro *contingenti* non verificantur per Decretum Divinum, sed per ipsam-met rem extitutam: 4. *Affirmatio*, aut *negatio* sunt proprietates *judicii*.

IX. *Judicium* aut est sanæ mentis, aut insanæ partus: si mens bene sit affecta, *judicium* parturit triplici virtute donatum; si malè, triplici vitio: virtutes *judicii* sunt *Veritas*, *Certitudo*, & *Evidentia*, quibus tria vitia turpissimam *judiciis* labem inurentia opponuntur, *Falsitas*, scilicet, *Incertitudo*, & *Obscuritas*. Ad probandam veritatem constitutum est tribunal, in quo intellectus, interni scilicet ille Rex fori, pro rostris sedens, perpenfis rationum momentis, de veritate fert, aut refert *judicium*. Multa sunt fundamenta, sive criteria veritatis, quibus innititur intellectus ad illam asserendam: criterium enim veritatis est *signum certum*, & *nota infallibilis, qua judicii veritas, veluti proprio charactere cognoscitur*. Inter veritatis criteria maxime numerantur *Authoritas Divina*, *Evidentia*, *Conscientia testimonium*, *testimonium sensuum*, & *consensus hominum* in eandem rem conspirantium; non tamen habent æqualem certitudinem omnia hæc veritatis criteria. Sed quia multæ dantur veritates, quæ nullo operoso intellectus examine (quidquid reclamitet scepticimus) per se patent, hinc multum insudant utriusque ævi Philosophi in assignanda aliqua propositione, quæ sit primum dignoscendæ

C

veritatis

veritatis principio, & regula universalis, per quam reliquæ veritates demonstrari possunt. Cartesius (q) hanc assignat: *Ego cogito: ergo sum*: alii cum Cl. nostro Zanchi (r) hanc adstruunt: *Quidquid in idea clara, & distincta rei alicujus percipitur, id de ea re certo potest affirmari*. Communior tamen, longèque verosimilior est opinio, quod primum cognitionis principium sit hoc axioma: *Quodlibet vel est, vel non est*: sive: *Idem non potest simul esse, & non esse*. Est (s) qui tres modos sciendi *Definitionem* scilicet, *Divisionem*, & *Ratiocinationem*, criterium veritatis appellet: nostrum judicium in palæstra aperietur.

X. Circa vitia judicii hæc statuimus. 1. Judicium falsum nec potest esse evidens, neque certum: 2. Judicium obscurum potest esse certum, imò certissimum: 3. Judicium incertum potest esse verum: 4. Judicium potest esse simul evidens, & obscurum. Vitiis, quibus judicia labefactari solent, itur obviam, cognita illorum origine. Duo precipuè sunt fontes, ex quibus judiciorum venena scaturiunt, quæ cum intellectum imbuant, efficiunt, quominus rectè de objectis sententiam ferat. Hujusmodi sunt *Præjudicia*, & mentis *Præcipitatio*. *Præjudicium* apud Philosophos est *Falsa opinio ante debitum examen sub veri, rectique specie in animo suscepta* (t). *Præjudicia* ortum ducunt vel ab *Infantia*, in qua cum lacte nutricis errores multi fluxisse videntur; vel ab *Educatione*, cum à parentibus, aut magistris, multis imbuimur erroribus, quos tanquam certissima amplectimur deuteronomia. Huic morbo non, nisi post diuturnum tempus, medetur; cum dediscat animus serò, quod didicit diu (u). Tandem præjudicia ab *Authoritate* dimanant: hinc aliqui in librorum, quos manibus terunt, & Philosophorum, quibus assueverunt, ita verbis jurant, ut reliquos inconsultò proseribant, & in audita parte, adducto supercilio, inflatisque buccis explodant. *Præcipitatio mentis*, (quod est aliud præjudiciorum caput) est *Præceps de re, vel prorsus ignota, vel non satis explorata judicium*: hoc vitium maximè oritur vel ex ingenio perfervido, & confidentiori, quod omnia sibi tuta, rata, & sancta credit in ea, qua versatur, opinione; vel ex ignavia mentis, & socordia, qua aliarum sententiarum parcit inquisitioni. Mentis præcipitationi mederi posset Cartesianum *Dubitationis* pharmacum, si debito sale condiretur: hæc autem ego alexipharmaca cum non nemine (x) imbecillis mentibus propino. 1. *Ne sublustri, ac maligna luce ad veritatem capeßendam adducamur*: 2. *Non ita esse dubitandum, ut rebus omnibus diffidamus*. 3. *Ne mentem pervicax aliquis imbuat affectus, sed in promptu sit, veritatem ubicumque repererit, amplexari*.

De

(q) Part. 1. Princip. n. 7. (r) Exercit. in 4. Log. part. 9. 1. (s) Fer. Q. 4. de Orig. Idear. (t) Lang. Medic. Ment. P. 1. cap. 4. memb. 1. (u) Sen. in Troaj. (x) Author Artis cogitandi Dissert. 1. proxima.

De Judicio Verbis expresse, sive de Propositione

XI. **M**aximi usus est Propositio vocalis ad revelanda interna mentis judicia, ideo secundum hoc munus considerata, dicitur *Enunciatio*: definitur *Oratio exprimendis hominum judiciis accommodata*. Sin autem referatur ad objectum, quod enuntiat, est *Oratio dictiva alicujus de quopiam*. Propositio suam habet *Materiam, Formam, Quantitatem, & Qualitatem*. Materia alia est *ex qua*, sive termini, ex quibus coalescit: alia *circa quam*, & est objectum materiale, quod enuntiat: haec materia quantum ad Logicos attinet, est triplex, scilicet *Necessaria, Contingens, & Impossibilis*. Forma est nexus verbalis inter subjectum, & praedicatum. Quantitas est extensio significationis terminorum ad plura, vel pauciora objecta. Ratione Quantitatis dividitur Propositio in *Universalem, Particularem, Indefinitam, & Singularem*. Characteres Propositionis universales sunt *Omnis, Nullus, Neuter, Uterque, Quilibet*. Particularis autem sunt *Quidam, Aliquis, Alter*. Qualitas Propositionis est illud attributum, quod redditur inquirenti, *qualis illa sit*: Vel est *Essentialis*, vel *Accidentalis*: Essentialis est *Afirmatio*, aut *Negatio*: Accidentalis est *Veritas*, aut *Falsitas*.

XII. Alias adhuc subdivisiones patitur Propositio ratione Qualitatis: subdividitur enim in *Simplicem, & Complexam, Modalem, Exceptivam, Exclusionem, Reduplicativam, Reflexivam, &c.* quarum omnium notiones dabimus interroganti. Duo tamen cursim juvat asserere: 1. contra illustrissimū Caramuelem (y) dari *Propositionem negativam*: 2. *Propositionem habere posse plura vel subjecta, vel praedicata, quin suam essuat simplicitatem* (z). Quin etiam illam non reddit complexam aliquis casus obliquus, & a fortiori aliquis rectus tam ex parte subjecti, quam ex parte praedicati. Quodnam autem extremum tam ex parte subjecti, quam ex parte praedicati Propositionem reddat *necessariam*, aut *contingentem*: hoc ex sensu proferentis auspicabimur.

XIII. Reliqua Propositionis attributa sunt *Oppositio, Equipollentia, & Conversio*. Oppositio est (a) *Repugnantia duarum enuntiationum eodem subjecto, praedicatoque constantium, secundum affirmationem, & negationem*. Triplex est oppositio rigorosa *Contradictoria, Contraria, & Subcontraria*. Contradictoria est juxta mentem Aristotelis (b) *Repugnantia maxima duarum propositionum secundum affirmationem, & negationem*. Contraria est *Repugnantia duarum propositionum secundum affirmationem, & negationem in ordine ad veritatem*. Subcontraria est *Repugnantia duarum propositionum secundum affirmationem, & negationem in ordine*

(y) Grammat. audax art. 2. n. 242. pag. mihi 72. (z) Ars cogitandi P. 2. cap. 5. (a) PP. CC. de Oppos. c. 7. Q. 1. art. 1. (b) Periherm. 1. c. 4.

dine ad solam falsitatem. Equipollentia est. Duarum propositionum æquivalentia ex negationis additione, vel subtractione, proveniens: illius Regule in hoc notissimo carmine *Pra* contradic, *Post* contra, *Pra*, *Post* que subalter, significantur, ejus sensum interpretabimur. Conversio denique est: *Commutatio extremorum enuntiationis, servata qualitate, & veritate.* Quenam Propositiones convertantur formaliter, & quomodo: docet hoc carmen *Feci Simpliciter convertitur, Eva per accid.* Sed quoniam hæc tria Propositionis attributa uberiorem præ se ferunt doctrinæ gratiam, fufius idcirco explananda sigillatim.

Oppositio.

XIV. **O**ppositio Contradictoria *formalis* versatur inter unam Propositionem universalem, & aliam particularem, quarum alia sit affirmativa, negativa alia: Oppositio verò Contradictoria de *Lege* datur inter 2. Propositiones, quarum simultanea veritas, & falsitas est incompatibilis. Similiter datur Oppositio Contraria *formalis* inter duas universales, & de *Lege* inter illas, quarum veritas simultanea repugnat, quanvis non simultanea falsitas. Oppositio Subcontraria datur inter duas Propositiones particulares, que in aliqua materia possunt esse simul vere, nunquam tamen simul falsæ. Cuicumque Propositioni potest assignari Contradictoria: Utrum verò cuicumque assignetur Contraria, & Subcontraria: aperiemus. Pro assignandis autem Contradictoriis, Contrariis, & Subcontrariis aliquarum Propositionum, hujusmodi Regulas appendimus: 1. *Propositio affirmativa habens reduplicationem, causalitatem, aut adverbium contradicit negativa ejusdem adverbii, causalitatis, & reduplicationis.* Non habet tamen Contrariam, nec Subcontrariam: 2. *Propositio hypothetica contradicit neganti hypotesim, & caret similiter Contraria, & Subcontraria:* 3. *Propositio copulativa contradicit disjunctiva: illias autem contraria est alia copulativa ejusdem quantitatis.* Quenam autem sit illius Subcontraria: dicemus. 4. *Propositiones numeri pluralis contradicunt, contrariantur, & subcontrariantur aliis ejusdem numeri, si distribuant per binarios: secus autem, si per unitates dummodo sint affirmativæ.* 5. *Propositio affecta signo Uterque contradicitur per Alter non, contrariatur signo Neuter, & vice versa.* 6. *Propositionibus Excluisivis, & Exceptivis assignabitur contradictoria, contraria, & subcontraria, ac subalterna secundum enigmaticum sensum harum vocum Igne, Tonans, Malos, Perdit, Caute, Cedas, Prisco, Mori.*

Equipollentia.

XV. **A**ddita, vel subtracta particula *Non*, sunt equipollentes multae Propositiones, quae aliunde opponuntur: & secundum diversam talis particulae positionem diversa resultat combinatio, quae amicum federe, posita hostilitate, conveniunt. Signa, quae, dum negatione afficiuntur, Propositiones reddunt equipollentes, his carminibus in memoriae subsidium continentur.

Non nullus non, vel non omnis, sunt aliquis non:

Non omnis non quidam est: omnis non quasi nullus:

Non nullus quidam est: sed nullus non valet omnis:

Non aliquis nullus: non quidam non valet omnis:

Non alter neuter: neuter non pollet uterque.

Hinc 3. Regulae generales deducuntur: 1. *Negatio praeposita subiecto reddit quamlibet Propositionem equipollentem suae contradietoriae*: 2. *Negatio postposita subiecto illam reddit equipollentem suae contrariae*: 3. *Praeposita, & postposita negatione, evadit propositio aequivalens suae subalternae*: 4. *Nulla datur equipollentia inter subcontrarias*. Pro assignandis equipollentibus ad copulativas notabitur, signum *Et* aequivalere huic *Non vel non*: signum *Et non* huic *Non vel*: signum *Non & non* huic *Vel*: signum *Non & huic Vel non*. In universum denique notabitur 1. *Universalem equipollere aggregato suarum partium*: 2. *Particularem equipollere disjunctioni singularium*: 3. *Indefinitam in materia necessaria equipollere universali*, secus vero si materia sit contingens.

Conversio.

XVI. **U**t bona sit Conversio, requiritur 1. *Ut totum subiectum conversa transeat in praedicatum convertentis*: 2. *Ut servetur eadem suppositio, restrictio, appellatio, status, & reliquae proprietates terminorum, excepta variatione quantitativa, requisita ad conversionem per accidens*: 3. *Ut vera convertatur in veram*: 4. *Ut utraque sit vel affirmativa, vel negativa*: 5. *Ut importet verbum tempore praesenti*. Omnia haec requisita his carminibus continentur.

Sub Pra, Pra totum Sub fiat: sensus at idem

Permaneat: vera in veram: neget utraque semper,

Aut affirmet: item praesenti tempore sumpta.

Juxta carmen supra num. XIII. appensum resolvimus 1. *Propositionem absolutam universalem negativam, & particularem affirmativam converti simpliciter*: 2. *Universalem negativam, & affirmativam converti in partem*: 3. *Particularem negativam non converti formaliter*. De Modalium conversione nil addimus, quae ad nihil aliud inserviunt, nisi ut scholasticis vociferationibus assueti aut ingenia torqueant, aut alios verbis implicant captiosis.

§. IV. De tertia mentis operatione.

XVII. **H**oc est præcipuum nostri intellectus opus; aded tamen specie veritatis illudimur, ut meritò timendum sit, an æquè, ac creditur, utile illud sit: maxima enim (c) errorum, quibus homines implicamur, pars ex eo oritur, quòd falsis principiis ratiocinationes inædificemus. Nec est, cur de Ratiociniis nostris gloriemur, cum potiùs illæ humani intellectus prodant infirmitatem; sæpissimè enim tertiam ideam in subsidium mentis vocare cogimur, ut iudicium aliquod statuatur. Et quia intellectus ex una cognitione in aliam ratiocinando progreditur, idcirco hæc ratiocinatio *Discursus* etiam appellatur, definiturque (d) *Cognitionis actus, quo intellectus unū ex alio deducit*. Illud, ex quo deducitur aliud, est *Antecedens*: quod autem deducitur, est *Consequens*. Hanc deductionem iuvexit intellectus, ut ignotum colligat ex notis, quod ut sine periculo errandi assequatur, his consecutionum Regulis imbuendus est: 1. Ex vero solum sequitur *verum*: ex *falso* autem tum *verum*, tum *falsum*: 2. Ex *necessario* solum sequitur *necessarium*: ex *contingenti* autem tum *necessarium*, tum *contingens*: 3. Ex *contingenti* non sequitur *impossibile*: ex *impossibili* autem sequitur quodlibet. Hæc omnia in hoc carmine Logici concludunt.

Nobile non humilem, dat utramque ignobile prolem.

4. Ex opposito contradictorio *consequentis* sequitur oppositum contradictorium *antecedentis*: 5. Quidquid antecedit *antecedens*, antecedit etiam *consequens*: 6. Quidquid sequitur ex *consequente*, sequitur etiam ex *antecedente*: 7. Ex quocumque sequitur *antecedens*, sequitur etiam *consequens*: 8. Ex affirmativa de subjecto infinito non sequitur negativa de subjecto finito: 9. Ex affirmativa de prædicato infinito sequitur negativa de prædicato finito, & è contra: 10. A divisis ad conjunctas valet consecutio tum in affirmativis, tum in negativis: 11. A conjunctis affirmativis valet consecutio ad affirmativas divisas. Non valet autem à negativis conjunctis ad negativas divisas, dummodo in sensu nostro proferantur.

De Argumentatione.

XVIII. **I**n hoc *Argumentatio* à *Consequentia* discriminatur, quòd hæc sit *Oratio*, in qua aliquid ex aliquo colligitur: illa autem *Oratio*, in qua unum ex alio insertur. *Argumentatio* dividitur in *perfectam*, & *imperfectam*. Imperfecta est illa, in qua ex solo antecedente colligitur consequens: illius species sunt juxta Aristotelem, *Enthymema*, *Inductio*, *Exemplum*, *Dilemma*, *Sorites*, quibus addunt Dialectici *Argumentum*.

(c) Ars cogit. P. 3. de Disc. (d) Steph. Chaur, Lex, Phil. verbo Disc.

mentum mirabile, & Prosylogisimum, quorum omnium notiones dabilimus inquirenti. Argumentatio perfecta est syllogismus, in recta forma dispositus, eui idcirco aptatur definitio ex Aristotele (e) decerpta *Argumentatio*, in qua quibusdam positis, aliud quidpiam ab his, quæ posita sunt, necessario sequitur ex eo, quod hæc sint. Seu pressius, ac dilucidius: *Argumentatio*, in qua ex duabus præmissis, & tribus terminis, diversa quadam sententia colligitur. Omnis pluribus syllogismi divisionibus, solum enim nobis sermo est de Categorico, & Simplici, in hoc duo per quam maximè consideranda sunt, *Materia* scilicet, & *Forma*: materia remota sunt termini, proxima sunt propositiones. Forma est juxta Cl. à Brix. (f) *Artificiose materia dispositio*; eaque duplex est, duplici materiæ contentiens. Forma, quæ respicit materiam remotam dicitur *Figura*; quæ verò proximam, *Modus* nuncupatur. Figura est Dispositio mediæ termini cum extremis in præmissis. Modus autem est *Apta propositionum combinatio in Syllogismo secundum earum quantitatem, & qualitatem*. Sed antequam Figuras, & Modos Syllogismorum ulterius expendamus, operæ pretium est (ne aliqua veritatis specie illudamur,) solium à tritico, & fufur à simila, id est, aptos Syllogismos ab ineptis, fucatis, & mentitis argumentationibus secernere. Hoc docent Regulæ generales in his carminibus comprehensæ.

1. Præmissis medium bene distribuatur oportet.
2. Nec post ulla sonet vox magis, ante minus.
3. Nil sequitur puris ex particularibus aptum:
4. Exque negativis nil bene colligitur.
5. Si specialis erit, nihil hinc generale sequetur:
6. Si præmissa negans, inde ferenda negans.

Prædictis Regulis cuilibet Syllogismo simplici communibus, has superadde: 1. Terminus est triplex, maior, mediûsque, minorque: 2. Nequaquam medium capiat conclusio, oportet (g).

De Figurarum numero.

XIX. **S**unt, qui 2. & 3. Figuram à Summularum albo per summum nefas expungere conentur: alii cum Cl. Zanchi (h), à Brixia (i), Purchotio (l), Chauvino (m), & communiter Recentiores, quibus præluxit Galenus, 4. addunt tribus, quibus tota res syllogistica versabatur. Nos verò nec minus, nec plus, quam oportet sapere, sed ad sobrietatem sapientes, tres tantum Figuras admittimus pro triplici mediæ termini cum extremis complicatione, quam innuunt hæc verba: *Sub, prædicque*

(e) L. 1. Prior. Analyt. c. 1. (f) Log. P. 3. n. 425. (g) Purchot. Log. P. 3. c. 3. (h) Log. P. 3. c. 3. (i) à Brix. P. 3. Log. Sect. 4. (l) Ut supra. (m) Lex. Phil.

dicque semel: bis pradic:biſque ſubactum. Hinc dignoſcitur 1. illam eſſe in 1. Figura *maïorem* præmiſſam, in qua eſt prædicatum concludiſionis; ſi Modus eſt *directus*; ſin autem ſit *indirectus*, illa eſt *maïor*, in qua eſt ſubjectum concludiſionis: 2. Illam eſſe in 2. & 3. Figura *maïorem*, in qua reperitur concludiſionis prædicatum: 3. Præmiſſas tunc eſſe tranſpoſi-tas, cùm terminus *maïorem* conſtituens, ſubjicitur in concludiſione. Præ-ter Regulas generales, omnibus Figuris communes, quælibet Figura ali-quas particulariter ſibi vendicat: prima has: 1. *Sit minor affirmans*: 2. *Nec maior particularis*: ſecunda has: 1. *Una negans præcat*: 2. *Nec maior par-ticularis*: tertiã has: 1. *Sit minor affirmans*: 2. *Concluſio particularis*.

Modi utiles ad concludendum.

XX. **S**yllogiſmus in quacumque Figura elaboratus tribus conſtat propoſitionibus, quarum cuilibet conſonans eſt aliqua ex his vocalibus A.E.I.O. Univerſalis affirmativa innuitur per literam *A*: uni-verſalis negativa per *E*: particularis affirmativa per *I*: & particularis ne-gativa per *O*. Tres ex his vocalibus diverſimodè combinatis indicant Modum, qui talibus literis afficitur, & in quo Syllogiſmus concludit, Taliter combinantur prædictæ vocales, ut efficiant 9. Modos utiles concludendo in 1. Figura, qui ſunt hujusmodi: *Barbara, Celarent, Darii, Fe-rio, Baralipton, Celantes, Dabitis, Fapeſmo, Friſeſo*, quorum primi 4. directè colligunt, & 5. poſteriores indirectè. In 2. autem Figura conſtituunt 4. Modos, ſc. *Cæſare, Cameſtres, Feſtino, Baroco*. In 3. denique hos 6. *Darapti, Felapton, Diſamis, Datiſi, Bocardo, Ferizon*. Nota, non dari Modos indirectos in 2. neque in 3. Figura.

De Reductione Syllogiſmorum.

XXI. **F**it aliquando, ut Syllogiſmi concluſio non ſit ita perſpicua, quin aliqua indigeat inſpectione, nequis, conceſſis præmiſſis, negare audeat conſequentiam: hoc ſi contigerit, inventus eſt artiſcioſus quidam modus negantem capiendi; is enim ad incitas reductus, dare co-gitur, quod immeritò negabat. Duplex eſt modus cogendi negantem, ut reſpiciat: alius dicitur *Reductio-Oſtenſiva*, ſive per *Conversionem*: alius *Reductio Reprehenſiva*, ſive *ad impoſſibile*. Ne tibi adverſarius inter tri-cas, & occaſ deprehensus evadat, illum, ut oſtenſivè reducas, his car-minibus excantabis.

S. vult ſimpliciter verti: P. verte per accid:

M. vult tranſponi: C. per impoſſibile duci.

Fit autem *Reductio ad impoſſibile*, cùm contradictorium negatæ con-cluſionis aſſumitur loco præmiſſæ, & cùm altera jam conceſſa ita apta-tur, ut legitimè inferatur contradictorium, aut ſaltem contrarium alte-rius,

rius, jam similiter concessit. Dignoscit, quem locum in omnibus Figuris nanciscitur contradictorium assumpti, qui hæc carmina probè calluerit.

Ad 1. *Maior erit minor, & sit contradictio maior.*

Excipe Celantes, in quo prævertitur ordo.

Ad 2. *Servat maiorem, variatque secunda minorem.*

Ad 3. *Tertia maiorem variat, servatque minorem.*

Ut autem faciliè dignoscatur, ad quem Modum Syllogismi perfecti revocandus sit imperfectus, ante oculos obversari debent huiusmodi dictiones, in id ipsum à Dialecticis inventæ: *Nesciebatis, Odissebam, Latære, Romanis*, quarum sensum interpretabimur postulanti. Pontem Aristotelicum silentio præterimus, ne fabulam, auribus Midæ consonam, tractare videamur.

§. V. De Methodo.

XXII. **M**ethodus, ut ipsum nomen indicat, est *Ordinata quadam ratio inquirendi veri, ipsiusque, cum inventum fuerit, explendi (n)*. An hæc nostrarum cogitationum ordinatio sit actio mentis à cæteris distincta, negat Edmundus Purchotius (o): affirmant alii; sed non est, cur his triciis implicemur. Juxta traditam definitionem duplex est Methodi species *Analytica*, & *Synthetica*. Analysis ea est methodus, qua utimur ad investigandam veritatem, aut alicujus problematis resolutionem. Analyseos instrumentum est *Definitio*, utpote quæ ab individuis ad genera, & à compositis ad simplicia ascendens, scrutandæ veritati maximè conducit. Synthesis est *Ars disponendi* cognitiones nostras, ut veritas nobis planè jam nota, aliis palam fiat, nitidèque ostendatur. Illius instrumentum est *Divisio*, quæ à simplicibus ad composita descendens, ad docendi provinciam maximè inservit. Est igitur inquit Cl. à Brix. *Analytica methodus, veluti ascensus à valle ad montem; Synthetica verò quasi à montis vertice ad inum vallis descensus; aded nempe, ut incipiat una, quo altera desinit (p)*. Utriusque methodi Regulas assertit vir Cl. quas brevitati consulentes omittimus.

XXIII. Præter hanc discendi, ac docendi methodum, aliam nobis ad studendum, ac disputandum Recentiores injungunt, quæ multum confert, ut scientia, & veritas assequatur. Methodus studendi est illa, qua studia nostra diriguntur, ut ex lucubrationibus, quam cupimus, disciplinam proprio etiam Marte ediscamus: quod ut facilius, ac felicitis consequamur, huiusmodi regulæ servandæ sunt: 1. *Illis mens exuatur opinionibus, quæ vel ex deteriorum librorum lectione, vel ex usu vivendi cum populo temerè arripuimus*: opinionibus enim vulgi rapimur in errorem,

D

errorem, nec vera cernimus (q): 2. *Seligendus est Author idoneus, in quo studiose versetur*: 3. *Non multa legenda, sed multum* (r): 4. *Ne ad ulteriora progrediamur, nisi, quæ præcedunt, plenissimè capiantur*: 5. *Quidquid studio hausimus, doctis viris conferre* (s): 6. *In tabulas referre, quidquid studio comparatur*; qui enim parcit calamo, ingenio parcit. Circa methodum disputandi multa invenies apud Cl. à Brix. (t). Omnis Scholastica disceptatio inter duos versatur: quorum unus thesım tuetur, qui propterea *Defendens* dici solet: alter eam oppugnat, nititurque convellere; unde vocatur *Opponens*. Defendentis munus est 1. *Argentem comiter excipere, ejus argumenta fideliter, & iisdem, quantum fieri potest, verbis reddere*: 2. *In forma (ut aiunt scholæ) ea concedere, quæ vera sunt, quæ dubia, distinguere; modestè autem negare, quæ veritati consentanea sibi nequaquam vidètur*. Hæc verò sunt opponentis munera 1. *Ne sanum habeat in cornu, id est, ne dolosis tuenti verbis insidietur, ut illum, veluti incautam prehendam acanthidem*: 2. *Ne audientium animos inconditis obtundat vociferationibus; ac si mons, fractis compagibus, dissolvatur, ridiculum quandoque murem editurus*: 3. *Ne à Defendente importunè postulet, ut proposita difficultati planè satisfaciatur, cum victoriam ad se inclinare senserit, ne tigridis instar alieno sanguine prolui videatur*: 4. denique *Soluta objectæ difficultatis nodo, quiescere satius est, quam ulterius niti solutionem futiliter labefactare*.

Metaphysica.

XXIV. **M**etaphysicæ nomen non ab Aristotele (u), nec ab ullo ex Veteribus Philosophis fuit usurpatū; sed ab ipsius Aristotelis interpretibus, Alexandro Aphrodisiensi, ac Joanne Philopono inventum, & ex Græca inscriptione confectum, quod latinè sonat *Scientia trans naturam, sive metam Physica transfiliens*. Est inter reliquas scientias facilè princeps: idcirco *Scientia generalis, seu Prima Philosophia* nuncupatur. Digna proinde est, quod à Logica, præmissio scilicet hucusque instrumento sciendi (¶. i. n. i.), prius tractetur. Est igitur Metaphysica *Ea Philosophiæ pars, quæ res supra corporum naturam confectas persequitur* (x). Hinc eruitur quoddam sit Metaphysicæ objectum; est enim *Eus latissimè sumptum, sive quidquid per nomen Res significatur*. Et cum res à materia secernantur vel naturâ suâ, quales sunt substantiæ spirituales; vel per mentis abstractionem, cum scilicet generatim, & quibusdam universalibus ideis concipiuntur; hinc ortum ducit illa Metaphysicæ partitio in *Ontologiam, & Pneumatologiam*, quarum

prima

(q) Cic. lib. 2. de Leg. c. 17. (r) Plin. secund. Epist. 9. (s) Tullius L. 1. de Offic. c. 32. (t) Log. P. 4. sect. 4. à h. 545. (u) Pursh. præfat. in 1. P. Met. (x) Idem Loc. cit.

prima pars in Ente, eiusque affectionibus, per mentem abstractis expendendis occupatur, nulla habita ratione, sitne *spiritus*, an *materia*: secunda verò Spiritus Attributa meditatur. Sed quia dux potissimum sunt substantiæ spirituales, quæ lumine naturæ cognosci possunt, *Deus* scilicet, & *Mens humana*; ideo *Pneumatologia* in *Psychologiam*, quæ de Anima Rationali, & in *Theologiam naturalem*, quæ de Deo agit, satis aptè dividitur.

§. VI. Ontologia.

XXV. **M** Illis possibilitatum innumerabilium problematis, quæ magis subtilia sunt, quàm utilia, & chymæram pluris nihilo facientes *Ens* tantummodò *Reale* contemplamur, cujus notissima definitio est *Id, quod non involvit repugnantiam ad realiter existendum*. Hæc non repugnantia, seu potentia ad existendum, ita convenit cuilibet enti reali, sive illud sit *Substantia*, sive *Accidens*, sive *Divinum*, sive *Creatum*, ut non officiat univocationi disparitas existendi. Potentia ad existendū cum *possibilitate* recurrit. Possibilitas alia est *Extrinfeca*, *Intrinfeca* alia: Possibilitas extrinfeca creaturarum est Omnipotentia Divina: intrinfeca est ipsa entitas rei non involventis contradictionem. Sunt (x), qui huic intrinfecæ possibilitati creaturarum aliquod esse tribuunt actuale *Actualitate essentia, quidditativum, necessarium ab æterno, indefectibile, & reale*, (y) *diminutum*: nos verò nullum aliud esse illis tribuimus, quàm Hypotheticum, quod est satis, quò de illis propositiones *æternæ* (ut inquit) *veritatis* enuntientur. Huic possibilitati, tanquam potentia, refertur *Existentia*, tanquam *actus*, quem affirmant realiter distinguī ab essentia ferè omnes Cl. Thomistæ; nos verò cum ferè omnibus Jesuitis, faciem præferente nostro Eximio (a), asserimus esse realiter cum illa identificatum.

XXVI. *Ens* præter id, quod est de illius primario conceptu, suis etiam gaudet attributis, quæ non primariam essentiam illius, sed secundariam constituunt: huiusmodi sunt *Unitas*, *Veritas*, & *Bonitas*. Noces hic mittimus; id est, parvi facimus: *Quodnam ex his attributis sit prius: An sint rigorosa proprietates Entis: Utrum ex parte actūs, an verò obiectivè præscindantur*: sed ad utiliora progredimur. *Unitas* est Entis Proprietas, illud reddens *Indivisum in se, & divisum à quovis alio*: huius attributi beneficio quodlibet *Ens*, sive sit *Genus*, sive *Species*, sive *Individuum*, dividi nequit in plura ejusdem rationis. *Veritas* reddit *Ens* conformabile cum sui cognitione vera. *Bonitas* denique ita præstat quodlibet *Ens* in suo genere perfectum, ut hoc reddatur dignum, quod ametur.

Hinc

(x) SS. Thom. (y) Chauv, Lex. Phil. (a) Metaph. D. 31. per tot.

Hinc colligitur 1. Has Entis Proprietates esse *Transcendentes*; quia Ens, quàm latè patet, comitantur: 2. Non dari *Ralsitatem*, nec *Malitiam* Transcendentem.

XXVII. Ens cõmunissimum est Genus, quod gradatim ad multas descendit species, quæ idcirco *Gratus Metaphysici* dicuntur in scholis. Hujusmodi gradus secundum arborem *Purchofianam* (b), sunt Ens, sive *Substantia Corporea*, vel *Incorporea*: *Corpus Animatum*, vel *Inanimatum*: *Vivens Sensitivum*, vel *Insensitivum*: *Animal Rationale*, vel *Irrationale*: *Homo*, *Petrus*, vel *Paulus*. Sed has Entis divisiones Logicis omittimus: quoad metaphysicũ munus attinget, Ens dividitur 1. in *Divinũ*, & *Creatum*: 2. In *Spirituale*, & *Corporeum*: 3. In *Substantialem*, & *Accidens*: 4. In *Reale*, & *Modale*: 5. In *Naturale*, & *Supernaturale*. Quælibet ex his partionibus totum exhaurit divisum. De Ente *Divino* infra, cum de *Pneumatologia*, sermo erit.

XXVIII. *Ens Creatum*, prout à *Divino* metaphysicè contradistinguitur est *Ens ab alio*, seu *res producta*, vel *potens produci dependenter*: illius ergo metaphysicum distinctivum est *Inaleitas*. Ens spirituale est illud, *Cujus ratio formalis in eo consistit, quod nullo modo sit impenetrabile*: illi è regione opponitur *Ens Corporeum*; eò quòd sit *Ens aliquo modo impenetrabile*. Hæc impenetrabilitas ad lentius examen revocabitur, ubi *physicã* corporis essentiam constituerimus. *Ens substantiale*, sive *substantia* est *Ens per se existens*; illud autem per se dicitur existere, *Quod est sui juris, & nulli alteri communicatum, cui illius actiones tribuantur*: seu pressius: *Quod est de constitutivo suppositi*. *Suppositum* latius patet, quàm *Persona*: quidquid enim est *Natura substantialis Completa*, est *suppositum*; *Persona* autem est *Rationalis natura individua substantia* (c), seu *incommunicabile subsistens*, ut explicat noster Cl. Valsques (d). *Forma* reddens naturam *subsistentem* consistit in ipsa natura, non existente in alio digniori, cui referantur ipsius nature operationes: nec aliud realiter distinctum requiritur, ut verum sit *Verbum Divinum assumpsisse humanitatem, non verò hominem*.

XXIX. Sicut *substantia* est *Ens per se existens*, ita *Accidens*, illi oppositum, est *Ens existens in alio*: unde sicut *Perseitas* est differentia substantiæ, ita *Inaleitas* est *Accidentis*: idem enim forat, atque *ad aliud cadens* (e). Multa sunt *Accidentium* species, quæ per scholarum pulverem passim volitant; illas omittimus; ne propter exiguum alimentum ut inquebat *Aristo* (f), plurimas *Cancrorum* cruistas evisceremus. Per id tamen haud inficiamur dari *Accidentia physica*, realiter à substantiis distincta,

(b) A. Brix. Log. P. 1. n. 67. (c) Boet. lib. de Nat. & Pers. c. 3. (d) In 1. P. Div. Thom. Dist. 126. (e) Chauv. Leg. phil. (f) A. ad Stoicorum Sermon. 82.

distincta, ut immerito negant heteroclitici Recentiores: quæ autem à nobis admittantur, ubi fors tulerit, aperiemus. *Eas reale est illud, quod vel ab alio (nisi à Deo) non dependet, ut existat, vel si dependat, absolute potest existere sine actuali dependentia.* His modale à contrario sensu describendum est. Denique *His naturalis est illud, Quod intra vires naturæ continetur: Supernaturales, quod superat. Illius vires. Natura Logica sumpta, est idem atque Essentia: Physicæ, est Principium, & causa motus, & quietis ejus, in quo est, primo, & per se. Metaphysicæ est Substantia, prout est radix subsistentia: Theologicæ, est juxta D. Thomam (g) Substantia realis creata, & creabilis. His supernaturale secundum conceptum absolutum est (h) *Eius Ordinis Divini, & secundum respectum est illud, Quod in aliquibus saltem circumstantiis est indebitum naturæ.**

§. VII. Pneumatologia.

XXX. **A**ltera Metaphysicæ pars Pneumatologiam, sive doctrinam de Spiritibus amplectitur, quorum natura satis percipi nequit in via, eoque in plures adducit errores, quò minus ingeniorum obviat obtutibus. Communiter RR. essentiam Spiritus collocant in eo, quòd sit *Substantia Cogitans* (i): sed quanvis nullus Spiritus, qui non cogitet, agnoscat, non est propterea primarius illius conceptus in cogitatione locandus (n. XXVIII). Spiritus in tres classes dividitur, aut enim est *Deus*, aut *Angelus*, aut *Anima Rationalis*. Cum igitur in rerum creatarum contemplatione non ita silesce debeat, ut quæ ad supremum Factorem spectant, ignoremus, prius (quantum philosophici est instituti) Dei Existentiam, & Attributa contemplabimur, quorum hoc loci Theologia naturalis meminisse solet.

De Existentia Dei.

XXXI. **I**mpie statuit Hobbesius, (i) quòd non potius describatur Deus, quam per id, quòd non possit concipi; nullam enim ideam de Deo nos cudere posse effutiebatur. Lubens fateor. Deum non posse adequate cognosci, sive comprehendere; certum tamen est, sufficenter à nobis cognosci, ut illius existentia indubiis rationibus evincatur. Existentiam Dei non abstinili impietate negavit Benedictus (nomine tantum) Spinoza (m), cui facie prætulit, seu potius tenebras offudit Epicurus (n). Sed infania ista paucorum est, inquit D. Augustinus (o). Plures sunt

(g) Prim. 2. Q. 10. art. 1. §. Respond. (h) Munnies. de Attrib. D. 18. sect. 8. (i) Ars dirig. ment. Tract. 2. de Pneum. sect. 1. c. 2. Zanch. P. 2. Met. Disp. 2. sect. 1. cap. 1. Cartes. P. 1. Princ. n. 33. (l) Ars dirig. ment. Tr. 2. sect. 2. c. 1. (m) Sext. Empiric. lib. 1. adv. Mathem. (n) Cic. de nat. Deor. c. 23. (o) Serm. 49. in Mat.

sunt *Polythei*, qui pluralitate Deorum terris invexerunt. Ex hoc avernali fonte scaturivit *Idololatria*; cujus primus, sive auctor, sive cultor fuisse videtur Belus, qui *avervo luctu dolens pater cito sibi rapti filii fecit imaginem; & illum, tanquam Deum, colere cepit.* Sapient. c. 14. v. 15. (p). Contra hoc debacchantium pecus Dico 1. *Datur Deus*: 2. *Existentia Dei est evidenter demonstrabilis*: 3. *Eadem demonstratione probatur unitas Dei*: 4. *Ex idea clara Entis Perfectissimi* (q) *nobis per se hac Propositione, Deus est, innotescit.*

De Attributis Dei.

XXXII. **S** Imonidem rogavit Hiero, Syracusarum Rex: *Quid, aut quale sit Deus*: Cui ille diem sibi, deliberandi causa, postulavit: & absoluto, biduum petivit; postea duplicatum dierum numerum: cur ita quaesivit Hiero; *quia, quanto (inquit) diutius considero, tanto mihi res videtur obscurior* (r). Merito quidem: quod enim facilius est, quod sit Deus, eò difficilius est, quid sit, ostendere. Theologis ergo accuratorem hujusce rei indaginem relinquimus: praecipua tantum, & quidem quoad licet Philosophis, Attributa Dei paucis explorabimus. Per vocem *Deus* intelligitur *Ens omni perfectionum genere cumulatissimum*. Realem in Deo compositionem finxerunt omnes illi, qui Deum, corporeum esse dixerunt; propterea *Antropomorpha* appellati. Hujus furfuris erant Sadducei, Stoici, Epicuræi, & ex Christianis Manichæi, & Monachi quidam Aegyptii. Contra omnes Orthodoxa Fides inclamat: *Deus est purus spiritus, realisque compositionis penitus expertus* (s). Ex simplicitate oritur *Immutabilitas, Infinitas, & Aeternitas*: circa quæ Dico 1. *Deus est omnino immutabilis* (t). 2. *Deus est in omni perfectionum genere simpliciter infinitus*. 3. *Aeternitas à parte antea ita est propria solius Dei, ut nulla creatura potuerit esse ab aeterno*. Circa Immenstatem Dei non minus patiuntur delirium Sociniani blasphemantes, Deum esse ubique per operationem, non verò per substantiam. Nos autem fatemur Deum esse ubique per Scientiam, Potentiam, & Essentiam; cum sit *Omni-sciens, Omnipotens, & Immen-sus*.

XXXIII. Non minori commendatione probatur *Providentia Dei*, si quis ad interiora animi sui colligatur penetralia: nam necessitate aliqua copulsi (inquit Nemesius) statim ad Numen Divinum, & preces confugimus; velut natura nos sine doctrina ad Dei opem perducente: Huic naturæ testimonio detraxerunt Heraclitus, Democritus, & Epicurus, opinantes, *neque universis, neque singulis à Deo provideri* (u). Deus ergo neglectis,

(p) Vide Cornel. A Lapide adhunc locum. (q) Cart. Medit. 3. Metaph. (r) Cic. lib. 1. de nat. Deor. (s) Joan. 4. Luc. 24. (t) Psalm. 101. Machab. 3. (u) Nemes. lib. de nat. homin. c. 44. tom. 8. Bibliot. PP.

neglectis, (irreligiosè blaterant) quæ exigui sunt momenti, præstantissima quæque gubernat, suæque solius providentiâ regit; quandoquidem non vacat exiguis rebus adesse Jovem. Sed omittamus poetica recensere figmenta, seria referamus: *Mundus universus, & quæque in eo sunt, quantumvis minuta, ac vilia ea sint, Divina Providentiâ subsiciuntur, & ad suos fines, quos Deus ipse novit, ordinantur.* Nec deest ipsi Deo ad optinè providendum *Creatoris* attributum, quod est illi adeò peculiare, ut implicet creatura *principaliter creans*. Deus igitur, per quem omnia facta sunt, & sine quo factum est nihil (x) ad omnes, & singulas generationes, tanquam *Causa Prima* concurrit. Hinc fit, ut omnes creaturæ depēdeant immediatè à Deo, non solum ad efficiendum, sed etiam ad operandum. Deus tamen ita concurrit cum creaturis, ut ab his determinetur *quoad speciem*, & illas *quoad individuum* determinet. Determinat (inquam); sed non *prædeterminat physicè*.

De Angelis.

XXXIV. *Angelus* est nomen officii potius, quàm nature; est enim idem, ac *Nuntius*, seu *Messius*. Definiri solet, *Substantia Spiritualis contingens, & completa* (y). Tria solent à Metaphysicis inquiri circa Angelos: *An sint. Quales sint. Et quot sint.* Existentia Angelorum nobis per fidem D. innotescit (z). Nec desunt rationes naturales, per quas fit argumentum moraliter certum ad eandem veritatem comprobendam: certè Chaldaei, Assyrii, Persæ, & Ægyptii, ex quibus omnis sapientiæ fons promanavit, *Angelorum*, vel ut ipsi loquuntur, *Geniorum* meminere (a). Circa Angelorum *qualitatem*, Dico 1. *Sunt spiritus*. 2. *Sunt ab intrinseco incorruptibiles*. 3. *Sunt in loco definitivè*. 4. *Potent intellectu, & voluntate*. 5. *Absque speciali Dei revelatione, non certò, cognoscunt arcana cordium*. Quomodo ergo inter se colloquantur, & hominum preces, ac vota possint audire? His providentissimus Anthor consuluit. De Angelorum numero nihil certum, imò nec probabile à nobis definiiri potest: solus potest illos recensere, qui condidit. Probabile tamen est Angelos esse specie diversos inter se (b): sed improbabile mihi est, *Angelos ita esse diversæ speciei, ut duo non possint esse ejusdem*: scut plerique Sapientissimorum docent Thomistarum. Angeli ratione dignitatum, & officiorum dividi solent in 3. Hierarchias, & quælibet in 3. choros. Reliqua Theologis amandamus.

De

(x) Joan. c. 1. (y) Lerm. Met. part. tom. 2. (z) Tob. c. 12. Luc. 1. & 2. Ebr. 1. & ceter. (a) Stanley. Hist. Phil. Orient. (b) D. Thom. Mag. Sear. D. 1. de Angel. c. 12.

De Anima Rationali.

XXXV. **P** Neumatologiâ ad umbilicum perductâ, supremam illius partem, *Psychologiam* scilicet, aggredimur; cum nempe Metaphysicâ partem, in qua propè Divina illius substantiæ, per quam vivimus, natura inquiritur, mira vis ostenditur, & immortalitas asseritur. Nihil fortasse est in tota Philosophia, quod in plures, quàm Anima Rationalis, errores Philosophorum protulerit ingenia. Dicaarchus, sermone Corinthi habito, Pherecratem lenem (nomen, ut suspicor, inane) dilferentem inducit, & Animas de medio tollentem (c). Thales Milesius Animam censuit esse *Naturam irrequietam, & sua vi citabilem*. Pythagoras *Numerum se ipsum cientem*. Democritus *Ignitum quoddam ex naturis concretum*. Epicurus *Temperamentum ex quatuor, sc. ex quali igneo, ex quali aqueo, ex quali spirabili, & ex quarto quodam innominato, quod ipsum sensibile est*. Heraclitus *Expirationem eorum, quæ in mundo sunt humidorum*: ita penè ad verbum Plutarchus (d). Empedocles, & post illum Hobbesius Anglus, & maledictus Spinosa, Animam dicunt esse *Cor, di suffusum sanguinem* (e). Illius *materialismum* defendere conatur idem Hobbesius. In hoc etiam turpiter erravit Tertullianus, sororis in somnio stultè credulus (f). Rursus Pythagoras non in sanio rem, sed in sanio rem sententiam perductus, *Metempsychosim* commentus est, transmigrationem se. Animarum ex uno in aliud corpus, sive humanum illud sit, sive belluinum, ac de se ipso Panthoidem antea fuisse testatur (g). Potius diceret, se, dum talia somniavit, in stolidam descivisse belluam. Euripides censuit, aut censere finxit Animam Rationalem esse *Particulam, ex ipsa Dei substantia avulsam* (h). Idem erroris anathema perstrinxit Manicheos, & Priscillianistas (i). Plato Animas Rationales non ex substantia Dei decerpit, sed ex anima *universi* decerptas esse divinavit: hinc Macrobius Mundi animam ex Platonis mente *animarum omnium fontem* appellat (k). Alius Tertulliani, & Apollinaris error fuit, quod Animæ humanæ ex parentibus in filios per traducem propagarentur. Wolfius, Leibnitiuni secutus, contendit (m), omnes, & singulas animas, quæ fuerunt, sunt, & erunt, suis inclusas corpusculis extitisse in Evæ, primæ Matris, ovario. Sed tot errores, ac mædacia referre desinamus, ad veritatē progrediamur.

XXXVI. Prefati errores, & siqui sunt alii, in duos scopulos impingunt; aut enim Animæ Rationalis *Essentiam*, aut *Originem* labefactare contendunt. Circa illius *Essentiam* Dico 1. *Certissimum est, dari in nobis Animam*

(c) Cic. l. 1. QQ. Tuscul. c. 10. (d) Lib. 4. de placit. Phil. c. 2. & 3. (e) Cic. lib. 1. QQ. Tuscul. (f) A. Brix Met. P. 2. post n. 56. (g) Metamor. lib. 15. v. 160. (h) Cic. de nat. Deor. c. 11. (i) Hieron. Ep. inter Augustin. 169. (j) L. 1. in somnium Scipionis. (m) Psych. ration. §. 704.

Animam Rationalem: 2. Est quid diversū ab ea tenuissima, maximeque mobili, ac vivida substantia, qua ex sanguine puriori elaboratur in cerebro: 3. Non est substantia divisibilis in partes integrales. 4. Est substantia spiritalis: 5. Est intrinsecus incorruptibilis: 6. Est naturā suā immortalis. Circa Originem Mentis humanæ Dico 1. Non est particula Divina substantia, corpori organico copulata (n): 2. Non est particula anima universalis: 3. Non propagatur per traducem ex parentibus in filios: 4. Anima Rationales non sunt omnes initio temporis à Deo conditæ; sed sunt pro corporum, quibus infunduntur, multitudine singulariter multiplicabiles, multiplicatæ, & multiplicandæ (o). De Potentiis Animæ Rationalis sermo erit infra secunda Parte Physicæ particularis ad calcem.

De mutuo cōmercio inter Animam Rationalem, & Corpus.

XXXVII. **N**ULLUS suppetit nobis ambigendi locus, quod Anima Rationalis talis sit naturæ, ut ad materiam referatur essentialiter, tanquam illius *Forma* (p) (q): ex quo ortum duxit error opinantium, illam esse corpoream; capere siquidem nequibant, aut non capere dissimulabant; quomodo ex partibus, summè heterogeneis unum per se totum coalescat? Verum quidem est, latere neminem, quod *modus*, quo corporibus adherent *Spiritus*, & *animalia sunt*, omnino mirus est, nec comprehendi ab homine potest (r): misso tamen hoc *Modo*, quo mens corpori innectitur, cōmercium duntaxat, quod ratione illius ineffabilis unionis inter utraq; hanc adeò dissimilē substantiā habetur, exponemus.

XXXVIII. **A**D hoc mutuum cōmercium explicandum duo systemata absurdissima (verbo absit invidia) aliqui RR. invenerunt, alterum *causarum occasionalium*; alterum *Harmonia præstabilita*. Post Cartesium Nicolaus Malebranchius in Tractatu de *Inquir. verit.* falsitatem ostēdit, qua per causas occasionales mutuum illud cōmercium substruxit: cuius falsitatis hæc est summa. Solus Deus est causa efficiens idearum Animæ, & motuum corporis; quatenus ipse solus modificat corpus in gratiam Animæ, & vicissim; seu quatenus hanc sibi legē constituit, ut certis positis mutationibus in corpore, certas excitaret rerum ideas in mente, & è contra (s).

XXXIX. Aliam viam durioribus stratam sētibus Leibnitijs aperuit, quam Wolfius arripuit. *Harmoniam*, ingenuis dissonā auribus præstabilierunt, id est, *seriem perceptionum, atque appetitionum in anima, & se-*

S

riam

(n) Conc. Brac. 1. c. 5. (o) Concil. Lat. 5. sub Leon. X. sess. 8. (p) Concil. Vien. sub Clem. V. (q) Clement. de dum. Trinit. & Fid. Cathol. Quisquis deinceps asserere, defendere, seu tenere pertinaciter præsumperit, quod Anima Rationalis, seu intellectiva, non sit Forma corporis humani per se, & essentialiter, tanquam hæreticus sit censendus. (r) S. Aug. lib. 2. de Civit. Dei. c. 10. (s) Lib. 4. de inquir. verit. P. 2. c. 3.

riem motuum in corpore, qua per naturam animæ, & corporis harmonica sunt, seu consentiunt (t). In hac sententia Mens humana est *Automaton*, seu *Machina Spiritualis*, & corpus *Automaton materiale*, quorum motus Deus ita ad numeros digessit, ut motû Animâ, moveatur corpus, & vice verâ. Plura sunt in utraque sententiâ digna potius, quod refellantur, quam ut referantur; quibus omisiss; Dico cum Cl. à Brixia (u) contra Occasionalistas: *Systema Causarum Occasionalium malè explicat cōmerciū Animam inter, & corpus: 1. Quia est prorsus indignum Philosopho: 2. Quia tollit ab Anima virtutem activam: 3. Quia nititur fundamento, quod intimo sensui adversatur: 4. Quia evertit libertatē creatâ.* Dico etiam cōtra Harmonistas: *Systema harmonia præstabilita neque ab ingenio Philosopho, neque à viro Catholico potest sine piaculo propugnari.* Quod attinet ad statû separationis Animæ à corpore, hæc pauca subjicimus: 1. *Anima Rationalis ita est forma corporis, ut ab illo nō dependeat ad existendū. 2. De factō post mortē hominis existit separata à corpore: 3. Status hic non est illi propriè violentus: 4. Adhuc separata à corpore suas elicit cognitiones, & volitiones.*

Appendix ad Metaphysicam.

De Ætiologia.

XL. **A** Ttributum *Causa* aded est transcendente, ut rebus tum spiritualibus, tum corporeis conveniat: ac proinde inter *Entis* attributa recensendum. Spectat igitur ad *Metaphysicū* causarum contemplatio. Causa in cōmuni definitur, *Principium influens esse in aliud (x).* *Causa dividitur in 1. & 2. in Liberam, & Necessariam: in Naturalem, & Supernaturalem: in Univocam, & Æquivocam: in Intrinsecam, & Extrinsecam: in Physicam, & Moralem, & cæt.* quarum notiones dabimûs inquiringenti. Aristotelis fuit opinio, omnium deinde scholasticorum firmata consensu, quatuor esse causarum genera, *Materialis* sc. *Formalis*, *Efficientis*, & *Finalis*. His quintam addit Plato (y), quam dicit *Exemplar*, sive *Ideam*, quam Agens ratione præditum intuetur, antequam extemum opus molliatur. Singulas causarum species observemus.

XLI. Materia triplex vulgò distinguitur, scilicet *Ex qua, Circa quâ, & In qua:* hæc tamen distinctio non est divisio generis in species: sed rei ejusdem penes diversa consideratæ. Sic Materia prima est causa materialis, *ex qua* fit compositum; *in qua* recipitur Forma; & *circa quam* agens occupatur. Aristotelicam causæ Materialis amplectimur definitionem: *Id, ex quo inexistente fit aliquid (z).* Ad causandum materialiter requiritur

(t) V. Volsius *Psycholog. Ration.* nuper Veronæ edita. (u) *Met.* P. 2. à n. 155. (x) *Mag. Suar. Met.* D. 12. sect. 2. (y) *Apud Sen. Epist.* 66. (z) 2. *Physic.* text. 88.

quiritur logicè *Existentia*, *Prioritas*, & *Indistantia*. Acris inter Peripateticos exorta est controversia: *In quo se consistat causalitas causa materialis in actu* 2: quæ alio nomine *Passio*, sive *Actio eductiva* nuncupatur à Modalistis, qui illam à Materia, & Forma, tanquam modum à realitatibus distinguunt. Nos verò hujusmodi inanem entitatem eliminamus. Triplex potentia distinguenda est in causa materiali, scilicet *Compositio- nis*, *Informationis*, & *Eductionis*.

XLII. Causa Formalis est quæcumque forma, sive *Substantialis*, sive *Accidental*, quæ subjecto applicata illi tribuit aliquam denominationem. Formam educi *ex potentia materia*, sive subjecti, nihil est aliud, quàm illam ita fieri, ut necessariò, saltem viribus naturæ, opus sit subjecto, in quo ipsa producat, & conservetur. Causa Formalis alia est *Intrinsæca*, alia *Extrinsæca*: *Intrinsæca* est, quæ per intimam sui præsentiam ad subjectum, in hoc præstat suum effectum: *Extrinsæca* autem non indiget intimam præsentiam; sed extrinsecè applicata aliquam præstat denominationem. Hoc modo *cognitio* est causa formalis *intrinsæca concretæ cognoscens*; & *extrinsæca potentie*.

XLIII. Principem inter causas locum tenet *Efficiens*: definitur, *Primum principium, à quo mutatio, & motus*. Proprius illius character est particula à quo; sicut *propter quod* est causæ Finalis; *ad quod* Exemplaris; *ex quo* Materialis; & *quo* Formalis. Præter multiplicem causæ divisionem, quam supra dabamus (num. XL.) alias Efficientis omittimus, eas in præsentiarum, si tulerit occasio, reddituri. Sicut inter veteres fuerunt nonnulli, qui Deum nihil efficere, nihil de rerum natura sollicitum esse finxerunt; sed egregium illud *Causa prima, primi Motoris, primi rerum principii* nomen Fato, Fortunæ, Calui, tribuendum esse somniarunt (a): ita Cartesius hanc injuriam, impiè Deo irrogatam avertere contendit, solum Deum asserens esse Causam Efficientem; creaturas verò esse duntaxat causas occasionales, quæ re ipsa nihil efficiant (b). Sed incidit in Scyllam, cupiens vitare Charybdim. Dico igitur 1. Contra delirum senium Epicuri: *De fide est dari causam primam Efficientem*. Dico 2. Contra neteorisimum Cartesii: *Causæ secunda verè agunt, & sunt aliarum rerum effectrices*. Ut hujusmodi causæ aliquid efficiant, multa requiruntur, aliqua *physicè*, aliqua *logicè*, quæ interroganti aperientur.

XLIV. Ad pleniorē Causæ Efficientis notionem, hæc pro veris usurpanda sunt axiomata. 1. *Nullus effectus potest suam adequatam causam efficientem in perfectione superare*. 2. *Causa necessaria agit, quantum potest*. 3. *Ad causandum efficienter sufficit prioritas naturæ*. 4. *Remotio impediendi inausferibilis constituit causam in actu 1. proximo ad effectum*. 5. *Potentia causa creata agere nequit, quin sit determinata*. 6. *Datur*

(a) Epic. apud Cic. lib. 1. de Finib. (b) Zanchi P. 1. Met. Dissert. 2. c. 4.

tur in creaturis virtus obedientialis ad efficiendum omnes, & quoscunque effectus, in quibus non detur aliena specialis repugnantia.

XLV. Omisissis aliquibus *Finis* acceptionibus, quæ non veniunt ad rem, *Causam Finalem* scrutamur. Definitur *Id*, propter quod aliquid fit. Illam negare videtur Epicurus apud Lactantium (c), cui suspicor accedere Cartesium (d); imo hujus discipulus Antonius Le Grand (e) palam dicit: *Nullus est usus causa finalis*. Hæc sententia vera mihi est, si loquatur de rebus inanimatis: certissimum tamen creaturas rationis composites operari propter *Finem*. Constitutivum Causæ Finalis est bonitas, vel malitas objecti in esse cogniti: cognitio tamen solum est conditio Logica. Duplex est effectus Causæ Finalis, alius *Intrinsicus*, *Extrinsicus* alius. Effectus intrinsicus nec divinitus pendere potest à duplici *Fine totali*. Causalitas *Finis* est indistincta ab effectu.

De Natura, & Arte.

XLVI. C Elebris est inter alias Causæ Efficientis divisio in *Naturalē*, & *Artificialem*. *Natura* sumitur in præsentī pro *causa*, & principio quodam earum sensibilibus mutationū, & motuum, qui constantī lege in mundo contingunt, & à rebus ultro effunduntur (f). A sensu contrario sumitur *Ars* pro principio extrinseco dirigente ad opus ali- quod externum. Conveniunt *Natura*, & *Ars* 1. in eo, quod utraque à simplicioribus ad cōposita, ab imperfectioribus ad perfectiora progrediatur: 2. Quod utraque nihil efficiat, nisi ex præsupposito subjecto: 3. Quod utraque propter defectibilitatem causarum à termino intento deviet aliquando. Differunt autem in eo: 1. quod *Natura* efficiat unum per se; *Ars* verò unum per Accidens: 2. quod opus Naturæ habeat vim producendi sibi simile; non verò opus Artis: 3. quod *Natura* sit principium intrinsecum; *Ars* verò extrinsecum.

XLVII. Inter causas artificiales principem locū habet *Magia*, quæ licet apud vulgus malè audiat, & pro cōmissis ope Dæmonum præstigiis habeatur; honorificum tamen fuit apud Veteres *Magi* vocabulum, idemque sonans, quod apud Hebræos *Propheta*; apud Græcos *Philosophus*; apud Latinos *Sapiens*. Dividitur *Magia* in *Naturalem*, sive *albam*, & in *Diabolicam*, sive *nigram*. *Magia* naturalis est, *Ars vi humana quadam mira, & insolita efficiens, quorum ratio communem hominum captum superat*: diabolica autē est, *Facultas, qua vi pacti, cum dæmonibus initi, mira quadā efficiuntur* (g). *Magia* naturalis iterum dividitur in *Divinatricem*, & *Electricam*: ad primam pertinet *Algebra* tam vulgaris, quàm speciosa, *Astrologia*, *Physiognomia*, & *Chiromantia*: ad secundam spectat *Cryptographia*, & *Pyrotechnia*, de quibus noster Schottus (h).

PARS.

(c) Lib. 3. de fals. Sap. c. 17. (d) P. prima Princ. n. 28. (e) P. 4. Phys. Gen. art. 25. (f) Zanich Met. P. 1. Dissert. c. 4. (g) Delrio lib. 1. Dissquis. magic. c. 2. (h) Phys. Cur.

PARS SECUNDA.

Philosophia Naturalis.

§. I. Quid sit Physica, & quodnam illius objectum?

PHYSIKA, five alio nomine *Physiologia* est *Pars Philosophiæ*, quæ circa corpus naturale, quatenus naturale est, occupatur. Unde liquet, quale sit illius objectum; quanvis enim non sit unus apud omnes sensus illius Synecthegorematis. *quatenus naturale*; nos asserimus, *objectum materiale Physices esse corpus naturale*; quia illius considerationi subicitur: & quoniam per particulam *Quatenus*, *Prout*, & cæt. exprimitur modus, quo objectum materiale ab aliâ qua attingitur disciplina, dicimus, per vocem *Quatenus naturale* significari illius *objectum formale*. Corpus naturale accipimus cum Le Monnier (a), & Purchotio (b), pro *rerum corporearum universitate*. Corpus in hac universitate versatum ad tres Classes, Physici personam acturi, revocabimus: illud enim contemplabimur vel secundum *suam essentiam*, vel secundum *Principia intrinseca*, vel secundum illius *affectiones*.

II. Quoad *essentiam physicam* corporis attinet, illam cum Mathematicâ Cartesius confundit (c): nec mirum, quod Physicum agens *essentiam* corporis physicam in trina dimensione constitueret, qui geometricas opiniones ad Physicam transferbat: sed hoc per me licet. Quia tamen doctrinæ consequentiâ tenetur Cartesius asserere *Mundum esse infinitum, vel infinitos esse Mundos, Vacuum esse impossibile*; ideo trinam geometricam dimensionem ab *essentia corporis physica* rejicio; asseroque cum nostro Cl. Zanchi, (d) *Essentiam Corporis physici in eo consistere, quod sit substantia exigens extensionem impenetrabilem*.

III. Hanc extensionem impenetrabilem accipimus pro *Impenetrabilitate formali*, quam (non immerito) cum *soliditate* synonymè usurpat Muschenbroek (e). Formalis impenetrabilitas, five *Quantitas* est illud attributum, quo corpus alteri cuicumque resistit, ne simul cum ipso in eodem loco existat: seu pressius est *Naturalis impenetrabilitas corporum*, seu *Forma reddens corpus naturaliter impenetrabile*. Utrum autem hæc forma sit realiter distincta à Materia 1. (quam indiscriminatim pro Corpore usurpamus) acerrima est dissertatio inter rigido-Peripateticos,

E

ticos,

(a) Phys. tom. 3. (b) Prolus. in Phys. (c) d. P. Princip. n. 4. (d) Phys. Gen. P. ult. Dissert. l. c. 1. (e) Elem. Phys. n. 30.

ticos, & Recentiores: qualis autem noster sit sensus, sequentibus aperimus. 1. *Stando sola, & pura ratione naturali, non est ratio convincens, Quantitatem esse accidens realiter distinctum à Materia prima: 2. Opinio asserens Quantitatem esse realiter indistinctam à corpore non est hæretica: 3. Probabile est Quantitatem non esse accidens distinctum à Materia.*

IV. Impenetrabilitatem spontè sequitur Magnitudo, sive Extensio, quæ est *modus*, sive mensura substantiæ: ex eo enim quod partes corporis nequeant penetrari, juxta se mutuò constitutæ extensionem efficiunt, cujus mensura indicat, *quantum sit corpus*. Et hinc colligitur Magnitudinem non esse accidens physicum realiter, nec modaliter distinctum à corpore. Divisibilitatem parturit Magnitudo; sicut enim *Extensum* ex pluribus partibus coalescit, ita in plures secari potest: sed qui hujusmodi partes evolvere contenderit, in eam Naturæ caliginem incurret, quam nulla hucusque Philosophorum lumina discussissent. Incertum enim verò adhuc est post longa, pertinaciæque ingeniorum certamina: *Utrum continuum, seu corpus aliquod extensum, sit in infinitum divisibile: An illius divisio certos habeat terminos, ultra quos dividi nequeat.* Hinc Aristotelici, illinc Epicuræi cum Zenone acriter dimicant. Aristotelicos urgent Zenonistæ tum rationibus, tum demonstrationibus, ex quadrante circuli *AcD*, (Fig. 1. Tab. 1.) petitis, & ex lineis *Bb. Dd*, (Fig. 67. Tab. 3.) Acrius illos urgent Aristotelici tum ex diagonali *AC*, incommensurabili (*f*) cum lateribus quadrati *AB. DC*. (Fig. 2.); tum ex Cubis (in eadem Fig.); tum ex secantibus diagonalem *AC*. (Fig. 3.); tum ex lineis ductis à centro *a*. (Fig. 4.) duobus circulis *AE. BF*, communi; tum ex Isoscele *ABD*. (Fig. 6.); tum ex pluribus aliis demonstrationibus apud Edmundum Purchot. (*g*), & passim. Nos igitur fideliori rem trutinâ perpendentes, ne ad similes adigamur incitas, ignorantiam nostram palam fatemur; dicimusque cum à Brix. Zanchi, & Purchot. *Continuum esse in indefinitum divisibile*; ac denique cum *D. Aug.* concludimus: *Si obscura sunt aliqua, & incerta, quæ comprehendere non valemus; clarum saltem, certumque nobis sit, non esse querenda* (*h*).

§. II. De Principiis intrinsicis corporis naturalis.

V. **N**ulla fortasse est in tota Philosophia dissertatio, in qua plus hominum dissentiant ingenia, quam in assignandis corporis naturalis Principiis intrinsicis. Conveniunt omnes in eo, quod in quolibet corpore detur aliquid secundum se prorsus iners, indifferens, ac determinabile, quod *Materiam* dicunt; & aliquid, à quo ipsa Materia determinatur

(*f*) Ultim. Prop. lib. 10. Euclid. (*g*) P. 1. Phys. Gen. sect. 4. c. 1. (*h*) Lib. de Cur. præ mort. c. 17.

terminatur ad certam aliquam sensibilitatem, quod *Forma* nuncupatur; in explicanda autem Physica utriusque Principii natura, mirè disconveniunt; tot enim pene sunt systemata, quot capita. Parmenides, & Melissus unum tantum Principium admittebant; Parmenides quidem finitum, Melissus autem infinitum; quos merito capit Aristoteles, *Contentiosos, & importune litigantes* (i). Pithagoræi res omnes ex materia sive subiecto, & ex numeris constare docebant apud Aristotelem (f): hoc aliquam veritatis umbram præ se fert, si cum Sapientis dicto conferatur, Deum scilicet *Omnia in mensura, & numero, & pondere disposuisse* (m). Plato visus est nonnullis asserere corpora constare ex materia, secundum *ideas* quasdam disposita; hoc est, secundum *archetypos tam extra Deum, quam extra res ipsas, per se ab aeterno subsistentes*; credibile tamen non est (inquit Purchot.) tantum Philosophum tam infulsæ opinionis auctorem fuisse (n). Anaxagoras *Panspermiam*, seu ut Lucretius vocat (o) *Homæomeriam*, pro Principio corporis naturalis induxit. Thales sensit esse aquam: Anaximenes aerem: Heraclitus Ephesius ignem. Sed his omissis, tria præcipuè systemata, vel ex pluribus antiquorum decerpta, vel à suis propugnatoribus inventa, supersunt explicanda.

VI. Petrus Gassendus famâ notus trium Philosophorum Leucippi, Democriti, & Epicuri Systemata collegit (p), & ab erroribus, quorum causâ apud Orthodoxos malè audiebant, expurgavit, quem secuti sunt Emmanuel Maignan, & ejus discipulus Saguens, Casimirus, Tosca, & alij. Deum initio temporum minimas atomos produxisse refert, ex quibus, interjecto vacuo, colligatis moleculæ quædam coalescunt, quæ per diversam Atomorû texturam specie invicem distinguuntur, quemadmodum ex diversis Alphabeti literis diversa prodeunt verba. Innumeras propterea in his Atomis distinguit figuras; alias enim dicit esse rotundas, alias quadratas, cubicas, triangulares, cylindricas, quasdam ramosas, quasdam hamulis, & uncinulis armatas, & cæt. Hinc omnis distinctio, & varietas mixtorum profluit (juxta hoc systema) ex motu, figura, situ, variaeque Atomorum combinatione. Pluribus immoratur hic P. Ferrari. (q).

VII. Principia hujusmodi Cartesius etiam complexus est; licet in pluribus à Gassendo dissentiat. Deum produxisse refert (r) massam chaoticam, ex qua mundus hic aspectabilis componitur: illamque divisisse in exiguas figuræ cubicæ partes, quibus duplicem motum Summus Author impressit, alium cuilibet parti proprium, & alium pluribus communem

(i) L. 1. Phys. init. (f) L. E. Met. c. 6. (m) Sap. c. 11. v. 21. (n) P. 1. Phys. Gen. sect. 2. c. 1. (o) L. 1. v. 830. (p) 323. r. Phys. l. 3. (q) Tom. 2. Q. 2. à pag. mihi 35. (r) P. 2. Princip. à n. 46. & c. 6. de lum.

communionem, quo circa commune aliquod centrum gyrentur. Horum motuum beneficio dictæ particulae antea uniformes, abrafis angulis, red-
ditæ sunt inæqualis molis, & figure: Primo fcilicet motu, attritis parti-
cularum angulis, derafâ fuit fcopis tenuiffima, deciditque pulvis fubtiliffi-
mus, quem *Materiam Subtilem* vocat. Particulæ fuperfiftites hac rafione
evafuerunt aliæ globofæ, & aliæ ramofæ. Et hic triplex Corpusculorum
ftatus triplex conftituit *Elementum*, quod eft Principium omnium mix-
torum naturalium: fubtilior nempe materia, & illius maffæ fimila, cor-
pora lucida, folem fcilicet, ac ftellas conftituit: globuli materiæ fub-
tili circumfufi corpus illud diaphanum, quod *Cælum* dicimus, compo-
nunt: tandem craffiores illæ tertii Elementi partes à fubtilioribus, inftar
fpumæ, extrufæ corpora opaca efficiunt, fcilicet Planetas, terram, ar-
bores, metallâ, & cæt. Secundo denique motu vertiginem patiuntur di-
ctâ corpuscula, quæ ad commune centrum volvuntur in turbines, quos
vortices fuus Auctor appellat.

VIII. Tertium Syftema eft Peripateticum, omnibus notiffimum,
cui Sacramentum dicebant omnium fubfelliorum Philofophi, & fuffra-
gantur Sapientiffimi pariter, ac Sanctiffimi omnium ordinum Doctores,
præftantioraque Ecclefie lumina. Duo ftatuit *corporis naturalis* Princi-
pia, *Materiam* fcilicet, & *Formam*, *Materiam* (inquam) quæ eft fub-
ftantia incompleta phyficè, & ordinata ad conftituendum cum *Forma*,
fimiliter incompleta, unum totum fubftantiale. Illorum mentem pluri-
bus, fi opus fuerit, expendemus. His addenda fuperfunt alia duo fyfte-
mata non inferioris fubfellii, *Elementare* fcilicet, & *Chymicum*. Empe-
docles Agrigentinus apud Clementem Alexandrinum (s) *Ignem, Aerem,*
Aquam, & Terram conftituit, velut *Materiam* corporum naturalium;
varia autem ipforum Elementorum difpofitio (inquit) eft *Forma* ex
qua & effentialis rerum diverfitas habetur, & novæ generationes intelli-
guntur. Hanc fententiam inter RR. defendit P. Pacc (t); & illam reftau-
rare contendit noster Cl. Fabry (u).

IX. Chymici, quos *Alchymiftas*, feu *Spargyricos*, vulgus appellat,
ex naturalium corporum analyfi obfervavit, quinque diverfas ab illis
prodire fubftantias, quæ dicuntur *Sal, Sulphur, Mercurius, Terra, &*
Phlegma: & cum receptiffimum fit vulgatum illud axioma, *Primum in*
compoftitione, ultimum in refolutione, ex multoties repetitis analyfibus
refolvunt, quinque prædictas fubftantias effe Principia intrinfecca cor-
porum naturalium. Fatendum eft, *Phyficam ex Chymicorum laboribus,*
& experimentis, magna incrementa cepiffè (x). Horum 5. Elementorum
voces

(s) Lib. 6. Stromateon. (t) Apud Ferrari t. 2. Q. 3. (u) Apud Ferrari, ubi fupra. (x) Du-
Ramel Trad. 1. Phyf. Gen. Diff. 3. c. 5.

Voces longè aliter usurpantur à Chymicis, quàm vulgò solent usurpant: *Sal nobis vocatur* (inquit Hermannus Boerhaave) *Corpus, quod aqua potest dilui, igne autem fundi, si non avolat priùs in auras, quodque gustum humanum afficere valet eo sensu, quem saporem appellant* (7). Sal igitur definiri potest, *Substantia solida, rigida, sapidaque, aqua solubilis in moleculas exilissimæ magnitudinis. Sulphur est, Quadam substantia pinguis, viscida, sive oleaginosa, facile inflammabilis. Sicut igitur Sal propter solubilitatem est subiectum Saporis; ita Sulphur propter inflammabilitatem est Odoris. Mercurius, sive Spiritus, est Substantia quadam subtilissima, maxime vivida, jugi motu prædita, omnia facile penetrans. Spiritus* (inquit Cl. Thomas Villis) *sunt substantia, maxime subtilis, æthereæ, & diviniore auri particula, quos natura Parens in sublimari mundo, tanquam vitæ, & animæ, & sensus cujusque rei instrumenta, condidit* (y). Terra, sive alio nomine caput mortuum, est Substantia arida, fixa, inspida, & nullâ activitate donata. Phlegma denique est Humor insipidus, iners, & minime inflammabilis, cujus interventu Sulphur, & Mercurius cum particulis salinis miscentur, & cum terrea substantia consociantur.

X. Omnia (sed non in omnibus) amplectimur hucusque relata systemata. Dicimus ergo 1. cum Peripateticis, Duo esse Principia intrinsicè constituenta corpus naturale vivens, Hominem scilicet, Belluam, & Plantam. 2. Cum Gassendo, Unicum sufficere Principium substantiale ad alia Composita, Materia scilicet Atomos, diversimodè combinatas. 3. Cum Descartes, Massam chaoticam fuisse divisam in furem, secundarium, & similem; id est, in partes ramosas, globosas, & subtiles. Præterea admittendam esse hypothesein *Materia Subtilis*, (in sensu à nobis explicando) cujus beneficio pulcherrima Naturæ phænomena expendantur. Dicimus 4. cum Elementaribus, Ignem, Aerem, Terram, & Aquam esse Principia secundaria corporis naturalis, si cum mica salis condiantur: id est, (ut Spargyrice quoque suffragemur,) Sulphur, Mercurius, Terra, Aqua, permixto Sale, sunt Principia intrinseca secundaria compositorum naturalium; taliter, ut Substantia terrea sit veluti, subiectum, Substantia salino-sulphureo-mercurialis, ut Forma; humida verò, sive phlegmatica, ut Unio (a). Tandè cum Peripateticis Systema ad hæc tria præcipuè capita reducat, 1. Quòd detur in agentibus naturalibus virtus propriè effectiva alicujus entitatis de novo: 2. Quòd admittat Formas substantiales, materiales realiter distinctas à Materia: 3. Quòd dentur qualitates, sive accidentia absoluta, distincta realiter à substantia; &

nos

(2) Elem. Chæmæ de mens. Sal. pag. mihi 634. (y) De Ferment. c. 2. apud à Brix. hic u. 547. (a) A Brix. Phyf. Gen. P. 1. à n. 564.

nos hæc omnia tueamur; ideo à quocumque alio systemate, quod hæc rejecerit, abhorremus. Idcirco definitionem Aristotelicam, & conceptum Materie Primæ, quem ei Peripatetici tribuunt, amplectimur. *Eductio* Formarum nihil aliud est, quàm *illarum productio dependenter ab aliquo præsupposito subjecto, sine quo nec fieri, nec conservari naturaliter possunt.* Inter composita naturalia, quæ ex duplici substantia coalescunt, solum *humanum* habet *unionem* ab utroque extremo distinctam; in aliis sufficit partium compenetratio.

§. III. De Primariis Corporis Affectionibus.

XI. **P**rimarias corporis Affectiones ea nuncupamus attributa, quæ extra essentialē illius conceptum manent, pertinent tamen ad statum corporis, in aliqua saltem compositi specie constituti. *In aliqua, saltem dixi*, ne ab illarum numero gravitatem, quæ in omnibus reperitur corporibus, excludamus. Innumere sunt *Qualitates*, quas Peripatetici admittunt realiter distinctas à corpore, quæque, tanquam illius ornamenta, substantiam corporis afficiunt. Hujusmodi sunt *Elasticitas, Durities, Fluiditas, Soliditas, Humiditas, Siccitas, Raritas, Densitas, Ductilitas, Friabilitas, Diaphaneitas, Opacitas, & cæt.* sed quia principem inter alias corporis Affectiones locum *Gravitas* habet, illius originem prius inquiramus.

Gravitas.

XII. **G**ravitatis originem *tenebris densissimis involutam* nuncupat **P.** à Brix. suum idcirco sensum alto premit silentio, contentus aliorum sensa refellere (b). Nos verò tum aliorum, tum nostrum iudicium proferemus. In hoc RR. ferè omnes conveniunt, quòd causa *Gravitatis sit extrinseca*: id est, quòd illa *vis qua corpus deorsum movetur, aut moveri nititur*, ei proveniat ab extrinseco. Du-Hamel, quem sequitur noster Zanchi, à subtili aere terrestria corpora suo pondere premententi, & urgenti, motum rerum gravium refert acceptum (c). Sed undenam huic aeri *Gravitas*? Cartesius sublunarium corporum *Gravitatem* oriri putat ex motu vorticoso, quo materia subtilis circa tellurem abripitur ab Occidente in Orientem (d). Illum sequitur Purchot. & Bayle (e). Sed ex hoc multa sequuntur absurda, quæ in Fig. 13. & 18. Tab. 1. explicabimus.

XIII. Non minùs heteroclita est hypothesis Nevvtoni, vel potiùs illius assertorum: nec enim nobis satis constat, nec sibi constare videtur mens Authoris, cum ait; *voces. Attractionis, Impulsus, vel Propensionis; cujus-*

(b) Phys. Gen. P. 2. Diss. 1. de Orig. Gravit. (c) Tom. 4. Phil. ad usum Burg. Traët. 24. Diss. 2. c. 2. (d) P. 4. Princip. n. 23. (e) Tom. 2. L. 3. D. 1. à n. 23.

cusque in centrum indifferenter, & pro se mutuo promiscue usurpo, has vires non physicè, sed mathematicè considerando (f). Sed quidquid de Nevvtoni mente sit, Nevvtonianorum hypothesis est, vim quandam omnibus inesse corporibus sese mutuo attrahendi, & cæt. Sed caveant, ne ad Qualitatem provocent occultam, quod per jocum exprobant Aristotelicis. Nec feliciori eventu Gravitatis originem explicat Leibnitius per fluidissimam quandam substantiam, quæ telluris globum circumambiens, ac veluti nucleum contiens, ab illius centro secundum rectam lineam recedere quoquo versùs nitatur (g). Multa in medium profereamus, quæ hanc sententiam manifestissime arguant falsitatis. Gassendus à magnetismo terræ Gravitatem derivat (h). Noster Regnault per duplicem vorticem, alterum in Polis, alterum in Æquatore gyrantem, illam explicat (i). Sed his omnibus rejectis,

XIV. Gravitatem esse corporibus intrinsecam propugnabimus. Et cum juxta unanimum Philosophorum consensum *Gravitas corporum sit, ut eorum massa*, hinc asserimus cum Cardin. Ptolemæo (l) Gravitatem non distingui à *Quantitate*, sive hæc à Materia distingui supponatur, sive non. Multa jucundissima, ac Philosopho scitu dignissima ulterius, ubi fors dederit, agemus, ad quæ faciem preferent sequentia. Noscere igitur oportet 1. Quid sit *Gravitas absoluta*, Quid *respectiva*: Quid *Specifica*, Quid *individualis*: 2. *Centrum Gravitatis* esse illud *punctum* quod circumstant pondera *aqualia*: at verò cætrum *magnitudinis* est illud *punctum*, per quod si ducatur quaecumque planum, *dividitur corpus in duas partes magnitudine aequales*. Unde colligitur, centrum magnitudinis cum centro gravitatis aliquando non coincidere. 3. *Basim* corporis esse illam *superficiem*, cui ipsum corpus *insistit*. 4. *Lineam directionis* esse lineam rectam ex centro gravitatis corporis in planum horizontale ductam, eique ad *perpendicularum insistentem*. Ex his deducitur 1. *tandiu corpus quiescere, quandiu est in æquilibrio*. 2. *Tandiu esse in æquilibrio, quandiu sitæ gravitatis centrum descendere prohibetur*. 3. *Corpus tandiu stare, quandiu linea directionis non cadit extra basim*. Et hinc est, cur corpus AC (Fig. 9. Tab. 1). quod turrim Pisānam, aut Bononiensem refert, & *funambulus A* (Fig. 12). non cadant: cadat autem corpus BD (Fig. 9). Hinc est etiam 1. *cur globus B* (Fig. 8). non quiescat, dum *linea directionis puncto suspensionis non coincidit*: 2. *Cur resupinus, nisi pedes contrahat, & se complicit, elevari nequeat*. 3. *Cur aliquid è terra levaturi, prius alterum pedum retrahimus*: 4. *Cur scalam ascendentes antrorsum, descendentes verò retrorsum incurventur*: 5. *Cur surgens è sede caput*

(f) Princip. Philos. Math. ad Def. 8. apud Scherffer. tom. 1. pag. miki 248. (g) In Aëtis Erudit. Lipsiæ ad an. 1690. (h) Sect. 1. Phys. L. 5. c. 2. (i) Dialog. Phys. tom. 1. Dialog. 17. (l) Dissert. 13. Phys. Gen. sect. 2.

put una cum thorace anterius inclinet, & pedem referat: 6. Cur pondera AA appensa clavibus TT Fig. 7. non cadant, & cæt.

Elasticitas, & Durities: Fluiditas, & Soliditas.

XV. **C** Orpus *Elasticum* dicitur illud, quod si comprimatur, vel ad minus spatium redigatur, genio suo relictum ad pristinum statum restituitur. Hinc optimè describitur Elasticitas, sive *Elasterium*, *Vis corporis sese in statum naturalem restituendi*: ex qua definitione patet, dari corpora non elastica, cujusmodi sunt lutum, cera calefacta, & similia humida, quæ pristinam amittunt figuram, nec tamen ad illam sponte sua reducuntur. Notissimus est omnibus ille corporum reditus ad pristinum: causa autem, à qua perficitur, prioribus sæculis fuit ignota, & ejus inquisitio neglecta; satis enim inquit Bayle, esse putabant, si dicerent, illis corporibus inesse vim Elasticam; nec ulterius, in quo illa vis esset posita, inquirebant (m). Hoc illos fecisse reor, quia vix, ac ne vix quidem, definiri potest, *Quid sit Elater*: Audendum tamen est. Dico igitur 1. *Elasticitas non est aliquod accidens absolutum in sensu Peripatetico*: 2. *Consistit in naturali pororum corporis elastici proportionem, qui aetherea substantia repleti, corpus in sua naturali extensione constituunt*. Hanc scio esse mentem PP. Regnault (n), & Zanchi (o): 3. *Partium compressarum restitutio à fluida subtilissima substantia ipsarum poros implente, eosque vi quadam distendente proficiscitur*.

XVI. *Durities* alia est *Primitiva*, alia *Derivativa*: *Primitiva* sunt ipsa corpuscula rerum primigenia, plenam quandam, (ut ait Epicurus) seu vacui expertem, solidamque substantiam habentia (p). *Derivativa* est, (aut esset, si daretur) *partium elementarium inter se perfectissima cohesio*. Huic soli postremæ refragatur Elasticitas. Causa Duritiei primitivæ nobis penitus ignota est: Duritiem autem derivativam Descartes in quiete mutua partium constituit (q). Nevvton illam repetit à sua mirabili Attractione. Gassendus à suis hamulis, & uncinulis. Illam Peripatetici inter suas *Formulas* recensent. Fortunatus à Brixia hanc duritiem derivat ex particulis corpus componentibus, sibi cuneorum instar infixis, & ab externo circumambiente fluido illas premente (r). Ego autè Dico, hujusmodi Duritiem ex eo provenire, quod corpus porulis, vel paucioribus porulis interspergitur, subtili fluido oppletis. Et cum nullum corpus agnoscamus, quod non hiet porulis, ideo asserimus, nullum dari corpus philosophicè durum..

XVII.

(m) Phys. Gen. D. 9. art. 1. n. 3. (n) Dialog. tom. 1. Dial. 9. (o) Phys. Gen. P. 2. Dissert. 4. sect. 1. c. 5. (p) Epist. ad Herodot. apud à Brix. (q) P. 2. Princip. n. 54. (r) P. 1. Phys. Gen. à n. 674.

XVII. Fluidum ab Humido non distinguunt, qui hoc ex Aristotele (s) definiunt, *corpus, quod agrè propriis terminis, facile verò alienis continetur*: multum tamen interest inter unum, & aliud; quanvis enim omne humidum sit fluidum, non omne fluidum, est humidum, cujusmodi sunt *Flamma, Hydragyrus, Metalla fusa, &c.* quæ quanvis sint corpora sicca inter *Fluida* recensentur. Solis igitur Fluidis convenit tradita definitio. Quoad Fluiditatis naturam attinet, Dico 1. *Non est aliquod accidens absolutum in sensu Peripatetico*: 2. *Partes fluidum constituentis sphericæ, vel quasi sphericæ figurâ donantur*: 3. *Fluiditas consistit in particulis minimo puncto se tangentibus, dissociatis, vel faciliè dissociabilibus, jugi motu leniter agitatæ*. Hinc patet, per quid Fluidum discriminetur à Solido: quod enim Solidum suis terminis facile contineatur, illi provenit ex eo, quod illius partes in multis punctis se tangent, nec à leni alterius materiæ incurfu dirimantur.

Humiditas, & Siccitas: Raritas, & Densitas.

XVIII. **M**ulti sunt Peripatetici in primis 4. qualitatibus explicandis, & in illis suo cuique Elemento aptandis. Consule, sis, Pat. Mayr (r): his tamen ommissis, ne illorum curis obstrepamus, *Humidum* pro eodem, quod *Humectans*, usurpatur. Duplex Humoris genus Cassendus meritò distinguit (u), *Macrum* sc., sive *Aqueum, & Pingue*, sive *Oleosum*. Primus non est inflammabilis, & vi caloris facile exsolvitur; talis est humor aqueus, & mercurii: secundus, qui reperitur in oleo, non tam facile evaporatur; inò ob suam viscositatem tenaciùs hæret corpori, quod humectat. Aliqua sunt Humida artificialia, quæ tam facile arripiunt flammam, quàm tenuantur in halitu, cujusmodi sunt *Aqua vitæ, Spiritus vini, &c.* quæ ex utroque humore participât, *macro* sc. & *pingui*. Peripatetici Humiditatem recensent inter *primarias Qualitates*; sed non capio, quomodo à pura qualitate corpora humectata turgescant, & graviora reddantur. Sic igitur pronuncio: *Humiditas sumpta pro eo, quod solido corpori adveniens ipsum humectat, non est accidens physicum sed substantia*: 2. *Sumpta pro eo, quod habent liquores, ut possint humectare, est affectio pure mechanica à particularum illos componentium magnitudine, & figura unicè dependens*.

XIX. Posita hac Humiditatis explicatione, facili negotio resolventur sequentia problemata, allata à Cl. Le-Monnier (x): 1. *Cur in quibusdam humidis quadam sicca dissolvantur, dum in aliis dissolvi nequeunt*. v. g. Saccharum vix dissolvitur in Spiritu vini; maxime verò in calida:

F

aqua

(r) L. 2. De Gen. & Cor. text. 8. & 9. (s) Part. 3. D. 3. Q. 2. (u) Phys. L. 6. sect. 1. c. 74. (x) Tom. 4. Phys. Part. pag. mihî 324.

aqua Sygiialis non est dissolvendo aurum; sed si permisceatur suli ammoniaco, fiatque *aqua regia*, illud dissolvit. 2. *Cur Spiritus vini desiccatus cum Spiritu urinae permixtus concreascit in speciem nivis*. 3. *Cur aqua in vase contenta, si nix sale nuxta circumfundatur, abit in glaciem*; dum vas nivem continens inponitur igni. Humiditati opponitur Siccitas; & quidem (juxta Cl. P. à Brixia) contradictoriè, ut enim, Siccitatem corporum tam solidorum, quam fluidorum in sola privatione consistere (y). Et hinc colligitur 1. *Siccitatem non esse accidens absolutum in sensu scholastico*. 2. *Humectatum corpus sola humoris, qui in illius poris est, dissipatione siccare*. Ope Hygroscopti, sive Hygrometri, quod est Humiditatis, & Siccitatis criterium, exploratur aeris Humiditas, & Siccitas: cujus instrumenti plures exhibet species Cl. Wolfius, quavis ad hujusmodi explorationem illas parum conducere fateatur (z).

XX. *Rarum, & Densum cum Peripateticis definimus: Id, quod sub magnis dimensionibus parum habet materia: Id, quod sub parvis dimensionibus multam habet materia*. Multus illorum sudor est in assignanda Raritatis, & Condensationis origine: nos verò facili negotio tuebimur illud corpus esse rarum, quod inventu corporum ad maius spatium distenditur; & illud esse densum, quod per absentiam eorundem corpusculorum ad minus spatium contrahitur. Obiter notandum est discriminem inter Rarum, & Tensum, inter Densum, & Compressum: differant enim 1. in eo, quod Compressio, & Tensio sint presenti temperamento violenta; non ita Raritas, & Densitas. 2. in eo, quod Compressum, & Tensum nitantur se restituere ad pristinum; non verò Rarum, neque Densum. 3. Raritas, & Densitas sit versus omnia latera; non sic Tensio, neque Compressio.

Ductilitas, & Friabilitas: Diaphaneitas, & Opacitas.

XXI. *De Utilitate*, quae maximè viget in metallis, resert noster Cl. Scherffer partim Attractioni partim naturae, partim admixtioni fluidi, ratione cujus, dum una pars movetur lubricando, facile vicine adherere possit (a). Sed nos illius Attractioni non adhaeremus: dicimus ergo illa corpora esse ductilia, in quibus datur sulphur, tanquam gluten, cujus ope illorum partes, quavis malleo tunduntur, non dissiliunt, nec separantur; sed longius extenduntur. Hinc Ductilitas à solo praedominanti sulphure videtur provenire, particulis corporis aliqua implexione donatis. *Friabilitatem* autem constituimus in eo, quod corpus friabile multis particulis terreis male inter se cohaerentibus, & nullo, aut fere nullo sulphure donetur.

XXII. *Corpus Diaphanum dicitur illud, quod luminì secundum omnem*

nem directionem ita pervium est, ut non impediat, quominus colorata objecta trans illud conspiciantur. E contra Opacum est illud, quod radiis luminis transfectionem liberam non permittit: per id ergo corpora sunt formaliter Diaphana, per quod liberum transitum præbent radiis lucis: & per id formaliter opaca, per quod illum transitum impediunt. Ut hæc etiam Qualitates ab scholis amandemus, Dico 1. cum nostro Cl. De-Ghales (b): *Per spicuitas, & Opacitas non sunt accidentia physica corporibus inherentia*: 2. Cum nostro Cl. Fabri (c): *Sunt qualitates modales & respectivæ*: 3. *Diaphaneitas consistit in eo, quod partes corporis diaphani versus omnia latera sint in quancantem dispositæ* & hoc modo: hinc sequentia problemata resolvit: 1. *Vitrum minute contusum suam perdit diaphaneitatem*: 2. *Si vitrum vitro opponas, inde opacum corpus exurgit*: 3. *Vitrum quo crassius est, eo est minus diaphanum*: 4. *Flamma non est diaphana*: 5. *Aqua glaciatæ est opaca*. Tandem omne illud corpus est (saltem respectivè) opacum, cujus pori secundum omnem directionem recta inter se non communicant.

§. IV. De secundariis corporis affectionibus.

XXIII. **M**ulta recensentur Corporis accidentia secundaria, quæ illius substantiam fortuito comitantur, quin intrinsecum ipsius corporis temperamentum impotent. Hujusmodi sunt *Figura, Situs, Motus, Quies, Locus, Tempus*: his addendæ sunt Qualitates tactibiles, *Lux* scilicet, *Calor, Color, Frigus, Sonus, Odor*: sed hæc præsens in tempus omittimus. *Figura* est certa corporis modificatio, quatenus secundum trinam dimensionem extensum est. *Situs* est quadam certa molecularum corpus constituentium positura. Quanti momenti sit hæc affectio, vix, ac ne vix quidem potest explicari: nulla enim in sensibilibus rebus mutatio contingit, quæ ex mutato componentium molecularum situ non proveniat. *Quies* est *Persistentia rei in loco*. *Motus* est *Translatio rei de loco ad locum*. Motum localem hic definivimus, qui cum secum deferat plurima, Philosophis jucundissima pariter, ad utilissimam, de illo fusiùs idcirco cum RR. agemus. Et hic non possum non vehementer mirari, quod tam parum sollicita esset hucusque de Motu locali Philosophia scholastica, ut illi vel penitus omiserit, vel cursim profecta esset, docente illius Magistro, ac Principe, quod *Eo ignorato, naturam quoque necesse est ignorari* (d): & hoc in causa est, cur, (ut inquit Cl. Du-Hamel) neglecta per tot ætates motuum scientia, nullo per se Philosophia progressus fecerit (e). Ad illum igitur progrediamur.

(b) Optic. L. 1. Digres. 4. (c) Tract. 1. Phys. L. 5. Propos. 4. (d) Lib. 3. Physicor. text. 8.
(e) Tract. 1. Phys. Gen. Dissert. 2.

Natura Motus Localis.

XXIV. **N**on hic sumitur Motus latissime, id est, *secundum locum, secundum qualem, & secundum quantum*, prout usurpatur ab Aristotele (f), cui satis obscuram Peripatetici definitionem cuderunt: *Actus entis in potentia, prout in potentia est*; sed de motu tantum locali acturi sumus, cui definitio supra dicta potius aptatur, & merito; deolvit enim illius essentialiam, sive tria essentialiter requisita ad Motum localem, nempe *rem motam, terminum à quo, & ad quem*. Præter hanc genericam illius naturam multæ aliæ sunt specificæ; tot nempe, quot sunt species, in quas ille dividitur. Præcipue Motus localis species sunt, *Motus Naturalis, & Violentus; Rectus, & Curvus; Verticalis, & Horizontalis; Directus, Reflexus, & Refractus; Reciprocans, sive Oscillarius, & non Reciprocans; Simplex, & Compositus, sive Mixtus; Equabilis, Acceleratus, vel Retardatus*; harum specierum notiones fusiùs infra dabuntur. Interim Motus generis perscrutandam suscipimus.

XXV. Ac primò quidem in nostra sententia Motus localis non est aliqua entitas distincta à re mota; sed est ipsum corpus in *lotione positum*. In assignanda autem origine, & causa illius, diversis diversa placent: mihi verò ferè omnium placita displicent; quanvis enim sit opus alicui plenum, originem Motus, & illius continuationis causam stabilire, multa esse fateor in hac re, quæ à veritate toto cælo aberrare videntur. Prætermissa igitur opinione Democriti, & Epicuri, dicentium continuationem Motus oriri à subtilissimis quibusdam atomis corpori à movente impressis, & aliorum asserentium, causam hujusce continuationis esse medium, v. g. aerem ad tergum corporis recurrentem (g), quorum falsitas, vel levissima consideratione adhibita, per se patet; celebriora super hac re systemata referemus, & nostrum judicium propalabimus.

XXVI. Cartesius (h) solum Deum esse refert causam Motus, qui ab ipso Summo Conditorè in origine mundi massæ corporeæ fuit impressus (n. VII). Illum sequitur Purchotius 1. P. Phys. sect. 4. c. 7. Nevvtonus vim quandam, quam appellat *inertia*, corporibus attribuit: illius ope in eo statu, sive motus, sive quietis, in quo posita sunt corpora, perseverant (i). Deus autem solus (juxta illum), vel quiescentia exaspergescit ad motum, & veluti dormientia suscitatur; vel mota ad ulteriorem motum exagitat. Adeo Cl. Keil Nevvtoni sensus arridet, ut in hæc verba proruperit: *Desinant jam Philosophi. continuati motus exquirere causam: alia quippe agnoscenda est nulla præter... Deum Optimum, Maximum*

(f) 7. Phys. text. 10. (g) apud Mayr. 10 n. 3. D. 3. Q. 3. art. 2. (h) P. 2. Princip. n. 35.
(i) Princip. Phil. Mat. ad Def. 3.

scilicet V). Cl. Fortunatus à Brixia quandam substantiam spirituales adstruit pro causa motus; in quo Descartes, ut suspicor, adhæret; nisi de illorum numero sit, quorum meminit noster Dechales (m), quique volunt causam motus localis esse certos Spiritus, qui ex natura sua ordinati sunt ad producendum etiam in aliis Motum: sed ut res sit, in hoc Cl. viro refragor, quanvis mihi sit aliunde præ cæteris in deliciis habitus.

XXVII. Peripatetici denique causam Motus dicunt esse quoddam accidens, quod ab ipsis *Impetus*, sive *Impulsus* nuncupatur, & est *Qualitas permanens, capax intentionis, & remissionis*. Producitur hæc entitas effectivè à movente, & materialiter à mobili, in quo recipitur, & à Deo conservatur, postquam ipsum mobile ab impellente sejungitur. Si autem mobile sit ipsummet agens, ut contingit in rebus ab intrinseco se moventibus, at eadem causa conservatur Impulsus, per quam primò fuit productus. Hujus qualitatis indoles est 1. *Omnes illius gradus agunt ad extra actione communi*: 2. *Tantum agit ad extra, quantum ei resistitur*: 3. *Quantum ei resistitur, tantum immutatur*: 4. *Non producitur, nec conservatur in corpore, in quo non dandus sit motus, aut saltem resistentia*. Hanc qualitatem assignamus cum Cl. Le-Monnier Tract. Mechan. pag. mihi 181 pro causa formali tum inceptionis, tum continuationis Motus.

De præcipuis Motus Affectionibus.

XXVIII. **E**xplicata Motus naturâ, & origine, ad illius proprietates progredimur. Sunt autem hujusmodi: *Qualitas, Quantitas, & Celeritas*: Qualitas est proprietas, qua unus Motus ab alio distinguitur; v. g. *Acceleratio*, per quam Motus *Acceleratus* à *Retardato* discriminatur. Quantitas Motus, sive *Momentum corporis, est factum ex ductu celeritatis in massam*; quidquid contrarium dicat Leibnitius, quem sequuntur Gravessandus, Hermannus, Bulfingerus, Bernoullius, Wolfius, & alii apud Cl. à Brix. (n), ac tandem Musschenbroek (o) asserentes, momentum corporum eam habere rationem, quæ nascitur ex simplici ratione massarum ducta in duplicatam celeritatem. Sed illi fortasse loquuntur de quantitate Motus in statu acquisitionis; nos autem loquimur de Quantitate Motus in statu permanentiæ. Ad hunc statum sequentes leges inserviant: 1. *Momenta duorum corporum, quorum massa sint æquales, sunt directè inter se, ut eorundem celeritates*: 2. *Momenta duorum corporum inæqualis massæ, sed æqualis celeritatis, sunt directè inter se, ut illorum massa*: 3. *Si tam celeritates, quàm massa fuerint inæquales, momenta corporum erunt in ratione composita, sive ut producta uniuscu-*

(1) Introductione ad veram Phys. Lect. 11. (m) Tom. 1. Curs. Math. tract. 8. Mech. L. 1. Prop. 1.
(n) Phys. Gen. P. 1. n. 217. (o) Elem. Phys. c. 6. (p) L. 1. de Cognosc. philosoph.

amiscujsque molles per suam celeritatem; & in ratione reciproca massarum: 4. Momenta duorum corporum inæqualis massa erunt æqualia, si illorum celeritates fuerint in ratione reciproca massarum.

XXIX. Celeritas, sive Velocitas Motus est Proportio spatiorum à mobilibus percurſu ad tēpora, in quibus factus est motus. Ex quo patet, maxime notandū esse spatium, quod mobile percurrit, & tempus, quo spatium percurritur, ut metiri possis, quanta sit mobilis velocitas, tam absoluta, quā respectiva ad aliud mobile. Quando unum mobile inter æquale tempus maius, quā aliud, conficit spatium, primum dicitur velocius moveri, & secundum tardius; sed à quo proveniat hæc maior, & minor velocitas: mysterium est hucusque absconditum, & nulli revelatum. Multi veterum Philosophorum cum Galeno (p), & Recentiorum cum nostro Cl. De Laniis (q), velocitatem, & tarditatem Motus explicare nituntur per morulas. Alii ad saltus provocant, & replicationes. Alii ad inæquales tum temporis, tum spatii partes confugunt. Tutiorē partem sequitur Cl. à Brixia, inquiens: Per quid formaliter Motus localis velocius sit, aut tardius, fatemur ingenuè à nobis prorsus nesciri (r). Sed cum in divinationibus liberum sit cuique divinare, divinemus & nos: Tarditas, & velocitas Motus provenit à maiori, vel minori intentione impulsus, mobile afficientis intrinsecè. Ad excessum velocitatis explorandum huiusmodi leges observentur: 1. Si duo mobilia æqualibus temporibus æqualia spatia decurrant, velocitates sunt æquales: 2. Si duo mobilia æqualibus temporibus inæqualia spatia conficiant, velocitates sunt, ut spatia: 3. Celeritates duorum corporum, quæ inæqualibus temporibus æqualia spatia peragunt, sunt in ratione ipsorum temporum inversa: 4. Si tam tempora, quā spatia sint inæqualia, celeritates duorum mobilium sunt in ratione composita ex directa spatiorum, & inversa temporum. Huiusmodi leges sunt late ad Motum Acceleratum: nunc feruntur.

De Motu Accelerato, & Retardato.

XXX. Motus tunc dicitur uniformiter, sive æqualiter Acceleratus, cum æqualia velocitatis incrementa temporibus continuè accedunt æqualibus: tunc verò dicitur, & est uniformiter Retardatus, cum grave ea lege movetur, ut singulis temporibus æqualibus æquales velocitatis gradus amittat. Quanvis in omni ævo notissima res fuerit naturalem gravium descensum continuè accelerari; leges tamen, quibus hæc acceleratio perficitur, primus omnium detexit Gallæus, magnoque tum hominum commodo, tum scientiæ naturalis incremento demonstravit.

(p) L. 4. de Dignosc. pulsibus. (q) Tom. 1. de Mag. Nat. & Art. Tract. 2. l. 1. c. 2. Prop. 32. (r) Phys. G. P. 1. d. 127.

stravit: Illum secuti sunt postea Physico-Mathematici Cl. P. Ricciolus (-), & Milliet (t). Tantum itaque virum sequemur, tradentes hoc loco, quæ de *Motu gravium accelerato, & retardato* præcipua sunt, scituque dignissima.

XXXI. Lex 1. *Gravia liberè decidentia motum suum accelerant:* 2. *Acceleratio corporis decidentis fit secundum progressionem numerorum pariter imparium ab unitate numeratorum, ut demonstrabimus in Fig. 17. Tabul. 1.* 3. *Spatia decursa sunt in ratione duplicata velocitatum, vel temporum:* 4. *Velocitas successivè acquisita habet eandem rationem, cum tempore, in quo acquiritur:* 5. *Velocitas temporibus aequalibus à gravi decidente acquisita dimidium spatium conficit, illius, quod conficeret, si tota simul existeret à principio motus. Demonstrabitur in parallelogramo ABCP. Fig. 17.* 6. *Motus gravium decidentium per medium resistens ex accelerato fit aequalis:* 7. *Motus corporis gravis sursum projecti continuo retardatur, etiam seclusa resistantia medii:* 8. *Motus gravis sursum adacti retardatur secundum numeros pariter impares, ordine retrogrado:* 9. *Spatia, quæ percurrit grave sursum ascendens, si computentur usque ad finem motus, ea proportionè decrescunt, quâ tum temporum, tum celeritatum quadrata minuantur.*

XXXII. Multa hic problemata ex Mathesi decerpta, resolvi possent: sed hæc pauca Physicis non inutilia, resolvemus: 1. *Dato quocunque spatio, quod mobile descendens certo tempore ab initio motus peragit, assignabitur spatium à mobili decursum in quocunque tempore ulteriori ab initio motus supputato:* 2. *Dato spatio decurso in aliquo certo tempore assignabitur, quot partes spatii decurrantur à mobili in aliqua determinata parte temporis ulterioris:* 3. *Assignato spatio decurso in prima parte temporis, assignabitur, quot partes mobile decurrat in quocunque alio determinato tempore:* 4. *Assignato spatio decurso à mobili descendente, assignabitur spatium decursum in aliqua determinata parte temporis intermediæ (u).* Hactenus loquebamur de mobili descendente, vel ascendente, habita tantummodò ratione temporis, & spatii, in quibus motum peragit: si autem cum alio mobili conferatur, explorandæ sunt gravitates tum specificæ, tum individuales, deinde utriusque mobilis figura: ac denique natura medii, per quod descendunt; ut cognoscatur, utrum quorumvis velocitatis, aut legnitiùs cadat: illis enim exploratis, dubia hic incidentia resolvemus.

De

(s) Almagesti novi l. 2. c. 21. (t) L. 2. Static. à Prop. 1. (u) Tosca Ccnp. Math. tom. 4 l. 2. Statices.

De Motu Composito susque, deque projectorum.

XXXIII. **C** Orpus tunc movetur *Motu composito*, cum à pluribus potentiis secundum diversas directiones sollicitatur ad motum, qui vel est *Rectus*, vel *Curvus*. *Motus Rectilineus* est ille, qui secundum rectam, & *Curvilineus*, qui secundum curvam perficitur: & hinc fit, quod licet omnis *Motus simplex* sit *rectilineus*, non omnis *rectilineus* est *simplex*: semel enim, quod dentur duæ potentie, vel plures in eundem motum secundum diversam directionem conspirantes, *Motus* est *compositus*, & quandoque *rectilineus*. Ad *Motum compositum rectilineum* hujusmodi leges evulgantur: 1. *Si mobile viribus aequalibus determinetur ad motum per duas lineas angulum rectum efficientes per neutram illarum feretur, sed per mediani*: sic globus A Fig. 15. Tab. 1. movebitur per diagonalem A E, & non per aliquod ex lateribus parallelogrammi ADEB. 2. *Si vires motrices sint aequales, & trudent mobile per lineas angulum obtusum efficientes, movebitur corpus per diagonalem minorem Rhombi*: sic movebitur globus L Fig. 16. per lineam LG, Rhombi LIGH. 3. *Si præfata vires sint aequales, & impellant mobile per lineas angulum efficientes acutum, feretur illud per diagonalem maiorem ejusdem Rhombi*: ita eveniet globo I. eadem Fig. qui movebitur per lineam IH. 4. *Si vires motrices sint inæquales, prævalebit fortior*: sic feretur globus A per lineam AX Fig. 15. Nunc ad *Motum curvum*

Fundamenta Balisticæ jaciuntur.

XXXIV. **B** *Alistica*, sive *Jaculatrix* est scientia, quæ in tradendis Projectorum legibus, & illorum viis observandis impenditur. Galileus projectorum semitas, & illius curvæ naturam, quam motu suo projecta describunt, primus omnium definivit (*). Nos autem, ommissis, quæ abstrusiores sibi vendicant Geometriam (*), Balisticæ notiones adnectimus, quæ dicendis faciem præferunt. *Linea directionis* corporis projecti, quæ etiam *jaculationis* appellatur, est recta, secundum quam corpus in projectione dirigitur: talis est linea A E Fig. 23. Tab. 1. *Semita* projecti est linea, quam illud motu suo describit; ut est linea ARQSTU. *Amplitudo semitæ* est recta maxima omnium, quæ illi subendi possunt: hæc est linea AU. Corpus dicitur sursum projici ad *perpendiculariculum*, cum proficiscitur per lineam horizonti perpendicularem: sic projiceretur Globus A per rectam A E. Dicitur vero projici horizontaliter, si ejus linea directionis fuerit horizonti parallela: talis est projectio globi A per lineam A E. Fig. 20. Dicitur tandem sursum, vel deorsum

(*) Apud à Brix. Phys. Gen. P. 2. n. 2158. (*) Vid. sis, Musschenb. Elem. Phys. c. 10. pag. mihi 274.

sum oblique projici, si linea directionis efficiat angulum acutum cum recta perpendiculari, vel horizontali. ducta per punctum, ex quo corpus in projectione dirigitur. Similes angulos efficiunt lineæ ARQ. cum perpendiculari AE. Fig. 23. & ARS. cum horizontali ABCDE. Fig. 20: Parabola est figura plana, curva AHU. Fig. 23; in qua rectarum ordinarum QS, RT. quadrata sunt aequalia rectangulis contentis sub parametro EM, & sagittæ H. Hyperbola autem est figura plana, curva, in qua rectarum ordinarum quadrata maiora sunt rectangulis contentis sub parametro, & sagitta.

XXXV. Ex dictis sequentia descendunt: 1. *Corpus sursum perpendiculariter actum, perpendiculariter ascendit: 2. Si corpus sursum projiciatur oblique, tam in ascensu, quam in descensu integram parabolam describit: 3. Eo maior est amplitudo semita, per quam movetur corpus projectum, quo maiori vi projicitur: 4. Altius ab scopo dirigendum est corpus, quod projicitur, ut in eum incurrat, & eo quidem altius, quod locus, ex quo corpus ipsum in projectione dirigitur, fuerit ab scopo remotior: 5. Corpus verticaliter projectum ex loco, qui cum projiciente movetur, describit lineam parabolicam. Hæc est celeberrima Galilæi propositio, quam præclaris experimentis in curru, equo, & navi factis, demonstravit Cl. Gassendus (v): expertum enim se esse refert, lapidem sursum projectum ex pede mali, velificante navi, in eundem locum recidisse.*

De Motu Pendulorum.

XXXVI. **P**endulum est pondus filo suspensum ex immobili puncto, circa quod liberrimè moveri potest: tale est corpus B, suspensum ex puncto A. Fig. 8. Tab. 1. Pendula vel sunt *simplicia*, vel *composita*: simplicia unico pondere, composita duobus constant ex eodem filo suspensis, ut exhibent globi B, C. Fig. 29. Tab. 2. *Longitudo* Penduli est distantia AB. ponderis B à puncto A suspensionis Fig. 8. Hæc eadem linea AB dicitur *verticalis*, sive horizonti *perpendicularis*. Cyclois (omisso Geometris lentiori illius examine) est curva genita ab extremo puncto diametri circuli revoluti super rectam, quam perpetuo tangit. Talis est linea BadE. Fig. 28. Tab. 2. Circulus ADCF. dicitur *circulus genitor*: recta BH. *basis cycloidis*: diameter AC. dicitur *axis* illius: *vertex* denique *cycloidis* est punctum extremum C. diametri AC. Oscillatio, sive vibratio, est motus, quo Pendulum, à linea perpendiculari remotum, ad eam redit, & ultra ipsam sua veluti sponte excurrit. Inter motus compositos merito recensentur *Oscillationes*, de quibus multa, ne

G fulcem.

falcem in alienam segetem mittere videamur, omittimus: hæc tamen appendimus, Physicis non inaccessa.

XXXVII. 1. *Descensus Penduli per cycloidem est acceleratus*: 2. *Pendulum in omnibus temporis partibus mutat sui motus directionem*: 3. *Unependulum tandiu oscillat, quandiu solum ei recta non congruerit, qua a puncto suspensionis in planum horizontale perpendiculariter cadit*. Demonstrabitur in Fig. 30. Tab. 2. 4. *Causa iterata emergence Penduli a puncto C. Fig. 29. ad punctum T, aut R. est impetus in descensu acquisitus*: 5. *Pendulum ita oscillat in medio non resistente, ut ad tantam altitudinem ascendat, ex quantâ descenderat*: 6. *Vibrationes longioris penduli, ceteris paribus, tardiores sunt brevioris*: 7. *Tempora, quibus duo inæqualia pondera suas vibrationes conficiunt, sunt, (physicè loquendo) ut radices quadratæ longitudinum ipsorum Pendulorum*.

XXXVIII. Pendulorum vibrationibus affines sunt motus, quos corpora, circa datum punctum in gyrum acta, conficiunt. Ad hujusmodi motum conspirant virtus *centrifuga*, & *centripeta*, quæ idcirco communi nomine *centrales* dicuntur. Ut hic motus physice explicetur, hæc ex multis pauca decerpimus: 1. *Vires centrales duorum inæqualium corporum, quæ in peripheria ejusdem, aut æqualium circularum eadem celeritate æqualiter moventur, sunt directe inter se, ut eorundem massæ*. 2. *Vires centrales duorum æqualium corporum, quæ inæquali celeritate in peripheriis inæqualium circularum æqualiter moventur, sunt in ratione composita ex directa quadratorum celeritatis, & inversa distantiarum à centro*. Explicabitur in Fig. 81, & 82. Tab. 4. 3. *Vires centrales duorum corporum æqualium, quæ æquali tempore in peripheriis inæqualium circularum æqualiter revolvuntur, sunt inter se, ut illorum distantia à centro motus*: 4. *Quò corpus in orbita elliptica BEGC. Fig. 83. circulariter actum, magis ad centrum accedit, eò celerius movetur*.

De Motu Corporis Plano inclinato incumbentis.

XXXIX. **I**nter Motuum compositorum myriades adnumerantur etiam illi, quibus in gravibus per Plana inclinata susque, deque motis, physicæ contemplationes indulgent. Idcirco ab *Statica* mutuabimur, quidquid physica Gravitatis phenomena sibi vendicant. Planum inclinatum dicitur illud, quod cum plano horizontali, cui insistit, angulos inæquales constituit. Hujusmodi Planum exhibet triangulum scalenum ABD. Fig. 11. Tab. 1. *Angulus elevationis* in Plano inclinato est ille, quem Planum efficit cum linea horizontali ad partem inclinationis: talis est angulus BDA. eadem Fig. *Altitudo* Plani inclinati est recta horizonti, cui illud incumbit, perpendicularis. Confert hæc machina vires alicui potentie, quæ pondus alioquin tollere nequit: sic potentia E. solum.

Solum 10. libras potens attollere, Plani inclinati beneficio pondus C. 20. librarum elevabit; dummodo hæc leges serventur: 1. *Corpus grave C. sustinebitur à potentia E, si hac fuerit ad absolutum corporis pondus, ut est altitudo Plani ad ipsius longitudinem: id est, si potentia valeat sustinere pondus = 10. sustinebit pondus = 20. si linea altitudinis AB. sit = 10, & longitudinis AD. sit = 20. 2. Exigua potentia valebit sursum tollere pondus, si maior fuerit ratio illius ad pondus, quam est longitudo Plani ad ipsius altitudinem.* Posita igitur altitudine Plani = 10, & longitudine = 20, potentia = 12. levabit pondus = 20.

XL. Motum corporis per Planum inclinatum descendens sequentia theorematum definiunt: 1. *Grave MN. cuius linea perpendicularis LEA. Fig. 25. transiens per centrum gravitatis, secat medium basis suæ sustentationis, non descendit per Planum inclinatum EAD. 2. Corpus QP. eadem Fig. cuius linea perpendicularis t o r, a centro gravitatis ducta, transit per basin, cui illud insistit, secans medietatem ipsius basis respicientem partem inferiorem D. Plani inclinati CD, descendit per ipsum Planum radendo: 3. Si linea perpendicularis t o l cadat extra basin cubi QP. calet hic volvens per Planum inclinatum: 4. Descensus gravium per Planum inclinatum est uniformiter acceleratus: 5. Momentum gravis super Planum inclinatum est ad momentum ejusdem in linea perpendiculari, ut altitudo Plani ad ejusdem longitudinem. Et hinc est cur globus B. subduplus æquiperet globo A. Fig. 24. 6. Tempus, quo grave descendit per Planum inclinatum, est ad tempus, quo per illius altitudinem descenderet, ut est longitudo Plani ad ipsam altitudinem.*

De Motu gravium solidorum per machinas, Principiis Mechanices innixas.

XLI. **M**ERITO dixit Aristoteles, *Arte superamus ea, in quibus à natura vincimur* (2). Hanc victoriam *Mechanica* reportat, ea scilicet *Physicæ* pars, quæ leges tradit, ut potentia sustinendo, & movendo corpori impar, quibusdam machinis adjuta ad illud sustinendum, movendumque redditur idonea. *Mechanicam* veteres Philosophi neglexerunt, dedecori ducentes ad *Machinarum* contemplationem animum applicare; (inquit Bayle) ne viderentur, inita cum mechanicis artificibus societate, *Philosophiæ* dignitatem deprimere (a). Septem vulgo recensentur machinæ mechanicæ, quibus potentia applicatur ad movendum pondus: *Vestis, Axis in peritrochio, Trachlea, Cuneus, Cochlea, Rota dentata, & Planum inclinatum*, de quo num. superiori. Ad quamlibet illarum

(2) Elem. Mechan. §. 775. (a) Phys. Gen. D. 7. art. 1.

illarum hæc Mechanicæ fundamenta substruuntur: 1. *Exigua potentia sustinebit corpus ope machinæ, si celeritas initialis potētia sit ad initialem corporis celeritatem, ut est reciproce resistentia corporis ad vim potentiæ:* 2. *Exigua potentia movebit corpus, si illius celeritas initialis hujus celeritate initiali maior sit, quàm est reciproce resistentia ponderis ad vim potentiæ. Et eo facilius movebit, quò hac ratio maior fuerit.*

Machina 1. Vectis.

XLII. **V** Vectis, vulgò *Lavanca*, est palus oblongus (ut omnes norunt) ferreus, aut ligneus, ad sustinenda, vel movenda corpora solida accommodatus. Triâ considerantur in vecte, *Potentia* scilicet, A, *corpus movendum* B, & *Fulcrum*, sive *Hypomochlion* C. Fig. 31. Tab. 2. Triplex etiam est genus *vectis*; primum genus, seu vectis primi generis, qui *Heterodromus* etiam dicitur, est ille, cujus hypomochlion positum est inter potentiam, & pondus, ut exhibet Fig. 31. Vectis 2. generis est ille, cujus pondus D. mediat inter potentiam A, & fulcrum B. Fig. 32. Terti denique generis est ille, cujus potentia D. media est inter pondus B, & fulcrum A. Fig. 33. Ope vectis heterodromi, (cujus virtus est quodammodo infinita,) adeò augentur vires potentie, ut terram à se motum iri dixerit Archimedes, si extra illam, ubi pedem figeret, daretur (*). Heterodromus his *statices* legibus insiluit: 1. *Si distantia potentie ab hypomochlio fuerit ad distantiam ponderis ab eodem, ut est reciproce pondus ad potentiam, hac sustinendo ponderi æqualis erit:* 2. *Potentia ponderi prævalebit, si maius sit potentie momentum a l momentum ponderis, ducta utriusque vi per suam celeritatem.* Iisdem legibus tenetur vectis secundi generis: vectis autem tertii generis illis non subicitur, utpote inutilis ad juvandam potentiam; tantum enim abest, ut hujus vires illius ope augentur, quin potiùs momentum ponderis maius sit respectu potentie: sua tamen gaudet utilitate; (inquit noster Cl. de Lanis) ut à data potentia datum pondus minus possit moveri; quacunque data velocitate (b).

XLIII. Ex vecte 1. generis repetitur quarundam vulgarium praxium ratio. Cur clavi intra feram ægrè tyranti altera clavis, aut palus inseritur, ut facilius moveatur. Cur baculus utroque extremo apprehensus, & applicatus genu facilius rumpatur, quàm si junctis manibus apprehendatur. Cur forfex AB in n. Fig. 34. eo facilius scindat corpus, quò maiores sint anſula AB; vel globus a propinquior sit axi D. Cur forceps AEBD Fig. 35. mordacius teneat corpus a e, quò longiora sunt crura, vel vicinior sit corpus axi BD. Cur facilius evellatur clavus E. Fig. 36. infixus

tabula

(*) Vid. P. Schot. Mag. Mechan. Syntagm. 2. c. 7. (b) Tom. 1. Magist. Nat. & Art. Traſſ. 2. lib. 1. c. 3.

tabula BD. quò longius est manubrium mallei A a. Ex veſte autem 2. generis eruitur ratio: Cur tanta ſit remorum vis in cymbis promovendis. Remum eſſe veſtem 1. generis falſo putat Ariſtoteles (c): aqua enim, & non ſcalmus rationem ſortitur hypomochlii. Cur velocius moveatur navis, quò ſublimior, cæteris paribus, antenna fuerit in malo. Cur ingentes nares modico gubernaculo dirigantur. Cur denique duobus bajulis BA. Fig. 26. idem pondus E. ſuſpenſum ex taſta ſerentibus ille magis graveſtur, qui proximior eſt ponderi.

Machina 2. Axis in peritrochio.

XLIV. N Otiffimus eſt uſus, & utilitas *Axis in peritrochio*, ſive (quod idem eſt) in cylindro, cuius ſpeciem refert Fig. 38. Tab. 2. in qua penſanda ſunt *longitudo ſcytalarum d m n e*, *funis ductorius a*, *pondus c*, *cræſſities Cylindri b a*, ac denique *axis AB*, qui fulcris EF, horizonti parallelis revolvitur. Hæc machina eſt *veſtis perpetua primi generis*; idecirco illius legibus ſubjicitur, & inſuper hoc theoremate imittitur: *Potentia æquilibrabitur ponderi, ſi longitudo ſcytala, cujus extremo applicatur, unâ cum tympani radio, fuerit ad ejuſdem tympani radium, ut eſt reciprocè pondus ad vim potentia*: hoc clariùs explicabitur in Fig. 39. Ad *Axim in peritrochio* revocantur tum ingentes illæ rotæ, quarum internæ cavitati inſiſtentes homines, pedibus antrorſum porrectis, eas deorſum premunt, & circa *axim* circumvolvunt: tum illæ, in quarum prominentes palmulas aqua, aut ventus, incurrens impetu efficit, ut circumagantur; ſicut evenit in molendinis.

Machina 3. Trochlea:

XLV. T Rochlea eſt machina ex uno, pluribuſve orbiculis, ſive rotulis compoſita, circa proprios axes in loculamento mobilibus. Ope hujus machinæ, fune circa orbiculos circumducto, ponderoſa corpora ſuper planum trahuntur, vel ſuſſum elevantur. Si unus tantum adhibeatur orbiculus, *Trochlea ſimplex* dicitur, ſive *Monopafſos*: talem exhibet Fig. 40. ſi duobus conſtet orbiculis, ut Fig. 42. *Diſpaſtos* vocatur; ſi tribus, *Tryſpaſtòs*; ſi denique pluribus, ut Fig. 43. *Polypaſtos* appellatur. Ope hujus machinæ refert noſter Cl. Schottus, Archimedei læva manu quinquies millenorum modiorum pernoviſſe pondus: navim maximam in litus ejectam, ac ſi in mari remus ageretur, traxiſſe, aliaque mirabilia preſtituſſe (d). Ut autem ſciatur, per quid in *Trochlea* potentia vires accreſcant; hujusmodi leges ſunt obſervandæ: 1. *Trochlea ſimplex AD. Fig. 40. cujus loculamentum B x. eſt immobile, vires potentia non augeat*: 2. *Si Trochlea ſimplex AD. Fig. 41. unâ cum appenſo ver-*

dere

dere **E** sit in loculamento a mobili, potentia **P**. sustinebit pondus, si in ratione subdupla; illud verò sursum trahet, si plusquam subdupla ad ipsum se habuerit: 3. Si Trochlea sit Polyspastos, eò plus augetur potentia, quò plures fuerint orbiculi.

Machina 4. Cuneus.

XLVI. Cuneus, ut norunt omnes, est corpus ligneum, aut ferreum, ad instar pyramidis quadrangulæ in unam rectam lineam fastigiatæ. Planum **ACB**. Fig. 45. dicitur *basis* cunei: recta *c a*, est altitudo. Ut ligna, lapides, & alia fissilia corpora, ope cunei scindantur, debet illius *altitudo* maiorem habere rationem ad *basm*, quàm habet resistentia partium separandarum ad vim potentie. Et hinc oritur theorema: *Quod acutior fuerit cuneus, eò minor vis sufficit, ut durum corpus illius ope dividatur.* Ut cuneus optatum sortiatur eventum, debet angulus *e a f* eadem Figura, minor esse 60. gradibus. Ad vèstem 1. generis cuneum revocat Aristoteles (*e*). Alii cunei vim ex plano inclinato derivant: nos verò, quid tenendum sit, statuemus. Ad cunei usum revocantur *Cultri, scalpelli, clavi, dolabra, secures, &c.*

Machina 5. Cochlea.

XLVII Cochlea est Cylindrus ligneus, aut metallicus in prominentes, æquales, & parallelas helices, seu ipiras excavatus; cuiusmodi est Cylindrus **AP**. Fig. 48. Cochleæ aliud inseritur corpus **DE**, in spiras concavas elaboratum, quæ prominentibus cochleæ spiris exactè congruant. Ut circumagatur cochlea, scytala **F**. inferenda est, cuius extremo applicatur potentia **B**, cochleam motura. Mirum est, quantum potentie vires augeantur machinæ hujus adminiculo; quod ut fiat, hæc lex observari debet: *Exigua potentia movebit ingens pondus, si integer ambitus unius spiræ maiorem habuerit rationem ad spatium interjectum inter proximè distantes, quàm habet pondus movendum ad ipsam potentiam.* Item hæc alia: *Quod maior fuerit longitudo scytalæ, eò plus potentia vires augentur.*

Machina 6. Glossocomum.

XLVIII. Rotis dentatis Pappus Alexandrinus *Glossocomi* nomen imposuit (*f*), quod ab aliis *Parcratium* nuncupatur. Illarum speciem exhibet Fig. 46. in qua unius rotæ dentes alterius dentibus ritè congruant, necesse est; quò ad tollenda pondera vires tollentis augeantur. Adeo profectò augentur, ut **Cl. P. Schottus**, inito caleulo, demonstret,

demonstret, terraqueum globum, licet aureus esset, Glossocomio 24. rotis instructo dimoveri posse, & in altum tolli per potentiam, quæ 125. libras aliunde posset elevare (g). Ut autem sciatur, quantum ponderis exigua potentia atollere possit, recensendus est tam numerus revolutionum rotæ, cui applicata est potentia in ordine, ut rota, cujus axiculo pendet corpus movendum, unicam revolutionem conficiat; quam quoties perimenter primæ perimetrum secundæ complectitur. Ut autem revolutionum numerus innotescat, dentes utriusque rotæ numerentur: hoc ad lentius examen, si opus fuerit, revocabitur. Pro Machinarum usu habenda est ratio frictionû, quarû resistentia vires potentia debilitat; nec pervenire sinit ad eum gradum, quem Mathematici calculi definiunt.

§. V. De Gravium æquilibrio Staticæ Principiis innixo.

XLIX. **S** Tatica ea est Physicæ pars, quæ gravium *stationem*, sive *æquilibrum sustentationem* pertractat. Dux sunt illius species, scilicet *Geo-Statica*, quæ circa corporum solidorum, & *Hydra-Statica*, quæ circa fluidorum æquilibrum versatur. Postea de fluidis, nunc solida ad trutinam revocemus. Instrumenta *statica*, sive *ponderatoria* sunt *Libra*, & *Statera*. Libræ forma, & usus notissimum est, cujus notioni hoc unum addo: *Dolosa est, cum unum ex brachiis, est altero longius*; tunc enim minus pondus lancem premens brachii longioris æquiponderat breviori. Fidelior autem eò est, quò longiora sint illius brachia, ut merito dicit Aristoteles (h). Statera in hoc differt à libra, quòd brachiis constet inæqualibus, sicut exhibet Fig. 49. 1. Brachium longius dividitur in partes æquales brachio breviori, ut exploretur æquilibrum duorum corporum inæqualis gravitatis. Si igitur pondus = 4. appendatur puncto A, & aliud = 1. in puncto B. aut C. aut D. adhuc prævalebit pondus = 4: si verò pondus = 1. sit appensum in puncto E, æquilibratur cum pondere = 4. Hoc necui mirum videatur, concedenda sunt huiusmodi postulata: 1. *Velocitates duorum gravium solidorum, ab ejusdem jugi extremis liberè pendentium, sunt directè inter se, ut eorundem distantia à centro motus*: 2. *Si eadem non est ratio ponderis ad pondus, quæ est reciprocè distantia ad distantiam à centro motus, sive puncto suspensionis, pondera non æquilibrantur*: 3. *Pondera inæqualia, ex inæqualibus distantis suspensa, manent in æquilibrio; si eorum distantia à centro motus fuerint, ut ipsa pondera reciprocè.*

De

De hydrostatico Fluidorum momento.

L. I N plurimis, nostra potissimum ætate exploratis, nesciatur Philosophus, qui non sit *Hydrostatica* principiis imbutus; quibus de-
 kbatis, multa illorum phenomena explicantur. Operæpretium est prius
 scire, quid sit *liquor homogeneus*, & *heterogeneus*? Quid *vas uniforme*,
 ac *difforme*? Quid *vas convergens*, ac *divergens*? Quid *inclinatum*, ac
horizonti parallelum? Quid *tubi communicantes*, *capillares*, ejusdem, vel
 diversæ *perimetri*? ut *Fluidorum Pressio*, *Æquilibrium*, & *Ascensus*
 observetur. Circa *pressionem* hæc statuimus: *Basis Cylindri tota simul à*
toto fluido premitur, quod in illo continetur: *pars autem ab ea tantum*
fluidi columna premitur, quæ illi correspondet. *Inferiores particulae fluidi*
ponderosi à superioribus versùs omnem partem aequaliter premuntur.
Utrumque explicabitur in Fig. 52. Tab. 1. Basis cujuscunque vasis, sive
convergentis, sive divergentis, tantum premitur ab inesistente fluido,
quantum premeretur, si vas esset uniforme. Si duo vasa, ad *perpendiculari*
horizonti insistentia, *homogeneo fluido ad æqualem altitudinem repleantur*,
pressiones erunt, ut bases. Si duo vasa æqualium *basisum homogeneo*
fluidò repleantur, *pressiones basisum erunt directæ, ut prementium liquo-*
rum altitudines. Si duo vasa *uniformia inæqualium basisum ad perpendi-*
culum insistentia, (Fig. 56.) *eodem liquore ad inæqualem altitudinem*
repleantur, *pressiones erunt in ratione composita basisum, & altitudinum.*
Si duo vasa fluidis heterogeneis impleantur ad eandem altitudinem, *pres-*
siones basisum erunt directæ, ut specifica illorum gravitates: si verd alti-
tudines sint inæquales, equaliter prementur bases, dummodò altitudines
sint reciproce, ut specifica liquorum gravitates.

LI. *Fluidorum Æquilibrium* maxime in *tubis communicantibus*
 (Fig. 57. 58. 59. 60.) exploratur. *Tubi communicantes* dicuntur illi, in
 quorum alterum si liquor infundatur, is in alterum liberrime deducitur.
 In hisce tubis liquores *æquilibrium* servare dicuntur, cum ita se mutuo
 sustinent, ut neuter alium vincere, aut, ut altius ascendat, cogere potest.
 Necesse est igitur ad *æquilibrium* servendum, ut liquores sese premant
 in infima sectione verticali C. Fig. 57. tuborum AB. Fluida sese ad *æqui-*
librium componunt harum legum beneficio: 1. *In tubis communicanti-*
bus, sive equalis perimetri, ut AB. Fig. 57. sive inæqualis, ut AB. Fig. 58.
horizonti quomodocunque insistentibus, liquor homogeneus æquilibratur,
cum ad eandem in singulis altitudinem ascenderit. 2. *Fluida heterogenea*
in tubis cujuscunque perimetri, & utcumque horizonti incumbentibus, man-
nent in æquilibrium, cum illorum altitudines fuerint, ut reciproce ipsorum
gravitates specifica.

LII. Hujusmodi legibus non audiunt *Tubi* quos ob suam exilitatem
Capillares nuncupamus, in quibus liquor, quanvis sit homogeneus, al-
 tius

tiùs affurgit. Hoc phænomenon, inquit P. Zanchi, quod partim fortasse ab alia, nobis adhuc incognita, causa oriatur (*i*). Tres potissimum sententiæ vigent in hac re: prima est Danielis Bernoullii (*l*) cum nostro Cl. Fabry, Jacobo, & aliis asserentibus, ideo liquores altiùs, quàm ferunt leges æquilibrii, ascendere in *tubis capillaribus*, quia liquor extra ipsos fortiùs ab externo fluido premitur. Secunda est Vossii, referente Sturmio (*m*), qui liquoris elevationem supra libellam attribuit ipsius liquoris adhesionis ad latera tubi interna. Tertia est Musschenbroeckii (*n*), cum Nevvtonianisimo putantis, phænomenon hoc uno *Attractionis* verbo explicatum iri. Nos autem Vossii mentem ad sensum P. Regnault (*o*) aptabimus, ac tuebimur.

LIII. Quoad ascensum *Fluidorum* attinet, multa sunt jucunditatis pariter, ac utilitatis emolumenta, quibus meritò Physici curas impendunt. Liquores ascendere miramur tum per Siphonem crurum inæqualium, vulgo *Catimplora* (Fig. 61): tum per anthias, & sentinas, vulgo *Bombas*: tum per Barometrum ABDE. Fig. 62: tum denique per Tubum Torricellianum ABD. Fig. 63. a Torricellio detectum. Peripatetici, vacuum plus æquo horrentes, causam *finalem* ascensûs liquorum metui vacui tribuebant; altum causam illius *physicam* silentes. Sed panicus est ille metus: causa autem physica ascensûs illorum est *pondus*, & *gravitatio fluidi ambientis*. Et hæc est ratio, cur *aqua vasis* AA. Fig. 61. *exeat per officium cruris* FG: *Cur in tubo Torricelliano* AC. Fig. 63. *mercurius ad 28. pollicum altitudinem ascendat*: *Cur non erumpat hydrargirus per apertum foramen* D. *barometri* AD. Fig. 62: & *Cur aliquando magis, aliquando minus ascendat per tubum longiorem* EBA. Huc etiam refert experimentum P. Regnault (*p*): siquis enim duas papyri bibulæ fascias, alteram vino, alteram oleo intingat, easque quantum fas est, immisceat, mittatque breviora illarum crura in vas, oleo, & simul vino plenum, extra quod pendeant longiora fasciarum crura, deprehendet, quòd per fasciam, solo vino delibutam, solum vinum erumpat, & per aliam tantummodò oleum. Non inferioris est jucunditatis fons ille periodicus in Japonia, qui non continuò fluit, sed bis tantùm singulis diebus spatio unius horæ, inquit Le Monnier (*q*): nosque explicabimus in siphone *e a f*. Fig. 50.

H

De

(i) Phys. Gen. P. ult. n. 362. (l) Differt. de Grav. ætheris. (m) L. de Nili, & aliorum fluminum orig. c. 2. & Borel. Traët. de motien. nat. a gravit. pendentib. (n) Differt. de tub. Capil. apud à Brix. (o) Tom. 2. Dialog. phys. Dial. 3. (p) Tom. 2. Dialog. Phys. ibidem. (q) Tom. 5. Phys. Part. 12g. miji 142.

De hydrostatica Solidorum in Fluidis ponderatione.

LIV. **T** Ripliciter evenire potest solidorum in fluidis immersio: 1. Si utrumque sit ejusdem gravitatis specificæ: 2. Si solidum sit specificè gravius fluido, cui inergitur: 3. si sit specificè levius: & secundum has diversas combinationes diversa est ponderatio. Hinc dico 1. Solidū a b, Fig. 64. in liquidū ejusdem cum illo gravitatis specificæ liberè demissum eò usque demergitur, quo utriusque superficies coaquantur: 2. Solidum E. fluido AB. eadem Fig. specificè gravius, totum illi immergitur, & tantum ponderis amittit, quanti est volumen fluidi illi aequale: 3. Pondus, quod amittit solidum in fluido specificè leviori, est ad ejusdem solidi pondus absolutum, ut specifica gravitates utriusque: 4. Solidum D. fluido graviore immersum, suoque genio relictum, una dumtaxat sui parte illi demergitur: 6. Solidum E. sub graviore fluido detentum, sibi quæ deinde relictum, tanta vi (sua veluti iponte) ascendit, quantus est excessus gravitatis in fluido: 6. Pondera, quæ à duobus solidis ejusdem gravitatis specificæ in eodem leviori fluido amittuntur, sunt directè, ut ipsorum volumina: 7. Ex duobus solidis, natura dissimilibus, sed pondere aequalibus, eodem leviori fluido immersis, quod est minus grave, maius pondus amittit. Tandem: Solidum fluido immersum tantum sui ponderis amittit, quanti est volumen, quod suo loco in immersione excluditur.

LV. Ex dictis innoteſcet: Cur vas intus cavum ex plumbo, auro, vel ex alia materia specificè graviore, si mittatur in aquam, una tantum sui parte mergitur, & ut corpus specificè levius, innatat. Cur bractea plumbea, vel aurea non mergitur. Cur globus cereus, in frigidam demissus, illi innatat, incipiensque caleſcere, fundum paulatim petit, rurſusque calore aucto, eluſtatur. Cur naves mercibus onusta non demergantur. Cur homines in aquam præcipites immergantur, poſtea ſurſum aſcendunt, iterumque descendunt exanimæ, donec, elapſo aliquo tempore, ad ſuperficiem aquæ tumida cadavera aſcendunt. Cur hoſis nautica ad explorandas aquas profundiores ſit inutilis. Cur bruta innatant, non verò homines, ni prius natare diſcant. Cur deprehenderit Archimedes, an aurifaber aliquod auri pondo ſubtraxerit ex illo, quod Hiero, Syracuſarum Rex, ſibi tradiderat ad coronam conficiendam. Et cæt.

De Motu Directo, & Reflexo, & Refracto.

LVI. **M**otus horizontalis viam arripimus, illam ſcilicet, qua mobile quodcumque fertur per lineam horizonti parallelam. Huiusmodi motus vel eſt *Directus*, vel *Reflexus*: directus eſt ille, per quem mobile fertur linea recta ſecundum priorem determinationem: reflexus autem eſt, quo mobile regreditur, ab alio corpore reſiliens, quod penetrare non valet. Huic affinis eſt motus *Refractus*, ille ſcilicet, quo mobile

ob aliqualem alterius corporis, quod obliquè subit, resistantiam à recto tramite deflectit. Motus directus subditur legibus, quas supra tulimus n. XXIX. Circa motum reflexum de multis pauca seligimus, alia præsens in tempus omittentes. Quod attinet ad illius causam, dicimus cum nostro Zanchi, solum elaterium vel mobilis, vel obicis esse causam reflexionis (r); quidquid in contrarium sentiant alii cum Em. Ptolemæo (s). Motus reflexus hoc fundamento, quod est catoptricæ basis, innitur: angulus reflexionis est æqualis angulo incidentiæ. Deinde his regulis perficitur: 1. Globus B. Fig. 73. incidens in planum EDF. lineâ perpendiculari, per eandem reflectit: 2. Globus A. eadem Fig. obliquè incidens in planum D. obliquè reflectit. Quæ hic subducimus, postea redentur, cum de Collisione corporum, & cum de Reflexione lucis egerimus.

LVII. *Motus refractus*, cum in medio resistente peragatur, dupliciter in fluido medio contingit: vel enim mobile incipit in fluido rariore moveri, & progreditur in densius; vel ex densiore pergit in rarius. Hoc etiam dupliciter evenire solet; aut enim movetur perpendiculariter, aut obliquè. Ut ut res fiat: linea, per quam fertur mobile, refractionem subiturum, dicitur *Radius incidens*: tales sunt lineæ IX, BX. Fig. 65. Linea, qua motum prosequitur in secundo medio, est *Radius refractus*: ut sunt lineæ XE, XG. Punctum X. dicitur *Punctum refractionis*. Linea CD. dicitur *Axis refractionis*. His interim à Dioptrica mutatis, pluribusque ad *Refractionem lucis* omissis, hæc generalia principia tuebimur: 1. *Solidum mobile transiens à medio rariori in densius, aut vicissim, perpendiculariter, motum suum etiam perpendiculariter conficit*: 2. *Solidum I. Fig. 65. ex medio rariori in densius obliquè incidens refringit à perpendiculari suum motum*: 3. *Solidum G. eadem Fig. emergens à fluido densiori in rarius motum ad perpendicularem refringit in egressu*: 4. *Solidum A, vel B. Fig. 66. projectum sursum, vel deorsum ex medio rariori in densius, movebitur ad perpendicularem, si aliquid ex his mediis non sit in loco sibi connaturaliter debito.*

De Motûs corporum se collidentium communicatione.

LVIII. I Mproprie sunt huiusmodi locutiones: *Communicatur motus*: *Datur communicatio motûs*; cum enim dicitur, quod in percussionibus corporum communicetur motus, sensus est, quod corpus impingens ob resistantiam corporis obvii aliquid sui impulsûs amittat; vel tantundem producat in obvio. Hæc motûs communicatio, vel potius

(r) Phys. Gen. P. altera. c. 4. n. 115. De-Ghales Mechan. I. 8. Prop. 16. (s) Phys. Univ. Dissert. 18. sect. 1.

tius *collisio*, & *percussio* corporum, multipliciter potest evenire: vel enim corpora collidentia sunt *Elastica*, vel *Dura*: vel utrumque movetur, vel alterum tantum: vel unum assequitur præiens, vel obviat alteri è regione occurrenti: vel denique collidunt corpora AB. Fig. 70. lineâ directionis utriusque centrum pervadente, id est, *percussione directâ*; vel non pervadente, id est *percussione obliquâ*, ut corpora AB. Fig. 71. Ad huiusmodi motus peragendos viam sternunt hæc documenta: 1. *Corpus horizontaliter motum primam determinationem non mutat, nisi ab externo obice impediatur*: 2. *Omne grave resistit motui, quem à se non potest habere*: 3. *Grave resistit vel per se, vel per accidens, motui, quem non habet*: 4. *Resistens motui, plus resistit velociori*: 5. *Resistentia corporis ad motum concitati mensuranda est per molem ipsius*. His adde, quæ supra n. XXVII. de *Impulso* dicebantur.

LIX. Nemo est, qui nesciat, unum corpus alteri, cui alliditur, motum communicare: non omnes tamen sciunt, quibusnam legibus id à natura perficiatur. Illas primus omnium Cartesius evulgare cepit; infaus- to tamen sydere: nullus enim est, qui in hac re ab illo non deficiat: laudandus tamen est, qui fecit errando, ut errores vitarent alii. Cartesio propterea neglecto, leges pro corporibus duris tradidit Vallisius (1): pro elasticis Urenius, Nevvtonus, Hugenius, Mariottus, de Carrè, Keil, ac novissimè Cl. Scherffer (u). Illorum nos vestigia terentes, leges hic appendimus, quæ in collisione tum *durorum*, tum *elasticorum* corporum observantur.

Collisio Corporum inflexibilium.

LX. **T** Riplex est collisionis species, ut jam supra n. LVIII. innuimus: 1. cum unum corpus offendit aliud *quietum*: 2. cum assequitur *præiens*: 3. cum obviat *occurrenti*. Ad percussionem primæ speciei est lex 1. *Si corpus A. Fig. 74. omnino inflexibile directè incurrat in aliud B. similiter durum, invincibiliter resistens, post incursum manebit immotum*: 2. *Si corpus offensum B. Fig. 80. Tab. 4. sit resistentia superabilis, post incursum movebitur utrumque justa determinationem incidentis aequali velocitate, diviso pro ratione molis utriusque corporis impulsu*. Ad percussionem 2. speciei est unica lex. *Si corpus A. Fig. 80, perfectè durum in aliud B. versus eandem plagam translatum incurrat, post incursum movebitur utrumque aequali velocitate, diviso similiter impulsu pro ratione massarum*. Ad percussionem 3. speciei sit lex 1. *Dua corpora dura, cuiuscunque sint molis, directè sibi occurrentia aequali velocitate, post occursum manebunt immota*. Huic legi refragatur P. Regnault (x);

(1) Apud à Brix. Phys. G. P. 1. n. 365. (u) Inst. Phys. P. 1. Exerc. 2. art. 8.

(x); sed immerito: magis à vero distare videtur Le-Monnier asserens illa in perpetuo nisi contra se invicem esse futura, si supponantur in vacuo (y). 2. Duo corpora dura AB. Fig. 72. inaequalis massa, & celeritatis, directe sibi occurrentia, post ictum quiescent, si velocitates sint in ratione inversa massarum: 3. Si duo corpora dura AB. Fig. 70. aequalis massa, sed inaequalis celeritatis, sibi mutuo occurrant, utrumque movebitur secundum determinationem praevalentis; ita diviso per utrumque excessu velocitatis, ut simul aequaliter moveantur.

Collisio Corporum elasticorum.

LXI. **A** Ntequam ferantur leges percussionis elasticorum, praesupponenda sunt haec lemmata: 1. Corpus elasticum restituitur tanta vi, quanta fuit compressum: 2. In compressione duorum corporum elasticorum compressio est reciproca, & aequalis in utroque: 3. Compressio uniuscujusque corporis elastici est aequalis impulsui amisso ab altero eorum corporibus collisis: 4. Quando datur motus communicatio, compressio est aequalis impulsui amisso à corpore communicante. Sicut corpus inflexibile, ita & elasticum potest aliud tripliciter offendere, scilicet Procursu, Incursu, & Occursu. Ad procursum, sive percussione primæ speciei, est lex 1. Si globus A. Fig. 74. elasticus incurrat in B. pariter elasticum invincibilis resistentia, post impactationem reflectet eadem velocitate, qua impigit: 2. Si globus A. Fig. 75. elasticus offendant globum B. quietum, aequalem, & vincibilis resistentia, globus impingens, facta collisione quiescet: alius vero antea quiescens movebitur impetu, & velocitate incurrentis: 3. Globus A. Fig. 78. in altum B. minoris diametri quiescentem impingens motum prosequitur, tardius tamen: globus vero anticus celerius possitico movebitur in eandem partem. 4. Globus A. Fig. 79. minoris diametri in maiorem B. quiescentem impingens, reflectet per eandem viam, qua venerat, cum solo excessu impetus ab elaterio recepti supra impetum priorem in eo superstitem: globus autem B. feretur secundu[m] determinationem incurrentis cum dupla quantitate impetus, ab illo communicati.

LXII. Ad percussione[m] 2. speciei interserviunt leges sequentes: 1. Si globus A. Fig. 80. incurrat in B. sibi aequalem, movebitur uterque post ictum secundum determinationem insequentis, permutatis celeritatibus: 2. Si globus A. Fig. 78. maioris diametri assequatur minorem B. peracta collisione, tardius prosequetur; minor autem secundum eandem determinationem celerius movebitur: 3. Globus A. Fig. 79. incurrens directe in altum B. maioris diametri, modo, quamvis tardius, motum prosequetur; ali-

aliquando manebit immotus; aliquando regredietur. Ad percussionem 3. speciei fiat leges: 1. Globi A, B. Fig. 70. *aqualis molis, & celeritatis, ex opposito sibi occurrētes, eādem celeritate, quā sibi mutuo accessere, post ictum resiliunt*: 2. Hoc ipsum eveniet, si illorum massa sint in ratione reciproca celeritatum: 3. Si sint *aqualis massa, sed inaequali celeritate sibi occurrant, permutatis celeritatibus, resiliunt*: 4. Si sint *inaequalis massa, & inaequalis celeritatis, habens impetum debiliorem reflectetur post occursum cum tanta impetus quantitate, quantā venerat, & simul cum quantitate dupla impetus prioris per communicationem accepti: habens autem impetum fortiozem, modò quiescet, modò resiliet, modò feretur secundum priorem determinationem*: 5. Si sint *inaequalis massa, sed aequalis celeritatis, corpus minus semper post ictum resiliet: maius autem quandoque suum motum prosequetur, quandoque subsistet, & interdum reflectetur*.

§. VI. De sensibilibus Corporum Qualitatibus.

LXIII. **S**ensibiles corporis affectiones hīc illud nominamus, quod externorum sensuum organa immutat, quò perceptio immutationem illam consequatur in anima. *Qualitas igitur sensibilis ea est corporis affectio, per quam corpus ipsum est sensibile*. Indubium est dari in corporibus huiusmodi qualitates, quæ sensuum exteriorum sunt objecta, seu potius sensibus externis obijciuntur, ut peracta illorum immutatione, sensationem producat anima. Huiusmodi qualitates sunt *Lux, Color, Sonus, Odor, Sapor, Calor, & Frigus*, de quibus hīc aliqua dabimus, reliqua ad 2. Partem *Physica particularis*, ubi de *sensibus externis* sermo erit, omittentes. Mirum non est, quòd in *Luce Philosophorum* ingenia cæcutiant, dum illius naturam contendunt explorare: tam enim est oculis obvia, quàm mentibus impervia. Idcirco illius (cæcorum more) genefim tentabimus.

Quid, & quotuplex sit Lux?

LXIV. **L**ux in *Primitivam, & Derivatvam* bipartitur: *primitiva est illud, per quod corpus est formaliter luminosum: derivativa est illud, quod per medium à lucido corpore diffusum, & ad oculos usque propagatum, efficit, ut corpora, aliunde inconspicua, videantur*. Ut clariùs ad dicenda progrediamur, præsciendum sit, quid sit *Punctum radians*: Quid *Radius Luminis, Directus, Reflexus, & Refractus*: Peripatetici lucem constituunt in quodam *accidente* absoluto, à substantia corporea distincto, quorum placito RR. probabilis refragantur, lucem *primitivam* in concitatissimo quodam subtilium partium luminosi motu collocantes. Circa lucem derivativam triplex est Neteoricorum sententia. Epicurum, Democritum, ac Leucippum sibi Gassendus adaptans asserit, lucem derivativam esse *effluviū quoddam corporeū*,

*reum, seu corpuscula, quæ ex lucido usque celeritate celerissima emittuntur, incidentiaque in oculum visibilia faciunt tum lucidum ipsum, tum quodlibet corpus (z). Malebranchius, Hugenius, de Molieres, Pluche (a) ac denique Bernoullius (b) putant, lumen non esse diversum à vibratorio motu subtilissimæ, fluidissimæ, & maxime elasticæ substantiæ, quoquo versûs diffusæ impresso. Cartesius (c) in *pressionē rectilinæa* globorum *secundi Elementi*, sive in horum conatu ad recedendum lineæ rectâ à lucidi corporis centro, lucem derivativam constituit. Ex his duabus sententiis posterioribus nostrâ cudimus, uberiùs interroganti explandam.*

De Luminis intensiōe, & remissionē.

LXV. Tunc Lux dicitur *intendi*, cùm vel magis luminosum corpus effulget, vel minùs ab illuminato corpore distat: & tunc dicitur *remitti*, cùm vel minùs irradiat luminosum, vel magis distat ab illuminato. Eò autem intensius, aut remissius est lumen, quò magis, aut minus fluidissimæ substantiæ particulæ vibratorio motu rectilineo ciantur. Hoc verùm est; si radii lucis per homogeneum fluidum dispergantur; cùm enim tunc indies sint magis, & magis *divergentes*, languidior est illorum motus, quò magis à puncto radiante discedunt. Hinc sua sponte descendit hæc lex: *Lux, quæ ab eodem radiante puncto quoquo versûs diffunditur, decrescit intensivè in ratione duplicata distantiarum ab ipso puncto reciprochè.* Tab. 1. Fig. 4. A contrario sensu dicendum est, quando radii sunt *convergentes*.

De Reflexiōe Luminis.

LXVI. Reflexio lucis est illius regressus ex opaci corporis, in quam cadit, superficie. Ex hac reflexione fit non exigui ponderis argumentum, lucem esse corpus; utpote quæ leges reflexionis aliorum corporum servat, & quidem per angulum reflexionis æqualem angulo incidentiæ. Hinc dico: Reflexio luminis provenit ab impactione globulorum materiæ subtilis in corpus opacum, illius motum rectum impediens. Neque oppositum convincit Cl. Nevvtonus (d). Hæc reflexio conspicua maxime redditur in speculis, quorum cùm triplex sit species, scilicet *Plani, Concavi, & Convexi*, etiam triplicis ordinis leges ex Catoptrica mutuantur. Pro speculis planis sit hæc unica lex: *Radii incidentes paralleli in speculum planum etiam paralleli reflectuntur.* Pro speculis concavo- sphaericis lex 1. *Radii s x, u z, Fig. 87. Tab. 4. qui hinc inde ab axe m n, ex æquo distantes in concavam speculi CD. superficiem. incidunt*

(z) Sect. 1. Phys. L. 6. c. 11. (a) Apud à Brix. Phys. Gen. P. 1. n. 1176 (b) Dissert. de mercurio lucente in vacuo. c. 3. (c) Dioptric. c. 1. n. 3. (d) Optic. L. 4. P. 3. ad Prop. 8. apud à Brix. n. 1249.

incidunt paralleli tum inter se, tum ipsi axi, post reflexionem in uno communi puncto axis uniuntur: 2. Existente luminoso in foco speculi concavi, omnes illius radii, qui in superficiem cadunt, resiliunt tum inter se, tum axi paralleli: 3. Si lucidum existat in centro speculi concavi, omnes illius radii in superficiem speculi cadentes in se ipsos reflectuntur. Pro speculis convexis unica lex. Radii luminis, e i, o u. Fig. 86. incidentes paralleli in convexam speculi AB. superficiem disperguntur.

De Refractione Luminis.

LXVII. **N**Otissimum est dari luminis Refractionem, cum ex uno medio in aliud, v. g. ex aere in aquam, aut in lentem vitream pervadit, aut è contra. Talis est inflexio radii IXG. Fig. 63. Tab. 3. Ex refractione luminis etiam certum fit argumentum, lumen esse corpus, quanvis non servat communem aliorum corporum legem; hoc enim fundamentali Principio Dioptrices innititur: *Lumen, oblique transiens ex medio rariori in densius, refringitur ad perpendicularem: si vero transeat à densiori in rarius, à perpendiculari refringitur.* Gravesandus (e) multis hoc fundamentum concutere nititur experimentis, quibus illius firmitatem labefactari visum est P. à Brix. (f). Nihilominus illud inconcussum Catoptrices axioma propugnabimus. Plenum alee opus est *physicam* Refractionis causam explorare: circa quod tot sunt RR. sententiæ, quot capita; nihilque solidi in hac materia occurrit (g). Nulla mihi non displicet opinio, cum plura sint ad omnes oppugnandas, quàm propugnandas, rationum momenta. Nevvtonus (h), & illius assertor Cl. Scherffer (i), ad notam sibi confugiunt *Attractionem*. Cartesius (j) Refractionem ex eo provenire dicit, quòd lumen celerius per medium densius, quàm per rarius propagatur. P. Maignan, quem sequitur De-Chales (m), & omnes fere modò Philosophi, statuit luminis Refractionem oriri ex inæquali facilitate, quâ per diversa media perficitur illius propagatio. Gassendus illam hoc modo explicat: *Unus globulus lucis v. g. A e. Fig. 88. Tab. 4. à sole in aquam FG. HI. adveniens, ita fertur secundum axem, seu quasi lineam impetûs, fibrulasque ipsi parallelas, ut concepta suprema quasi poruli m, prius quàm axis globuli ad illud medium perveniat, fibrula ceterius, seu ex parte solis R, ora latiusculum in contingat, sitque obstaculum, quominus globulus ea parte, qua ora contingit, tam perneciter, quàm reliqua tota, in qua ipse axis est, feratur.* Hanc Refractionis causam tuebimur.

(e) Elem. Physf. §. 2844. (f) Physf. Gen. P. 1. a n. 1308. (g) De-Chal. L. 1. Dioptric. Digression. de causâ Refract. (h) Optic. Q. 29. (i) P. 2. Inst. Physf. n. 164. (j) Dioptric. cap. 2. n. 9. (m) L. 1. Dioptric. ut supra.

Refraçtio Lucis in lentibus vitreis.

LXVIII. Lens vitrea aut est utrinque *Plana*, aut *Plano-concava*, aut *Concavo-concava*, aut *Plano-convexa*, aut *Convexo-convexa*. Utrumque sit, experienciâ compertum est, lumen per quamlibet illarum refringi; quanvis non eisdem legibus in qualibet perticiatur. Sit igitur lex 1. *Radii lucis incidentes paralleli, perpendiculariter, vel oblique in vitrum servant parallelismum in eruptione.* 2. *Radii luminis mX, Fig. 89, vel rt. Fig. 90, qui hic inde aequaliter distantes ab axibus dd cadunt paralleli tum inter se, tum ipsis axibus, in lentem vel convexo-convexam AB, vel in plano-convexam CD, simul uniuntur ultra lentem in uno puncto axis.* 3. *Posito luminoso radiante in foco a, Fig. 89, 90, lentis convexo-convexæ AB, vel plano-convexæ CD, radii lucis r. s. o. i. & m. n. o. in lentem cadentes, egrediuntur paralleli in partes r. n. e. z, S. e. u.* 4. *Radii lucis m. n. Fig. 91, vel X. Z. Fig. 92, incidentes paralleli in lentem plano-concavam AB, vel concavo-concavam CD disperguntur in egressu.* Ad assignandum locum foci in lentibus convexis, hæc ex P. De-Chales observanda sunt. 1. *Focus lentis plano-convexæ est circa extremum punctum diametri sua convexitatis.* 2. *Si hæc lens fuerit aquea, focus est in distantia sesquidiametri.* 3. *Si lens vitrea fuerit utrinque convexa, focus est in centro convexitatis.* 4. *Si fuerit aquea, focus est ad semidiametrum convexitatis in ratione sesquialtera.*

De Colorum genesi.

LXIX. Jucundum sanè campum, atque omni amenitate videntem, nobis *Colores* aperiunt: in illo tamen vix rosam carpere licet absque latentis spinæ vindicta; tanta enim est illorum subtilitas, ut ingeniorum pungat acumina. Tota lis est, (& adhuc sub iudice) in adstruenda *Coloris* essentia. Color vel est *Objectivus*, vel *Formalis*: formalis est *Id*, quo mediante, in organo visus excitatur ea motio, quam sensatio coloris in anima comitatur: objectivus est ea corporis affectio, ratione cujus corpus tale est formaliter, ut si perfusum lumine fuerit, coloratum appareat. Colores sunt *Permanentes*, vel *Transeuntes*: *Extremi*, vel *Medii*: *Primitivi*, vel *Derivativi*. Antequam ad ulteriora progrediamur, Dico 1. Color formalis non est qualitas à lumine, quod in oculos regeritur, entitative distincta. Huic Recentiorum sententiæ lucem addidit maius scholarum luminare, D. Thom. *Color* (inquiens) *nihil aliud est, quam lux quædam, quodammodo obscurata ex admixtione corporis opaci* (n). Dico 2. Color formalis est ipsum lumen in corpore opaco per reflexionem, vel refractionem, diversimodè modificatum. Hoc præclaro probat experimento

rimento ligni nephritici Cl. Du-Hamel (o). Dico 3. Color objectivus non est accedens absolutum in sensu scholastico, sed a magnitudine, figura, & situ particularum corpus compositum unice dependet.

LXX. *Colores extremi sunt Albus, & Niger, qui nullam aliorum dosin patiuntur. Ad Albedinem aliqua præter lucem requiruntur: 1. quod particule exilissimæ corpus constituentes, vel spherica superficie donentur, eaque politissimæ, vel polyedricæ, quæ planis terminetur lævigatissimis: 2. quod huiusmodi particule ita sint dispositæ, ut plurimæ illarum neque sint nimis præminentes, neque nimis depressæ. His requisitis innititur nostra Resolutio: Albedo consistit in multo lumine inordinate reflexo à corpore, quod album apparet.* Ad Nigredinem requiritur, quod corporis nigri superficies crebris hiet cavitatibus: & hæc dispositio dicitur *Nigredo in actu* 1. in actu autem 2. *consistit in ferè nullo, aut modico lumine reflexo.* Et hinc patet 1. *Cur corpora nigra, cæteris paribus, leviora sint albis. Cur ustione corpora nigrescant. Cur pannus albus, ut ab insectoribus nigro colore tingatur, vitriolum, & alia partes corrodescentes alibi solent. Cur si exponantur soli duo marmora, nigrum, & album, illud citius incalcescat.* Color albus, & niger etiam *Primitivi* nuncupantur; quatenus invicem permixti diversos alios colores efficiunt. Hinc optimè dicit Aristoteles, *Colores esse, sicut numeri* (p). Etiam ex coloribus mediis aliqui sunt *Primitivi*, maxime *croceus*, & *caruleus perfectus*. Sicut igitur ex albo, & nigro permixtis oriuntur tum *cineus*, tum *caruleus imperfectus*; ita ex croceo, & cæruleo nascitur *Viridis*: ex rubro, & croceo *Aurantiæ*: ex viridi, & cæruleo *Pavonaceus*: ex rubro, & cæruleo *Puniceus*, & alii, ut norunt pictores. Circa naturam *Colorum mediorum* summum est inter Philosophos dissidium, etiam inter Recentiores, qui in *Albedinis*, & *Nigredinis* genesi conveniunt.

De Coloribus mediis.

LXXI. **Q**UINQUE plerunque recensentur colores medii, *Ruber* scilicet, *Flavus*, *Viridis*, *Caruleus*, & *Violaceus*. Peripatetici colores veros ab apparentibus, quos *Phantasticos*, & *Delusorios* appellant, distinguunt; sed immeritò: colores veros suis inherere subjectis (independenter à lumine) constanter, inquirunt: phantasticos esse dicunt illos, quos in Iride, trigono vitreo ABC. Fig. 91. in nubibus, columbarum collis, & pavonum caudis, non sine voluptate contemplamur. Nos igitur cum Neotericis asserimus, *Colores tam permanentes, quàm apparentes, nihil aliud esse, quàm lumen certa ratione modificatum.* A quo autem

(o) Phys. P. 3. Tract. 1. Dissert. 4. c. 4. pag. mihi 255. (p) L. de sensu, & sensib. c. 3.

autem proveniat tam mira colorum diversitas! est naturæ mysterium, quod oculis obveritur, sed est mentibus inaccessum. Cartesius (g) physicam mediorum colorum naturam derivat ex varia combinatione motûs *circularis*, & *refli*, quibus afficiuntur globuli lucis, dum ex irradiante corporis superficie in oculos proficiuntur. Celeberrima est circa colores medios hypothetis Nevvtoni (r). Admittit vir Cl. quemlibet subtilissimum pure lucis radium constare pluribus particulis, magnitudine, & figura inæqualibus. radios, qui eadem magnitudine, & figura donantur, *homogenos* appellat, & qui diversa, *heterogenos*. Colores igitur, qui in obice O. Z. Fig. 94. fiunt à radiis E, prisma trigonum A. tubecuntibus, veniunt in hac hypothese à radiis heterogeneis in ipso primate refractis, qui ubi coeunt, inquit Cl. Clarke, non se invicem destruant, sed miscentur tantum (s).

LXXII. *Colores autem permanentes* sic explicant Nevvtoniani. Corpora colorata, licet omne genus lucis, dum lumine perfunduntur, excipiant, non tamen nisi genus unum reflectunt, videlicet non nisi *rubros* radiolos, quæ *rubra*; flavos, quæ *flava*, aut *violaceos*, quæ solum *violacea* nobis se produnt (t). Gassendus, & quamplurimi enuntiatæ naris Philosophi putant, quod, sicut *Albedo* ex magna pure lucis copia, & *Nigredo* ex lucis carentia, ita colores inter illas medii ex varia lucis, & umbræ mixtione proveniant. Operosius autem est determinare, quænam lucis, & umbræ miscella requiratur ad colorum varietatem efficiendam. Funchius apud Cl. Rizzetum (u) pro *flavo* assignat unam partem umbræ, & tres luminis; pro *rubro* duas luminis, & totidem umbræ; pro *caruleo* 3. partes luminis, & unam umbræ. Cum autem perciperet *viridem* ex *flavo*, & *caruleo* componi, ea luminis, & umbræ dosis simul ad illum requiritur, (ait) quæ ad *flavum*, & *caruleum* seorsim concurrat. Alii aliter philosophantur. In tanta rerum caligine animo succurrebat asserere cum Cl. à Brixia: *Incertum est; per quod formaliter habeat lumen, ut flavum, aut viride, vel alio medio colore tingendum corpus nobis exhibeat, ex cuius superficie in oculum regeritur* (x). Verum ut ut incertum hoc sit, Dico, Colores medios consistere in varia radiorum luminis vibratione, qua vel per reflexionem, vel refractionem ad oculos reflectit (y).

De Sonoro, & Sono.

LXXIII. Sicut lucis, & colorum amenitate prolectantur oculi, ita sonorum varietate demulcentur aures, qui quod suaviores sunt auditui, eò asperiores intellectui difficultates obijciunt, quibus sternendis,

(g) Meteor. c. 8 n. 7. (r) Optic. L. 1. P. 2. (s) Not. in Phys. Rob. aultii. P. 1. c. 27. (t) a Brix. Phys. Gen. P. 1. n. 1476. (u) De Lumin. affection. L. 2. Prokus. de Colorib. in genere. (x) Phys. Gen. P. 1. n. 1481. (y) Zanchi Phys. Gen. P. 2. Dissert. 3. sect. 1. c. 6.

dis, oportet præscire, quid sit *Tremor*, & *Undulatio*: Quid *Sonorum*, & *Sonans*: Quid *Radius sonorus*, & *centrum soni*: Quid *sonus primitivus*, sive *objectivus*, & *derivativus*, sive *formalis*: Quid tandem *sonus directus*, & *reflexus*: Malè audit apud nos *Sonus Peripateticus*, in *Physica qualitate* abloluta à suis assertoribus constitutus: ideo dicimus cum nostris Cl. Cl. Fabri, Cabreo, Dechales, Zanchi, & Scherffier (2), 1. *Sonus primitivus consistit in motu tremulo partium minimarum corporis sonori*. Ex quo multa explicantur phænomena ab ipso Cl. Scherffier allata (a). Dicimus 2. *Sonus derivativus consistit in tremore aeris acusticum organum percellentis*. Percussio igitur corpore *Sonoro*, oscillantes hujus fibræ ita suo premunt vicinas aeris partes, quæ euntes, & redeuntes concilis vibrationibus in aures appellant.

LXXIV. Hæc *Soni* propagatio non instantaneè, sed successive contingit, ut patet experientiâ: leges autem, quibus perficitur, sunt hujusmodi: 1. *In partibus aeris sonanti corpori vicinioribus successive perit sonus, dum remotioribus communicatur*: 2. *Sonus quoque versus velut in orbem per aerem diffunditur à corpore sonoro, tanquam à centro, secundum superficies quasi sphericas, eique fermè concentricas*: 3. *Sonus dirigitur secundum lineas rectas, quasi circuli radii, in totum ambitum suæ spheræ*. Quoad celeritatē, qua sonus propagatur, nil certū definiri potest. Merfennus docet propagari ad pedes Parisienses 1200. intervallo 1. min. sec. Academici Florētini, suffragante Derhamo, ad pedes Romanes 800. Nevvtonus ad pedes Londinenses præter propter 1142 (b). Alii aliter deprehenderunt: nec aliter fieri potest: cum enim hujusmodi propagatio fiat in aere magis, vel minus *denso*, magis, vel minus *elastico*; secundum diversam aeris temperiem, & pro locorum, ac tempestatum discriminē, *Soni* celeritas est diversa, ut optimè animadverterunt Le-Scur, & Jaquier (c).

De Sonorum differentiis.

LXXV. **S**onus vel est *Magnus*, vel *Parvus*: *Longus*, vel *Brevis*: *Gravis*, vel *Acutus*: *Directus*, vel *Reflexus*. Magnitudo, sive *intensio*, & parvitas, sive *remissio* soni primitivi in eo stat, quòd plures, vel pauciores corporis sonantis partes eodem tempore tremant; vel quòd maius spatium singulæ percurrant oscillando. Ad intensiorem, & remissionem soni primitivi conducit *densitas*, & *elasticitas* sonori. Dictis consonat hæc lex: *Soni à duobus corporibus mole aequalibus, sed densitate, & elasticitate inæqualibus, aequaliter percussis, in eodemque medio existentibus, sunt in ratione composita densitatum, & elasticitatum*. Hoc

(2) Phys. Inst. P. 2. Exercit. 5. pag. mihi 455. (a) Articuli. 1. loc. cit. (b) Apud à Brissac hyf. Gen. 1. n. 1080. (c) Comment. in Princip. Phil. Mathem. Nevvtoni Tom. 2.

Hoc ipsū cūm proportionē dicendū de *Sono derivativo*, ad quem etiam conducit elasticitas, ac densitas aeris, quarum defectu campanule in recipiente antix pneumaticæ, extracto aere, licet percutiantur, vix sonum edunt.

LXXVI. Sonus *Longus* est ille, qui ab iteratis vibrationibus plus durationis habet: *Brevis* autem, qui minus: *Gravis*, sive *Obtusius* habetur, cūm pauciores numero sunt vibrationes, quæ eodem tempore tum à corporis sonantis, tum ab aeris partibus conficiuntur. Ex quo patet, quid de sono acuto, tam *formali*, quàm *objectivo* dicendum. Ex sono gravi, & acuto resultat *consonantia*, qua auditus organum suaviter afficitur. Hæc consonantia ex eo oritur, quod vibrationes fibrarum duorum sonantium, & etiam particularum aeris, quæ in aures incurrunt, eodem tempore simul incipiant, ac desinant: aliter *Dissonantia* habetur. Si igitur duo corpora, v. g. chelyum fides, ita sint assemperta, ut eodem tempore idem vibrationum numerus ab illorum partibus conficiatur, dicuntur *uni sona*, & fit consonantia omnium perfectissima.

LXXVII. Proportionem, quam inter se habitura sunt duo corpora, ut *uni sonos* edant *tonos*, casu primus omnium fertur invenisse Pythagoras (*d*), ex quo Musici harmonicam consonantiam didicerunt. Si enim partes unius chordæ duas vibrationes conficiunt, dum alterius partes unicam absolvunt, datur consonantia, quæ *Diapason* appellatur, sive *Oktava*: si una chorda efficiat tres, dum alia duas efficit vibrationes, datur *Diapente*, sive *Quinta*: si 4. vibrationes efficiat una, dum alia efficit 3. habetur *Diatesseron*, sive *Quarta*. Tandem si vibrationum numeri fuerint inter se ut 24. 27. 30. 32. 36. 40. 45. 48. corpora edent sonos, qui notissimis syllabis Ut. Re. Mi. Fa. Sol. La. Si. Ut. significantur, sūpto initio à *Sono graviori*. Sed hæc à Musicis facilius capiuntur, quàm à Physicis explicantur: illos consule, sis. Tandem sonus *directus* tunc editur, quando tremor aeris, nullo obice, propagatur. *Reflexus* autem, cūm propter aliquod impedimentum subfultus aeris inflectitur.

Tuba Stentorea.

LXXVIII. **T** Ubæ *Locutoria*, sive *Stentorea* (cò quod sonum edit voci Stentoris æqualem, qui 50. hominum vociferationem solus æquabat (*e*), inventionis laudem Samueli Morlando Anglo multi attribuunt; sed Kircherus noster illam sibi vendicat: quin Morlandi contribulis Derhamus eandem ingenuè Kircherò adjudicat (*f*). Illius beneficio ad maximè distita loca vox articulata defertur, quæ sine illa ad tantam

(*d*) Apud Macrob. L. 2. in Somnium Scipion. (*e*) Homer. Iliad. E. v. 586. (*f*) Apud Scherff, ser Tom. 1. Inst. Phys. pag. mihi 483.

tam longitudinem propagari nequit. Hujusmodi tubam exhibet Fig. 96. Tab. 4: in qua mirum est, quantum sonus accrescat. Ratio autem cur mirifice augeatur, est; quia cum vox insufflatoris A. illabitur in orificium tube, motus tremulus imprimitur particulis aeris, ibidem contentis: aer, ita exagitatus, flectitur, inflectitur, & repercutitur in internis tubæ lateribus BB CC. DD. EE. perque multiplicēs repercussiones foras exploditur. Tubis Stentoreis adduntur *venatoria*, & *militares*. Ea certè vis erat illius cornu, quo M. Alexander utebatur ad cogendos milites duodecim milliaria Romana distantes (g): exiguus enim sibilus, aere labium inter, & tube oram constricto, à buccinatore emissus, in horrendum sonum erumpit, & eò acriorem, quò leuigatio est interna tubæ superficies: fortius siquidem repercutitur aer.

LXXIX. Propter hanc aeris repercussionem fit: 1. Quòd vox emissæ in camera vacua duris parietibus, & elasticis instructa, sono clariori percellat aures, quàm si parietes ornentur peristromatis, aut tapetibus pavementum subternatur: 2. Quòd ad stagnantes aquas faciliè audiantur, quòd è regione submissa vocè loquantur: 3. Quòd in cubiculo concavo, in dolis vacuis, in crypta subterranea, magis sonora sit vox, quàm in planitie, ubi sonus spargitur: 4. Quòd vox submissè loquentis in d. Fig. 97. Tab. 4. audiat in puncto e. Fornicis elliptici AB, & non in locis propioribus loquenti: 5. Quòd duo homines constituti in XZ. Fig. 98. speculis parabolicis AC. DE. aduersi invicem colloquantur, quin existentes in medio sermonem hauriant. Hoc evenire comperitur in domo quadam Turris Bethlemicæ, quam noster Tagus alluit, parallelogramm ad instar elaboratâ. Sed mirabilius hujus repercussionis phenomenon est

Echò,

LXXX. Quæ editos sonos adeò mentitur, ut ridentibus arrideat, plangentibus illacrymetur (h), & quibuscumque vocibus eadem interjectione respondeat. Omnis Poetarum figmentis, *physicam* Echòs notionem inquirimus. Fieri, vel audiri dicitur, cum Saxa sonant, vocique offensa resultat imago (i). Alia est Monophona, quæ scilicet voces, aut syllabas non nisi semel reddit: Alia Polyphona, quæ pluries eandem vocem repetit. Echòs polyphonæ exempla illustra refert noster Kircher, Sturmius, & Verulamius: quandam se reperisse refert Cl. de Lanis (l) juxta Mediolanum in villa Simonetta, ubi vox, è fenestra in oppositos parietes emissâ, ad eandem fenestram, & in aures vociferantis appellens, ter, & vigesies, & quandoque trigesies pro maiori vel minori con-

(g) Apud Kircher Lib. 1. Phonurgia Sect. 7. c. 7. (h) Ovid. 3. Metamorph. (i) Virgil. Georg. 4. Vers. 50. (l) Tom. 2. Mag. Nat. & Art. L. 10. c. 21.

contentione clamantis, redire dicitur. Utcumque sit Echo, ad illam requiritur: 1. *Quòd obstaculum reflectens sonum sit rite dispositum quoad soliditatem, & aequalitatem superficiei*: 2. *Quòd nullum detur impedimentum inter illam, & loquentem*: 3. *Quòd detur talis distantia, ut antequam sonus reflexus perveniat ad aures, directus in illis evanisset*. Quanta autem futura sit haec distantia: R. cum Cl. Sturmio requiri distantiam 100. pedum ad vocem monosyllabam; 200. ad dissyllabam, &c. Ex dictis patet, causam Echus esse sonum, in aures ab obstaculo redeuntem, per angulum reflexionis aequalem incidentiae.

De Odoribus, & Saporibus.

LXXXI. *O* *Dorum* corpus dicitur illud, quod extra se fundit odorem: *inodorum* autem, quod nihil spargit odoris. Ea tantum corpora sunt odora, quae volatilem *Sulphureo-mercurialem* substantiam continent, eamque exhalant; illudque corpus olet intensius, quod maiori huiusce substantiae copia donatur. Miror, quòd Peripatetici plerumque dicant, propagari odorem per *species intentionales*; eum suus Philosophorum Princeps asserat: *Odor fumosa vaporatio est (m)*: *Odor vapor quidam, & delutio est (n)*. Dicimus igitur, odorem consistere in *substantiali odori corporis effluvia*. Et hinc colligitur, omnia corpora odora ex se multa effluvia exhalare. Ad odorem requiritur: 1. *Quòd substantia volatilis portio à corpore odore emissa sit sulphureo-mercurialis*: 2. *Quòd adsit calor odorem excitans in corporibus*: 3. *Quòd detur certa organi olfactus dispositio*. Hinc est, cur odor, aliunde suavis, quandoque molestus, fibras vexet olfactus.

LXXXII. *Sapida* dicuntur corpora, quae sale abundant; & eò sapidiora sunt, quò maiori salis portione condiuntur. *Inspida* autem sunt, quae nihil (saltem sensibile) salinae substantiae complectuntur. Sapor in actu 1. non in *qualitate* physica; sed in quadam subtilium particularum configuratione corpori sapido inexistenti, apta ad immutandum gustus organum consistit. Recentioribus suffragatur Aristoteles (o), saporem ad tactum referens: *Gustum necesse est tactum esse quendam, quia tangibilis, & nutritivi sensus est (p)*. In actu verò 2. consistit in ipsis particulis salinis, sensorium gustus immutantibus; & non in attractione, qua particula acida irruunt in particulas lingua, ut inquit Newtonus (q). Praecipue saporum species sunt: *Salsus, Acer, Acidus, Acerbus, Austerus*, ac *Dulcis*. *Salsus*, qui in marino potissimum sale procedit, consistit in eo, quòd exilissima huius salis corpuscula affecta sint figura cubica.

(m) L. de Sensu, & Sensibili. (n) Problem. Sect. 13. Q. 5. (o) De Sens. & Sensibili. c. 4. (p) Lib. 3. de Anim. sect. 64. (q) Q. 31. Opt. apud Scherf. de Corpore sap. pag. mihi 487.

cubicâ. Sic Cl. Mazinus (r). *Acer*, qui in pipere, & *allio* deprehenditur, provenit ex particulis apprimè subtilibus, & angulo acutissimo præditis. *Acidus*, qualis est in *spiritu vitrioli*, *aceto*, *linonibus*, & cæt. oritur ex corpusculis, quàm maximè rigidis figurâ tetraëdricâ donatis. *Acerbas*, & *Austerus* consistit in particulis rigidis, uncinatis, & asperis, lingue poros obstruentibus, & nerveas illius fibras ligantibus. *Dulcis* ex corpusculis derivatur, quæ obtusis angulis prædita sunt, & cum subtiliori sulphureâ substantiâ permiscantur. Duplex est dulcoris species: alia in qua prævalet substantia salina, qualis reperitur in *Saccharo*; idcirco vividius sensorium gustûs irritans: alia, in qua prædominatur substantia sulphurea, quæ vim particularum salinarum retundit: suavior est hæc dulcedo, ut experimur in *melle*, *manna*, *fructibus maturis* & cæt. Hæc saporum explicatio Recentiorum palatibus arridet, quanvis (ut ingenue fatear) deficiente rationum condimento, palatis delicatioribus inhiat.

De Calore, & Frigore.

LXXXIII. **I**nter reliquas, quæ *Corpus* indefinenter comitantur, affectiones, sunt *Calor*, & *frigus*; sunt enim (ut inquit Baconus de Verulamio) duæ manus, quibus præcipuè operatur natura (s). Abditissimam caloris naturam per ignotius definiunt Aristotelici: *Congregans homogœna, & segregans heterogœna*. Idcirco potius cum Boerhaavio definiendum judico: Id, quod corpori applicatum, illius partes expandit, & contactu mutuo removet (t). Ex qua definitione colligitur 1. calorem esse entitatem impenetrabilem: 2. Non esse accidens distinctum in sensu Scholastico: 3. Consistere in corpusculis mole exilissimis, figurâ rotundis, celerrimo, expansivo, perturbatoque motu affectis. Et cum experientiâ comperiatur, quod eò magis ignescant corpora, citiusque, quâ maiori sulphuris portione donantur: ideo probabiliter fateamur, oportet, *Corpuscula calorem constituentia esse particulas sulphuris elementaris*.

LXXXIV. In hac, quam sequimur, hypothesi optimè explicantur caloris effectus: 1. Cur non equâ facilitatè pervadat omnia corpora. 2. Cur corpus aliis involutum diutius calorem servet: 3. Cur metalla, & alia dura corpora calore liquefiant: 4. Cur calor intenditur, ac remittitur: 5. Cur ope caloris corpora rarefiant: 6. Cur multa corpora à calore dissipantur: 7. Cur flamma longius calorem diffundit, quàm carbo accensus: 8. Cur plumbum liquatum, aut ignitus carbo, impunè queat attrahi, si multo cape contusi succo manus imbuatur: 9. Cur non omnia loca ab *Æquatore*, & à sole ex æquo remota aequaliter incandescent: 10. Cur maxus,

Et multa alia corpora quavis sunt frigore correpta, si mutuo confriquantur, calorem, & quandoque ignem concipiunt.

LXXXV. Cum opposita juxta se posita magis elucescant, calori Frigus apponimus. Hujus naturam per id, quod homogenea, & heterogenea congregat, satis explicari existimant Peripatetici: verum (inquit Le-Monnier) præterquam quod hæc descriptio nihil explicat, est insufferabilis (u). Cartesius cum nostro Cl. Scherffer (*) *Frigoris* essentiam in negativo constituunt, sed cum illius effectus sint positivi, ideo dicimus: 1. *Frigus esse aliquod positivum*: 2. *Illius essentiam consistere in halitibus, sive effluviis exilissimis, salinis, & nitrosis, quæ corporum meatibus invadunt, ac eisdem sese cuneorum instar infigunt, intestinumque partium motum retardant.* Hinc est, cur in aliis præ aliis regionibus frigide res venti debachentur, & una præ aliis sit frigidior, quavis utraque eandem habeat altitudinem. Sic in Americâ Charletonia Insula præ nimio frigore deserta est, quavis ejus latitudo gradus 52. non excedat.

De Qualitatibus Occultis

LXXXVI. **P**urissimi sunt effectus in hac rerum universitate conspici, quorum causæ nos penitus latent; nec scire potest, nisi qui Naturæ promptuaria, abditiissimosque D. Sapientiæ thesauros evolveret. Hæc nostra omnium ignorantia Cl. Peripateticos adegit ad qualitates, quas *occultas* nuncupant, admittendas, quibus *Antipathia*, & *Sympathia* titulo decoratis multos Naturæ effectus adscribunt. Sic ad qualitatem referunt, quod *pulvis Vitrioli calcinati*, qui *Sympathicus* appellatur, in sanguinem à vulnere remotum injectus, alium sanguinem ex ipso vulnere fluentem sistat. Quod torpor à *Torpedine brachii piscatoris* inferatur. Quod *pulsus citharæ homines sanet*, in conditis motibus à *Tarantulæ morfu* exagitatos: Quod *aspectus Basilisci sit mortiferus*. Quod *Rempora sistat navigia*. Quod aliqua ex medicamentis sint *Purgantia*, alia *Vomitoria*, alia *Diaphoretica*, alia *Diæretica* & cæ; quorum veritatem non discutio. Hujusmodi autem effectus attribuunt Recentiores effluviis substantialibus diverso motu, situ, figura, &c. præditis.

Appendix.

De Loco, & Tempore.

LXXXVII. **P**ræter qualitates *Corpus* intrinsecè afficientes duo dantur, quæ illud semper, & ubique comitantur; *Locus* sc. & *Tempus*. Ardua est inter Philosophos provincia illorum naturam explicare:

S

(*) Tom. 4. Phys. Part. pag. mihi 462. (*) Inst. Phys. tom. 1. P. 3. Exercit. 9. art. 54.

phæro. Locus definitur à Peripateticis cum Aristot. (v): *Superficies immobilis ambiens locatum*. Hæc definitio Neotericis merito displicet: non tamen est una omnium sententia. Scherffer ait: *Locus est ordo similitudinum, quatenus coexistunt vel actu, vel potentia* (z). Cartesius quoad locum extrinsecum Peripateticis videtur consentire (z). Sed pluribus ommissis, Dico 1. *Nulla datur entitas realis creata, distincta à corpore, qua sit locus realis extrinsecus*. 2. *Locus realis extrinsecus est spatium imaginarium rem locatam continens* (b). 3. *Spatium imaginarium, quod pro loco extrinsecò concipimus, est Immensitas Divina* (c). *Loco* opponitur *vacuum*, quod philosophicè acceptum idem sonat, atque *spatium*, sive *intercapado nullo corpore repleta*. Cartesius in suis Principiis (Principium petens) dari non posse vacuum manifestum esse eructat (d). Dicimus tamen posse dari divinitus: sed non dari naturaliter vacuum dissennationis, nec opus esse ad salvanda Naturæ phænomena.

LXXXVIII. *Tempus reale extrinsecum* definiebat Aristoteles: *Numerus motus ratione prioris, & posterioris* (z). Obscuræ huic definitioni lucem addunt maligni Peripatetici, dicentes motum cælestem primi mobilis esse aliorum motuum mensuram; ac proinde: *Tempus in illis consistere*. Nostri mens sequentibus exponitur. *Tempus intrinsecum nihil est aliud, quàm continua rei existentia, & successiva existentia duratio*. *Motus astrorum præsertim Solis, & Luna, sunt mensura temporis intrinseci*. *Tempus extrinsecum, & imaginarium est Æternitas Dei virtualiter successiva, cui creature secundum prius, & posterius coexistere possunt*. Hæc Æternitas in eo distinguitur ab *Ævo*, quod illa careat principio, & fine; sive, ut tradit Sever. Boet. sit *Interminabilis vita tota simul, & perfecta possessio* (f): hoc autem sit, ut ait Suarius, *Permanentia in existendo habens initium, at non finem* (g).

(v) L. 4. Phys. (z) Inst. Phys. tom. 1. n. 59. (a) P. 2. Princip. n. 13. (b) PP. CC. Toler. Coninck, & alii apud Vinh. Laur. 2. P. 1. Lib. 4. Contr. 3. Exam. 1. n. 9. (c) Idem loc. citat. Le Mon. Phys. Gen. tom. 3. pag. milii 115. (d) P. 2. Princip. n. 16. (e) L. 4. Physicor. text. 101. (f) De Consol. Philos. Lib. 3. Prof. 6. (g) Disp. 30. Met. Sect. 1. n. 1.

Physicæ Particularis.

PARS PRIMA.

§. I. De Cosmographica Mundi Constitutione.

I. **H**UNC terræ globum nobis rerum conditor. dedit incolendum, ex quo mundanæ machine immensam amplitudinem, corporumque cælestium harmoniam contemplati, in Artificis supremi cognitionem deveniremus, ut *invisibilia ipsius... per ea, quæ facta sunt, intellecta conspiciantur* (a). Adhuc tamen visibilis hæc Mundi facies adeò ingeniorum deviat obtutibus, ut non *inveniat homo opus, quod operatus est Deus* (b). Mundum *tradidit disputationi eorum* (c): sed adhuc incertum est apud homines, quæ sit Mundi constitutio, hujus sc. immensi orbis, qui *Compages ex calo, terraque coagmentata, atque ex iis naturis, quæ in eâ continentur*, ex Arist. seu, ut aliis placet, ex Possidonio Stoico (d) definitur. Et cum hanc compagem spherica superficies amplectatur; ut illius constitutio aliquantulum innotescat, *Sphæra* dabimus notionem, non supremos Astronomiæ apices discutientes, sed generalia illius, quatenus *Physica* est, Principia, quæque in oculos cælum obiter contemplantur incurrunt.

II. Sphæra à Geometris definitur: *Corpus solidum unica superficie contentum, in cujus medio punctum reperitur, à quo si lineæ ducantur ad eandem superficiem, omnes æquales sunt*. Cum tamen ad mundi situm, partemque enucleandas, non tam sphaera *Solida*, quam *Armularis* interserviat, cujus author incertus est, ideo hoc instrumento Fig. 1. Tab. 5. in quo *Geographia*, & *Astronomia* Principia continentur, Mundum aggredimur exhibere. In sphaerâ igitur mundanâ considerantur. duo *Poli*, *Arcticus*, & *Antarcticus*; *Zenith*, & *Nadir*; duo puncta, *Veri* scilicet *Ortus*, & *Occasus*: decem *Circuli*; 6. majores, scilicet *Æquator*, *Meridianus*, *Horizon*, *Zodiacus*, & duo *Coluri*, & 4. minores, scilicet duo *Tropici*, & totidem *Polares*: quorum omnium munus, & provinciam explicabimus.

III. Sed cum Zodiaci cognitio dicendis maximè interserviat, illum idcirco fusiùs expendimus. *Zodiacus*, est *Zona*, seu *Fascia* *Æquatorem* secans oblique, duobusque circulis parallelis terminatus: qualem exhibet cingulus GHIL. Fig. 1. Tab. 5. illius magnitudo est, sicut cujusvisque
K alterius.

alterius circuli, 350. graduum. Non convenit inter Astronomos, quanta Zodiaco tribuenda sit latitudo: veteres eam ponebāt graduū 12; alii cum Regio-montano (e) graduum 16: recentiores ad 20. illam extendunt (f). Longitudo Zodiaci in 12. partes æquales, quæ *Signa* vocantur dispelcitur: ex quo *Signifer* appellatur. Horum Signorum 6. sunt *Borealia*, & reliqua 6. *Australia*.

BOREALIA

Sunt *Aries*, *Taurus*, *Gemini*, *Cancer*, *Leo*, *Virgo*:

AUSTRALIA

Sunt *Libra*, *Scorpius*, *Arcitenens*, *Caper*, *Amphora*, *Piscis*.

Signa Borealia initium ducunt ab eo Eclipticæ puncto, in quo ab *Æquatore* dirimitur, & sit *Æquinoctium Vernum*: ab eo autem incipiunt *Australia*, in quo rursum Ecliptica ab *Æquatore* secatur, & *Autummale* sit *Æquinoctium*. Longitudo *Signorum* est 30. graduum, quorum ferè singulos singulis diebus Sol in *Consequentia* perlustrat. *Ecliptica* (ex eo dicta, quòd in ea Solis, & Lunæ contingant *Eclipses*) est circulus maximus, qui Zodiacum in duas partes æquales secundum latitudinem discriminat. Per Eclipticam adeò Sol constanter incedit, ut hujus centrum perpetuò sub illà existat. Maxima Zodiaci ab *Æquatore declinatio* est 23. grad. 30. min. Et cum circuli Polares hæc eandem habeant à Polis distantiam, facilè dictu est, quanta intersit Eclipticam inter, & circulos Polares intercapedo.

IV. Præter hæc compendiosa, & veluti rudi nucis cortice expressa, Sphæræ lineamenta triplex distinguitur illius situs pro diversâ *Æquatoris* ad Horizontem habitudine. Sphæra aut est *Recta*, aut *Obliqua*, aut *Parallelæ*: est *Recta*, cum *Æquator* Horizonti perpendiculariter insistit, ac proinde, qui sub *Æquatore* degunt, Sphæram *rectam* habere dicuntur. Est *Obliqua*, cum *Æquator* obliquè, sive ad angulos inæquales ad Horizontem inclinatur. Hinc fit, ut sphæram habeant *Obliquam*, qui inter Polos habitant, & *Æquatorem*. Est tandem *Parallelæ*, cum *Æquator* est Horizonti parallelus, sive cum Horizonte confunditur; adeò, ut *Zenith*, & *Nadir* à Polis non distinguatur: qui igitur sub Polis habitant, sphæram habent *parallelam*. Sed adhuc superest *Centrum* Sphæræ mundanæ contemplari, sive corpus illud assignare, quod occupat illius centrum. Ardua sanè provincia! quæ Philosophorum pariter, ac Astronomorum hinc inde distorquet ingenia: Tria sunt præcipua circa *Mundi* constitutionem Systemata: primum est

Systēma

(e) Apud à Brix. Phys. part. P. 1. n. 289. (f) Ibidem.

Systema Ptolemaicum.

V. **S**ystema Mundi definitur: *Ordo, sive dispositio partium Universi, Telluris præsertim, & Planetarum, tum relatè inter se, tum relatè ad Mundi centrum, & cælum fixarum, explicandis celestibus phænomenis accommodata.* Systemati Pythagorico lucem addidit sæculo Christi 2. Claudius Ptolemæus; ex quo factum est, ut illud maiorum suorum natalia dediscens Ptolemaicum ab omnibus appelletur. Illius iconem refert Fig. 2. Tab. 5. In hoc Systemate locus Terræ est centrum Universi, quam suo ordine ambiunt orbes concentrici *Aeris, Ignis, Luna, Mercurii, Veneris, Solis, Martis, Jovis, Saturni, Fixarum, Crystal lini*, ac tandem *primi Mobilis*. Sed in hoc systemate longius imitari definamus, utpote quod Astronomiæ, ac Physiçæ contrarium omnes per id temporis aspernantur.

Systema Copernicanum.

VI. **N**icolaus Copernicus, Vetustissimorum sententiam secutus systema quoddam ex suis, quibus latuerat, cineribus excitavit, studioque, & opera 30. annorum adeò illustravit, ut illud Romæ expositum duo millia auditorum summo cum plausu exceperint; quòd cum Romanis acceptum videret Author, illud typis mandatum Paulo III. P. M. dicavit (g). Constituit igitur Copernicus *Solem* in centro Universi *immobilem*; circa ipsum movetur *Mercurius*, deinde *Venus*, postea *Terra*, circa quam *Luna* gyrat in epicyclo. Circa magnum terræ orbem versatur *Mars*, deinde *Jupiter*, ac tandem *Saturnus*. Ultra has Planetarum orbitas ponit Sphæram Stellarum fixarum omnino immobilem. Totum exhibet Fig. 3. Tab. 5. Singulis Planetis, inter quos Terram adnumerat, unicum motum *periodicum* attribuit, scilicet ab occasu in ortum in *consequentia* signorum. Sed Terræ triplex motus ab illo tribuitur, alter *diurnus* spatio nempe 24. horarum circa proprium axem; alter *annuus* per Eclipticam circa Solem secundum *seriem Signorum*; alter parallelismi.

Systema Tychoenicum.

VII. **T**ycho Brahe nobilis Danus Terram cum Ptolemæo immobilem statuit in centro Universi, circa quam versatur Luna, Sol, & Stellæ fixæ ex occasu in ortum in *consequentia*. Reliqui verò Planetæ circa Solem moventur per orbes illi concentricos; ut exhibetur in Fig. 4. Sicut Cartesius Systema Copernicanum amplectitur, motuque omnibus

omnibus Planetis, & Telluri concessio (h), per *vortices* caelestia phaenomena explicat, ita Longomontanus Tychonicum sequitur, audiens magistro discipulus (i), motu *revolutionis* circa proprium axem Telluri attributo: quod antea praestitisse fertur Heraclides Pontius, & Ecphantus Pythagoraeus (f).

VIII. Haec sunt celebriora Mundani Systematis opinamenta, quorum judicium altioris subseilii ferant ingenia. Quodcumque tamen illorum sit amplectendū, haec 5. principia sunt admittenda: 1. *Terra saltem, quoad sensum, est in centro Universi*: 2. *Luna est Terra proxima Planetarum*: 3. *Venus, & Mercurius moventur circa Solem, veluti circa centrum*: 4. *Saturnus, Jupiter, & Mars non sunt Telluri concentrici*: 5. *Supra omnes Planetas distenditur calum fixarum*. Etiam haec 6. phaenomena in quocunque systemate sunt explicanda: 1. Quomodo *astra*, tam *fixa*, quam *errantia*, duplici motu cieantur, aut videantur eieri nempe motu diurno ab ortu in occasum spatio 24. horarum per circulos Aequatori parallelos, & motu periodico sub *Zodiaco*, adeoque *oblique*, ultra, citraque Aequatorem secundum feriem signorum inaequali temporis spatio; videlicet *Luna* intra mensē: *Mercurius* tribus ferè mensibus: *Venus* 8. vel circa: *Sol* in anno: *Mars* duobus ferè annis: *Jupiter* ferè 12: *Saturnus* ferè 30: ac denique *fixa* 25920. annorum spatio motum suum periodicum absolvant.

IX. Secundum phaenomenon: cur *Saturnus, Jupiter, Mars, Venus, & Mercurius*, non semper directi incedere videantur? Sed quandoque *Directi*, quandoque *Stationarii*, & quandoque *Retrogradi* appareant? 3. Quia ratione contingit, ut non ubique terrarum dies sint noctibus aequales sepe: 4. Cur *Saturnus, Jupiter, & Mars* non appareant *stationarii*, neque *retrogradi*, nisi tempore oppositionis cum sole: *Venus* autem, & *Mercurius* non, nisi tempore *Synodi*, sive *conjunctionis*. Et cur in *syzigiis* maioris appareant diametri? 5. Cur saepius *Saturnus*, quam *Jupiter*, & hic saepius, quam *Mars*: ac denique *Mercurius*, quam *Venus* sub *Zodiaco* stare, aut retrocedere videantur? 6. Cur *Saturnus* diutius, quam *Jupiter*, *Jupiter* diutius, quam *Mars* regredi conspiciantur: quae omnia utpote certissimis obsignata calculis, admittenda sunt ab omnibus, & in quocunque systemate expendenda. Praemissa hac notione circa generalem Mundi constitutionem, singulares illius partes peragremus. Tres sunt Mundi partes, *Calum, Aer, & Terra*. Ad *calum* igitur ascendamus, ad lares postea redituri.

(h) P. 3. Princip. n. 29. Motum autem sumendo juxta usum vulgi, dicendum quidem est, Planetas alios omnes quidem moveri, necnon etiam Solem, & fixas: sed non nisi ad modum incongruum: idem de Terra dici potest, &c. (i) Diction. Morer. Sub Lit. L.
(f) Apud Plutarch. L. 3. de placit. c. 13.

§. II. De Mundo Caeleſti.

X. C Aeli nomine intelligitur ingens illud ſpatium, quod terraqueam molem, ejuſque atmofphæram ambit; ubi ſcintillantium ſyderum nutus, aureum Solis jubar, argenteas Lunæ faces, errantes ſine errore Planetas, ac ſtellas ſine quiete fixas, ſuſpicere licet. *Calum* dicitur, vel quia ſyderibus cælatum eſt; vel quia, tentorii inſtar, nos celat. De fide eſt hanc præſtantiffimam Dei creaturâ non ab æterno, ſed in tempore fuiſſe productam (m). Cælum eſſe ſolidum, ac in Cryſtalli duri- tiem compactum, tenuit Empedocles, ut reſert Plutarchus (n), & tue- bantur aſſectæ Ptolemæi: è contra Nevvtoniani eſſe ſpatium vacuum contendunt. Adverſus utranque ſententiam dicimus: 1. *Calum tum Pla- netarum, tum Fixarum eſſe apprime fluidum*: 2. *Non eſſe ſpatium va- cuum*. Non defuere, qui animam calis irrogarent, in quod offendit Ori- genes: imò prioribus §. ſeculis Eccleſiæ liberum cuique fuerat hanc ſententiam tenere; ſed cùm ſit proſcripta ab Eccleſia (o), firmiter tene- mus *Calos non eſſe animatos; quin & nullam habere formam in ſenſu pe- ripatetico*: cui ſuffragatur Ariſtoteles, ſi plano ſenſu intelligatur (p). In *calorum* numero nihil immoror, contentus aſſerere *unicum* (præter Em- pyreum) *eſſe calum*.

XI. In ſuprema hujus præne immenſe intercapedinis regione *Stella fixa* oculos, ut ſuſpiciantur, nutibus invitant. *Fixæ* dicuntur; quia ean- dem inter ſe, & ab *Eclipticâ* diſtantiam perpetuò ſervant. Cùm hæc lu- cidiffima Celi luminaria à nobis ſint remotiſſima, vix, ac ne vix quidem illorum *natura, magnitudo, diſtantia*, aut *numerus* poteſt nobis innotef- cere: ſed quantum ſas eſt Philoſophis divinare, cum illis Dico: 1. *Stellæ ſunt globi totales*: 2. *Sunt corpora dura, & opaca*: 3. *Non habent lucem propriam, ſed omnem mutuuntur à ſole* (q): 4. *Nullus reperitur in illis effectus, qui ab aliqua Forma ſubſtantiali intrinſeca proſciſcatur*. *Vera* ſtellarum *magnitudo* nos penitus latet: *apparens* autem in 7. claſſes di- viditur ab Aſtronomis: quanvis enim veroliſimile ſit omnes fixas ejusdem eſſe magnitudinis, inæquales nobis videntur, ob inæqualem à terra di- ſtantiam. Aliæ ſtele dicuntur 1. magnitudinis, aliæ 2. aliæ 3. &c. Ty- cho ſtellam primæ magnitudinis ait continere Terram 68. vicibus. Ric- ciolus ſtatuit *Syriam* continere illam 5255. Copernicani 71677713000. Bullialdus 14887700000. Verùm in tanta rerum obſcuritate hoc unum nobis ſupereſt aſſerere: *quàm magnus eſt domus Dei, & ingens locus poſ- ſeſſionis ejus* (r).

XII.

(m) Genef. cap. 1. (n) L. 2. de placit. Phil. c. 15. (o) Syn. §. Gen. (Conſtant. 2. (p) L. 1. de Cælo à text. 29. uſque ad 121. (q) PP. CC. Fabry Phyſ. tract. 8. L. 2. P. op. 3. (r) Baruch. c. 5.

XII. Non minus dubia est illarum *distántia* à Terra. Duo tamen pro comperto habentur: 1. *Fixas exquisitissimo etiam telescopio inspectas nunquam maiores apparere*: 2. *Tantam esse illarum distántiam à Saturno, quanta sufficit, ne umbra, quam hic projicit, ad illas pertingat*. Ex quo conicitur enormis illarum distántia; umbra enim Saturni ex calculo P. Riccioli (s) ad 118680. semidiametros terrestres projicitur supernè. Numerus denique Stellarum soli Deo est cognitus, cui omnia nuda, & aperta sunt, quique numerat multitudinem stellarum, & omnibus eis nomina vocat (t). Innumerabilis hic fixarum numerus in varia Signa distribuitur, quæ *Constellationes*, sive *Asterismi* vocantur, quarum aliæ ad hemisphærium Boreale pertinent, aliæ ad *Australe*, aliæ ad *Zodiacum*, ut in mappis cælestibus exprimitur; ut nihil dicam de *Gallaxia*, quæ nihil est aliud, quàm infinitarum Stellarum congeries. Summa Stellarum, quæ in hemisphæriis, & *Zodiaco* recensetur, hæc est. In hemisphærio Boreali numerantur stellæ 852. scilicet *prima* magnitudinis 6: *Secunda* 24: *Tertia* 89: *Quarta* 191: *Quinta* 268: *Sexta* 261: *Septima* 13. In hemisphærio Australi recensentur 574. sydera, nempe 8. *prima* magnitudinis: 27. *secunda*: 72. *tertia*: 188. *quarta*: 188. *quinta*: 87. *sexta*: 3. *septima*. In *Zodiaco* tandem sunt 447. videlicet 6. *prima* magnitudinis: 11. *secunda*: 43. *tertia*: 91. *quarta*: 136. *quinta*: 148. *sexta*: 12. *septima*.

XIII. Aliqua ab Astronomis observantur in Fixis, quæ non sunt Philosophis incongrua, nempe *motus, scintillatio, apparitio, & occultatio*. Præter motum *diurnum*, & *periodicum*, de quibus ad calcem numeri VIII. sermo erat, admittunt RR. Astronomi in stellis *verum*, & *realem* motum *vertiginis*, quo circa proprium axem torquentur. Admissa hac hypothese, causam *Scintillationis* illarum esse *motum vertiginis*, & *hælitus per medium incurrentes* asserimus cum Keplero (u): quidquid alii dicant (x). Multæ denuo stellæ apparuerunt, quæ aut statim Astronomorum operam ludentes evanuerunt ex oculis; aut mutato colore, & magnitudine per aliquot annos visæ, iterumque invisæ, hucusque delitescunt (y). Non minus latet Philosophos hujusmodi stellarum ortus, & interitus: sed omiſſis aliorum opinamentis, dicimus cum Cl. Corſini (z) *hujusmodi stellas esse mundo coevas*. Ne eandem crambem postea recquamus, minorum 1. Planetarum naturam veluti *genericam* appendimus, *specificam* deinde reddituri. Dicimus ergo 1. *Omnes 5. Planeta sunt corpora solida, & opaca*: 2. *Nullam habent formam in sensu Scholastico*: 3. *Lucem mutuuntur à sole*: 4. *Sunt globi totales*: 5. *Credibilius est circa proprios axes torqueri*. Nunc ad singulos.

Saturnus

(s) Almagest. L. 6. c. 7. n. 2. (r) Psalm. 146. (u) In Astron. Optic. c. 6. n. 12. (x) Apud Toſc. tract. 5. de Cæl. L. 3. c. 9. Prop. 57. (y) Vid. ſis, Scherſſer tom. 2. pag. mihi 63. (z) Inst. Phys. de Cælo D. 2. c. 2. n. 8.

Saturnus

XIV. **E** St supra omnes remotissimus Planetarum: idcirco reliquis minor apparet, non scintillat, nec multum splendet, colore suboscuro, & plumbeo donatur. Egregium in hoc sydere illud est, quod ope telescopii multiformis appareat, sc. modò rotundus, modò ellipticus, modò fasciatus, modò anulis instructus, modò denique annulo quodam circumdatur. Quæ autem sit hujus phænomeni causa? vix suspicari possumus: nisi fortè verosimiliùs opinemur esse plurium stellarum, sive satellitum nondum adhuc detectorum coronam, quæ certa periodo moveantur. Circa Saturnum 5. veluti lunulæ moventur, quæ illius *Satellites* appellantur. Illorum periodus ita ab Hugenio, & Cassino definitur (a). Primus absolvit suam periodum intra diem, hor. 21. 18. min. sec. 31. Secundus 2. dieb. 17. hor. 41. min. sec. 27. Tertius 4. dieb., 13. hor. 47. minutis, secundis 16. *Quartus* 15. diebus 22. horis 41. minutis, secundis 11. *Quintus* 79. dieb. 7. hor. 53. minutis, secundis 57. Qui hujus, & aliorum Planetarum distantiam, & magnitudinem suspicari velit, consulat Astronomos, apud quos non omnibus idem consentit astrum. Saturnus à Ricciolo dicitur maior Terræ 891. vicibus.

Jupiter

XV. **E** St Planetarum maximus aspectu, si venerem excipias, à qua parum vincitur: colore flavus est, tamque vegeto, ac nitido lumine pollet, ut penes illud vix possit à *Venere* discerni. Circa Jovem etiam quatuor *satellites* deteguntur, quos observans Galilæus aîno 1610. *Medicæ Sydera* nuncupavit in *Medicæ* Domûs, cui maximè devotus erat, obsequium. Hi satellites (sicut & Saturni) lucem hauriunt à Sole: deficiunt enim suorum Principum umbras ingressi. Etiam Joviales fasciæ deprehenduntur, quarum genesis auspicabimur. Motum revolutionis absolvit Jupiter, si Cassino credimus 9. hor. 55. min. Maior Terræ dicitur à Ricciolo 685. vicibus.

Mars

XVI. **I** Nter Superiores Planetas est Soli, & Terræ proximus; à reliquis facillè distinguitur ob igneum quendam, ac ardentem ruborem, quo perfunditur, ob id fortasse ab Ægyptiis *Astrum Herculeum* vocabatur. In medio disci Martialis insignem quendam maculam observavit Franciscus Fontana, à quo primum observatam fuisse dicitur (b); quique illam quendam esse voraginem existimat: pauloque aliter explicare

(a) In *Artis Acad.* Paris. ad an. 1715. (b) Apud à Briz. hîc n. 3615.

care visus est alias fascias in illius disco observatas (c), quarum interpretationem petenti GABINUS. Suum vertiginis motum ex Cassini observationibus 24. hor. & 40. min. absolvit. Minor est terrâ. Circa illius magnitudinem variant AA.

Venus

XVII. **P** Laneta est ille pulcherrimus, qui supra horizontem orientalem ante solis ortum visus, *Phosphorus*, sive *Lucifer* appellatur: & supra occidentalem post solis occasum *Vesper*, sive *Hesperus* nuncupatur. Circa solem tam in Copernicano, quam in Tychonico systemate versatur: & circa suum axem revolvitur ex Cl. Blanchino (d) 24. dierum spatio, & 8. fermè horis. Maculae, quas ipse Blanchinus in illa observavit, ab scabra illius superficie provenire judicamus. Venus secundum Tychonem minor est terrâ 6. vicib. secundum Ricciolum maior est dimidio.

Mercurius

XVIII. **R** Arò conspicitur, tum ob illius exiguitatem, tum quia fere semper à radiis solaribus obumbratur. Etiam probabiliter circa proprium axem, sicut alii Planetae, movetur; sed *quantum temporis* (inquit à Brixia) *in hoc motu perficiendo insumat: nemo fuit hactenus Astronomorum, qui id definierit* (e). Minor dicitur terrâ secundum Ricciolum 236. vicibus.

Sol.

XIX. **J** Ucunda profectò est tanti syderis contemplatio, hic ille est Mundi Cyclopis oculus, Lucis origo, Syderum Princeps, temporum Moderator, *Vas admirabile, opus Excelsum* (f), cujus natura idcirco nobis est inaccessible, quia illius celsitudo Philosophorum superat ingenia. Hinc mirum non est, quòd in tot sententias abierint, ut vel in ipso lucis fonte cæcutiant. Aliorum judicia recensere definamus (g); nostrum est: *Sol est substantia fluida: est corpus heterogeneum: est sphaericus*. Multa Solis phænomena priscos Philosophos, & Astronomos latuerunt; quia scilicet non nisi nudo, ac simplici oculo, illum suspiciebant. Posteris verò, ex quo Cælum intueri telescopio ceperunt, multa aethereae regionis patuere mysteria: in solari itaque discoprehenderunt partes quasdam nigricantes, quas *maculas* appellârunt: alias verò reliquâ solis superficie lucidiores, quæ *faculae* dicuntur. De gloria inventionis macularum inter se certant Cl. Cl. Scheinerus, & Galileus: illas tamen primus

(c) In Astr. Acad. Paris. ad ann. 1726. (f) Hesp. & Phosp. nova phænomen. c. 5. n. 8. apud à Brix. (e) Phys. part. P. 1. n. 3620. (f) Eccl. c. 4. (g) Vid. sis, à Brix. Phys. part. P. 1. Diss. 5. sect. 1. an. 3513.

primus omnium probabilius detexisse fertur Scheinerus Ingolstadii anno 1611. assumpto *Apellis post tabulam latentis nomine*, antequam Galilæus de hac re quidquam typis edidisset.

XX. Multa, varique sunt macularum solarium phænomena: 1. *Distinctiùs apparent meridiano tempore*: 2. *Aliqua visa sunt longè maiores terrâ*: 3. *Instabilis est illarum magnitudo, & numerus*: 4. *In medio corporis solaris plerunque videntur, veluti ex ejus nucleo emergentes*: 5. *Contrahuntur in Solis limbo, & in medio dilatantur*: 6. *Omni sensibili parallaxi destituuntur*: quam enim nosse P. Jartoux vidit Pekinia 1. die Nov. ad 12. hanc eandem observavit Cassinus Junior Gallie in eodem loco à 31. Octob. ad 11. Nov. 7. Ita circa Solem moventur, ut tendant ab occasu in ortum, dum in superiori Solis parte; ab ortu tamen in occasum, dum in inferiori versantur, inquit à Brix. (h): 8. *Nonnulla redire dicuntur absolutâ 27. dierum periodo*.

XXI. Varia sunt Philosophorum judicia in assignanda macularum solarium causa. Alii illas explicant per solida quædam corpora fluidæ Solis substantiæ innatantia, quæ modò altius demerguntur, & minores apparent: modò leviùs sustinentur, & maiores conspiciuntur: modò in alveum demerguntur, & penitus occultantur: sed hanc sententiam non immeritò carpit Cl. Corini (i). Alii dicunt esse stellas, Solisque satelites; qui circa Solem moventur (l). Alii communiùs dicunt hujusmodi maculas esse quasdam fuligines, quæ ex solari disco; veluti ex accensa fornace erumpunt, & ab illius centro ad peripheriam propulsantur. Ita Zanchi, Tolca, Kircher, Dechales, Gassendus, (m). Alii aliter: nos autem dicimus: *maculas solares provenire à continua particularum Solis ebullientis effervescentia*.

XXII. Adhuc superest magnitudinem Solis, illiusque à terra distantiam metiri. Magnitudo aut est *physica*, & *vera*, aut *apparens*: de magnitudine vera nobis illud tantùm constat, quod Sol sit maior Terrâ; hoc enim ex eclipsibus demonstratur in Fig. 7. Tab. 5. Quanta autem sit: Deus scit: dato tamen, quòd mensura diametri solaris sit v. g. 37. semidiametrorum terrestrium, assignabitur, quanta sit illius *peripheria, superficies, area, & soliditas*. Magnitudo apparens non semper est eadem; maior enim nobis apparet sol in *perigæo*, quàm in *apogæo*. Hæc magnitudo à segmento cæli, quod nobis tegitur à sole, mensuratur. Diameter apparens solis *apogæi* est 31. min. *perigæi* est 32. min. 4. sec. & magnitudo *media* est 31. min. sec. 42. (n). Circa illius distantiam à terra hoc pro comperto habetur apud Astronomos, quòd non sit minor 7000. sem. terrestribus.

L

(A) Phys. part. n. 331. (I) Inst. Phys. part. P. 1. tract. 1. Disp. 2. c. 3. n. 8. (H) Ferraria Phys. P. 2. D. 2. Q. 8. (M) ScR, 2. Phys. l. 4. c. 2. apud à Brix. n. 3321. (N) Ricciol. Astron. reform. l. 1. c. 12. & 19.

terrestribus. Hinc juxta Cl. Ricciolum distantia Solis *apogaea* est 7600 $\frac{1}{2}$ semidiametr. terrest. *media* est 7300.: *perigaea* 7000. (o).

XXIII. Circa motum præter dicta n. VIII. aliqua supersunt observanda: 1. *Motus diurnus Solis*, aut verus, aut apparens fit per circulos *Aequatori sensibilibiter parallelos*: 2. *Singulis 24. horis conficit hoc motus* 1910. semidiametros terrestres, id est, leucas *Hispamas* 1916897; inquit *Tosca* (p). Circa motum annuum duo phænomena observantur: 1. *Sol modò ad nostrum polum, modò ad Australem accedit*: cum enim ad Tropicum Canceri insitit, ulterius non progreditur, sed *solstitium* efficit *aestivum*: cum autem ad Capricornum accedit, efficit *hyemale*. Sol hoc motu singulis mensibus unum ferè perlustrat. *Signum*: singulis diebus 59. min. sec. 8. 20. min. Cum verò Sol annuali conversione singulis mensibus singula *Zodiaci* signa revisat, utpote, qui Martio *Arietē*, Aprili *Taurum*, Maio *Geminos*, & cæc. donec Februario *Pisces* ingreditur, faciliè cognoscitur, quo circiter die, & in quo signo, & in quo gradu Sol diversetur, si horum carminum sensus probè teneatur.

10. 11. 10. 9. 8. 8.
Livor mente latens insultat honoribus, horret

7. 7. 8. 9. 10. 12.
Grandia gesta hærens insigni laude notatis.

Quorum duodecim dictiones totidem mensibus consonant Incipientes à Martio: attento igitur, quota in alphabeto sit prima littera cujuscunque dictionis, totidè unitates ex tricenario detrahatur, & sic numerus residuus indicabit diem ingressus Solis in *Signum*. Si autem, proposito die aliquo cujuscunque mensis, quærat, quem in tali die gradum *Zodiaci* occupet Sol, addendus est ipsi diei numerus designatus in 1. littera dictionis, respondentis mensi, tunc si summa excedat 30., excessus, addita unitate, indicabit gradum *signi*, in quo Sol est in ipso die: si verò summa deficiat à 30., ipsa eundem gradum indicabit.

XXIV. Secundum phænomenon *motus annui* est, quòd *Sol novem saltem dies amplius insumat in percurrentis signis Borealibus, quàm in Australibus*. Ad explicandam hujus phænomeni causam Ptolemæi sententiam amplector, quæ in Fig. 8. Tab. 5. exhibebitur. Tandem motus *vertiginis* ex eo admittitur in Sole, quòd illius maculæ per talem motum faciliùs explicantur. Hinc est, quòd communiter dicatur, Solem huiusmodi motum absolvere spatio 27. dierum.

XXV. *Crepuscula solis* sunt ea lux subobscura, quæ tam ante Solis ortum, quàm post illius occasum, certo temporis intervallo nostrum irradiat hemisphærium. *Crepera* dicitur hæc lux, id est, *dubia*; unde *crepusculi*

culi nomen effluxit. Non *semper*, nec *ubique* crepuscula sunt *aequalia*; variantur enim tum ratione *temporum*, tum *locorum*. Hinc est, quod diuturniora sint *astate*, quàm *hyeme*; *vespere*, quàm *mane*. Hinc est etiam, quod in sphaera *obliqua* longius durant; & eò longius, quod *obliquior* est sphaera: adeo, ut qui ultra 48. gradus ab *Aequatore* degunt, in *Solstitiis aëstivis* aerem habeant clarescentem per totam noctem. Hoc lentius, & clarius explicabitur in Fig. 10. Tab. 5. Quænam autè sit causa *Physica* crepusculorum: dicimus *esse* *radios solares telluris atmosphæram subeuntes, & refractionis ope ad oculos spectatoris terrestris appellentes*; sicut exhibet Fig. 9.

Luna.

XXVI. **O** Missa inutili de Lunicolis quæstione (q), ad Lunæ naturam accedamus. Constans est Philosophorum, & Astronomorum sententia, Lunam *esse corpus sphericum, opacum, proprio lumine destitutum, superficie scabra, altissimisque montibus horrentem*. Hæc vera Lunæ descriptio, tum ex illius *phasibus*, tum ex *eclipsibus*, tum denique ex *maculis* eruitur. Phases Lunæ sunt diversæ illæ apparitiones, quibus illa nobis ostenditur singulis mensibus, ex eo scilicet provenientes, quod modò nihil hemisphaerii lunaris à sole illustrati, modò una tantum pars, modò totum nobis hemisphaerium, quod solem respicit, obvertatur: ut ostendit Fig. 11. Tab. 5. Maculae lunares proveniunt ex eo, quod *inequalis superficies corporis lunaris aequalem lucis reflexionem impediât*. Et per hoc tollitur ulus atmosphære, quâ Galilæus, Longomontanus, Keplerus, Ricciolus, & novissimè Wolhus (r) Lunam ambiunt. Notatu digna est *Lucula* quædam, quæ in parte Lunæ soli obversa conspicitur, circa quam variæ sunt Philosophorum, & Astronomorum sententiæ: apud Tosca (s). Sed ego nostris Cl. Cl. Fabry (t), Milliet (u), & Ricciolo (x), adhæreo, inquiens: *Luculam illam provenire à Terra, lumen solis ad lunam reflectente*.

XXVII. Circa motum Lunæ multa ab Astronomis observâtur scitu digna: 1. *Luna non absolvit motum diurnum intra 24. horas, sicut alii Planeta: sed singulis revolutionibus tardior emergit tres quadrantes ob contrarietate motûs in consequentia*. 2. *Motus in consequentia perficitur à Luna 27. diebus, 7. horis, & 43. min.* Hoc motu definitur à Luna *mensis periodicus*; sicut *Mensis synodicus* ab ipsa determinatur, ex quo à Sole profecta spatio 29. dierum, 12. horarum, & 44. min. illum rursus assequitur. 3. *Hoc motu determinatur etiam motus latitudinis, declinationis* scilicet ab ecliptica, 5. gradibus definita, & *Anomaliam*, quorum lentus

examen

(q) Apud eundem Prop. 11. (r) Elem. Astron. §. 486. (s) Prop. 23. (t) Phys. tract. 8, Prop. 40. (u) Astron. l. 3. Prop. 6. (x) Almag. l. 4. c. 6.

examen incumbit Astronomis. Alium motum *vertiginis* scilicet, attri-
buunt Lunæ à Brixia, Corfini, Purchotius, (y), & alii; ex eo nempe, quòd
illa eandem nobis semper faciem obvertat. At propter hanc rationem,
videtur non dari in Luna talis motus, si in illa datur *motus oscillationis*,
quem deprehendisse putat Hevelius; sed Galilæo primas arrogat Cl. à
Brixia (z).

XXVIII. Denique magnitudo apparēs, & distantia Lunæ à terra non
semper est eadē. P. Ricciolus (a) hanc distantiam invenit: in *Sizygiis*,
apogæa 63. semid. 40. min. *media* 61. semid. *perigæa* 58. sem. 15. min.
In *quadraturis*, *apogæa* 66. sem. 40. min. *media* 59. sem. *perigæa* 52.
sem. 20. min. De vera, & physica Lunæ magnitudine unum est certum,
& aliud dubium: dubium est, *quanta sit*. Juxta Keplerum, diameter ve-
ræ Lunæ est ad diametrum terræ, ut 1. ad 59. Juxta dela-Hire, ut 33. ad
121. Certum est, quòd *sit minor Terrâ*; totalem enim patitur eclipsim;
& non exiguo tempore intra Telluris umbram delitescit. Et cum in
eclipses inciderimus, ad illarum observationes progrediamur.

De Eclipsibus Solis, & Lunæ.

XXIX. **E**clipsis vel est *Realis*, vel *Apparens*: realis est, cum corpus
luce destituitur, quam ex propria penu non habet, ob inter-
positionem alterius corporis opaci: tales sunt eclipses Lunæ. *Apparens*
est, cum inter oculos, & luminare, opacum corpus opponitur, ut con-
tingit in eclipsibus Solis. Projectio umbræ ad eclipsim huius legibus perfici-
tur: 1. *Corpus luminosum sphericum tantummodò illuminat hemisphærium*
corporis opaci ejusdem diametri, similiter sphericæ: umbra verò projecta
à tali corpore opaco cylindrica est, & inter rectas parallelas comprehen-
ditur. Fig. 14. Tab. 5. 2. *Si lucidum sphericum maius sit opaco sphæri-*
co, huius segmentum illuminatum maius est hemisphærio: umbra verò
projecta à corpore opaco continuò decrescit, & instar coni desinit in pun-
cto. Fig. 7. 3. *Segmentum sphæra opacæ, illuminatæ à lucido sphærico*
minoris diametri, minus est hemisphærio: umbra verò continuò dispergi-
tar, & in immensum distenditur calathi-formiter. Fig. 6. 4. *Sphæra lumi-*
nosa, quòd propior est opacæ minoris diametri, eò maiorem illius portionem
illuminat: si verò sphæra luminosa sit minoris diametri, quòd proximior illa
fuerit, eò minus huius segmentum illuminabitur. Latis his legibus,

XXX. Dicimus: 1. *Eclipsis Solis nō est vera, & realis, sed apparens*: 2.
Oritur ex Luna solem inter, & Terram interpositā: 3. *Eclipsis solaris*
contingit in Nōviluniis. Quare autem non contingit in omnibus expli-
cabitur

(y) P. 2. Phys. sect. 2. c. 4. (z) De motib. Lun. n. 4556. (a) Almag. l. 3. & Astron.
reform. l. 2. c. 18.

cabitur ope Fig. 16. 4. *Potest esse totalis respectu alicujus incola terrestris.* 5. *Eclipsis Luna est vera, & realis carentia lucis.* 6. *Tunc fit, cum vel tote, vel secundum aliquam sui partem umbra Telluris immergitur.* Tria distinguenda sunt in eclipsis lunaribus, sc. Umbra, Umbrago, & Penumbra. Umbra est: *privatio luminis primarii tam directi, quam reflecti, aut refracti;* hanc umbram patitur Luna in locop. q. Fig. 7. Umbrago est: *privatio alicujus, sed non omnis luminis primarii ac directi a Sole propagati.* Penumbra est: *privatio totius luminis directi, non excluso lumine refracto.* Pallor igitur Luce, ante & post ingressum in puram umbram, oritur ab umbragine, ab eo sc. quod Luna M. Fig. 7. ingrediens penumbram c. p. d. n, solum illustratur à radiis, ex eadem parte proficiscentibus à Sole; & non à proficiscentibus ex parte a. q. b. m, qui ab opacitate Telluris dispelcuntur.

De Anno, & ejus partibus.

XXXI. **C**um Deus luminaria cæli condiderit, ut *dividant diem, ac noctem, & sint in signa, & tempora, & dies, & annos* (b), ordo postulat, ut observatis Astrorum Solis præcipue, ac Luna, motibus, de Anno, ejusque partibus, quas illa duo luminaria magna constituent, agamus, deliberatis Chronologia principii, illius sc. præstantissimæ Facultatis, quæ certis notis, & indicis præteritarum rerum memoriam suis temporibus assignat; quæque ab Astronomiæ visceribus, tamquam genuina proles erupit. Omisiss igitur variis anni secundum diversas nationes acceptionibus, dividitur Annus in *Solarem, & Lunarem*; uterque in *Civilem, & Astronomicum*; Astronomicus solaris subdividitur in *Tropicum, & Sydereum*. *Tropicus* est illud spatium temporis, quod labitur, dum Sol integram revolutionem sub Zodiaco absolvit 365. diebus, 5. hor. & 49. min. *Sydereus* est illud tempus, quod requiritur, ut sol eandem stellam fixam, à qua initio motus recesserat, iterum assequatur. Ex quo patet hunc esse Tropico longiorem; definiturque 365. dieb. 6. hor. ac ferè 10. min. Annus solaris *Civilis* est tempus illud, quod Sol percurrente Zodiaco infumit, neglectis minutiis, quas nos hic etiam negligimus. Annus lunaris *Astronomicus* est spatium temporis duodecim mensibus Lunæ astronomicè computatis definitum. Et cum mensis Lunæ *Synodicus* in rigore Astronomico contineat 29. dies, 12. hor. 44. min. & ferè 4. sec. hinc est, quod Annus Astronomicus Luce sit 354. dieb. 8. hor. & ferè 49. min.

XXXII. Dividitur Annus in *Horas, Dies, Hebdomadas, & Menses*. Hora tantum temporis est, quantum labitur, dum 15. Aequatoris gradus

supra

supra Horizontem ascendunt. Dies alius est *Naturalis*, alius *Artificialis*: naturalis est illud temporis spatium, quo integra Solis ab ortu in occasum revolutio perficitur: artificialis est totum illud intervallum temporis, quo Sol supra Horizontem moratur. Hebdomas vulgaris nota est omnibus: duæ aliæ Hebdomadum species solennes erant Hebræis, una sc. ex 7. annis, alia ex 7. annorum hebdomadibus composita. In fine 1. hebdomadis, idest, in 7. anno, qui apud illos *Sabbaticus* dicebatur, à terræ cultura cessabant ex legis præscripto (c). In 2. autem Hebdomada postremus annus dicebatur *Jobelæi* à jobel, quod *arietis cornu* significat; quatenus arietinis cornubus, aut buccinis arietis cornu referentibus, promulgabatur (d); eratque annus plenissimæ remissionis.

XXXIII. Tandem Mensis vel est *Solaris*, vel *Lunaris*; & uterque vel est *Civilis*, vel *Astronomicus*: mensis solaris *Civilis* est tempus illud, quod Sol in percurrēdo quolibet Zodiaci Signo absolvit, neglectis minutis: continetque propterea 30. dies; cum tamen integra Solis revolutio diebus 365. & ferè 6. horis perficiatur, necesse est, ut aliquot menses Solis 31. dies complectantur. Mensis autem solaris *astronomicus* est tempus, quo Sol quodlibet in Zodiaco Signum percurrit. Et cum Sol diutius moretur in 6. Signis *Borealibus*, quàm in *Australibus* (n. XXIV), fit, ut hujusmodi menses sint inæquales: medius autem inter maximum, & minimum, est dierum 30. hor. 10. & ferè 30. min. Mensis *Lunæ Civilis* est tempus ab una ad alteram cum Sole conjunctionem computatum, neglectis minutis. Illius propterea quantitas modò est 29. modò 30. dierum. *Astronomicus* est ille, qui ex certo *Lunæ* motu sub Zodiaco accuratè determinatur. Dividitur in *Periodicū*, & *Synodicū*: *Periodicus* est, cum integram sub Zodiaco revolutionem complet spatio 27. dier. 7. hor. 43. min. sec. 8. *Synodicus* est spatium temporis, quod interjacet duabus *Lunæ* cum Sole proximis conjunctionibus; estque idcirco longior *periodico*, continens 29. dies. horas 12. min. 44. & ferè 4. sec.

Cyclus Chronologicus

XXXIV. **E** St certus annorum numerus perpetuò in orbem rediens, quo (veluti caractere) rerum præteritarum tempora distinguuntur. Tres sunt, quos præcipuè adhibent Chronologi, scilicet, *Cyclus Lunæ*, *Solis*, & *Indictionis*. *Cyclus Lunæ*, sive alio nomine *Aureus numerus*, est spatium 19. annorum, quibus absolutis, Novilunia, & Plenilunia ad eisdem solaris anni dies olim redire credebantur: citius tamen hor. 1. 27. min. sec. 37. redire compertum est à calculo Manfredii (e): adhuc

(c) Levitic. c. 25. (d) Aug. Calmet Dissert. de septim. Daniel. (e) Elem. de Chronolog. P. 1. c. 8. apud à Brig. hic n. 3824.

adhuc autē ille numerus infervit ad inveniendas *Epactas*. Ut autem ad quicumque annum *Æra Christiana* numerus aureus inveniatur, relicto quotiente,

Unum addas annis Christi; summamque novennis,

Et denis tribuas, numerus tibi ut aureus adfit.

Quo peracto, compertum erit numerum aureum præsentis anni 1758. esse 11. cum hic numerus in divisione superfit.

XXXV. *Cyclus Solaris* est systema 28. annorum, quo finito, dies *Dominici* ad eisdem mensium dies restituantur, sive idem *litterarum Dominicalium* ordo in orbem redit. Dies hebdomadis designantur, litteris A.B.C.D.E.F.G. quæ per omnes anni dies ita distribuuntur, ut A. primum diem Januarii afficiat, B. secundum, C. tertium, D. quartum, E. quintum, F. sextum, G. septimum, A. octavum, &c. Et cum littera Dominicalis singulis annis mutetur, compertum erit, quænam illa sit in quovis anno, sive communi, sive bissextili, cognita die 1. Januarii, cui littera A. semper affigitur. Ut autem *littera Dominicalis* facili negotio reperiatur, sciendus est *Cyclus solaris* illius anni; qui facile cognoscitur, addito numero 9. ad annum datum, & divisâ summa per 28, siquid enim, abjecto quotiente, supererit, illud est *Cyclus solaris*; cûsi nihil superfit, *Cyclus solaris* erit 28. Invento *Cyclo solari*, qui dato conveniat anno, littera Dominicalis ejusdem anni ex subiecta tabula cognoscetur.

Cyc.	Lit. D.	Cyc.	Lit. D.	Cyc.	Lit. D.	Cyc.	Lit. D.
1.	D. C.	8.	B.	15.	G.	22.	F.
2.	B.	9.	AG.	16.	F.	23.	D.
3.	A.	10.	F.	17.	ED.	24.	C.
4.	G.	11.	E.	18.	C.	25.	BA.
5.	FE.	12.	D.	19.	B.	26.	G.
6.	D.	13.	CB.	20.	A.	27.	F.
7.	C.	14.	A.	21.	CF.	28.	E.

XXXVI. Tandem *Cyclus Indictionis* est systema 15. annorum in orbem recurrens, quo solutio tributorum quorundam in Imperio Romano indicebatur. Facile reperitur *Indictio* alicujus anni, si huic addantur 3. summaque per 15. dividatur: tunc enim numerus præter quotientē superstes erit *Indictionis*; & si nihil remaneat ex divisione, numerus *Indictionis* erit 15.

Periodus Chronologica

XXXVII. **E** St (prout à *Cyclo* distinguitur) certum annorum spatium, in quo singuli anni peculiaribus *Cyclis* insigniuntur. Celebriores *Periodi* sunt *Victoriana*, à Victore Aquitano instituta,

&c

omnibus Planetis, & Telluri concessio (*h*), per *vortices* caelestia phaenomena explicat, ita Longomontanus Tychonicum sequitur, audiens magistro discipulus (*i*), motu *revolutionis* circa proprium axem Telluri attributo: quod antea praestitisse fertur Heraclides Pontius, & Ecphantus Pythagoreus (*h*).

VIII. Haec sunt celebriora Mundani Systematis opinamenta, quorum iudicium altioris subseilii ferant ingenia. Quodcumque tamen illorum sit amplectendū, haec 5. principia sunt admittenda: 1. *Terra saltem, quoad sensum, est in centro Universi*: 2. *Luna est Terra. proxima Planetarum*: 3. *Venus, & Mercurius moventur circa Solem, veluti circa centrum*: 4. *Saturnus, Jupiter, & Mars non sunt Telluri concentrici*: 5. *Supra omnes Planetas distenditur calum fixarum*. Etiam haec 6. phaenomena in quocunque systemate sunt explicanda: 1. Quomodo *astra*, tam *fixa*, quam *errantia*, duplici motu cieantur, aut videantur eieri nempe motu diurno ab ortu in occasum spatio 24. horarum per circulos Aequatori parallelos; & motu periodico sub *Zodiaco*, adeoque *oblique*, ultra, citraque Aequatorem secundum seriem signorum inaequali temporis spatio; videlicet *Luna* intra mensem: *Mercurius* tribus ferè mensibus: *Venus* 8. vel circa: *Sol* in anno: *Mars* duobus ferè annis: *Jupiter* ferè 12: *Saturnus* ferè 30: ac denique *fixa* 25920. annorum spatio motum suum periodicum absolvant.

IX. Secundum phaenomenon: cur *Saturnus, Jupiter, Mars, Venus, & Mercurius*, non semper directi incedere videantur? Sed quandoque *Directi*, quandoque *Stationarii*, & quandoque *Retrogradi* appareant? 3. Qua ratione contingit, ut non ubique terrarum dies sint noctibus aequales sepe? 4. Cur *Saturnus, Jupiter, & Mars* non appareant *stationarii*, neque *retrogradi*, nisi tempore oppositionis cum sole: *Venus* autem, & *Mercurius* non, nisi tempore *Synodi*, sive *conjunctionis*. Et cur in fixis maioris appareant diametri? 5. Cur saepius *Saturnus*, quam *Jupiter*, & hic saepius, quam *Mars*: ac denique *Mercurius*, quam *Venus* sub *Zodiaco* stare, aut retrocedere videantur? 6. Cur *Saturnus* diutius, quam *Jupiter*, *Jupiter* diutius, quam *Mars* regredi conspiciantur: quae omnia utpote certissimis obsignata calculis, admittenda sunt ab omnibus, & in quocunque systemate expendenda. Praemissa hac notione circa generalem Mundi constitutionem, singulares illius partes peragremus. Tres sunt *Mundi* partes, *Calum, Aer, & Terra*. Ad caelum igitur ascendamus, ad lares postea redituri.

(F) P. 3. Princip. n. 29. Motum autem sumendo juxta usum vulgi, dicendum quidem est, Planetas alios omnes quidem moveri, necnon etiam Solem, & fixas: sed non nisi ad modum incongruum: idem de *Terra* dici potest, &c. (i) Distion. Morer. Sub Lit. L. (l) Apud Plutarch. L. 3. de placit. c. 13.

§. II. De Mundo Cœlesti.

X. **C**œli nomine intelligitur ingens illud spatium, quod terraqueant molem, ejusque atmosphæram ambit; ubi scintillantium syderum nutus, aureum Solis jubar, argenteas Lunæ faces, errantes sine errore Planetas, ac stellas sine quiete fixas, suspicere licet. *Calum* dicitur, vel quia syderibus cælatum est; vel quia, tentorii instar, nos celat. De fide est hanc præstantissimam Dei creaturam non ab æterno, sed in tempore fuisse productam (m). Cælum esse solidum, ac in Crytalli duri- tiem compactum, tenuit Empedocles, ut refert Plutarchus (n), & tuc- bantur affectu Ptolemæi: è contra Nevvtoniani esse spatium vacuum contendunt. Adversus utranque sententiam dicimus: 1. *Calum tum Pla- netarum, tum Fixarum esse apprime fluidum*: 2. *Non esse spatium va- cuum*. Non defuere, qui animam calis irrogarent, in quod offendit Ori- genes: imò prioribus §. Sæculis Ecclesiæ liberum cuique fuerat hanc sententiam tenere, sed cum sit proscripta ab Ecclesia (o), firmiter tene- mus *Calos non esse animatos, quin & nullam habere formam in sensu pe- ripatetico*: cui suffragatur Aristoteles, si plano sensu intelligatur (p). In *calorum* numero nihil immoror, contentus asserere *unicum* (præter Em- pyreum) *esse calum*.

XI. In suprema hujus pæne immensæ intercapedinis regione *Stellæ fixæ* oculos, ut suspiciantur, nutibus invitant. *Fixæ* dicuntur; quia ean- dem inter se, & ab *Ecliptica* distantiam perpetuo servant. Cum hæc lu- cidissima Cæli luminaria à nobis sint remotissima, vix, ac ne vix quidem illorum *natura, magnitudo, distantia*, aut *numerus* potest nobis innotef- cere: sed quantum fas est Philosophis divinare, cum illis Dico: 1. *Stellæ sunt globi totales*: 2. *Sunt corpora dura, & opaca*: 3. *Non habent lucem propriam, sed omnem mutantur à sole* (q): 4. *Nullus reperitur in illis effectus, qui ab aliqua Forma substantiali intrinseca proficiatur*. *Vera stellarum magnitudo* nos penitus latet: *apparens* autem in 7. classes di- viditur ab Astronomis: quanvis enim verosimile sit omnes fixas ejusdem esse magnitudinis, inæquales nobis videntur, ob inæqualem à terra di- stantiam. Aliæ stellæ dicuntur 1. magnitudinis, aliæ 2. aliæ 3. &c. Ty- cho stellam primæ magnitudinis ait continere Terram 68. vicibus. Ric- ciolus statuit *Syriam* continere illam 5255. Copernicani 71677713000. Bullialdus 14887700000. Verùm in tanta rerum obscuritate hoc unum nobis superest asserere: *quàm magna est domus Dei, & ingens locus pos- sessionis ejus*: (r).

XII.

(m) Genes. cap. 1. (n) L. 2. de placit. Phil. c. 15. (o) Syn. §. Gen. Constant. c. (p) L. 1. de Cælo A. text. 29. usque ad 121. (q) PP. CG. Fabry Phys. tract. 8. L. 2. P. op. 3. (r) Baruch. c. 5.

XII. Non minus dubia est illarum *distántia* à Terra. Duo tamen pro comperto habentur: 1. *Fixas exquisitissimo etiam telescopio inspectas nunquam maiores apparere*: 2. *Tantam esse illarum distantiam à Saturno, quanta sufficit, ne umbra, quam hic projicit, ad illas pertingat*. Ex quo conicitur enormis illarum distantia; umbra enim Saturni ex calculo P. Riccioli (s) ad 118680. semidiametros terrestres projicitur supernè. Numerus denique Stellarum soli Deo est cognitus, cui omnia nuda, & aperta sunt, *quique numerat multitudinem stellarum, & omnibus eis nomina vocat* (t). Innumerabilis hic fixarum numerus in varia Signa distribuitur, quæ *Constellationes*, sive *Asterismi* vocantur, quarum aliæ ad hemisphærium *Boreale* pertinent, aliæ ad *Australe*, aliæ ad *Zodiacum*, ut in mappis cælestibus exprimitur; ut nihil dicam de *Gallaxia*, quæ nihil est aliud, quàm infinitarum Stellarum congeries. Summa Stellarum, quæ in hemisphæriis, & Zodiaco recensetur, hæc est. In hemisphærio Boreali numerantur stellæ 852. scilicet *prima* magnitudinis 6: *Secunda* 24: *Tertia* 89: *Quarta* 191: *Quinta* 268: *Sexta* 261: *Septima* 13. In hemisphærio Australi recensentur 574. Sydera, nempe 3: *prima* magnitudinis 27: *secunda* 72: *tertia* 188: *quarta* 188: *quinta* 87: *sexta* 3: *septima*. In Zodiaco tandem sunt 447. videlicet 6: *prima* magnitudinis 11: *secunda* 43: *tertia* 91: *quarta* 136: *quinta* 148: *sexta* 12: *septima*.

XIII. Aliqua ab Astronomis observantur in Fixis, quæ non sunt Philosophis incongrua, nempe *motus, scintillatio, apparitio, & occultatio*. Præter motum *diurnum*, & *periodicum*, de quibus ad calcem numeri VIII. sermo erat, admittunt RR. Astronomi in stellis *verum*, & *realem* motum *vertiginis*, quo circa proprium axem torquentur. Admissa hac hypothese, causam *Scintillationis* illarum esse motum *vertiginis*, & *halitus per medium incurrentes* asserimus cum Keplero (u): quidquid alii dicant (x). Multæ denuo stellæ apparuerunt, quæ aut statim Astronomorum operam ludentes evanuerunt ex oculis; aut mutato colore, & magnitudine per aliquot annos visæ, iterumque invisæ, hucusque delitescunt (y). Non minus latet Philosophos huiusmodi stellarum ortus, & interitus: sed omisissis aliorum opinamentis, dicimus cum Cl. Corsini (z) *huiusmodi stellas esse mundo coevas*. Ne eandem crambem postea recquamus, minorum 1. Planetarum naturam veluti *genericam* appendimus, *specificam* deinde reddituri. Dicimus ergo 1. *Omnes 5. Planeta sunt corpora solida, & opaca*: 2. *Nullam habent formam in sensu Scholastico*: 3. *Lucem mutantur à sole*: 4. *Sunt globi totales*: 5. *Credibilius est circa proprios axes torqueri*. Nunc ad singulos.

Saturnus

(s) Almagest. L. 6. c. 7. n. 2. (t) Psalm. 146. (u) In Astron. Optic. c. 6. n. 12. (x) Apud Tose. tract. 5. de Cæl. L. 3. c. 3. Prop. 57. (y) Vid. sis, Scherffer tom. 2. pag. mihi 63. (z) Init. Phys. de Cælo D. 2. c. 2. n. 8.

Saturnus

XIV. **E** St supra omnes remotissimus Planetarum: idcirco reliquis minor apparet, non scintillat, nec multum splendet, colore suboscuro, & plumbeo donatur. Egregium in hoc sydere illud est, quod ope telescpii multiformis appareat, sc. modò rotundus, modò ellipticus, modò fasciatus, modò anulis instructus, modò denique annulo quodam circumdatur. Quæ autem sit hujus phænomeni causa: vix suspicari possumus: nisi fortè verosimilius opinemur esse plurium stellarum, sive satellitum nondum adhuc detectorum coronam, quæ certa periodo moveantur. Circa Saturnum 5. veluti lunulæ moventur, quæ illius *Satellites* appellantur. Illorum periodus ita ab Hugenio, & Cassino definitur (a). Primus absolvit suam periodum intra diem, hor. 21. 18. min. sec. 31. Secundus 2. dieb. 17. hor. 41. min. sec. 27. Tertius 4. dieb., 13. hor. 47. minutis, secundis 16. *Quartus* 15. diebus 22. horis 41. minutis, secundis 11. *Quintus* 79. dieb. 7. hor. 53. minutis, secundis 57. Qui hujus, & aliorum Planetarum distantiam, & magnitudinem suspicari velit, consulat Astronomos, apud quos non omnibus idem consentit astrum. Saturnus à Ricciolo dicitur maior Terræ 891. vicibus.

Jupiter

XV. **E** St Planetarum maximus aspectu, si venerem excipias, à qua parum vincitur: colore flavus est, tamque vegeto, ac nitido lumine pollet, ut penes illud vix possit à *Venere* discerni. Circa Jovem etiam quatuor *satellites* deteguntur, quos observans Galilæus aîno 1610. *Medicæa Sydera* nuncupavit in *Medicæa* Domûs, cui maximè devotus erat, obsequium. Hi satellites (sicut & Saturni) lucem hauriunt à Sole: deficiunt enim suorum Principum umbras ingressi. Etiam Joviales fasciæ deprehenduntur, quarum genesis auspicabimur. Motum revolutionis absolvit Jupiter, si Cassino credimus 9. hor. 55. min. Maior Terræ dicitur à Ricciolo 685. vicibus.

Mars

XVI. **I** Nter Superiores Planetas est Soli, & Terræ proximus; à reliquis faciliè distinguitur ob igneum quandam, ac ardentem ruborem, quo perfunditur, ob id fortasse ab Ægyptiis *Astrum Herculeum* vocabatur. In medio disci Martialis insignem quandam maculam observavit Franciscus Fontana, à quo primum observatam fuisse dicitur (b); quique illam quandam esse voraginem existimat: pauloque aliter explicare

(a) In Actis Acad. Paris. ad an. 1715. (b) Apud à Brix. hlc n. 3615.

care visus est alias fascias in illius disco observatas (c), quarum interpretationem petenti Gabbinius. Suum vertiginis motum ex Casini observationibus 24. hor. & 40. min. absolvit. Minor est terrâ. Circa illius magnitudinem variant AA.

Venus

XVII. **P** Laneta est ille pulcherrimus, qui supra horizontem orientalem ante solis ortum visus, *Phosphorus*, sive *Lucifer* appellatur: & supra occidentalem post solis occasum *Vesper*, sive *Hesperus* nuncupatur. Circa solem tam in Copernicano, quam in Tychonico systemate versatur: & circa suum axem revolvitur ex Cl. Blanchino (d) 24. dierum spatio, & 8. ferme horis. Maculae, quas ipse Blanchinus in illa observavit, ab scabra illius superficie provenire judicamus. Venus secundum Tychonem minor est terrâ 6. vicib. secundum Ricciolum maior est dimidio.

Mercurius

XVIII. **R** Arò conspicitur, tum ob illius exiguitatem, tum quia ferè semper à radiis solaribus obumbratur. Etiam probabiliter circa proprium axem, sicut alii Planetæ, movetur; sed *quantum temporis* (inquit à Brixia) *in hoc motu perficiendo insumat: nemo fuit hactenus Astronomorum, qui id definierit* (e). Minor dicitur terrâ secundum Ricciolum 236. vicibus.

Sol.

XIX. **J** Ucunda profectò est tanti syderis contemplatio, hic ille est Mundi Cyclopius oculus, Lucis origo, Syderum *Princeps*, temporum *Moderator*, *Vas admirabile*, *opus Excellsi* (f), cujus natura idcirco nobis est inaccessible, quia illius celsitudo Philosophorum superat ingenia. Hinc mirum non est, quòd in tot sententias abierint, ut vel in ipso lucis fonte cæcutiant. Aliorum judicia recensere definamus (g); nostrum est: *Sol est substantia fluida: est corpus heterogeneum: est sphaericus*. Multa Solis phænomena priscos Philosophos, & Astronomos latuerunt; quia scilicet non nisi nudo, ac simplici oculo, illum suspiciebant. Posteris verò, ex quo Cælum intueri telescopio ceperunt, multa æthereæ regionis patuere mysteria: in solari itaque disco deprehenderunt partes quasdam nigricantes, quas *maculas* appellârunt: alias verò reliquâ solis superficie lucidiores, quæ *facula* dicuntur. De gloria inventionis macularum inter se certant Cl. Cl. Scheinerus, & Galilæus: illas tamen primus

(c) In Actis Acad. Paris. ad ann. 1726. (d) Hesp. & Phosp. nova phænomen. c. 5. n. 8. apud à Brix. (e) Phys. part. P. 1. n. 3620. (f) Eccl. c. 4. (g) Vid. sis, à Brix. Phys. part. P. 1. Diss. 5. sect. 1. an. 3513.

primus omnium probabilius detexisse fertur Scheinerus Ingolstadtii anno 1611. assumpto *Apellis post tabulam latentis nomine*; antequam Galilæus de hac re quidquam typis edidisset.

XX. Multa, varique sunt macularum solarium phœnomena: 1. *Distinctius apparent meridiano tempore*: 2. *Aliqua visa sunt longè maiores terrâ*: 3. *Instabilis est illarum magnitudo, & numerus*: 4. *In medio corporis solaris plerunque videntur, veluti ex ejus nucleo emergentes*: 5. *Contrahuntur in Solis limbo, & in medio dilatantur*: 6. *Omni sensibili parallela destituuntur*: quàm enim noster P. Jartoux vidit Pekinia 1. die Nov. ad 12. hanc eandem observavit Cassinus Junior Gallie in eodem loco à 31. Octob. ad 11. Nov. 7. *Ita circa Solem moventur, ut tendant ab occasu in ortum, dum in superiori Solis parte; ab ortu tamen in occasum, dum in inferiori versantur*, inquit à Brix. (h): 8. *Nonnulla redire dicuntur, absolutâ 27. dierum periodo*.

XXI. Varia sunt Philosophorum judicia in assignanda macularum solarium causa. Alii illas explicant per solida quædam corpora fluidæ Solis substantiæ innatantia, quæ modò altius demerguntur, & minores apparent: modò leviùs sustinentur, & maiores conspiciuntur: modò in alveum demerguntur, & penitus occultantur: sed hanc sententiam non immeritò carpit Cl. Corfini (i). Alii dicunt esse stellas, Solisque satellites; quæ circa Solem moventur (l). Alii communiùs dicunt hujusmodi maculas esse quasdam fuligines, quæ ex solari disco; veluti ex accensa fornace erumpunt, & ab illius centro ad peripheriam propulsantur. Ita Zanchi, Tolca, Kircher, Dechales, Gassendus, (m). Alii aliter: nos autem dicimus: *maculas solares provenire à continua particularum Solis ebullientis effervescentia*.

XXII. Adhuc superest magnitudinem Solis, illiusque à terra distantiam metiri. Magnitudo aut est *physica*, & *vera*, aut *apparens*: de magnitudine vera nobis illud tantùm constat, quod *Sol sit maior Terrâ*; hoc enim ex eclipsisbus demonstratur in Fig. 7. Tab. 5. Quanta autem sit Deus scit: dato tamen, quòd mensura diametri solaris sit v. g. 37. semidiametrorum terrestrium, assignabitur, quanta sit illius *peripheria, superficies, area, & soliditas*. Magnitudo apparens non semper est eadem; maior enim nobis apparet sol in *perigæo*, quàm in *apogæo*. Hæc magnitudo à segmento celi, quod nobis tegitur à sole, mensuratur. Diameter apparens solis *apogæi* est 31. min. *perigæi* est 32. min. 4. sec. & magnitudo *media* est 31. min. sec. 42. (n). Circa illius distantiam à terra hoc pro comperto habetur apud Astronomos, quòd non sit minor 7000. sem. terrestribus.

L

(h) Phys. part. n. 3319. (i) Inst. Phys. part. P. 1. tract. 1. Disp. 2. c. 3. n. 8. (l) Ferrarii. Phys. P. 2. D. 2. Q. 8. (m) Sect. 2. Phys. l. 4. c. 2. apud à Brix. p. 3321. (n) Riccioli. Astronom. reform. l. 1. c. 12. & 19.

terrestribus. Hinc juxta Cl. Ricciolum distantia Solis *apogæa* est 7600 semidiametr. terrest. *media* est 7300.: *perigæa* 7000. (o).

XXIII. Circa motum præter dicta n. VIII. aliqua supersunt observanda: 1. *Motus diurnus Solis, aut verus, aut apparens sit per circulos Aequatori sensibilibiter parallelos*: 2. *Singulis 24. horis conficit hoc motus 1910. semidiametros terrestres, id est, leucas Hispanas 1916897*; inquit Tosca (p). Circa motum annuum duo phænomena observantur: 1. *Sol modò ad nostrum posuit, modò ad Australem accedit*: cum enim ad Tropicum Canceri insiluit, ulterius non progreditur, sed *solstitium* efficit *æstivum*: cum autem ad Capricornum accedit, efficit *hyemale*. Sol hoc motu singulis mensibus unum ferè perlustrat. *Signum*: singulis diebus 59. min. sec. 8. 20. min. Cum verò Sol annuali conversione singulis mensibus singula Zodiaci signa revifat, utpote, qui Martio *Arietè*, Aprili *Taurum*, Maio *Geminos*, & cæt. donec Febuario *Pisces* ingreditur, faciliè cognoscitur, quo circiter die, & in quo signo, & in quo gradu Sol diversetur, si horum carminum sensus probè teneatur.

10. 11. 10. 9. 8. 7.
Livor mente latens insultat honoribus, horret

7. 7. 2. 9. 10. 12.
Grandia gesta hærens insigni laude notatis.

Quorum duodecim dictiones totidem mensibus consonant Incipientes à Martio: attento igitur, quota in alphabeto sit prima littera cujusque dictionis, totidè unitates ex tricenario detrahatur, & sic numerus residuus indicabit diem ingressus Solis in *Signum*. Si autem, proposito die aliquo cujusque mensis, queratur, quem in tali die gradum Zodiaci occupet Sol, addendus est ipsi diei numerus designatus in 1. littera dictionis, respondentis mensi, tunc si summa excedat 30., excessus, addita unitate, indicabit gradum *signi*, in quo Sol est in ipso die: si verò summa deficiat à 30., ipsa eundem gradum indicabit.

XXIV. Secundum phænomenon *motus annui* est, quòd *Sol novem saltem dies amplius insumat in percurrendis signis Borealibus, quàm in Australibus*. Ad explicandam hujus phænomeni causam Ptolemæi sententiam amplector, quæ in Fig. 8. Tab. 5. exhibebitur. Tandem motus *vertiginis* ex eo admittitur in Sole, quòd illius maculæ per talem motum faciliùs explicantur. Hinc est, quòd communiter dicatur, Solem huiusmodi motum absolvere spatio 27. dierum.

XXV. *Crepuscula solis* sunt ea lux subobscura, quæ tam ante Solis ortum, quàm post illius occasum, certo temporis intervallo nostrum irradia: hemisphærium. *Crepera* dicitur hæc lux, id est, *dubia*; unde *crepusculi*

culi nomen effluxit. Non semper, nec ubique crepuscula sunt æqualia: variantur enim tum ratione temporum, tum locorum. Hinc est, quod diuturniora sint *æstate*, quàm *hyeme*; *vespere*, quàm *mane*. Hinc est etiam, quod in spherà *obliqua* longius durant; & eò longius, quod *obliquior* est spherà: adeo, ut qui ultra 48. gradus ab *Æquatore* degunt, in *Solstitiis æstivis* aerem habeant clarescentem per totam noctem. Hoc lentius, & clarius explicabitur in Fig. 10. Tab. 5. Quenam autè sit causa Physica crepusculorum: dicimus *esse radios solares telluris atmospharam subeuntes, & refractionis ope ad oculos spectatoris terrestris appellentes*; sicut exhibet Fig. 9.

Luna.

XXVI. **O** Missa inutili de Lunicolis quæstione (q), ad Lunæ naturam accedamus. Constans est Philosophorum, & Astronomorum sententia, Lunam *esse corpus sphericum, opacum, proprio lumine destitutum, superficie scabra, altissimisque montibus horrentem*. Hæc vera Lunæ descriptio, tum ex illius *phasibus*, tum ex *eclipsibus*, tum denique ex *maculis* eruitur. Phases Lunæ sunt diversæ illæ apparitiones, quibus illa nobis ostenditur singulis mensibus, ex eo scilicet provenientes, quod modò nihil hemisphærii lunaris à sole illustrati, modò una tantum pars, modò totum nobis hemisphærium, quod solem respicit, obvertatur: ut ostendit Fig. 11. Tab. 5. Maculæ lunares proveniunt ex eo, quod *inæqualis superficies corporis lunaris æqualem lucis reflexionem impedit*. Et per hoc tollitur usus atmosphæræ, quâ Galilæus, Longomontanus, Keplerus, Ricciolus, & novissimè Wolhus (r) Lunam ambiunt. Notatu digna est *Lucula* quædam, quæ in parte Lunæ soli obversa conspicitur, circa quam variæ sunt Philosophorum, & Astronomorum sententiæ apud Tosca (s). Sed ego nostris Cl. Cl. Fabry (t), Milliet (u), & Ricciolo (x), adhæreo, inquiens: *Luculam illam provenire à Terra, lumen solis ad lunam reflectente*.

XXVII. Circa motum Lunæ multa ab Astronomis observantur scitu digna: 1. *Luna non absolvit motum diurnum intra 24. horas, sicut alii Planeta: sed singulis revolutionibus tardior emergit tres quadrantes ob contrarietate motus in consequentia*. 2. *Motus in consequentia perficitur à Luna 27. diebus, 7. horis, & 43. min.* Hoc motu definitur à Luna *mensis periodicus*; sicut *Mensis synodicus* ab ipsa determinatur, ex quo à Sole profecta spatio 29. dierum, 12. horarum, & 44. min. illum rursus assequitur. 3. *Hoc motu determinatur etiam motus latitudinis, declinatio scilicet ab eclipctica, 5. gradibus definita, & Anomalia, quorum lentus*
examen

(q) Apud eundem Prop. 11. (r) Elem. Astron. §. 486. (s) Prop. 23. (t) Phys. traç. 8, Prop. 40. (u) Astron. l. 3. Prop. 6. (x) Almag. l. 4. c. 6.

examen incumbit Astronomis. Alium motum *vertiginis* scilicet, attribuunt Lunæ à Brixia, Corsini, Purchotius, (y), & alii; ex eo nempe, quòd illa eandem nobis semper faciem obvertat. At propter hanc rationem, videtur non dari in Luna talis motus, si in illa datur uotus *oscillationis*, quem deprehendisse putat Hevelius; sed Galilæo primas arrogat Cl. à Brixia (z).

XXVIII. Denique magnitudo apparēs, & distantia Lunæ à terra non semper est eadē. P. Ricciolus (a) hanc distantiam invenit: in *Sizygiis*, *apogæa* 61. semid. 49. min. *media* 61. semid. *perigæa* 58. sem. 15. min. In *quadraturis*, *apogæa* 66. sem. 40. min. *media* 59. sem. *perigæa* 52. sem. 20. min. De vera, & physica Lunæ magnitudine unum est certum, & aliud dubium: dubium est, *quanta sit*. Juxta Keplerum, diameter vera Lunæ est ad diametrum terræ, ut 1. ad 59. Juxta dela-Hire, ut 33. ad 121. Certum est, quòd *fit minor Terrâ*; totalem enim patitur eclipsim; & non exiguo tempore intra *Telluris* umbram delitescit. Et cum in eclipses inciderimus, ad illarum observationes progrediamur.

De Eclipsibus Solis, & Lunæ.

XXIX. **E**clipsis vel est *Realis*, vel *Apparens*: realis est, cum corpus luce destituitur, quam ex propria penu non habet, ob interpositionem alterius corporis opaci: tales sunt eclipses Lunæ. *Apparens* est, cum inter oculos, & luminare, opacum corpus opponitur, ut contingit in eclipsibus Solis. Projectio umbre ad eclipsim, his legibus perficitur: 1. *Corpus luminosum sphericum tantummodò illuminat hemispharium corporis opaci ejusdem diametri, similiter sphericum*: umbra verò projecta à tali corpore opaco cylindrica est, & inter rectas parallelas comprehenditur. Fig. 14. Tab. 5. 2. Si *lucidum sphericum majus sit opaco spherico*, hujus segmentum illuminatum majus est hemisphario: umbra verò projecta à corpore opaco continuò decrescit, & instar coni desinit in puncto. Fig. 7. 3. *Segmentum sphaera opaca, illuminatum à lucido spherico minoris diametri, minus est hemisphario*: umbra verò continuò dispergitur, & in immensum distenditur catheti-formiter. Fig. 6. 4. *Sphaera luminosa, quod propior est opaca minoris diametri, ed maiorem illius portionem illuminat*: si verò *sphaera luminosa sit minoris diametri, quò proximior illa fuerit*, ed minus hujus segmentum illuminabitur. Latis his legibus,

XXX. Dicimus: 1. *Eclipsis Solis nō est vera, & realis, sed apparens*: 2. *Oritur ex Luna solem inter, & Terram interpositā*: 3. *Eclipsis solaris contingit in Noviluniis*. Quare autem non contingit in omnibus explicabitur

(y) P. & Phys. sect. 2. c. 4. (z) De morib. Lun. n. 4556. (a) Almag. l. 3. & Astron. reform. l. 2. c. 18.

cabitur ope Fig. 16. 4. *Potest esse totalis respectu alicujus innotæ terre, stris. 5. Eclipsis Luna est vera, & realis carentia lucis. 6. Tunc fit, cum vel tota, vel secundum aliquam sui partem umbra Telluris immergitur. Tria distinguenda sunt in eclipsis lunaribus, sc. Umbra, Umbrago, & Penumbra. Umbra est: privatio luminis primarii tam directi, quam reflecti, aut refracti; hanc umbram patitur Luna in locop.q. Fig. 7. Umbrago est: privatio alicujus, sed non omnis luminis primarii, ac directi a Sole propagati. Penumbra est: privatio totius luminis directi, non excluso lumine reflecto. Pallor igitur Lunæ, ante & post ingressum in puram umbram, oritur ab umbragine, ab eo sc. quod Luna M. Fig. 7. ingrediens penumbram c. p. d. n. solum illustratur à radiis, ex eadem parte proficiscentibus a Sole; & non à proficiscentibus ex parte a. q. b. m, qui ab opacitate Telluris dispescuntur.*

De Anno, & ejus partibus.

XXXI. **C**UM Deus luminaria cæli condiderit, ut *dividant diem, ac noctem, & sint in signa, & tempora, & dies, & annos* (b), ordo postulat, ut observatis Astrorum Solis præcipuè, ac Luna, motibus, de Anno, ejusque partibus, quas illa duo luminaria magna cõstituant, agamus, delibatis *Chronologia* principiis, illius sc. præstantissimæ *Facultatis*, quæ certis notis, & indicis præteritarum rerum memoriam suis temporibus assignat; quæque ab Astronomiæ visceribus, tanquam genuina proles erupit. Omisiss igitur variis anni secundum diversas nationes acceptionibus, dividitur Annus in *Solarem*, & *Lunarem*; uterque in *Civilem*, & *Astronomicum*; Astronomicus solaris subdividitur in *Tropicum*, & *Sydereum*. *Tropicus* est illud spatium temporis, quod labitur, dum Sol integram revolutionem sub *Zodiaco* absolvit 365. diebus, 5. hor. & 49. min. *Sydereus* est illud tempus, quod requiritur, ut sol eandem stellam fixam, à qua initio motus recesserat, iterum assequatur. Ex quo patet hunc esse *Tropico* longiorem; definiturque 365. dieb. 6. hor. ac ferè 10. min. Annus solaris *Civilis* est tempus illud, quod Sol percurrente *Zodiaco* infumit, neglectis minutis, quas nos hic etiam negligimus. Annus *lunaris Astronomicus* est spatium temporis duodecim mensibus Lunæ astronomicè computatis definitum. Et cum mensis Lunæ *Synodicus* in rigore Astronomico contineat 29. dies, 12. hor. 44. min. & ferè 4. sec. hinc est, quod Annus Astronomicus Lunæ sit 354. dieb. 8. hor. & ferè 49. min.

XXXII. Dividitur Annus in *Horas*, *Dies*, *Hebdomadas*, & *Menses*. Hora tantum temporis est, quantum labitur, dum 15. Aequatoris gradus supra

supra Horizontem ascendunt. Dies alius est *Naturalis*, alius *Artificialis*: naturalis est illud temporis spatium, quo integra Solis ab ortu in occasum revolutio perficitur: artificialis est totum illud intervallum temporis, quo Sol supra Horizontem moratur. Hebdomas vulgaris nota est omnibus: duæ aliæ Hebdomadum species solennes erant Hebræis, una sc. ex 7. annis, alia ex 7. annorum hebdomadibus composita. In fine 1. hebdomadis, idest, in 7. anno, qui apud illos *Sabbaticus* dicebatur, à terræ cultura cessabant ex legis præscripto (c). In 2. autem Hebdomada postremus annus dicebatur *Jobelæi* à Jobel, quod *arietis cornu* significat; quatenus arietinis cornubus, aut buccinis arietis cornu referentibus, promulgabatur (d); eratque annus plenissimæ remissionis.

XXXIII. Tandem Mensis vel est *Solaris*, vel *Lunaris*; & uterque vel est *Civilis*, vel *Astronomicus*: mensis solaris *Civilis* est tempus illud, quod Sol in percurrèdo quolibet Zodiaci Signo absolvit, neglectis minutis: continetque propterea 30. dies; cum tamen integra Solis revolutio diebus 365. & ferè 6. horis perficiatur, necesse est, ut aliquot menses Solis 31. dies complectantur. Mensis autem solaris *astronomicus* est tempus, quo Sol quodlibet in Zodiaco Signum percurrit. Et cum Sol diutius moretur in 6. Signis *Borealibus*, quàm in *Australibus* (n. XXIV), fit, ut hujusmodi menses sint inæquales: medius autem inter maximum, & minimum, est dierum 30. hor. 10. & ferè 30. min. Mensis *Lunæ Civilis* est tempus ab una ad alteram cum Sole conjunctionem computatum, neglectis minutis. Illius propterea quantitas modò est 29. modò 30. dierum. *Astronomicus* est ille, qui ex certo Lunæ motu sub Zodiaco accuratè determinatur. Dividitur in *Periodicū*, & *Synodicū*: Periodicus est, cum integrum sub Zodiaco revolutionem complet spatio 27. dier. 7. hor. 43. min. sec. 8. Synodicus est spatium temporis, quod interjacet duabus Lunæ cum Sole proximis conjunctionibus; estque idcirco longior periodico, continens 29. dies. horas 12. min. 44. & ferè 4. sec.

Cyclus Chronologicus

XXXIV. **E**st certus annorum numerus perpetuò in orbem rediens, quo (veluti caractere) rerum præteritarum tempora distinguuntur. Tres sunt, quos præcipuè adhibent Chronologi, scilicet, *Cyclus Lunæ, Solis, & Indictionis*. Cyclus Lunæ, sive alio nomine *Aureus numerus*, est spatium 19. annorum, quibus absolutis, Novilunia, & Plenilunia ad eisdem solaris anni dies olim redire credebantur: citius tamen hor. 1. 27. min. sec. 37. redire compertum est à calculo Manfredii (e): adhuc

(c) Levitic. c. 25. (d) Aug. Calmet Dissert. de septim. Daniel. (e) Elem. de Chronol. P. 1. c. 8. apud à Brig. hic n. 3824.

adhuc autē ille numerus inservit ad inveniendas *Epactas*. Ut autem ad quemcunque annum *Æra Christiana* numerus aureus inveniatur, relicto quotiente,

*Unum addas annis Christi; summamque novennis,
Et denis tribuas, numerus tibi ut aureus adsit.*

Quo peracto, compertum erit numerum aureum præsentis anni 1758. esse 11. cum hic numerus in divisione superfit.

XXXV. *Cyclus Solaris* est systema 28. annorum, quo finito, dies *Dominici* ad eisdem mensium dies restituuntur, sive idem *litterarum Dominicalium* ordo in orbem redit. Dies hebdomadis designantur, litteris A.B.C.D.E.F.G. quæ per omnes anni dies ita distribuuntur, ut A. primum diem Januarii afficiat, B. secundum, C. tertium, D. quartum, E. quintum, F. sextum, G. septimum, A. octavum, &c. Et cum littera Dominicalis singulis annis mutetur, compertum erit, quænam illa sit in quovis anno, sive communi, sive bissextili, cognita die 1. Januarii, cui littera A. semper affigitur. Ut autem *littera Dominicalis* facili negotio reperiatur, sciendus est *Cyclus solaris* illius anni; qui facile cognoscitur, addito numero 9. ad annum datum, & divisa summa per 28, siquid enim, abjecto quotiente, supererit, illud est *Cyclus solaris*; cæsi nihil superfit, *Cyclus solaris* erit 28. Invento *Cyclo solari*, qui dato conveniat anno, littera Dominicalis ejusdem anni ex subiecta tabula cognoscetur.

Cyc.	Lit. D.	Cyc.	Lit. D.	Cyc.	Lit. D.	Cyc.	Lit. D.
1.	D. C.	8.	B.	15.	G.	22.	F.
2.	B.	9.	AG.	16.	F.	23.	D.
3.	A.	10.	F.	17.	ED.	24.	C.
4.	G.	11.	E.	18.	C.	25.	BA.
5.	FE.	12.	D.	19.	B.	26.	G.
6.	D.	13.	CB.	20.	A.	27.	F.
7.	C.	14.	A.	21.	CF.	28.	E.

XXXVI. Tandem *Cyclus Indictionis* est systema 15. annorum in orbem recurrens, quo solutio tributorum quorundam in Imperio Romano indicebatur. Facile reperitur *Indictio* alicujus anni, si huic addantur 3. summaque per 15. dividatur: tunc enim numerus præter quotientē superstes erit *Indictionis*: & si nihil remaneat ex divisione, numerus *Indictionis* erit 15.

Periodus Chronologica

XXXVII. **E** St (prout à *Cyclo* distinguitur) certum annorum spatium, in quo singuli anni peculiaribus *Cyclis* insigniuntur. Celebriores *Periodi* sunt *Victoriana*, à Victore Aquitano instituta,

& *Juliana*, omniumque celeberrima, à Josepho Scaligero, Julii Cæsaris filio, ad leges anni Juliani accommodata. *Periodus Victoriana* est summa 532. annorum, nata sc. ex multiplicatione Cycli solaris 28. per lunarem 19. Omnia festa mobilia ad eundem mensis diem, feriamque redire, absoluto 532. annorum curriculo, persuasum fuit olim, immeritò tamen, ut demonstrant Astronomi. Idcirco Periodum Victorianam supplet *Juliana*, quæ est systema 7980. annorum, productum ex multiplicatione mutua Cyclorum Solis, Lune, & Indictionis 28. 19. 15. Illud discrimen est inter *Periodum Julianam*, & alias supputandorum temporum rationes, quòd in illis ab aliquo remoto puncto, veluti initio, tempora numerantur, v. g. *ab Urbe condita*, à nato Christo, à Troja diruta: cùm tamen incertū sit, quo anno Urbs fuerit condita, natus sit Christus, & Troja solo fuerit æquata, etiam dubium est in aliis supputandi rationibus, quot anni ad nostra usque tempora ab illis *Epochis* effluerint. *Periodus* verò *Juliana* à nostris temporibus incipiens, retroque gradiendo ad annum perveniens, in quo res facta fuisse memoratur, clarissimè demonstrat: *quot anni ex inde intercesserint*. Hoc reperitur, cognito *Cyclo solari*, *Aureo numero*, & *Indictione*, respondentibus anno dato, & anno, à quo ad præsens usque tempus calculus instituitur: cognitis enim huiusmodi *Cyclis*, multiplicatur *Solaris* per 4845: *Lunaris* per 4209: *Indictionis* per 6913. & summa summarum dividitur per *Periodum Julianam* 7980. in qua divisione residuus numerus quæsitum spatium temporis indicabit. Sed huiusmodi problemata Astronomis omittimus (f).

Epacta.

XXXVIII. C Um annus *Solaris* præstet *Lunarem* (n. XXX.) undecim diebus præterpropter; hinc est, quòd annus lunaris solari citius explicat. Multùm, diuque Chronologi insudarunt, ut ipodum invenirent, quo huiusmodi anni còckerent. Ad hoc inventus est *Aureus numerus*: sed frustra; adhuc enim ad amussim non cohercebant anni *Lunares* cum *Solaribus*. Hæc dissensio, & inæqualitas dicitur *Epacta*, quæ describitur: *Spacium temporis, quo annus solaris communis annum luna communem superat*. Epactis necessariò utendum est, ne anni lunares plùs nimio solaribus præcurrant: hoc enim maximo celebrationi *Paschatis* esset incommodo. Epactæ sũt 19. totidem Lũne Cyclis consonantes: inserviunt ad conformandos annos *Lunares* cum *Solaribus* in ordine, ut *Pascha* nostrũ celebrètur, quòd cũ celebrari debeat in *Equinoctio* verno post 14. diem Lũne (g); annique lunares habeant 11. dies

(f) Keil Intrad. in Ver. Astron. Lib. 29. à pag. mihi 491. Gordin. Phys. part. trad. Lib. 2. c. 5. (g) Exod. c. 12. Levit. c. 23.

dies minus, quàm solares, fieret, ut Festum Paschæ esset, elapsis 4. annis, vel non in Aequinoctio, vel post 2. lunam: sed ita non evenit; divisus est enim annus lunaris in *Communem*, & *Embolismicum*, sive *Intercalarem*; annus communis 12. Lunationibus constat: Embolismicus autem 13. Supposito igitur, quòd annus præsens, tam *Solaris*, quàm *Lunaris* incipiant eodem die, annus lunaris sequens erit brevior 22. dies. 3. annus erit brevior 33. ac tandem 4. annus lunaris inciperet 33. dies ante solarem. Sed non incipit; quia 3. annus lunæ est Embolismicus, sive 13. mensium. Et cum ex 33. detractis 30. mancant 3. dies, numerus 3. est *Epacta* quarti anni: sicut 14. est *Epacta* quinti; 25. sexti; 6. septimi; & sic numeratur usque ad 19. annos: Ita correctum fuit Kalendarium jussu SS. P. Greg. XIII. à nostro Cl. Clavio, & aliis.

De Cometis.

XXXIX. **I**ngentem vulgo terrorem solent incutere visi de novo Cometae: hoc enim vultus apud se statuit, cometam non apparere, *Dum nisi terrificis minuetur funera caudis*. Philosopho tamen absit augurium; ab hoc enim metu nos eximit Jeremias (h). *A signis caeli nolite metueret*. Cometae sunt corpora lucida repente in caelo apparentia, & per aliquod tempus nudis etiam oculis visibilia, & postea disparentia. Pro diversitate figuræ diversa nomina sortiuntur: alii enim sunt *Criniti*, alii *Caudati*, alii *Barbati*. Præcipua illorum phenomena sunt 1. aliis *alii sunt diuturniores*. Brevissimum (inquit Plinius), quo Cometae cernuntur, spatium 7. dierum esse annotatum; longissimum 80. (i). Et Seneca Neronis tempestate Cometa se vidisse refert. 6. mensibus spectabilem (l). 2. Cometae *Barba*, & *Cauda* semper in partem Soli oppositam projicitur (m). 3. Participant motum syderibus omnibus committunt ab ortu in occasum. 4. Prope Solem apparere communiter incipiunt, vel in Occidente post solis occasum, vel in Oriente ante illius ortum. 5. Non est unus omnium color; alius enim est rubeus; subcinereus alius, alius flavus, &c.

- XL. Tam varii sunt Cometae, quàm circa illorum naturam opiniones. Aristotelica sententia, asserens Cometas esse terrestres exhalationes in supremam aeris regionem invehctas, & in morem syderis effulgentes, quandiu aliquid nutrimenti superesset, jam apud Neotericos exolevit ob certas observationes, & ob inventum parallaxeos fundamentum. Hevelius, & Keplerus (n) dicunt Cometas esse quasdam Planetarum fulgures. Heraclides Ponticus, & Galileus (o) inquirunt esse præaltam nubem

M.

ab

(h) C. 10. (i) L. 2. Hist. nat. c. 25. (l) L. 2. Quæst. nat. c. 21. (m) Ptolemaeus, Phys. P. 2. sect. 2. c. 2. (n) In Physiol. Comet. (o) Apud a Brixi hic n. 3704.

ab lumine sup'ro illustratam. Anaxagoras, & Democritus (p) esse plures
 stellulas simul unitas. Tandem (præter alias 12. sententias, quas assert
 roiter Ricciolus) communior est in hoc ævo; Cometas esse, sicut reli-
 qua sydera fixa, inundo cœtos, & certis annorum periodis abeuntes, &
 redeuntes. Adeo hæc opinio iniecit animo Halleji (q), ut auferit reditum
 Comete, qui anno 1456. apparuit, fidenter prædicere hoc anno 1758. Si
 probaverit eventus, nullus suppetit ambigendi locus: quandiu tamen res
 non evenierit, dico: Cometas de novo generari supra lunam ex materia,
 quæ per amplissimum cœli tractum vagatur, & in unum corpus aliquâ
 diaphaneitate donatum coalescit. Ac tandem cum Seneca dicat: Veniet
 fibrus tempus, quo ista, quæ nunc latent, in lucem dies extrahat, & lon-
 gioris ævi diligentia. Ad inquisitionem tantorum ætas una non sufficit
 (r).

De Motûs Syderum Causâ, & illorum Influxu.

XLI. Q UO manifestius est Syderum cursus non esse imperius for-
 tuitos, sed certos, ac regulares; eò obscurius est, explica-
 tuque difficilior, à quonam principio tam velociter, tam indefesse, tam
 regulariter, sublimia illa corpora immediate moveantur: communis Pe-
 ripateticorum, & Theologorum sententia cum SS. PP. est, sydera mo-
 veri ab Angelis, tanquam à Formis assistentibus. Tantùm hæc opinio in-
 valuit, ut D. Thomas disertis verbis asserat: *Cœlestia corpora à spiritua-
 li creatura moveri à nemine Sanctorum, vel Philosophorum negatum, le-
 gisse me memini* (s); imo palam dicit: *sententiam esse Fidei, quod Ange-
 li non solum corpora cœlestia suo imperio moveant localiter, sed etiam
 alia corpora* (t). 2. Sententia est Cartesii (u), existimantis Planetas circa
 Solē revolvī à solari vortice, cui immerſi sunt, eique veluti immatantes,
 in gyrum abripiuntur. 3. Sententia est Cl. Nevvtoni, quam multis ex-
 pendit Clarke (x) asserentis motus Astrorū ex projectione, & gravitatio-
 ne, sive ex virtute Centrifuga, & Centripeta oriri, cuius sensus in Fig.
 17. & 15. Tab. 5. longius explicabitur. 4. denique sententia tenet Cœlos,
 & Astra ab intrinseco moveri: hanc tuebimur, nisi dicere malimus cum
 Cl. à Brixia, Necdum nobis satis cōstare, quæ sit immediata causa mo-
 tûs syderum (y).

XLII. Perspicuum nobis est Solem, & sydera, tam errantia, quàm
 fixa terram illuminare: ex quo liquet, quod immineret omnis Astrorum
 in sublimaria negaretur effectio; plures tamen, quàm par est, effectus
 multi Philosophi syderibus attribuunt; adeoque hæc fingendi licencia
 excrevit,

(p) Apud eundem n. 1706. (q) In Cometogr. Transact. Philosop. insert. ann. 1705.
 apud Bait. hic n. 1709. (r) L. 7. QQ. nat. c. 31. (s) Opusc. 11. art. 2. (t) Q. 2. de so-
 ent. act. 3. apud Brix. Phys. part. P. 1. n. 3503. (u) P. 1. Princip. n. 30. (x) Not. in
 cap. 25. n. 22. P. 2. Phys. Rohaultii. (y) Phys. part. P. 2. Dissert. 4. a. 3532.

exerevit, ut Astrologi falsis imbuti præoccupationibus artem excogitarint prædicendi futura, ut *imbres, serenitatem, ventos, procellas, annona ubertatem, pestem, bella* & cæc. Imò hominum studia, mores, sortes, & actiones à libero pendentibus, arbitrio, vaticinari præsumserint (2). Hæc Astrologia, quæ cum addito *Judiciaria* nuncupari solet, meritò reprobatùr à Sacra Scriptura (a): dampnatur à Conciliis (b): prohibetur à Summis Pontificibus (c): interdicitur à legibus Can. & Civil. irridetur à Sapientibus; quis enim non rideret Astrologos, quos Dux Mantuæ consulit de muli sui nativitate sub nomine *Spirii* sibi nati; cui dignitates alii Ecclesiasticas, alii militares ridiculè præfagierunt. Sed jocos omisiss, ad seria redeamus. Dico igitur 1. *Astra influunt in sublunaria.* 2. *Non influunt immediatè physicè, & rigorosè, sed mediatè occasionaliter, & per accidens.* 3. *Solum influunt, mediante actione lucis, & non ope alicujus qualitatis per medium ab illis diffusa.*

§. III. De Mundo Aereo.

XLIII: **A** B *sphæra caelesti* ad *Elementarem* descendimus, ex pulcherrima, jucundissimaque Syderum contemplatione divulsi; ut illa etiam instituto ordine prosequamur, quæ cum in Aere pendere videntur, *Sublimia*, vel græca voce *Meteora* nominantur. Atque ut ab ipso Aere incipiamus, probare non audeo illius Aristotelicam definitionem, *Elementum calidum, & humidum*. Nec etiam Cartesium opinantem Aerē nihil aliud esse, quàm congeriem particularum 3. *Elementi* (d); Sed dicimus 1. *Aerem esse corpus fluidum omnino diversum à congerie vaporum, & exhalationum, quæ ex globo terraqueo sursum elusantur.* 2. *Præter Aerem datur Aura Ætherea, sive Materia subtilis.* Et ne ad hanc vocem in cachinos solvantur Aristotelici, risum illis compescet sui Principis autoritas (e). Corpuscula Aerem constituentia videntur Cl. à Brix. donari figurâ sphaericâ, vel quasi. Addendum arbitror hujusmodi particulas esse aliqua ramositate præditas, & aliqua rigiditate flexibiles, ut facilis aliqua illius phenomena explicentur.

XLIII. Proprietates Aeris sunt *Gravitas, Compressibilitas, & Elasticitas*. De illius gravitate nemo est per id temporis, qui vel minimum dubitet; nisi qui pertinaciter manifestis refragatur experiētiis. Certoque certius est, Aerem esse tantæ compressionis capacem, ut illius volumen sit in *ratione inversa* ponderis comprimentis. Quanta autem sit Aeris compressibilitas ex illius dilatabilitate colligitur: si enim Aer summe

(2) Kh¹¹ Phyf. special. D. 1. art. 6. §. 2. a n. 185. (a) Deut. 4. 18. Job. 31. Jerem. 10. Ifai. 9. (b) Brach. 1. & Tolet. 1. (c) Alex. 3. Sixt. 5. Urb. 8. (d) P. 4. Princip. n. 45. (e) L. 6. de Cælo text. 13. & 16.

me dilatatus, occupet spatium 2800. palmorum, summe compressus unicum tantum palmum occupabit (f). Et hinc etiam colligitur, quanta sit aeris Elasticitas. Cl. enim Boyle, & alii experti sunt, Aerem nullius opè caloris posse dilatari in spatium 13769. vicibus majus spatio, quod occupat prope terram ab atmosphæra pondere compressus. Et cum Hallerius (g) ad spatium 60. minus reduxerit, erit Aer summe compressus ab summe dilatatum, ut 13769 x 60. sive ut 826140. ad unum. A quo autem tanta sit Aeris Compressibilitas, & Elasticitas? Respond. 1. cum Cl. à Brix. Fateri non me pudet, rem hanc esse ex iis pluribus inani, quas prorsus ignoro (h). Respond. 2. Juxta Cartesium particulas Aeris in ipse modum contortas, aut flexibiles ad instar mollium plumarum, aut tenuium funiculorum conceptum iri, ut illius compressibilitas, & elasticitas explicetur (i). Respond. 3. Alii Aerem considerant compositum ex plurimis vorticibus exilissimis, (ut explicabitur in Fig. 18. 33. Tab. 6.) ex quibus illæ Aeris proprietates repeti posse contendunt (l). Nos autem mentem nostram aperiemus.

XLIV. Premissa hac brevi Aeris discussione, multa illius phenomena explicabimus, quæ observari licet tam intra, quam extra Machinam pneumaticam, cujus simplicioremi exhibet speciem Fig. 19. Tab. 6. Primum phenomenon: Si recipiens machina pneumatica non sit rotundum, exsucto aere, constringitur. 2. Si rupto ovi cortice, illud in excipulum introducas inversum, pars liquida, exhausto aere crassiore, pene tota fluit: sed inducto rursus aere, in illud iterum colligitur albumen. 3. Vescica pene vacua, collo illigato, in recipiente posita, extracto aere, aded intumescit, ut quandoque rumpatur. 4. Fructus, flores, carnes, &c. in recipiente diutius conservantur: corpora viva moriuntur: poma flacciscentia virescunt, &c. 5. Aqua in excipulo posita, exantlato aere, per horas 26. successive emittit plurimas aeris bullulas, minores indies numero, & magnitudine. 6. Pulvis pyrius in recipiente vacuo ægrè accenditur ope speculi istorii. Imo advertit Ferrari (m), quod si solum sulphur sit in excipulo, nequaquam accenditur. 7. Fumus in recipiente, exsucto aere, descendit. Et cæc. Extra machinam: 1. Si Lacrymam Batavicam DB. Fig. 20. malleo percutias in D non rumpitur: si verò subtilior pars B frangatur, tota lacryma cum strepitu exilit, & in minutissimum pulverem comminuitur. 2. Duo marmora perfecte lavigata, & sibi mutuo coherencia difficillime separantur: aded, ut expertus sit Cl. Du-Hamel, quod marmor inferius, 3. digitos latum sustinuerit libras 60. & amplius (n). Hoc etiam intra machinam

(f) Zanchi Phys. Gen. P. 1. Dissert. 2. à n. 292. (g) Apud Musc. tom. 2. Elem. Phys. n. 1028. (h) Phys. part. P. 2. n. 4028. (i) P. 4. Princip. n. 46. (l) Apud à Bria. hic. n. 4031. (m) Tom. 2. Aeromet. (n) Tract. 2. Phys. Gen. c. 8. 10

machinam experti sunt Thomas Hobbes (o). & Joannes Lovvtorp (p):
quavis contrarium dicat noster Cl. Regnault (q). Huc etiam refert ex-
perimentum Ontonis Guerriekii de *hemisphariis Magdeburgicis*. Ab
eadem aeris compressione, & elasticitate repetitur tum ascensus aquæ
in fonte DCD. Fig. 21: tum ridicule homunculi gesticulationes intra
vas vitreum aqua plenum Fig. 22. & plura, quibus superfedeo.

De Meteoris Aereis.

XLV. **I**N hanc regionem Aeris, quæ Atmosphæram terrestrem con-
stituit, quæque juxta Nolletum (r) non est minor 6. Leucis
Gælicis, nec major 15. aut 20. multi *Halitus*, & *Vapores* ascendunt, ex
quibus mira coalescunt *Meteora*, alia *Aerea*, alia *Aquea*, alia *Ignita*, alia
Emphatica, quæ unico vocabulo *Aerea* dicuntur; eo quod in *Aere* con-
tingunt. Quæ ut facilius explicentur, discas 1. *Halitus terrestres esse*
quandam substantiam ex telluris globo, atque ex iis, quæ in illo sunt cor-
pora, instar fumi erumpentem, & in altum ascendentem. 2. *Vapores esse*
partículas substantiales ex aquosis corporibus exhalantes. 3. *Exhalationes*
esse corpuscula à corporibus maximè Sulphureis, & Mercurialibus expe-
rata. His præhabitis, ad Meteora ascendamus.

Ventus

XLVI. **E**st *Meteoron spirans*, de cujus natura nihilo doctiores effici-
mur per definitionem Aristotelicam (s): *Spiritus calidus, &*
ficus in transversum agitatus. Illam solum rimari posset, qui Omnipot-
entiæ Divinæ, à quibus educuntur (t), thesauros evolveret. Ventorum
limites, & nomina dabimus in pyxide nautica TFMD. Fig. 24. Tab. 6.
Causa materialis, sive Materia ventorum est *materia spirabilis*, sive aer
atmosphæricus innumeris diversorum generum particulis immixtus.
Causa Efficiens illorum est Sol, & quidquid illam vaporum, & halituum
miscellam rarefacit. Et hinc redditur ratio, *Cur in Zena torrida ventus*
est continuus, ut notum est navigantibus, & *quidam ab Oriente in Occi-*
dentem. Cur *Æolipila* AB. Fig. 23. *incalcescente, aqua intus contenta per*
illius orificium valido vento erumpat. Cur venti *inconcinis motibus hinc,*
inde furiant. Cur appetente vere, *frequentiores sint venti septentriona-*
les, & appropinquante autumno, meridionales, &c.

Me-

Meteora aquea.

XLVII. **A** Qua est *Substantia fluida, gravis, & humectans, valde diaphana, omnino insipida, & in-odora.* Hæc definitio plûs Aquæ naturam explicat, quàm Aristotelica (u). Particulæ aquam constituentes non esse perfectæ sphericas eruitur ex illius tenacitate. Vîsum est Academicis Florentinis Aquam esse compressionis incapacem: contrarium tamen se expertos fuisse fatentur Verulamius, & Boyle (x). Ut ut tamen hoc sit: certum est, Aquam in vapores caloris actione resolutam sursum eluctari, & in *Nubes, Nebulam, Pluviam, Auram serotinam, Rorem matutinum, Pruinam, Nivem, & Grandinem* coalescere, quorum omnium illa *causa Materialis, sive materia proxima* est. Quod exiles Aquæ bullulæ in Nubẽ coëant, hoc à ventis ex diversis plagis spirantibus ortum ducit: non verò ab *spiritibus vegetabilibus*, ut asserunt nostri Cl. Cl. Cabæus, & Suar Lusit. (y). *Nebula* à Nube vix discrepat, nisi quia bullulæ, Nubem constituentes, dilatatiores sint constituentibus *Nebulam*. Ex quo deducitur *Nebulam esse densiorem Nube*. Pluvia nihil est aliud, quàm Nubes in aquam soluta, diffractis bullulis: quod analogicè deducitur ex bullulis saponaceis, quæ joci causa fiunt à pueris. Quod Pluvie guttulæ modò maiores sint, modò minores, hoc ab altitudine, unde decidunt, metiendum est. Ad quantam verò altitudinem Nubes ascendant: id per maiorem, vel minorem aeris, & bullularum rarefactionem supputandum. Cl. Muscheab. (z) asserit Nubes non transcendere altitudinem 4. *milliarium Italicorum*.

XLVIII. *Aura-serotina, & Ros matutinus* in nihilo discriminantur, nisi ratione temporis, in quo decidunt: nihil sunt aliud, quàm aqueorum habitum bullulæ, quæ caloris actione in altum evectæ diffinguntur. Non verò sunt sudor plantarum ex vasculorum orificiis continuò expirans (a). *Pruina à Rore matutino* non differt, nisi quia nitrosi spiculis, quibus fit congelatio: magis illa, quàm Ros abundat: hinc est; cur *Pruina molliores herbas adurat: cur maturitatem eradicioribus, mollioremque durioribus conciliet*. Ex eodem nitro proficitur congelatio Nubis in *Nivem*, quæ idcirco in floecos decidua terram fecundat. Eriam *Grandem* est Nubes in *aere congelata*: hoc tamen inter illam interest, & *Nivem*, quòd ad efficiendam Grandinem coire debent in unam (antequam à frigore corrumpantur) plures ex minimis particulis, in quas nubes resolvitur: ad efformandam verò Nivem prius congelentur, quàm guttam unam constituent. Hinc est, cur Nix, cuius filamentum textura debilius est, facilius dissolvatur. Superioribus affine est Meteoron

Iris

(u) L. 2. de Gen. & Corrup. text. 23. (x) Apud à Brix. Phys. part. P. 2. n. 3936.
(y) Tract. de Meteor. sect. 4. §. 1. (z) Elem. Phys. n. 1206. pag. mihi 215. (a)
Apud eundem n. 1216.

Iris:

XLIX. I Nter *Meteora emphatica* recensetur; sed quia ex pluviae decidentis guttulis effingitur; hinc idcirco illam appendimus. Nunquam jucundius caelum ridere videtur, nisi cum inter pluviae lacrymas multicolorem decircuiat Iridem: quapropter illam merito *Risum plorantis Olympi* nuncuparat Ovidius. Iris alia est *Primaria*, alia *Secundaria*, quae multoties supra primariam efformatur, sed inverso colorum situ. Iridis figura est segmentum circuli aliquando maius, aliquando minus pro maiori, vel minori altitudine Solis ab Horizonte: tanta autem debet esse huiusmodi altitudo, ut linea transiens per centrum Solis, & oculum spectatoris, efficiat cum *base*, quae est in nube rorante angulos à 40. gradibus, & 17. min. ad 42. grad. & 2. min. ad Iridem *primariam*: vel angulos à 50. gradibus ad 54. ad *secundariam*: ut in phiala vitrea expertus est Cartesius (b), cui omnes post illum de Iride agentes acquiescunt. Plurima sunt in hoc Meteoro scitu dignissima, quibus supercedemus; vel quia demonstrationibus à secretiori Mathesi depromptis indigeat; vel quia tempus ad ulteriora deficiat. Haec tamen addimus. 1. *Iridis primaria* subjectum sunt *guttula pluvia decidens è nube Soli opposita, quae per duplicem refractionem, & unam reflexionem, in spectatoris oculos radios solares remittunt*: ut patet in guttula A-a. B-c. Fig. 25. Tab. 6. Addimus 2. *Iris secundaria* oritur ex duabus reflexionibus, & totidem refractionibus solarium radiorum in guttulas pluviae labentis incidentium (c): ut patet in guttula t r m n eadem Fig. Aliquando visa est Iris inversa, cruribus scilicet in altum porrectis, ut exhibet Fig. 27. (d). Iridem huiusmodi se vidisse refert in mari noster Bourzes navigans in Chinam. Hanc Iridem provenire dicimus ex eo, quòd radii S S, incidentes in superficie aquae D A E, & inde ad pluviam C F. redeant in oculum spectatoris B.

Meteora ignita.

L. I Gnis naturam non satis explicant Peripatetici per definitionem ab Aristotele (e) depromptam: *Elementum calidum, & siccum*: omnes enim, quantumvis indocti, satis norunt Ignem calefacere, & exsiccare; & tamen doctissimos adhuc latet illius indoles. Quia tamen experientia compertum est sola corpora, quibus inest substantia sulphuris mota, ignem concipere, in huiusmodi substantiae particulis, expansivo, perturbato, celerissimoque motu agitatae, *Ignem* constitutumus, parvi facientes, quòd nobis supercilium adducant Peripatetici. Circa hanc Ignis

(b) Meteor. c. 8. a. n. 2. (c) Idem Cartes. ut supra. (d) Memor. à Trevoux Toga. 4. (e) 2 de Gen. & Cor. scilicet 23.

Ignis descriptionem innumera phenomena possunt explicari; paucam tamen brevitas causâ subijcimus. 1. cur, si *elychnium nuper extinctum, & adhuc fumans, supponatur accenso in modica distantia, flammâ descendit*. 2. Cur *incredibili celeritate pulvis nitratus ignescat* (f), quem fortuito invenisse fertur Rogerius Bacon Anglicus Seraphicæ Familiæ alumnus. 3. Cur *tam citò Aurum fulminans insolito fragore accendatur*. 4. Cur *detur Ignis neque fluens, neque lucens; fluens, & non lucens; non fluens, sed lucens*. 5. Cur *tanta sit Phosphori naturalis, & artificialis energia*; Plurimos Ignis effectus tam intra, quam extra machinam Boyleanam in nostra sententia explicari possunt. Vide, sis, Muffchenb. (g). & Boerhaav: (h), qui hanc rem adeo loculenter egit, ut nihil desiderari posse videatur. Igne sic pendula manu attrectato, ad Meteora ignita progrediamur.

LI. Hujusmodi sunt *Fulgur, Fulmen, Aurora borealis, Ambulones, Caprea saltantes, Trabi, Draco, Clypeus, Columna, Pyramis, Castor, & Pollux, &c.* Eadem est horum omnium materia, quanvis non secundum eandem dosim attemperata. Materia: igitur *Fulguris, & Fulminis sunt halitus, & exhalationes sulphureæ, quæ in aere collectæ fermentationis opæ accenduntur, & inslar pulveris pyrii momentaneam inflammationem concipiunt, subitamque splendorem quoque versùs diffundunt*. Hoc inter Fulgur, & Fulmen interest, quòd illud rariorem halitum importet; hoc autem densiorem. Hinc est, cur Fulgur post accensionem statim diffletur, & Fulmen diutius duret: unde frequenter fulgurat, quin fulmen emittatur, ut, adhuc sereno celo, æstivo maximè tempore contingit. Aliqui putant materiam Fulminis esse lapidem quendam solidissimum, quem *Ceraunium* vocant Philosophi: sed non est necessarius hic lapis ad explicandos miros Fulminis effectus, quales sunt *strages, edificiorum, liquatio metallorum, conversio lapidum in calcem, improvisus fulguritorum interitus, &c.* sicut non est necessarius, ut explicetur, cur *Fulmen vinum epotet, intactis doctis* (i); *aurum, æs, & argentum corripit, ambustis minime thecis*: cur aliquando *dolium frangatur, & comburatur, vinum autem per triduum rigeat, quin diffuset*, ut inquit Albertus (j). Fulmen subsequitur *Tomitus*, qui nihil aliud est, quam *ingens fracti, ac vibrati aeris commotio, orta ex subita in nubibus inflammata materia expansione*. Expansio materiæ sulphureo-nitrosæ tanta est, ut 1. ad 100000. & quandoque plus (m).

LII. Inter ludificantis Nature meteora jure optimo recensetur lux quædam Borealis, quæ matutini crepusculi fulgorem æmulat, idcircoque

(f) Chauvin. Lex. Philos. v. Fulvis. (g) Elem. Physic. 26. a. n. 30. & a. n. 1310. (h) Tonn. 1. Elem. Chæm. de Igne pag. mibi. 126. (i) Plinius l. 2. c. 51. (j) Tonn. de Tonitru. c. 22. 2. 2. 2. PP. CC. tract. 2. Meteor. c. 6. (m) Muffchenb. Elem. Physic. tom. 1. c. 26...

coque dicitur *Aurora Borealis*. Priscos Philosophos non latuit *Borealis* iste *fulgor*, utpote qui ab Aristotele, Plinio, Seneca, aliisque deinceps (inquit noster Zanchi (n)), cognitus, descriptusque fuit. Sed Peripatetici metaphysicis questionibus intenti physica phænomena aut altum silebant, aut pendula manu tractabant. Aurora Borealis non multis abhinc annis solita fuit observari; fortasse quia frequentior est ex anno 1716. in quo plusquam 316. Auroras Boreales, in Suecia conspectas, adnotavit Celsius, insignis Astronomus (o). Auroræ Borealis subiectum (omissis multorum sententiis) est *materia sulphureo-nitrosa, non adhuc matura ad Fulgur, per lumen Solis in nubibus reflexum conspicua*. Dicitur *Borealis*; quia in Septentrione conspicitur nocturno tempore interdum Horizonti innitens, & aliquando supra illum usque ad 40. gradus elevatur. Reliqua in certamine aperientur.

Meteora Emphatica

LIII. **S**unt phænomena, quæcunque in suprema aeris regione observantur, & in mera refracti, reflexique luminis modificatione consistunt. Notabiliora sunt *Halo, Parheliium, & Parefelenæ*. Halo, id est *Corona*, est insignis ille circulus, qui noctu circa Lunam, nobilioresque Planetas, interdum verò circa Solem conspicitur aliquando. Hujusmodi circulus plerumque est albus, Cælo intra illum magis, quam extra, pallentem: sed interdum multicolor est, ferè ut Iris, *ruber* in ambitu interiori, deinde *flavus*, tum *viridis*, postea *cæruleus*, ac tandem *violaceus* (p). Halonem æmulatur experimentum sphaeræ vitreae AB. Fig. 30. Tab. 6. habentis in centro nucleum opacum, quæ ad conspectum Solis S. Halonis colores depingit in plano DE. Juxta hoc experimentum dicimus Halonem fieri per duas refractiones sine ulla reflexione ex guttulis minutissimis nubem inter Planetam, & oculos spectantis interjectam componentibus, ut in Fig. 29. explicabitur.

LIV. *Parhelia* sunt quidam mentiti Soles, seu veri Solis imagines, tum illo apparentes in Cælo. Non rarò 3. Soles apparuisse testatur Plinius (q): 6. in Polonia visos fuisse anno 1525. memorat Gassendus (r). Die 20. Martii 5. visos fuisse Romæ ait noster Scheinerus, de quibus Gassendus Inculenter agit (s). Hujusmodi meteoron exhibet Fig. 11. in qua E. est verus Sol; P, M, L, G. sunt mentiti. Circa subiectum Parheliarum dico 1. *Materia sunt halitus terrestres in atmosphæra existentes*. 2. *Circuli verum Solem ambientes ex refractis ipsius Solis radiis proveniunt*. 3.

N

Soles

(n) Phys. patt. P. 1. Diff. 3. sect. 2. c. 3. (o) Ibidem. (p) à Brix, Phys. patt. P. 2. n. 4276. (q) L. 2. Hist. nat. c. 31. (r) Epist. ad Ren. de Pachel-Romæ visis an. 1629. (s) Loco citat. apud à Brix. n. 4304.

Soles spurii G, P, qui in circulis concentricis Soli, & in cōmunibus intersectionis punctis KN. apparent, oriuntur à circumradiatione solarium radiorum angulos in ipsis punctis confundente. 4. Soles ementiti L, M, oriuntur à reflexione priorum G, P, qui in circulo concentrico depinguntur. Eodem modo explicatur Parefelene; sicut enim Parhelia sunt imagines Solis, ita Parefelene est Lunæ simulacrum.

§. III. De Mundo Terrestri.

LV. P Ost longam *Cali* peregrinationem ad exilium revocamur, illius partes, ordinem, cæteraque mirabilia, quæ sensibus obvia sunt, contemplaturi, dum peregrinamur à Domino. Terra est *Corpus opacum aquâ circumdatum, aere undique circumfusum, in unum globum compactum, hominum, & belluarum commune diversorium.* Corpus hoc solet à Mathematicis considerari vel secundum *Divisionem Geographicam*, vel secundum *Magnitudinem*, vel secundum *Figuram*. De omnibus aliqua delibabimus, quæ Philosophico non aberrant instituto.

Geographica Telluris divisio.

LVI. C Um globus terraqueus *Terrâ* constet, & *Aquâ*, illa dicitur *Continens*; hæc autem, siue illius congregationes dicuntur *Maria*. Mare universum, quod terram alluit, uno nomine vocatur *Oceanus*; sed varias pro regionum varietate sortitur appellationes. De Mari infra sermo erit luculentior. Terra in 4. *continentes* dividitur, scilicet in *Superiorem*, seu *veterem orbem*, quo *Asia, Africa, & Europa* comprehenduntur; in *Inferiorem*, seu *Novum Orbem*, qui *Americam*, tum *Septentrionalem*, tum *Meridionalem* continet, & in *Terram Polarem Arcticam*, & in *Polarem Antarcticam*, nobis hætenus incognitas. Quælibet ex his partibus in alias subdividitur, in Regna sc. Provincias, & Insulas, ut in mappis geographicis depingitur. Datur alia Terræ divisio in *Zonas*, & *Climata*, quæ parallelis continentur.

LVII. Zona est spatium in superficie Terræ, peripheriis duorum circulorum *Æquatori* parallelorū cōprehensū, quo (veluti fascia) cingitur ipse globus terraqueus. Hic dividitur in 5. Zonas, una est *Torrida*, dicitur *Temperata*, & totidem *Frigida*. Zona *Torrida* inter utrumque *Tropicum* clauditur: idcirco illius latitudo est 47. graduum, *Zonæ* *Temperate* inter *Tropicos*, & *Polares* sitæ sunt; ac proinde illarum latitudo est 43. graduum. Denique *Zonæ* *Frigidæ* peripheriis *Polarium* continentur, quarum latitudo est 23. cū dim. vel 47. diverso modo supputata. Quia tamen Zonarum distinctio veteribus non sufficiebat, ut regionum diversitatem quoad variationem dierum designarent, alia divisio, & accuratior excogitata fuit, ut per plures circulos *Æquatori* parallelos distinguerentur

stinguerentur; Zonæ in plura Climata, veluti in plures minores Zonas inæquales secundum inæqualem dierum longitudinem. Est igitur Clima *Spatium in Telluris superficie ultra, citraque Aequatorem, terminatum periphariis duorum circulorum, tum Aequatori, tum sibi parallelorum, ejus spatii tanta est latitudo, ut dies longissima circuli remotioris excedat diem longissimam proximioris in certa temporis quantitate.* 24. Climata dinnumerant Geographi inter Aequatorem, & Circulum Polarem comprehensa, si quantitas temporis sit *semihora*: cum enim longissima dies sub Aequatore sit 12. horarum, & sub Circulo Polari 24; differentia 12. horarum in 24. semihoras dividitur.

Longitudo, & Latitudo Geographica Terræ.

LVIII. *L*ongitudo Geographica, seu loci cujusque in Telluris superficie positi, est Arcus Aequatoris, inter primum Meridianum ipsius loci interceptus ab occasu in ortum progrediendo. Sic sumpto arcu ADB. Fig. 32. Tab. 6. pro 1. Telluris ADDE. Meridiano, longitudo loci *b* erit arcus *Dab*, qui locus inter Meridianum ADB, & Meridianum ipsius loci *AbB*, comprehenditur. Tot ergo erit graduum *longitudo* loci, quot in Aequatore numerantur à 1. Meridiano ad Meridianum loci. Ex hominum pendet arbitrio, ut unus potius, quam alius Meridianus pro 1. assumatur. Ptolemæus incepit numerare longitudinem Terræ ab *Insulis Fortunatis*: alii ab Insula S. Nicolai: alii ab insula *Do Corvo*, quæ est una ex Flandricis, sive *dos Azores*. Belgæ montem, qui universæ Telluris altissimus censetur in *Teneriffa* una ex *Canariis*, ad Meridianum elegerunt. Galli ab anno 1634. aliam ex iisdem *Canariis*, vulgo *Ilha do Ferro*.

LIX. *Latitudo Geographica* est Arcus Meridiani loci cujusque inter Aequatorem, ipsumque locum comprehensus. Ut si Meridianus loci *e* positi in superficie Telluris ADDE. Fig. 32. sit arcus *AbB*, Aequator verò sit *DbE*, latitudo loci *e* erit arcus *eb* Meridiani *AbB*, comprehensus inter Aequatorem *DbE*, & ipsum locum. Tot ergo erit graduum latitudo alicujus loci, quot numerantur in arcu Meridiani ab Aequatore ad ipsum locum. Latitudo vel est *Septentrionalis*, vel *Australis*, prout locus *Austrum*, vel *Septentrionem* respexerit: nunquam tamen excedit 90. gradus.

Magnitudo, & Figura Geographica Terræ.

LX. *D*uplici modo consideratur moles terræ, cum de illius agitur Magnitudine: 1. *absolutè*, id est, *Quanta sit illius mensura*: 2. *respeclivè*, id est, *Quanta sit molis, calo comparata*. Omnium Astronomorum sensus, & consensus est, Terram ad Cælum stellerum esse instar *puncti*. Quanta autem sit illius absoluta *magnitudo*, incertum est.

est omnino. Hoc solum posset ad amissum revocari per mensuram graduum: hæc autem incertissima est; unus enim Telluris gradus juxta Eratosthenem, & Gallendum, continet millaria Italica 72, juxta Hipparchum 80: juxta Tychonē 65; juxta Ricciolū 72. cū dim. (†). Cū autē receptissimū sit inter Geographos (u) singulos terræ gradus in circulo maximo habere leucas Hispanicas 17. cū dim. hinc suspicari possumus, quanta sit *soliditas, superficies, periphæria, area, diametros, & semidiametros* globi terrestris. Enim verò juxta hanc hypothesim semidiametros terrestris habet, neglectis minutiis, 1003. leucas Hispanicas: diameter habet 2006: periphæria 6300: superficies 12637800: soliditas 4221025200. præterpropter.

LXI. Non minus dubia est Terræ *Figura*; quin & circa illam veteres Philosophi in heteroclitas sententias abierunt (*): communior tamen illorum sensus erat, Terram esse rotundam, quod Recentiores Astronomi in dubium revocant contententes, terraqueam molem figuram referre *Sphæroidis*: quanvis adhuc inter se discrepant: Nevvtonus enim, Hugenius, Maupertius, Gravesandus, & alii (x), Sphæroidalem Telluri formam attribuunt, quæ sub Æquatore elevata sit, & ad Polos, instar cæpe, compressa. Contra verò Cassinus uterque, Maraldus, & alii Terram ovo similem describunt, nimirum sub Æquatore *depressam*, & versus Polos *prolatam*; quod ex inæqualitate graduum deprehendisse suspicantur. Verum cū (ut optimè advertit noster Cl. Josephus Rogerius Boschovik (y) vix, ac ne vix quidem ex puris observationibus definiri possit magnitudo graduum terrestrium, adhuc dubiæ sunt præfatæ hypotheses: maxime cū observationes sibi mutuo contrarientur (†). Dicendum igitur est, *Molem terraqueam esse rotundam quoad sensum tam ab Ortū in Occasum, quàm ab Austro in Septentrionem*: in qua hypothesi melius explicabuntur aliqua phenomena, in præsentiarum referenda.

Physica Terræ observatio.

LXII. **N**on summus hic Terram pro corpore *puro, simplici, solido, & confiscenti*, quod mixtis corporibus firmitatem tribuit, & reliquorum miscibilium est veluti basis, ac fundamentum, unumque ex Elementis chymicis: sed pro *congerie* corporum varii generis, *arena* scilicet, *argillâ, lapidum, salium, bituminum, metallorum, succorum*, & similium, quæ ex illius visceribus effodiuntur. In hoc sensu dicimus *Geocosmum* esse corpus heterogeneum: ad instar scilicet *Microcosmi*,

(†) Almag. L. 2. c. 7. (u) Tosca Comp. Philos. Traët. 7. L. 1. c. 1. Prop. 3. (*) Apud A. Brix. Phys. part. P. 1. Dissert. 3. n. 2924. (x) Apud eundem n. 2969. (y) Dissert. de Telluris Fig. hab. in semiu. Rom. an. 1739 (*) Apud A. Brix. n. 2972.

cosmī heterogeneis partibus coalescentis, ex particulis diversī ordinis conflat, quō diversa diversis corporibus, utpote communis omnium mater, alimenta suppeditet. Moles terraquea vel potest cōsiderari secundū internam constitutionem, vel secundūm exteriorem illius faciem. Rursus in facie externa vel attenditur ad id, quod illam constituit, ut sunt *montes, valles, fontes, rivī, maria, &c.* vel ad id, quod illam incolit; quale est omne *vivens corporeum*, de quo quanvis alibi dicturi sumus, ut *vivens* est, hic de *hominibus* pauca subijcimus, quatenus sunt *Telluris intola*.

LXIII. Ex comparatione locorum, quibus degunt homines, diversas subeunt nomenclaturas: sunt enim vel *Periœci*, vel *Antœci*, vel *Antipodes*: Periœci, vel *circumicola* dicuntur illi, qui in eodem Telluris ad Æquatorem parallelo existunt; quales sunt F. G. M. N. H. K. Fig. 12. Antœci autem, sive *contracola* sunt, qui sub eodem meridiano positi parallelos ab Æquatore utrinque ex æquo remotos occupant: quales sunt incolæ *e m* eadem Fig. Antipodes sunt illi, qui opposita diametraliter Terræ loca pedibus terunt; quales sunt habitatores DE. Fig. 12. Quanvis Lactantius (γ), & D. Augustinus (α) inficiabantur dari Antipodas, jam exolevit hæc opinio; cū certissimum sit dari Americanos, ipsamque Telluris molem fuisse circumnavigatam, anno scilicet 1519, ad 1520. à nostro Lusitano Ferdinando Magalhaens 1124. diebus: & 1110 1577. à Francisco Draco, Anglo 1056. diebus, & ab aliis (b).

LXIV. Etiam ratione *umbra*, quam projiciunt, diversam habent appellationē habitatores terrestres: dicuntur enim *Ascii*, qui nullā projiciunt in meridiē, ut evenit habitantibus sub Æquatore: vel *Amphiscii*, qui umbram meridianam modò in Boream, modò in Austrum projiciunt, tales sunt, qui inter Tropicos existunt: hi etiam interdum sunt *Ascii*. Vel *Eterascii*, quorum umbra meridiana semper aut in Austrum, aut in Boream vergit; tales sunt habitantes inter Tropicos, & Polares. Vel denique *Periscii*, quorum umbra meridiana eodem die versus omnem plagam tendit, unum velutī circulum in illorum plano horizontali describens, ut continget habitantibus sub Polis.

De Montibus.

LXV. **N**on convenit inter Geographos circa Montium *Alitudinem*, sicut etiam circa illorum *Originem*. Hanc nonnulli referunt ad tempora cataclysmi; sed immeritò (c). Suspiciendum igitur est, montes extitisse ab ipso Mundi exordio. Illorum celeberrimi sunt *Atlas*

(2) L. 3. Divin. Instit. c. 23. (α) L. 16. de Civit. Dei (b) à Brix, hic n. 31755
(c) Gen. c. 8. v. 14.

Atlas in *Africa*; *Athos* in *Macedonia*; *Caucasus*, & *Olympus* in *Asia*; *Pelion* in *Theſſalia*; *Picus* in *Teneriffa*, quem *Varenius* cenſet omnium altiffimū, illique ad ſummum altitudinē. cū dim. milliariſ *Germanici* attribuit (*d*). *Picus* *S. Georgii* in *Azoribus* Inſulis fertur ejuſdem eſſe altitudinis cum *Pico Teneriffæ* (*e*). Quando hæc moles rupes in ingentem altitudinem elevata non magno circuitu circumſcribuntur, *Montes* ſimpliciter appellantur: ſi verò ſunt contiguæ longo ordine, aut longiffimè protendantur, ut ſunt *Pyrenæi*, vocantur *Montium juga*: qualia ſunt *Alpium*, *Peruvia*, *Tauri*, &c. Multi ſunt *Montes* ignivomi, *Vulcani* idcirco appellati, de quibus *Bayle* (*f*).

De Mari.

LXVI. **Q**uia ſummus rerum conditor *Congregationes aquarum appellavit* *Maria* (*g*), potiore *Maris* definitionem cudere non poſſumus. Eſt igitur *Mare* ingens aquarum copia ab *Ortu* in *Occaſum*, à *Septentrione* in *Meridiem*, univerſum terrarum orbem, veluti *Zona*, complectens. *Mare* dicitur propter aquarum amaritudinem, quæ illi provenit à bituminofa, ſulphureaque ſubſtantia, in illo dilutis; ſicut *ſalſedo* à particulis ſalinis, illi innatantibus derivatur. Adhuc dubium eſt inter *Philoſophos* 1. *An Salſedo maris ſit illi cognata*: 2. *An aqua marina omnem ſalſedinem poſſit exuere*. Circa primum hoc certum eſt, aquam *Maris* in varias ſalis mineras incurrentem illas indefinenter abradere, & ſecum devolvere. Circa 2. hinc inde ſibi contrariantur experimenta. Nulla tamen datur ſufficiens ratio phyſica ad aſſerendum (*h*), *Maris* aquam non poſſe filtrationis ope omni ſalſedine privari, quod factò periculo conſequutus eſſe fertur *Gautier*, *Medicus* de *Nantes* (*i*). Quanta ſit *Maris* profunditas? definiri certò nequit: quis enim profundum abyſſi dimenſus eſt (*l*)? Potiùs diſſidentium *Philoſophorum* opiniones referri poſſunt, quàm arduum ſolutum problema reſolvere (*m*): pluribus tamen arridet ſententia *Varenii* (*n*), maximam illius profunditatem maximæ montium altitudini reſpondere (n. *LXV*.)

Motus Maris.

LXVII. **R**eliſto *Maris* motu fortuito, quo debacchantibus hinc inde ventis, illius planities agitur, qui contingens, irregularis, & communi tempeſtatum nomine vocari ſolet; alii obſervantur in illo

(*d*) *L. 1. Geograph. c. 9. ad Prop. 4.* (*e*) *Apud Bayle Phyſ. part. P. 1. ſect. 1. de Ter. D. 2. (f) Loco cit. (g) Gen. c. 1. v. 10. (h) à Brix. Phyſ. part. P. 2. n. 3974. (i) Mem. à Trev. 2 n. 1717. pag. 1815. (l) *Eccleſ. c. 1. v. 2. (m) Apud à Brix. ut ſupra n. 3949. (n) L. 1. Geograph. c. 13. Prop. 6.**

Nlo motus, qui plerumque *universales* appellantur. Primus motus est ille, quo Oceanus ab Ortum in Occasum perpetuò defertur, qui idcirco *Eurexephyrus*, seu *Longitudinarius*, vel motus *Raptus* appellatur. Secundus est *Latitudinarius*, sc. à Polis ad Æquatorem. Tertius est *Fluxus*, & *Refluxus*; sive *Æstus reciprocus*, quo Mare modò intumescit, modò deprimitur. *Vortices* marini, & *Euripi* inter *Irregulares* motus recensentur.

LXVIII. Nullus est ambigendi locus, dari motum *Longitudinarium* in Mari: qui enim ex India Orientali solvunt in Occidentale Bonæ Spei promontorium; aut ex Lusitania, vel Hispania in Mexicum iter breviori tempore conficiunt, quàm solventes ex Lusitania in Indiam, aut ex Mexico in Hispaniam. Sic etiam ex Peruvia in Moluccas spatium 3. mensium infumitur; ut autem è regione fiat iter, plusquam 6. mensibus opus est (o). Motum hunc à diurna cæli revolutione deducunt Peripatetici: Copernicani à motu Telluris diurno: Cartesius à pressione Lunæ: alii cum Cl. Zanchi à Sole, & illius calore (p). Nos verò in certamine mentem nostram aperiemus. Sicut etiam, quomodò à libramento proveniat motus *Latitudinarius*. Hic motus ex rauticis observationibus habetur: aded, ut qui ad Philippinas, & Moluccas iter instituunt, incredibilem experiantur Maris celeritatem ab *Austro* in *Septentrionem*, & à *Septentrione* in *Austrum* labentis.

Æstus marinus

LXIX. **D**efinitur: *Fluxus, & Refluxus, quo Mare singulis diebus modò ad littus accedit, ibique intumescit; modò ab illo recedit, ac deprimitur.* Hujus mirabilis phænomeni causa adhuc in D. Sapientiæ penetralibus occultatur: nihil ergo mirum, si (ut perhibent) in hæc desperationis verba Stagiriten adigeret: *Euripus capiat Aristotelem, quoniam Aristoteles non capit Euripum.* Circa hoc naturæ mysterium multa sunt evidentiæ. 1. *Æstus marinus ita Lunæ motibus, a sibusque respicit, ut ab illa oriri videatur.* Quanvis aliqui cum nostro Cl. Khell (q) inficiantur, has periodos motibus Lunæ coherere. 2. *In noviluniis, & pleniluniis sunt Æstus solito maiores, quàm in quadraturis.* 3. *Maximus Æstum est in Æquinoctiis; minimus verò in Solstitiis.* 4. *Non in omnibus Maribus æqualis est Fluxus, & Refluxus:* sic in Oceano Hyperboreo ad Norvegiam, in Baltico, Mæotide, Ponto Euxino, Mari Cæspio, Mediterraneo, præsertim qua parte Hispanias, Gallias, & Italiam alluit, vel nullus, vel insensibilis est Æstus: è contra circa fines Adriatici prope

(o) De Chales tom. 3. Curs. Mat. Traët. 19. de Navig. L. 7. Prop. 8. (p) Phys. paræ. P. 1. Diss. 4. n. 480. (q) Phys. Special. D. 2. a n. 187.

pe Venetias notabilis est. Maximus autem est ad oras Angliæ, Flandriæ, Bataviæ, Galliæ, Hispaniæ, Lusitanæ, & Africae occidentalis; ita ut in quibusdam Angliæ littoribus ad 80. cubitos Mare dicatur attolli. §. *Aliqua Maria bis quotidie Fluxum, & bis Refluxum patiuntur*; ita ut illorum aquæ sex horis fluant ad littora, & ab iis 6. horis refluant. Sic fluere, ac refluire solent Adriaticum, Belgicum, Hollandicum, Anglicum, Lusitanum, & Pacificum. At in Atlantico, & ad Garumnæ fauces Mare septenis horis fluit in litus, & quinis ab eo refluit: ad littora Guinææ, & Brythrei 4. horis intumescit. & reliquis 8. deprimitur: ad litus Cambaiæ binis horis Fluxus rapidissimus est, & binis Refluxus. Tandem ad litus Freti Magellanici non semper eodem temporis spatio Mare fluit, & refluit: quandoque enim tribus horis, interdum 12. Fluxus, & Refluxus peragitur. Hæc phenomena in quacumque hypothesi consideranda sunt, ac explicanda. Circa causam Aëstus marini facilius est aliorum hypotheses refellere, quàm propriam stabilire: nihilominus, ommissis aliis (r), Cl. Dechaies sententiam amplectimur, propugnaturi, *Intumescentiam Maris oriri ex fermentatione spirituum heterogeneorum in illo fermentescentium* (s).

De Fontibus, & illorum Origine.

LXX. Fontes hic indiscriminatim sumimus pro *Puteis, Fluviis, Torrentibus, Lacubus, & Stagnis*. Silentio præterimus Fontes vel nimio frigore, vel nimio calore notabiles: *Thermas* item, & quoslibet Fontes *Soterios*, quorum tot mirabilia apud Philosophos referuntur, ut nihil desiderari posse videatur. In aquis Thermarum hoc observat Cl. Du-Hamel (t), quoddam igni admotæ non facilius ebulliant, quàm frigida; nec tam linguam vellicent, quàm aqua communis æqualiter calida. Fontes rigorosi, qui scilicet profluunt, in *Perennes*, & *Non perennes* dividuntur: ex his sunt aliqui Periodici, qui scilicet statis, certisque temporibus scaturiunt, inter quos meritò referri debet *Nilus*, qui singulis annis circa nostrum solstitium tantum sumit aquarum incrementum, ut totam perfundat *Aegyptum* (u). De Fontibus perennibus hoc unum & quidem mirabile, referre juvat: Poloniæ (inquit Du-Hamel) Fons ex quodam monte scatet, cujus aqua non sine strepitu crebras bullas sursum emittit: in plenilunio altior est, & Luna decrescente, deprimitur: gratissimum spargit odorem; lac sapit; multis morbis salutifer est. Id præ cæteris in illo mirabilius: si aquæ tactu frigide & aliquando in glaciem concrefcenti, fax accensa admoveatur, levis flamma per illum discurrit, adeoque serpit, ut per venas sulphureas immissa circumjectas sylvas

(r) Apud à Brix. hic a n. 3956. (s) Curf. Mat. L. 7. de Navig. Prop. 17. (t) Phys. part. P. 2. Diss. 1. de Met. c. 4. pag. mihi 258. (u) Le-Monier tom. 5. Phys. part. pag. mihi 149.

sylvæ proximæ arbores incendat, ac vix extingui possit; quodd cum evenit per aliquot dies aquæ virtus elanguet. Et si quis prædicto Fonti faciem adinovere contendat, statim arborû rami (non discutio veritatem) aquam verberant, ut accensa flamma extingatur. Pluribus omnibus, dicimus cum Cl. Le-Monnier (), *Fontes originem ducere ex Mari.**

De intima Telluris regione.

LXXI. **E** Xternam Telluris faciem hæcenus contemplati ad interiorem illius constitutionem descendimus, exploraturi: cum tamen illa regio sit nobis inaccessible, ac proinde nequeat sensibus explorari; superest, ut illam solo mentis telescopia observemus. Quamvis multas Tellus opes in suorum viscerum gazophylaciis avarè recondat; ex illis tamen, quas aut sponte eructat, aut ex illius visceribus hominum effodit aviditas, nobis innotescit: talis est interna Terræ constitutio, qualem supra (n. LXII.) dedimus. In duas partes dividitur hæc regio interna Telluris, in *Infinam*, quæ est illius veluti nucleus, & nos penitus latet; & in *Superiorem*, quæ *Fossilia* omnia complectitur. Hæc Fossilia, sive *Mineralia*, quatenus ex mineris Terræ, seu venis effodiuntur; ad tria genera referuntur, ad *Succos*, *Lapides*, & *Metalla*, de quibus suo ordine.

Succi Concreti

LXXII. **D** ividuntur ab Spargyricis in *Macros*, & *Pingues*: macri sunt Sales, qui non pro vulgari, quo cibi condiri solent, accipiuntur; sed generalior est illorum acceptio pro omni illo, cui competit definitio tradita in Physica Generali (n. IX.) ex Boerhaavio decerpta. Huiusmodi succus macer in multas Salium tû *Naturalium*, tum *Artificialium* species dividitur, quas longum esset recensere (*): illarum tamen aliquas degustabimus. *Nitrum* naturale, (quod *Habnitrum*, & *Salpetra* etiam vocatur) est *Sal saporis acris ex acidiusculo amarican-*
tis: reperitur in locis materiâ alkalicâ indolis abundantibus: sic in maceris, specie nivis, efflorescit, & in stryas ex fomicibus pendet. Hoc Nitrum non est perfectum, sed artificio opus est, ut ad soliditatem, & perfectionem deducatur: de illius artificio agit Lemery (y) & Zanchi (z). *Alumen* est *Sal albicans, & pellucidus, saporis austeri, & adstringentis*: raro per se reperitur in venis terræ, sed plerumque ex lapidibus crematis aquæ beneficio extrahitur. *Vitriolum* est *Sal mineralis saporis ex acido austeri, astringentis, & nauseosi. Salis communis* usus, & utilitas omnibus

SS*

(*) Ut supra pag. 135. (*) Vid. sis Boerhaavve Elem. Chem. per totum. Lemery Cours Chymic. per tot. (y) Ut supra pag. mihi 242. (z) Phys. part. P. 1. Dissert. 4-n. 361.

omnibus nota sunt. Ex salibus macris naturalibus multi sunt artificiales, ut Chymici norunt: sic ex æquis partibus *Vitrioli*, & *Nitri*, vel *Nitri*, & *Aluminis*, fit *Aqua fortis*, quibus si 8. pars salis communis, aut ammoniaci addatur, *Aqua regalis* evadit. *Vitrum* quoque ex salibus potissimum conficitur, nempe ex silicis, & plantæ *Kali*, seu *Soda* salibus ingenti ignis energia liquefactis.

LXXIII. Succī pingues, sive *oleosi* sunt *substantia molles flexibiles ex fibris, ramorum instar, sibi implicitis composita, facile inflammabiles, non verò aquā solubiles, cum succis acidis, & salibus concrecentes, & ita diversa mixta constituentes*. Ut sunt *Sulphur*, *Petroleum*, *Succinum*, & aliæ *bituminum* species. *Sulphur* ex *Pyrite* lapide, aut ex illius mineris educitur, præsertim ubi montes sunt ignivomi. *Petroleum* est quædam bituminis species, olei instar, quæ ex lapidibus ab interno *Telluris* calore exsudata colligitur. Si densius fuerit *Petroleum*, ac durius, sed tamen candidum, ac purum, vocatur *Naphtha*. *Succinum*, sive *Eleotrum*, non est Gummi quoddam ex arboribus destillans, sed succus fossilis, qui præcipuè ex mari *Baltico*, ubi *Prussiam* alluit, copiosus educitur. Multa sunt *Electricitatis*, tam *Originalis*, quam *Communicata* phenomena, quæ tamen ad tria capita referuntur, sc. ad *Attractionem*, *Repulsionem*, & *Phosphorescentiam*, quorum causam assignabimus, plura omittentes, videnda in nostris *Cl. Cl. Pohl (a)*, & *Zanchi (b)*.

De Lapidibus.

LXXIV. **T**Am multæ sunt *Lapidum* species, ut integra librorum volumina non tam oment, quam onerent. *Lapides* sunt corpora *fossilia*, quæ ex succo, (quem *lapidificum* vocant,) partibus *terrestribus*, & *salinis* referto, in *visceribus terra* generantur. Ad *Lapidum* concretionem maximè concurrere *Alkali*, & *Acidum* satis probatur à *Bayle (c)*, & à nobis non improbat. Dividuntur in *Vulgares*, *Rariores*, & *Pretiosos*. *Vulgares* sunt *Saxa*, *Silex*, *Cos*, *Lapis Lydius*, & *Pumex*. *Rariores* sunt *Marmor*, *Talcus*, *CrySTALLUS*, *Jaspis*, *Achates*, *Turchois*, *Lapis Lazuli*, & cæt. *Pretiosi* sunt *Adamas*, *Rubinus*, qui & *Pyropus* dicitur, *Granatus*, *Hyacinthus*, *Amethystus*, *Opalus*, *Smaragdus*, *Berillus*, *Chrysolithus*, *Chrysopasius*, *Onyx*, *Sardonyx*, & cæt. Inter *Lapides* nonnulli referunt *Corallia*, & *Margaritas*; sed immeritò; has enim (inquit *Zanchi (d)*) ovula potius concharum esse, non contemnendis indiciis compertum se habere alii contendunt. *Corallia* autem esse frutices marinos receptissimum est (e).

LXXV.

(a) Tentamin. physico-exper. per totum. (b) Phys. Gen. Part. alt. Dissert. 4. sect. 2. an. 770. (c) Phys. part. P. 1. L. 3. sect. 1. D. 5. art. 1. an. 15. (d) Loco cit. supra n. 386. (e) Khell D. 4. Phys. Inst. §. 1. de Plant. mari.

LXXV. Inter Lapides rariores meritò recensentur *Bononiensis*, *Amyantus*, & *Magnes*. Lapis Bononiensis, ita dictus, quia è quibusdam collibus eruitur in monte *Paterno* prope Bononiam, hac insigni virtute donatur; quòd ubi Soli expositus fuerit, per semihoram intra obscurum cubiculum splendeat; & toties vis illa lucifera restituitur, quoties solaribus radiis obijcitur. Idcirco dicitur *Spongia Solis*, & *Phosphorus Lucifer*. Amyantus in fila diduci potest, ex quibus elychnia, quæ perpetua dici solent, imò & linteamina conficiebantur, quæ ab igne non comburuntur; imò consumptis fordibus, puriora evadunt. Magnes, vel ab inventore, vel à regione *Magnesia*, ubi primò inventus est, ita dictus, est lapis decolor, & aspectu obscurus, qui, cum non parum ferri contineat, & ex eo Chalybs præstantissimus confletur, ad album Lapidum metallicorum refertur. Hic lapis quanvis primo aspectu vilissimus appareat, adeò Philosophorum torquet ingenia, ut in illum caput allidant ad illius naturam explicandam.

LXXVI. Cartesius §4. *Magnetis* proprietates, seu phænomena assignat (f), quæ ad hæc præcipuè capita reducuntur. 1. In *Magnete* observantur duo Poli, quorum unus ubique gentium versus Polum Borealem, alius versus Austrum se convertit. Hæc conversio dicitur *Directio* Magnetis, ad quam pertinet illius *Inclinatio*, & *Declinatio*. 2. Magnes alterum *Magnetem*, vel *Ferrum* ad se modò trahit, modò retrahit, ac repellit. De ferro aliqui negant repulsionem (g): illam tamen observatam esse jam pridem, inquit Bayle (h). Hæc mira proprietas Magnetis virtutis *Attrahicis* titulo decoratur. 3. Magnes *Ferrum*, vel *Chalybem* eadem, qua ipse pollet, virtute imbuit; ita ut *Ferrum*, vel *Chalybs*, sese ad terræ *Polos* dirigat, & aliud *Ferrum*, ad se trahat. 4. Maior est *Inclinatio* Magnetis, quòd propior ille est ad *Polos* terræ. 5. Observatur in *Magnete* vortex materia egredientis ex uno illius *Polo*, & ingredientis per alium, ut exhibent Fig. 21. 22. Tab. 1. *Physicæ* Gen. & experientia compertum est: si enim sternatur charta Chalybis, aut ferri limaturâ, & supra illam Magnes suspendatur, scobs perfectissimè refert vestigia vorticis descripta in papyro.

LXXVII. Omnia Magnetis phænomena ad dicta revocantur, sc. ad virtutem *Directricem*, *Attrahicem*, & *Communicatricem*. Quenam autem sit illorum causa? Philosophi certant, & adhuc sub iudice lis est: omisissis tamen aliorum sensis, Hugenii hypothesim, donec aliud certius aut experientia, aut ratio detexerit, amplectimur cum nostro Cl. Zanchi (i). Dicimus ergo 1. *Vis Directrix Magnetis* ab ipsius *Terræ*, qua *gens Magnes* est, subtilissimis effluviis, ex illa continuò erumpentibus pro-

(f) P. 4. Pr. n. 145. (g) Zanchi *Phys. Gen.* P. alt. n. 754. (h) *Phys. part.* P. 1. L. 3. sect. 1. D. 5. art. 2. n. 38. (i) U: supra an. 747.

proficiscitur. 2. Vis Attractiva congruè per impulsione[m] aeris retrò subeuntis exponitur. 3. Vis magnetica Ferro, aut Chalybi communicata ab effluviis magneticis proficiscitur. Dicimus tandem cum Cl. Musichenb. Phænomena Magnetis omnibus esse conspicua: at eor[um] causam ita esse constitutam, ut in nullos nostrorum sensuum incurrat (l).

De Metallis.

LXXVIII. Metalla sunt corpora solida, & compacta, quæ vi caloris liquefieri, ac fundi possunt. In eo omnes conveniunt, (inquit Verdries) materiam Metallorum esse fluidum quoddam, in vapores halituosos resolutum, terræ meatus, lapidumque poros pervadens, & in matricibus convenientibus collectum (m). Septem vulgo numerantur Metallorum species *Aurum* sc. *Argentū, Cuprum, Stannum, Ferrū, Plumbum, Hydrargyros*. Nulla hucusque Metallorum species producta fuit per artem absque existentibus partibus metallicis. Unde fictitum est *Aurum potabile*, & inanis *Chrysopæa*. Quia Metalla sunt alia aliis graviora, gravitatem illorum specificam ita ad trutinam revocavit Cl. Petitus, referente Marsenno (n): Auri pondus = 100. est sub æquali mole pondus Mercurii = 71. cum dim. Plumbi = 60. cum dim. Argenti = 54. cum dim. Cupri = 47. cum tert. Ferri = 42. Stanni communis = 39. Stanni puri = 38. cum quart. Vid. sis, Muschenbroekium (o). Bayle inter Metalla recenset *Antimonium*, sive *Stibium*; non quia ductile, sed quia fusile est (p): illi calculum addit Lemery, dicens Antimonium esse fossile quoddam Sulphure constans, & substantia Metallo proxima, quod in Pannonia inferiori, & Gallia multis è locis eruitur (q). Metallorum *Naturam*, & *Proprietates* non vacat recensere; alias tamen explicabimus juxta mentem Cl. Bayle (r), & Zanchi (s).

(N) Inst. Phys. c. 18. de Magnete. (M) Phys. Part. c. 6. §. 10. (N) Phænomen. Hydraul. Coroll. Prop. 47. (O) Elem. Phys. n. 703. (P) Ut supra art. 3. n. 98. (Q) Curs. Chymic. P. 1. c. 9. (R) Ut supra. (S) Ut supra a n. 606.

Physicæ Particularis

PARS SECUNDA

De Vivente Corporeo.

I. **E** Subterraneis cryptis in apertum spatium egredimur, pulcherrimam, scituque jucundissimam *Viventis Corporis* anatomem suscepturi. *Viventis* nomine intelligitur omne illud, quod est *Principium inmanenter operandi*. Et cum corpus *vivens* à *non vivente* per *Animam* discriminetur, ideo illud *Principium*, sive hæc *Anima*, quæ est *Vita in actu 1.* aptè definitur: *Actus 1. corporis organici potentia vitam habentis. Vita autem in actu 2. Motus, per se immanens ab intrinseco, vel Physicus per intus-sumptionem; vel Intentionalis per tendentiam intentionalem in objectum.* Merito additur hæc disjunctio: vel enim vivens per alimentum nutritur, ut *Plantæ, Bruta, & Homines*; & sic vivunt *vitam physicam*: vel fertur in objectum propositum, illud quomodocunque cognoscens, ut *Homines, Angeli, & Deus*, & sic vivit *vitam intentionalem*. Scholastici vires impendunt in explorando *Genere Univoco*, quod ad triplicem vitæ speciem contrahatur: sed missa hac exploratione, dicimus *triplicem dari veram, propriam, & rigorosam vitam*, scilicet *Vegetantem, Animalem, & Rationalem*. Hæc triplex vita reperitur in *Homine*; crescit enim, sentit, & rationatur; in *Brutis* autem solum datur vita *Sensitiva, & Vegetativa*; ac denique in *Plantis* tantummodo *Vegetativa*. Ad has vitas suo ordine per gradus ascendamus.

§. I. De Corpore Vegetante, sive de Plantis.

II. **P** Lanta est omne stirpium genus, quod per alimentum in se susceptum dumtaxat vegetandi facultate donatur. Infimus in Plantis est vitæ gradus: adeo tamen præstans est illarum structura, partium varietas, florum pulchritudo, fructuum suavitas, & cæt. ut in illis sublimiter effulgeat D. Artificis Sapientia. Non tam dignè de Plantis sentiendum est, ut illis cum Anaxagora, Democrito, & Empedocle (a) animam sensitivam tribuamus: nec tam demissè, ut Vegetativam denegemus. Vivunt enimvero, & suâ fruuntur Animâ, quæ crescunt, nutriuntur, & propagant; sed nullo desiderio ducuntur; non sentiunt; nulla tris-

O

(a) Apud Arist. L. 1. de Plant.

fitia, aut voluptate afficiuntur. Circa ortum Plantarum duæ sunt opinioniones; altera Scholasticorum asserentium non omnes oriri ex *semine*, sed quamplurimas ex *putri*; altera est Recentiorum statuentium, omnes ex proprio, specificoque *semine* produci.

III. In hoc Recentioribus adhaereo; sed non possum in illorum me sententiam adducere. qui Plantis adimunt virtutem faciendi semen juxta genus suum (*b*). Non inficior, quòd in seminibus lateant Plantæ futuræ lineamenta, postea evolvenda; hoc enim accuratissimis Malpighii, Grævi, & Levenochii (*c*) observationibus compertum fuit, & explorari potest in dissectæ fabæ lobis AB, AB, Fig. 1. Tab. 7. ubi est germin *a* *b*, cujus pluma est *a*, radícula est *b*, ex qua, veluti radices ex trunco, tenuissima quædam fila erumpunt, quibus per albicans loborum parenchyma diffusis germin ipsum implantatur. Sed nullum datur sufficiens fundamentum ad asserendum Deum in 1. Mundi molitione duxisse lineamenta omnium Plantarum, quæ in seminibus tot annis delituerunt, & modò in tandiu optatam lucem adducuntur. Dico igitur dari in Plantis vim *plasticam faciendi semen, & producendi alias sibi similes, quæ per traducem aliquando propagantur.*

IV. Hæc propagatio vel est *Naturalis*, vel *Artificialis*: naturalis fit, cum *Gemma*, sive *Oculus*, illud sc. surculi rudimentum, quod inter ramum, & folii pedunculum datur in semine, paulatim explicatur, & in omnes futuri surculi partes erumpit. Artificialis fit per quandam adoptionem *Surculi*, vel *Gemma* ad arborem alienam. Multa sunt *Insitionis* species, de quibus consu'antur Agricolaë. Circa Plantarum insitionem aliqua problemata resolvemus: cur sc. *Planta sylvestres per insitionem mansuescant, & amara reddantur dulces? Cur ex eodem trunco diversi rami, flores, & fructus pullulent?* Talis est arbor *Tilia*, quam Plinius se vidisse refert (*d*) multis pomorum generibus onuslam: alio scilicet ramo *Nucibus*, alio *Baccis*, alio *Vite*. *Ficis*; *Pyris*, & cæc. Cur aliqua *Planta non nisi in consortio alterius ejusdem speciei fructus ferant?*

De Plantarum Structura, & Anatome.

V. Sicut in Animalibus, ita & in Plâtis dantur partes *solida*, & *fluida*: fluidi Plantæ est succus alimentitius, quo nutritur, & adolescit. Partes solidaæ sunt ec, ex quibus organicum illius corpus immèdiatè confurgit: ejusmodi sunt *Truncus*, *Radices*, *Rami*, *Folia*, *Flores*, & *Fructus*. *Truncus* in *Corticem*, *Lignum*, & *Medullam* dividitur: cortex exterior est munimentum, quod Plantam ab aeris inclementiâ, & ventorum injuriâ tuetur: interior artem, qui substantiæ lignæ adheret, & *Liber*

(b) Genes. 1. v. 11 (c) Apud & Brix. Phys. part. P. 2. a. n. 4349. (d) L. 47. c. 16. Hist. nat.

Liber dicitur, fistulis lignosis, seu fibris, vel tubulis *aaaa* Fig. 10. Tab. 1. vario plexu speciem retis exhibentibus constat, quibus interieruntur spatiola, sive utriculi *bbbb*, in quibus, qui venit à radicibus humor, reponitur, repositus excoquitur, excoctus ad Plantæ nutrimentum per fistulas derivatur in *Lignum*. Hoc Lignum est veluti Plantæ caro plurimis, subtilissimisque fibris composita, quarum duplex ordo describitur à Cl. Malpighio (e): sunt enim aliæ fibre in longum protensæ, unde *fissilitas* oritur: aliæ horizontaliter, & transversum ductæ, priores interfecant, & plexum reticularem effingunt: hinc oritur, quòd aliqua ligna difficilius findantur.

VI. Inter hos fibrosos fasciculos utriculi, & vasa locantur, quæ *Trachea*, & *Fistula* cum *Lamellis* in modum spiræ contortis ab eodem Malpighio, cui primum innotuere, dicuntur. Igitur fibrarum lignearum fasciculi sunt NNN. Fig. 2. Tab. 7. fibre transversales sunt OOO: Trachæ sunt MMM: Lamellæ sunt PP. quæ facile contrahi, diducique possunt per motum *peristalticum*, qui maximo est usui tum ad nutritionem, tum ad respirationem Plantarum. Medulla est intima Trunci pars, quæ ab aliquibus *cor* Plantæ nuncupatur: suis etiam fibris, & utriculis donatur ad succum alimentitium recipiendum, & fermentandum. Plantæ cò brevioris sunt vitæ, quò in illis copiosior est Medulla. Radices sunt in Plantis, sicut os in animalibus, per illas enim suum Planta fugit alimentum. Circa alias Plantæ solidas partes fiet satis inquirenti.

De Nutritione, & Augmentatione Plantarum.

VII. **D** Uplici modo potest nutriri quodlibet *Vivens*, sc. vel per simplicem *Nutritionem*, vel per *Augmentationem*: per Nutritionem alitur, ut in stata magnitudine conservetur: per Augmentationem verò non solum conservatur, sed etiam ad ulteriorem magnitudinem perducitur. In utroque cum reliquis viventibus Plantæ conveniunt; quandiu enim ad certum terminum magnitudinis non perveniunt, augentur; & postquàm perveniunt, nutriuntur. *Remotum* Plantarum alimentum est humor *terreis*, *salinis*, *sulphureis*, & *mercurialibus* particulis imprægnatus. Mirus est organorum apparatus, in quibus humor attemperatur, ut fiat *proximum* illarum alimentum: quod ut oculorum iudicio comprobetur, frustulum arboris biennis Fig. 3. Tab. 7. ex Malpighio decerpimus, in qua 1. 1. 1. est cortex exterior: 2. 2. 2. est interior: 3. 3. 3. est liber: 4. 4. 4. est incrementum postremi anni: 5. 5. est lignum primi anni: 7. 7. sunt utriculi corticis.

VIII. Per *Lamellas* igitur radicum ascendit humor ad librum; ubi repositus

repositus in utriculis 7. 7. aliqua fermentatione peracta exaltatus ascendit in Lignum per fibrulas 4. 4. & cum ibi etiam dentur ventriculi, novam subit fermentationem, & ita magis filtratus, & percolatus distribuitur tum per partes ipsius Ligni, tum per canaliculos 5. 5. ad medullam proficiscitur; ubi novam passus exaltationem in utriculis 6. 6. intervit tum ad incrementum Plantarum versus longitudinem, tum ut à Ligno resumatur, siquando succus deficiat externus. Perficitur ergo *Nutritio*, & *Augmentatio* Plantarum à succo, per illarum organa colatoria jugi. circulatione elaborato. In hujusmodi colatoriis, quidquid humoris alienum est, excernitur, & quidquid usui potest esse, filtratur ad nutrimentum. Multa de Plantarum morbis, & interitu, & adhuc plura de illarum speciebus, & vi medica supererant: de his tamen consule Medicos, & Botanicos, aut Cl. Boerhaave (f).

§. II. De Vivente Sensitivo.

IX. **V** Egetantem Plantarum *Sentiens* Animalium excipit *Anima*. Per *Animal* intelligitur *Substantia composita ex corpore organico, & quadam sentiendi, appetendi, & certos motus imperandi facultate*; quæ *Anima* dicitur. Dari in Brutis hujusmodi facultatem certo mihi certius est, quamvis non defint heteroclitici, qui illam per purum *authoritatem* explicare contendunt. De illius tamen *Natura* controvertitur: sitne *Substantia spiritualis*, an *corporea*. Spiritualem dicit Comes Laurentius Magalloti (g), & Author Opusculi an. 1728. Amstelodami editi (h), quos sequitur noster Khell (i). Sed cum illorum momenta non tantum ponderis habeant, ut communissimam sententiam depravant, ab hac non est recedendum. Hæc *Anima sensitiva* multas exercet operationes, quæ licet intra ipsam delitescant, actionibus externis patefiunt. Hinc est, cur in illa multæ *Potentia* distinguantur, desumpto à pluribus actibus, quos exercet, fundamento. Has *Potentias* Thomistæ Sap. cum nostro Suar. Luf. () ab *Anima* realiter distinguunt; sed immerito: cum unica sufficiat *Facultas* ad plura munia obeunda. Hujusmodi *Potentia* communiter dividuntur in *Internas*, & *Externas*: de his postea, nunc

De Internis Anima Sensitiva Potentiis.

X. **A** Nima sensitiva aliquando sensibilia apprehendit, ea invicem distinguens: aliquando absentia cogitat, & illorum, quasi presentium, recordatur: aliquando attingit conveniens, aut disconveniens: aliquando

(f) Hist. Plant. Lugduni Batavor. tradita. (g) P. 1. Letere f. migliari. (h) Essai Philos. sur l'ame des betes; (i) Phys. special. D. 5. art. 1. § 1. a n. 5. (*) Traët. 2. de Potent. Anim. sect. 1.

quando res sensatas præteritas meditatur: aliquando tãdem in objectum sibi bonum fertur, & malum averfatur. Hujusmodi functiones, quæ communes sunt hominibus, & belluis, à *Sensu interno*, & *Appetitu*, ducunt originem; in quæ duo Principia Anima sensitiva dividitur. Lis est inter Philosophos: In quot membra dividatur *Sensus internus*: Alii sensum communem cum *Æstiativa*, & *Phantasia* cum vi *Imaginatricæ* componentes, illum dividunt in *Sensum communem*, *Vim imaginatricem*, & *Memoriam*. Ut ut res sit, *Sensus communis* communiter definitur: *Potentia materialis interna objecti sensibilis cognoscitiva*. Et cum in brutis reperiatur aliqualis cognitio utilitatis, vel damni, ut patet in avibus paleas eligentibus, non solum ut sua mollitie tactum suaviter afficiant, sed etiam ut ad nidum struendum utiles; ideo dicimus dari in illis *Æstiativam*, sive *Potentiam materiale*, quæ cognoscit objecta insensata, id est, quæ nullum externum sensum afficiunt. Phantasia est *Potentia materialis*, quæ conservat species objectorum, etiam absentium, easque variè, & quandoque lepidissimè combinat. Huic affinis, imò consanguinea est *Imaginativa*, quæ objecta sensuum externorum apprehendit, & interdum adeò vividè, ut quasi præsentia imaginatione concipiantur.

XI. Tandem *Memoria sensitiva* est *Potentia*, quæ rem sensibilem antea cognitam recognoscit. Hunc dari in brutis, apertissimis patet experientiis: in illis tamen non datur *Reminiscencia*, quæ solum est *Facultas Anima rationalis reparans cognitionem alicujus entis, quod tunc temporis animo non subibat*. Hinc optimè dixit Aristoteles (1) *Reminiscentia est syllogismus quidam... & est, ut inquisitio quedam*. Duo requiruntur ad exercitium *Memoria*: 1. ut *Anima sit conscia rem eandem, de qua meminit, à se fuisse jam cognitam*. 2. ut *rei præterita notio fiat in Anima; quin aliqua mutatio contingat in organis sensuum externorum*. Necesse tamen est, ut eadem motio fiat in cerebro, quæ in eo peracta fuit, quando primam rei cognitionem produxit *Anima*: in cerebro nempe signata manent primæ cognitionis vestigia, ope quorum illius fibre ad 2. expergiscuntur. Hæc stigmata *Phantasmatum nomenclaturâ* Peripatetici decantant, quorum aliqua dicunt *Impressa*, & aliqua *Expressa*. Nos autem incepto philosophandi tramiti insistentes ab hisce spectris abstinemus: illasque impressiones non esse veras aliquas objectorum imagines contendimus; sed sunt quedam *mutatio, implicatio, compositio, divisio, tensio*, aut *laxatio* fibrarum cerebri ad sensationes peragendas inservientium. Ex hac *Memoriæ* explicatione sequentibus fiet satis: 1. Cur *juvenes felicitioris sint Memoria, quàm senes, aut pueri*; 2. Cur *facile res Memoria*.

(1) De Mem. & Reminisc. c. 4.

Memoria mandantes, earundem faciliè obliſcantur; non ita verò, qui res maior labore addiſcunt: 3. Cur Memoria excolendo perficiatur.

XII. Adhuc tamen dubium eſt: in qua parte cerebri hujulmodi ſignacula exarentur: Ferneliuſ (m) ait ſenſationes fieri in *membranulis*, & non in *medulla cerebri*. PP. CC. (n) *Senſum communem* ſtatuunt in anteriori cerebri parte, ad quam viæ quædam, & foramina patent, per quæ extrinſecùs hauſta rerum ſimulacra comineant: *Phantaſiam* verò in reliquo cerebro conſtituunt. Cl. P. à Brix. (o) ex ſummo nervorum Scrutatore Villiſio collocat in cerebro nervos ſenſationibus animalibus, id eſt, motibus *ſpontaneis* deſtinatos: eos autem in *cerebello* adſtruit, qui *functionibus naturalibus*, id eſt, Animæ arbitrio non ſubjectis, inſerviunt. P. Corſini (p) diverſis ſenſibus diverſum cerebri locum assignat, ſc. *Imaginationi* anteriorem; *Senſui communi* median; *Memoria* poſteriorem cerebri partem. Pars tandem cerebri *calloſa* ad ſedem ſenſorii communis assignatur à noſtro Cl. Khell (q). Sed ut ut res ſit, hoc pro comperto habeo ex Malebranchio, in ea cerebri parte fieri ſenſationes, ubicunque nervi ex corpore ad cerebrum ſubcuntes in aliquo plexu conveniunt (*): ac per conſequens in eadem parte relinquuntur veſtigia ad *Memoriam* inſervientia. Malus adhuc dubium eſt, & humano captui inſuperabile: *Quomodo illa veſtigia evolantur*. Sive (ut loquuntur Scholæ) *Quanam ſit cauſa excitationis ſpecierum ad Memoriam in actu* 2. Dux circa hanc divinationem ſeruntur ſententiæ: 1. cui ſuffragari videtur noſter de Benedictis (r), tenet *Species excitari ab ſpiritibus animalibus per fibras vagantibus, & ſpecies illas ſibi inhærentes ducentibus*. 2. cui videtur accedere Ptolemæus (s), aſſerit tunc *Species excitari, cum datur evolutio plexûs choroidalis, in cujus fibrillis dantur veſtigia ab objectis externis impreſſa*. Juxta hanc Sententiam dicimus *Excitationem ſpecierum fieri per alterationem ſenſorii communis ab immiſſione ſpirituum animalium, vel fluidi nervoſi, ſive ex Anima, ſive ex alia cauſa provenientem*.

De Appetitu ſenſitivo.

XIII. **C**omune eſt apud Philoſophos ingenuiores, dari tam in hominibus, quàm in belluis *Appetitum ſenſitivum*, à quibus deſinitur: *Facultas vitalis Anima ſenſitiva, qua bonum proſequitur, & averſatur malum*. Dividitur in *Concupiſcibilem*, & *Iraſcibilem*: hic parit *Amorem, Odium, Gaudium, Triftitiam, Deſiderium, & Fugam*: ille autem cenſitur

(m) Apud PP. CC. L. 3. de Anim. c. 3. Q. 1. art. 4. (n) Ut ſupra. (o) Phyſ. part. P. 2. a n. 4297. (p) Phyſ. Traſſ. 2. D. 3. c. 18. (q) Phyſ. Special. D. 5. a n. 143. (*) L. 1. de inquir. veritate c. 1. n. 5 (r) Phil. Perip. tom. 3. L. 8. Q. 3. c. 3. (s) Phyſ. part. de Corp. anim. Diſſert. 5. de Senſib. intern. ſect. 3.

entitur *Iræ, Desperationem, Timorem*, ac tandem *Audaciam*. Hæ undecim passionēs (imperfectè quidem) etiam reperiuntur in brutis: & nihil sunt aliud, quàm perceptiones Animæ cum vehementiori exagitatione spirituum animalium, aut fluidi nervosi cerebrum, cor, sanguinem, & reliquos corporis mæculos fortius, quàm antea, vellicantium. Hinc colligitur, *Appetitum sensitivum* in actu 1: nec quoad nos distinguì ab *Imaginativa*; ut tenent Mechanici cum nostro Cl. Zanchi (1): ac per consequens non in corde, sed in cerebro sedem habet.

De externis Animæ Sensitivæ Potentiis

XIV. **N**otissimus est sensuum exteriorum numerus; quanvis de nomine circa illos questio sit: *An vera Potentia dici possint*: Sed quia tenemus cum RR. Mechanicis, nullam sensationem fieri in ea parte, quæ à re sensibili immutatur, sed tantum in cerebro; apud nos statum est contra Cl. Peripat. *Sensus externos nihil aliud esse, quàm certum organorum apparatus cum cerebro communicantem, ubi Anima ex diversis rerum appulsibus diversas elicit cognitiones*. Quapropter *Potentia* dici possunt ad plurimum *Passiva*, non verò *Activa*. Ad singulorum anatomen progrediamur.

De Sensu Visus.

XV. **C**reatoris miraculum dicitur *Oculus* à Galeno: jure quidem; tanta enim in illo est humorum concinnitas, ac proportio; tanta in membranis varietas; tantus musculorum ordo; ac denique tanta in singulis illius partibus elegantia, ut tam mirabile Authorem suum commendet opus. Binus nobis concessit Author Deus, ut uno deficiente, superesset alius; illosque in editâ capitis fronte, tanquam in specula constituit, ut nos, veluti infomnes custodes, ab occurrentibus noxiis præcaverent, totiusque corporis securitati prospicerent. Micant, tanquam duæ gemmæ auro incrustatæ, intra durissima cranii ossa. Oculi structura globum refert; sed quia non est perfectè sphericus, *Bulbus* ideirco appellatur. Partes illum constituentes sunt 4. *Tunica*, 3. *Humores*, & sex *Musculi*, ut exhibent Fig. 4. & 5. Tab. 7.

XVI. Prima *Tunica* secundum partem anticam AA. Fig. 4. dicitur *Adnata*, & secundum posticam aa *Innominata*. Secunda *hæc*, oculi bulbum circumiens, in posteriori parte bb. dicitur *Sclerotica*, in anteriori cc. *Cornea*; & quia à dura cerebri meningè propagatur; ideo in profundiori Oculi nervo *Dura mater* appellatur. Tertia de ed in parte dd *Choroïdes* vocatur, & in ee *Uvea*; hic etiam foramen habet, quod *Pupilla* vocatur,

yocatur, quam sua *Pia Mater* circularibus fibris, quasi fasciis, amplectitur, quarum opē foramen ipsum modò constringitur, modò dilatatur. Quarta *fggf. Amphiblestoides*, vel *Reticularis*, vel *Retina* dicitur, quæ nihil aliud est, quàm *Nervi Optici* expansio: cùm pervenit ad punctum, in membranam quandam delicatissimam inflectitur, quæ ob tenuitatem *Aranæa* dicitur, & totum humorem *CrySTALLINUM* obvolvit. Intra has Tunicas tres Oculi humores clauduntur, *Aqueus* sc. *CrySTALLINUS*, & *Vitreus*. Tandem Musculi in Fig. 5. exhibentur, quorum primus A oculum sursum attollit; idcirco *Elator*, sive *Superbus* dicitur: secundus B. oculum deprimat; ideo *Demissor*, sive *Humilis* vocatur: tertius D. appellatur *Abducens*, sive *Indignabundus*; quia versùs aurem oculos intorquet: quartus E. dicitur *Adducens*, sive *Bibitor*, & oculum versùs nasum movet: duo tandem reliqui L. M. *Pathetici*, & *Amatorii* dicuntur: quia oculos ita ducunt in orbem, ut in illorum motibus, nescio quæ, blanditiarum, & amoris indicia prodantur. Præmissa hac rudi Oculi anatome, ad *Visionem* progrediamur.

De Visione directa Opticæ Regulis innixa.

XVII. CUM lumen ex objectis, quæ videntur, regeri possit in oculis tripliciter, ut illorum imagines depingantur in *Retina*; (in qua fieri, seu potius inchoari *Visionem* propugnabimus) ideo triplex *Visionis* species distinguitur, sc. *Directa*, *Reflexa*, & *Refracta*. Visio *Directa* sit per radios, quorum omnes partes rectam lineam a puncto radiante ad oculum ductam constituunt. Ut ferendæ leges tam circa visionem *Directam*, quàm *Reflexam*, & *Refractam* melius observentur, præsciendum est, quid sit *Radius Opticus*. Quid *Axis*. Quid *Pyramis*, sive *Conus Opticus*. Quid coni *Basis*, & *Vertex*. Quid *Penicillus*. Quid *Angulus Opticus*: ac tandem Quid *Horopter*: quæ omnia in Fig. 4. 6. & 8. Tab. 7. explicabimus. Circa visionem *Directam* Lex 1. Quod sub maiori angulo conspicitur, maius apparet. Ex hoc etiam apparet, cur maius videatur molis objectum, quod cæteris paribus minus distat ab oculis. 2. Cur duæ parallelæ AB, CD. Fig. 9. oculo intra eas constituto, eò magis ad se videntur accedere, quò longius protenduntur. Cur æquales partes ejusdem rectæ horizontalis AFIB. Fig. 9. continuò decrescere videntur, quò magis ab oculo distant. Cur circulus obliquè inspectus appareret *Ellypsis*, & cæter. Lex 2. Quæ sub insensibili angulo apparent, visu minime percipiuntur. Angulus tunc habetur pro insensibili apud *Wolffium* (a) quando illius magnitudo vel realis, vel apparens, sit unius minuti secundi,

(c) Phys. part. P. 2. Dissert. 3. sect. 2. c. 5, n. 366. (u) Elem. Opt. §. 214

secundi, id est, non excedat partem circuli divisi in 1296000. partes. Hinc est: Cur corpora multis porulis interspersa, aut scabra, videantur plana, & lavigata. Cur polygona appareant rotunda. Cur qua maxime distant ab oculis, appareant immota, quanvis velocissime moveantur. Lex 3. Ambo oculi duplicatum objectum non vident, quanvis duplex objecti imago formetur in Retina. 4. Singula puncta imaginis, in oculorum fundo depicta, extra illos apparent in eo loco, in quo axes penicillorum concurrunt. Huic legi ex Gassendo refragatur eruditissimus Feyjoo (x): quod etiam sentire videtur noster Tacquet (y): experimentis enim probare nituntur, visionem fieri ab uno tantum oculorum, alio interim ferriante; sed illis non assentior. Lex 5. Objectum, quod visu percipitur, imaginem sui in oculi fundo, situ inverso, depingit. Ut patet in Fig. 6. 8. Tab. 7.

XVIII. Plurima sunt visionis directa phenomena ab Opticis agitari solita, quæ huc transferre non vacat, physicam tamen aliquorum rationem dabimus inquirenti. 1. Cur ingens spatium EF. Fig. 13. per exiguum foramen a b videatur, & eò maius, quò magis oculus A ad foramen accedit. 2. Cur aliqui oculi objecta distantia confuse videant, & vicina clarè: alii verò è contra; quæ diversitas Myopes distinguit à Presbitis. 3. Stellæ nudis oculis suspectæ maiores nobis apparent, sed minus clara: telescopio autem videntur minores, sed clarius. 4. Conjuncta apparent, quæ ita occurrunt oculis, ut sint in eadem linea recta; nullumque corpus inter illa discernatur.

De visione Reflexa ex Catoptrices Principiis.

XIX. **P** Ræter dicta in Physica Generali (n. LXVI.) aliqua sunt Catoptrices Theoremata, quæ visioni reflexæ lucem addunt. Visio reflexa tunc fit, eum lux alicui speculo impingens in oculos regeritur, Catoptrica hoc fundamento innititur: Quodlibet punctum objecti radiantis in speculum apparet post ipsum in eo loco, in quo radius reflexus, per quem conspicitur, concurreret cum catheto incidentiæ; si directè post ipsum speculum radius uterque produceretur; quod magis explicabitur Fig. 14. Ex hoc fundamento eruuntur hæc phenomena. 1. Quò objectum radians, quomodocumque existens, magis, vel minus propinquum est speculo, quomodocumque existenti, eò vicinius, vel remotius post ipsum speculum videtur. 2. Objectum plano speculo horizontaliter constituto ad perpendicularum incumbens, inverso situ in ipso speculo apparet. 3. Si speculum DE. Fig. 16. inclinatum ad horizontem n m, cum ipso hori-

P

izonte

rizonte efficiat angulum 45. graduum, obiectum perpendiculare a b videbitur in illo horizontale AB. & contra. 4. In speculo fracto apparet obiectum modò unum, modò multiplex. 5. Corpus deorsum labens in speculo plano horizontali spectatum, videtur ascendere. Alia plurima Mathematicis omittimus (*).

De Visione Refracta ex Dioptrica.

XX. J Am ex Physica Generali (n. LXVIII.) notum est, quid sit Refractio lucis: & qualiter in Planis, Convexis, & Concavis lenticulis inflectatur: Nunc ad modum progredimur, quo illis mediantibus, visio perficitur. Dicimus igitur 1. obiectum EN Fig. 17. trans vitrum planum AB parallelis superficiebus terminatum, vicinius, & majoris molis apparet, quàm re ipsa est. Hinc est, cur corpus sub aqua altius, & maius videatur. Cur fundus vasis aquâ pleni elevatum nobis appareat. Cur remus, media sui parte immersus, videatur inflexus. Cur Sol, & Luna prope horizontem maiores appareant. Dicimus 2. obiectum M Fig. 18. trans lentem polyedram AE toties multiplicatum apparet, quot sunt lentis facies planæ. 3. obiectum MM Fig. 19. trans lentem convexam AB remotius, & maius apparet, quàm re ipsa est. 4. obiectum MM Fig. 20. trans lentem concavam XZ vicinius, sed minoris molis apparet.

Instrumenta Dioptrica

XXI. S Unt quedam certæ machinæ unâ, vel pluribus vitreis lenticulis compositæ, quibus visio adjuvatur, & perficitur: huiusmodi sunt *Conspicilia*, *Microscopia*, (sive *Engyscopia*), & *Telescopia*. Notus est usus conspiciolorum: convexis sc. utuntur *Presbita*; cùm enim illorum defectus stet in eo, quòd Crystallinum habeant vel non satis convexum, vel retinam, quàm par est, Crystallino viciniorem, lente convexa adjuvantur, ut citius in retina depingatur obiectum. Cùm verò defectus *Mydopum* stet in eo, quòd habeant Crystallinum vel nimis convexum, vel retinam (respectivè ad illius convexitatem) nimis remotam, utuntur concavis, ut focus longius à Crystallino constitutur. Microscopii inventor fuisse creditur Joannes Baptista Porta, cui primo huius machinæ fabrica, vis, & usus innotuisse fertur. Microscopium vel est *Simplex*, unius sc. lentis convexo-convexe, vel *Compositum*, quod sc. pluribus lentibus inequalis convexitatis aptatur, certo intervallo à se parallelè distantibus. Multùm augetur magnitudo apparens objecti ope Microscopii; & ed plùs, quòd illud minoris fuerit spheræ segmentum. Posito igitur, quòd semidiameter convexitatis in lente microscopa sit quarta

(*) Vid. Ge. Tosca. compend. Mat. Triang. et L. 2.

quarta pars unius digiti, *Linea* 8. digitorum trans illam inspecta, apparebit maior se ipsa vicibus 32. *superficies* vicibus 1024. *corpus* vicibus 32768. Telescopium aliud dicitur *Galileanum*, aliud *Astronomicum*, aliud *Terrestre*, de quibus apud à Brixia (2).

De reliquis Sensibus externis.

XXII. **Q**Uoniam de *Objectis* Sensuum exteriorum egimus (a), reliquum est, ut de illis, quatenus sensationibus Animæ famulantur, agamus. In parte intima *Auris* quatuor potissimum distinguunt Anatomici, sc. *Meatum auditorium*, *Tympanum*, *Labyrinthum*, & *Cochleam*: *Meatus auditorius* est *tortuosa cavitas*, & *iter flexuosum*, quod ad *Tympanum usque producitur*. *Tympanum* est *cavitas*, *instar tympani militaris*, quæ tenui membrana sicca, & pellucida, osseo circulo circumtexta, eique firmiter affixa, obducitur. *Labyrinthus* est *cavitas minor Tympani*, in quam ex illo aditus patet; *cujus interni parietes anfractuosi sunt*. *Cochlea* est *extrema auris interna cavitas*, in modum *cochleæ circumflexa*. Desinit tandem apparatus auris in *Nervum acusticum*, *cujus fibræ Cochleam vestiunt*. Hujusmodi fibræ sunt organum Auditionis; & non est aer ille, qui intra cavitates *Tympani*, *Labyrinthi*, & *Cochleæ* diversatur, ut tenet Galenus, Conimb. & Arist. (b). Organum *Gustus* est in *Lingua*, sc. in *nervis* illius *papillis*, arcuatis, fungiformibus, & conicis, quibus constat membrana intima omnium trium, quæ linguam circumvestiunt. Ut autem *Odoris* organum statuatur, interiores *Nasæ* partes scrutari debemus. *Nasus* intus dividitur per *Septum* partim osseum, partim cartilagineum in duo foramina, quorum utrumque in duas cavitates dispescitur: illarum una hiat sursum ad os, *cribriforme dictum*; altera ad fauces deorsum patet. Hic interior *Nasæ* apparatus ex parte superiori pluribus *lamellis*, *osseis*, *anfractuosis*, & *turbinatis* discriminiatur, quas membrana tenuissima vestit, per quam subtilissima nervorum fila, trajecta per ossis cribriformis foramina, & in tenuissimas veluti papillas definitia miro artificio disseminantur. Galenus organum *Olfactus* in anterioribus Cerebri partibus constituit. PP. CC. in *Carunculis mammillaribus*, in illis sc. *tuberculis*, quæ intra cranium jacent; & ossi *ethmoidi*, sive cribriformi incumbunt; nec tamen Cerebro communicant (c). Nos autem dicimus, *Olfactus organum esse membranam tenuem, interiores narium anfractus, & lamellas vestientem* (d). Denique organum *Tactus* per totum corpus diffunditur, ubicumque dentur partes membranosa ad Cerebrum protractæ.

De

(a) Phys. part. P. 2. a. n. 4715. (a) Phys. Gen. 6. 4. a. n. 1. XIV. (b) L. 2. de Anim. text. 82.
(c) In L. 2. Arist. de Anim. c. 9. Q. 4. art. 2. (d) à P. 113. Phys. part. P. 2. n. 4743.

De Structura, sive Anatome corporis animalis.

XXIII. **M** Irum sanè artificium est, quo fufius rerum conditor dura mollibus, solida fluidis ad Animarum *Sensitive, & Rationalis* diverforium ita composuit, ut studiosiorem in corpore animali compaginando curam impendere videatur. Sed quia non vacat singularem specierum anatomen instituire, humani corporis structuram per summa capitum videamus. Corpus humanum in tres *Ventres*, sive *Regiones* dividitur, *Supremam* sc. *Mediam*, & *Infinam*: venter supremus, sive *Regio animalis*, est *Caput*: venter medius, sive *Regio Vitalis*, est *Thorax*: venter infimus, sive *Regio naturalis*, est *Abdomen*.

Venter Supremus.

XXIV. **I** N ventre supremo, seu capite, prius nobis objicitur *Cerebrum*, (*Mentis custos*, & *Thronus* à Democrito nuncupatū) ea sc. albicans, mollisque substantia, quæ cranio, veluti galeâ, munitur. Totum, quod in cranio continetur, in 2. partes dividitur, anteriorem sc. *AACC.* Fig. 21. Tab. 7. quæ propriè *cerebrum* dicitur, & in posteriorem *BB*, quæ dicitur *cerebellum*. Ex *cerebro*, & *cerebello* originem ducunt omnes *nervi*, tanquam ex radice, qui in *Medulla D* collecti, tanquam in trunco, per universum corporis divaricantur. Quilibet nervus in cerebro associatur alteri præter ultimum, qui à fine *Medullæ dorsalis* progreditur, & ideo vocatur *Nervus sine pari*. Decem nervorum *paria* exhibentur in Fig. 21. ubi par *Olfactorium* est 1. 1. *Opticum* 2. 2. *Motorium* 3. 3. *Patheticum* 4. 4. *Gustatorium* 5. 5. *Abducens* 6. 6. *Acusticum* 7. 7. *Vagum*, quod sc. per diversas corporis partes maximè per præcordia ex *cerebello* disseminatur, est 8. 8. Denique 9. 9. 10. 10. in varios musculos, qui spontaneis motibus inserviunt, se se insinuant.

Venter medius.

XXV. **C** ontinet in se *Cor*, præcipuum vitæ animalis organum, & instrumentum, quod in *Thoracis* medio situm inter duos *Palmonum* lobos, & reciproca *systole*, & *diastole*, sanguinem recipit, & egerit. *Pericardio* tegitur, seu membrana forti, ac duplici, cui adnascitur *adeps* ad illud humectandum. Eriam pili inventi fuisse dicuntur in *pericardio* cujusdam juvenis Poloni (:). In extrema cordis figura observantur *Auricula* dextera *H.* sinistra *M.* Fig. 22. *Vena cava* inferior *G.* superior *F.* *Vena pulmonaris* *K.* *Arteria pulmonaris* *D.* *Aorta*, sive *Arteria*

ria magna E. Sexto corde in duo hemisphaera; deprehenduntur duo ventriculi, quorum quilibet capit 4. circiter cochlearia sanguinis. Quemlibet illorum ingrediuntur duo vasa sanguifera, dexterum sc. *Vena cava* F. & *Arteria pulmonaris* D. finistrum autem *Vena pulmonaris* K, & *Aorta* E. Arteriae sunt *canales conici* in recessu à corde deerescentes qui sanguinem per systolen erumpentem ex corde recipiunt. Venae sunt etiam *canales conici* versus cor ampliores, ex quibus sanguis ad cor ipsum per diastolen revehitur. In omnibus dantur *Valvulae*, quarum munia explicabimus, quibus non vacat immorari.

Venter infimus

XXVI. **E** A præcipuè continet, quæ ad animalis nutritionem destinantur. In tres regiones dividitur, quarum suprema vocatur *Epigastriū*, in quo situs est *Stomachus*, cujus partes superiores ad latera vocantur *Hypocondria*. Media regio dicitur *Umbilicalis*: infima autem, in qua locata sunt intestina, *Hypogastrium* appellatur. Stomachus, sive *ventriculus*, duo habet orificia, quorum superiori committitur *Oesophagus*, à faucibus in illum protensus. Hoc orificium suis musculis, & fibris contrahitur, ne regurgitent alimenta. Aliud orificium dicitur *Pylorus*, per illudque alimenta jam digesta demittuntur in *intestina*, quæ sunt canales membranei, seu potius unicus continuus, qui propter diversam figuram, situm, crassitiem, amplitudinem, & usum, diversas subit appellationes. 6. communiter intestina distinguuntur: primum Pyloro conjunctum dicitur *Duodenum*, quia longum est 12. digitos præter propter: sequitur deinde *Jejunum*; quia semper invenitur vacuum; longum est 12. aut 14. palmos. Jejunum Succedit *Ileon*, longitudinem 20. palmorum excedens. Hæc tria intestina chylum, quem, bile permixta, affusoque succo pancreatico, per motū peristalticum agitando perficiunt; donec à *venis lacteis* recipiatur, & in intestinum *cæcum*, quod inseritur *Ilio*, exoneratur, & hinc in *colon*, (ubi dolores colici turunt) ex quo partes feculentæ in *Rectum* foras emittendæ secedunt.

XXVII. Ne tamen intestina diffluant, aut involvantur, circumferentæ *Mesenterii*, & hoc mediante, lumbis adnectuntur. Est Mesenterium pars membranacea nervis, arteriis, ac venis tam lacteis, quam sanguiferis intexta, glandulis, multoque adipe stipata, quæ sunt. vasa ordinata ad chylum ex intestinis recipiendum. Ventrem infimum subnectit *Peritonæum* membrana satis valida, sed tenuis, & molliis, ut distendi facile possit, quæ si rumpatur, fit *Hernia*. Datur etiam in hac regione *Lien*, pars mollis, ac facile dilatabilis, situs in hypocondrio sinistro inter costas, & ventriculum, de cujus munere variè Medici opinantur:

voro

vero similius est Diemerbroeckii iudiciū (f), inservire sc. ut in illius glandulis separetur à sanguine humor acidus, qui est ipsius fermentū. In dextero hypocondrio constitutum est *Hepar*, & *Jecur*, cujus munus non est, (ut credebant Antiqui) elaborare sanguinem, cum nulle venæ lacteæ, quæ chylum secum deferunt, ingrediantur in *Hepar*; sed *primarium* illius munus est, separare bilem à sanguine, & illam in *Folliculum biliarum* reponere, ex quo per *Meatum cysticum* ad intestina rato tempore demittatur. *Secundarium* est secernere certam lympham, eamque per vasa lymphatica ad loca cōgrua derivare. Sub Hepate, & Liene lūparibus musculis utrinque *Renes* incumbunt, quorum vascula tendunt in interiorē illorum cavitatem, quæ *Pelvis* dicitur: ad serum inutile segregandum à sanguine destinantur: illis propterea *Ureteres* addit Natura, canaliculos sc. membranaceos, per quos in *vesicam* inutile serum deducitur. Innumera alia in corpore humano supererant observanda, quibus supersedemus; tum quia longum esset omnia recensere; tum quia solus omnia novit, qui condidit.

De Generatione Animalium.

XXVII. **D**UO sunt genera animalium *perfectorum* (de quibus precipuè agimus) *ovipara*, sc. & *vivipara*. De *imperfectis* quæri solet: à quo generentur, ubi non dantur alia ejusdem speciei, quibus partus ille referatur. Quod problema ut aliqui solvant, ad Deum provocant: alii cum nostro Cl. Kircher (g), & Fabry (h) pro causa sponte nascentium assignant *Panspermiam primordiale*, à Deo per omnia Elementa dispersam, in qua semina omnium sponte nascentium delitescunt: sed nos cum RR. dicimus, *omnia oriri ex aliis ejusdem speciei, semina copiosissima enitentibus*: in quo cum *perfectis* conveniunt; hæc tamen non dicuntur *sponte nasci*; quia non sunt veluti *infantes expositi*, sed illorum parentes agnoscuntur. Circa animalium *perfectorum* generationem Divini Authoris sapientiam admiramur, sed illam non assequimur; dicimus tamen, omnia animalia, etiam quæ à viviparis eniuntur, generari ex ovulis.

XXVIII. Hinc sequentia problemata resolvemus: 1. Cur *unicus aliquando fatus, interdum plures oriantur*: 2. Cur *aliquando bicorporeus evadat*: 3. Cur *nascatur aliquando membro aliquo deftitutus*: 4. Cur *mulier modò masculum, modò famellam enitatur*: 5. Cur *proles uni parentum assimiletur, & quandoque utrique, & quandoque neutri*. Multa hic ignorari potius volo, quàm à me docente sciri. Duo tamen addere juvat circa

(f) L. v. Anatom. c. 16. apud Mayr. P. 4. D. 2. Q. 1. art. 5. n. 334. (g) L. 12. Mund. subter, sect. 1. c. 1. (h) Tom. 5. tract. de Plant. L. 2.

circa *Processum*, & *Primum* fœtus humani. Hic magis crescit intra mensem clausus in utero; quàm extra per annum: incrementum enim primi mensis juxta observationes Cl. Buffon est unius digiti: duorum mensium est duorum digitorum: tertii mensis est ad digitos 3. cum dim. quarti, & quinti ad 6. cum dim. vel 7. septimi ad 11. octavi ad 14. noni ad 18. Circa *Primum*, id est, de partibus, quæ primò formantur, variè discrepant AA. *Primum Cordi* tribuit Aristoteles (i): alii *Cerebro*: alii *Hepati* (l). Hippocrates (m) ait, omnes partes delineari simul, & augeri: nec prius alia aliis, sed maiores naturâ, priores apparent minoribus. Hoc idem sentimus cum celeb. Medico Bonon. Francisco Bayle (n).

De Nutritio Animalium.

XXIX. A Nimal, media Nutritio, conservatur, sine qua naturaliter diu subsistere nequit, attenta corporis habitudine. Nutritur autem, vel quando latet adhuc in utero matris, vel postquam vitales caput auras. Quandiu fœtus (de humano præcipue loquimur) est in utero, involutus est duabus membranis, quæ communi vocabulo *Secundina* appellantur; illarum extima dicitur *Chorion*; intima verò *Amnion*: illa crassa est, spongiosa, villosa, copiosissimis referta arteriarum, venarumque ramulis: hæc autem tenuior est, nullis, aut paucissimis, usque subtilissimis venis, & arteriis donata: continet in se humorem limpida, subviscidum, colore, odore, ac sapore, dilutum carnis jusculum referentem. Dissectis hisce membranis, *funiculus* occurrit, *umbilicalis* nuncupatus, eo quod ex umbilico fœtus erumpit. Dux in illo sunt arteriæ, & una vena, quæ etiam *umbilicales* dicuntur, & rubræ etiam, molli, quæ substantiæ (quæ *Placenta*, sive *Hepar uterinum* dicitur) ex innumeris vasculis compositæ inseruntur. Nutritur ergo fœtus primò sanguine, ex *placenta per venam umbilicalem* delato in illius cor, & hinc per reliquum corpus propulso: secundò nutritur, ultimis præsertim mensibus, per os, cum nempe humorem veluti sugendo, quem in *Amnio* diximus contineri.

XXX. Nutritio autem Animalis extra vulvam hoc modo perficitur. Cibus dentibus incisoriis maceratur, ac salivâ aliquantulum fermentatus, per *Epiglottidē*, quasi per pontem sublicium, *Laryngi* intratur, deferitur in *Œsophagum*, qui illum deglutiens in *Stomachum* demittit. Hic pultacea cibi massa fermentescit, dissolvitur, & in quandam liquorem, *pituita* cremori similem defecit: hoc dicitur *Chylus*, sive *confectio chyli*; ad quam concurrunt 1. *motus peristalticus ventriculi*. 2. *peculiaris quidam succus ex ventriculi glandulis*, quas *Gastricas* vocant, *expressis*:

3.

(i) L. 2. de Gen. animal. c. 4. (l) Apud Bayle Phys. part. P. 2. Traët. 1. L. 3. D. 3. art. 2. (m) L. 1. de Dieta. (n) Ut supra n. 23.

3. *Calor ipſus ventriculi.* Cibus, ita dilutior, redditur permeabilis, permeatque per pylorum in duodenū, jejunū, & ilion, ubi aptior redditus, ac ſubtilior, ingreditur *venas lacteas*, & hinc cisternam, ſive *receptaculum Pecqueti*, tum *ductum thoracicum*, deinde *venam cavam* inferiorem G. Fig. 22. Tab. 7. Hic miſcetur chylus ſanguini, & ſimul cum ipſo infunditur in dexteram cordis auriculam H, & inde in dexterum ventriculum A, per diaſtolen apertum, ex quo per ſyſtolen contracto expellitur in *arteriam pulmonarē* D, à qua pulmones aliquam partem ſanguinis in nutritionem accipiunt: reliqua autem maior pars excipitur à *vena pulmonari* K, & in ſiniſtram cordis auriculam M, poſtea in ventriculum Q. per diaſtolen infunditur. Ex hoc ventriculo ſanguis in *Aortam* E. per ſyſtolen extruditur; ab hoc autem diſperſcitur in omnes corporis partes nutriendas, utpote qui proximum eſt aliti nutrimentum.

XXXI. Sed adhuc ſupereſt inquirendum: ubi fiat *Hamatoſis*, ſive converſio chyli in ſanguinem? Sententia veterum aſſerens, fieri in hepate, plane convincitur falſitatis (o). Alii cum Bartholino dicunt cor eſſe ſanguinis elaboratorium (p). Alii dicunt, ſanguificationem in omnibus corporis partibus, quas una cum chylo ſanguis alluit, elaborari. Alii dicunt, tres eſſe ſanguinis officinas: prima in *hepate*, ad quod reſluit per *venam portā* ex ima ventris parte: ſecunda in *liene*: tertia in *renibus*: coſe nixi fundamento, quòd in hepate ſanguis à *flava bile* ſeparatur: in liene ab *atra bile*, ſeu *melancholia*; in renibus autem à *ſero urinoſo*. In tanta rerum varietate hoc certum eſt, ſanguinem corpus animale indefinenter irrigare, ac in itu, & reditu multas ſubire filtrationes, in quibus affabrè percolatus, & per totum corpus diſcuſus, in ſubſtantiam aliti convertitur. Hæc *Hamatoſis*, ſicut & *Chyloſis*, *Circulatio* ſanguinis, *Respiratio*, *Nutritio*, *Augmentatio*, & *Elaboratio ſpirituum animalium*, ſunt *motus naturales* corporis animalis. Motus autem *Spontanei*, ſunt *Inceſſus*, *Reptatio*, *Volatus*, & *Natus*, quos interroganti explicabimus.

§. III. De Vivente Rationali humano.

XXXII. **A** Bſolutà, non tamen perfectà, ſed ad umbilicum perducta, *Anima Senſitiva*, & illius *diverſorii* tractatione, ad *Animam Rationalem* properamus, cujus *Indoles*, ac *Genesis* cum ex Pneumatologia (n. XXXV.) nobis innotefcat; ad illius *Potentias* promiſſi rei (n. XXXVI.) digredimur explicandas. Nemo, niſi. mentis imposit, *Animæ rationali Facultates intelligendi, & volendi, activas* quidem, & *efficientes* ſuorū actuum, negare audebit. Non me latet, quòd Cartefius, &

(o) Apud à Brix. P. 2. Phyf. part. n. 4836. (p) L. 1 Anatom. c. 14. apud à Brix.

& illius assertor Malebranchius (q) dicant, *Mentes etiam nobilissimas in eadem (qua corpora) versari impotentia*; piaculum nempe ducentes, qualitatē aliquam, etiam *Spiritualem*, cōcedere, per *Modificationes Animæ* satis putant explicari actus Intellectus, & Voluntatis; caveant tamen, ne in *Qualitates modales* impingant, qui ut quid cane peius, & angue, *physicas* horrent. Dicimus igitur, nostrum Intellectum, & Voluntatem *proprie agere, & esse causas suorum actuum effectrices*.

XXXIII. Cartesiani non solum vim activam furantur Intellectui, sed etiam ab eo *Judicium* rapinā potius, quam furto, surripere contendunt, illud Voluntati mācipaturi: sed veritatis criterium jus suum cuique tribuit, Intellectui sc. vim judicandi, & Voluntati libertatem, quidquid maluerit, eligendi. Hæc *Libertas* vel est à *Coactione*, vel à *Necessitate*, *Contrarietatis*, vel *Contradictionis*: omnibus his gaudet Volūtas, quidquid blaterarent Manichæi, admittentes in homine 2. Animas, aliam naturā suā *bonam*; aliam *malam*; ita ut quidquid tam *bene*, quam *malè* ageret, necessariō operaretur. Nec minorem Voluntati labem inusserunt Calvinus, Lutherus, Jansenius, & Spinoza (r), delirantes, nullam aliam dari in homine *Libertatem*, nisi à *Coactione*. Huic belluarum. armento adde Priscillianistas, qui Astrologorum sequentes hariolationem effutiebant, hominem in suis actionibus subjectum esse Fatis ex stellarum influxu impedibilibus; contra illos inelamat Conc. Brachar. 2. (s).

XXXIV. Nostra Voluntas vel est libera in actu 1. vel in actu 2. ad libertatem in actu 1. requiritur 1. quod illa non solum à *Coactione*, sed etiam à *Necessitate physica* liberetur. 2. Quod objectum sub ratione *boni*, vel *malī* illi sistatur. 3. Sufficit iudicium *Theoreticum*, & superfluit *Practicum*. 4. Requiritur applicatio Omnipotentiae per decretum absolutum D. Voluntatis, quod sit seria, licet inefficax, actuum volitio; & simul efficax nolitio eos impediendi, aut determinandi. Ad libertatem verò in actu 2. requiritur, quod non detur necessitas *physica* antecedens. Et hinc resolvuntur sequentia problemata 1. *Actus imperans alium actum pro instanti, in quo non existit imperium, non tollit illius libertatem*: 2. *Imperium efficax, existens in 4. instantibus v. g. & imperans actum divivōe, & indeterminate pro aliquo ex illis, tollit libertatem actui imperato, quoad substantiam; non verò quoad circumstantias*. 3. *Imperium efficax vagum, & indeterminatum quoad intensionem actus imperati, tollit huius libertatem quoad substantiam; non verò quoad excessum bonitatis moralis*. 4. & præcipuum: *Actus imperans, essentialiter efficax, tollit libertatem actus imperati pro determinato instanti, in quo existit imperium*.

Q

De

(q) L. 6. de inquir. verit. P. 2. c. 3. (r) Apud à Brix. Met. P. 2. n. 409. (s) C. 3. si quis animas, & corpora fataliter stellis credit adstringi, sicut Paganū & Priscillianus, anathematiz.

De Habitibus Animæ Rationalis.

XXXV. **I**nter Animæ rationalis Potentias meritò adnumerantur *Habitus*; non quia sunt Animæ cognati; sed quia aliunde habiti, illam juvant ad suos actus eliciendos. Duplex Habituum genus à Peripateticis admittitur, *Naturalium* sc. & *Supernaturalium*: *Habitus naturalis* definitur ab illis: *Qualitas facilitans Animam ad actus similes iis, à quibus primò fuit producta*. *Supernaturalis autem: Qualitas per se infusa à Deo, elevans Animam ad actus supernaturales*. Fide Catholica sanctum est, dari *Habitus supernaturales Animæ infusos, eique inherentes*, qui sunt Notæ quædā Christianæ professionis (e). *Habitus naturales alii pertinent ad Intellectum, alii ad Voluntatem*. Sex ab Arist. habitus recensentur Intellectus (u), sc. *Intelligentia, Scientia, Sapientia, Synderesis, Prudentia, & Ars*. *Intelligentia est Habitus, quo quis inclinatur ad assentiendum firmiter, & evidenter primis Principiis*. *Scientia est Habitus, quo quis inclinatur ad assentiendum firmiter, ac evidenter conclusionibus necessariis, non tamen per supremas causas*. *Sapientia est Habitus, quo quis inclinatur ad assentiendum conclusionibus necessariis per primas, & supremas causas: sive ut dicit Cicero: Rerum Divinarum, humanarum, causarumque, quibus hæc res continentur, scientia* (x). *Synderesis est Habitus practicus, quo quis redditur propensus ad assentiendum primis, & communissimis Principiis moralibus*. *Prudentia est Recta ratio actuum humanorum agibilium*. *Ars denique est Recta ratio factibilium* (y). *Habitus Voluntatis sunt omnes illæ facilitates, quibus Voluntas ad bonum, vel malum morale propendit*. Sed quia hæc in Ethicis tractari solent, ad illa progrediamur.

(*) Trid. Sef. 7. Can. 6. de Sac. in gen. (u) 6. Ethic. c. 3. apud PP. CC. in Lib. Ethic: Arist. D. 7. Q. 6. art. 1. (x) Lib. 2. de Offic. (y) PP. CC. loc. citat.

PARS TERTIA

Philosophia Moralis.

§. I. *Ethica, sive morum Scientia.*

I. **S**UPEREST ultimam Philosophiæ partem agere, quæ prima est, aliaque nobilitate præstat; & in cujus gratiam studium omne suum debet impendere Philosophus Christianus: est enim *Ethica, sive Disciplina moralis, Scientia practica, quæ circa actus humanos, ad honestatis regulas æterna felicitatis intuitu conformandos, occupatur.* Ex qua definitione liquet, quodnam sit *Subjectum, Objectum, & Finis* Ethicorum? Subjectum est *homo* rationis compos: objectum *materiale* sunt *actus* illius cõsultò agentis: *formale* sunt iidem *actus, quatenus ad felicitatem consequendam diriguntur.* Finis tandem est *summa felicitas, sive Summum Bonum* consequendum. Et cum nemo sit bonus, nisi unus Deus (a); solus, & unus Deus est *Finis ultimus*, in quem collineant *Ethica, & humanæ Voluntatis actus* ab illis diriguntur. In fructione *Boni* veteres Philosophi *Beatitudinẽ* meritò constituerunt, quæ Beatus definitivè, *Status omnium bonorũ aggregatione perfectus* (b): sed, fidei lumine destituti, in multas ignorantie tenebras impegerunt, & scopo aberrantes, circa hominis Felicitatem diversos errores offenderunt.

II. Aristoteles inter centum circiter, & septuaginta octo libros quos de Ethicis evulgavit, decem scripsit ad filium suum Nicomachum bonis moribus imbuendum, in quibus *Beatitudinem* sitam esse vult in eo, quod quis *Secundum naturam vivat* (c). Vivere autem secundum naturam, ut interpretatur Piso apud Tullium (d), est *vivere ex hominis natura, undique perfecta, & nihil requirente.* Alii dicunt Epicurum constituisse *Beatitudinem* in gratissimo voluptatis sensu, & doloris vacuitate: quavis alii cum Gassendo (e) has rugas Epicuri senio abstergere conentur. Stoici illam in *sola animi* virtute, quam *Sapientiam* appellabant, constituerunt. Mitto turpissimam, piisque auribus absurdissimam Aristippi Cyrenensis opinionem. Inter Ethnicos Philosophos nulli ad veritatem propius accesserunt, quam Platonici. Plato veram, & solidam Felicitatem alterius esse vitæ docet: sed quia in hac vita aliquam felicitatem

(a) Mare. c. 10. v. 12. (b) L. 3. de Conf. Philos. prossa 2. (c) Purchot. primi. P. Ethic. 6. 3. (d) L. 5. de Finib. bonor. & mal. (e) L. 7. de vit. & morib. Epicuri.

tem illis maxime tribuit, qui *Arithmetica* mentem excolunt; dicique beatus Ante obitum nemo, *supremaque funera debet* (f): ideo dicimus, mentem altius erigentes, in solo Deo positam esse hominis Felicitatem, sive Beatitudinem objectivam. Formalis autem Beatitudo ponitur à S. Thom. in visione Dei intuitiva. Eandem constituunt Cl. Cl. Scotistæ in amore fructivo: nos autem eam sitam esse dicimus in summo gaudio, id est, in delectatione, creata mentis in Summo Bono presenti, ac possesso.

De Actibus humanis.

III. **A**ctus humanos cum S. Thom. (g) eos appellamus, qui à nobis consulto, & cogitato peraguntur, ex quibus alii sunt *interiores*, & *eliciti*; alii *exteriores*, & *imperati*. Actus humani, sive humano modo facti præter causam *Materialem*, & *Efficientem*, necessariò habent etiam *Finalem*: quæ si bona est moraliter, evadunt illi moraliter boni; si verò mala, mali. In quo autem hæc bonitas, aut malitia moralis consistant? T. dicant: interim tamen cum Cl. Cl. CC. dicimus: *Spestanda est prædicta materia non secundum suum esse naturale absolute, sed ut convenit cum recta ratione, & Lege Divina, aut ab ea desleat* (h). Hinc colligitur omnem actum humanum esse moraliter bonum, vel malum, & nullum esse indifferentem. Sicut soli actus Intellectus dicuntur, & sunt formaliter veri, aut falsi, ita soli actus Voluntatis sunt formaliter boni, vel mali: falsum enim est libertatem Electionis etiam ad Intellectum pertinere. In eo quippe Voluntatis officium circa mores versatur, quod non solum se ipsam, sed & cæteras Animæ facultates aut applicet ad agendum, aut ab agendo detorqueat.

IV. Potest igitur Voluntas aliquibus Intellectus, & Appetitus actibus imperare, & secundum Ethicæ regulas in meliorem frugem reducere. Quinam verò actus Voluntatis ab illius dominio subtrahantur in certamine aperiemus. Circa Voluntatis dominium in Appetitum Sensitivum, hoc notari debet ex Le-Monnier (i); illud esse Politicum: sæpe enim, reluctante Voluntate, in sensibile aliquid effrenis Appetitus elabitur, quin Voluntatis audiat imperio. Quod cum evenit, huiusmodi actus sunt *involuntarii*, id est, proficiscentes à principio intrinseco non cognoscente objectum, finem, & circumstantias: & à fortiori nequeunt dici liberi; voluntarium enim latius patet libero. Nihilominus tam actus Appetitus, quam Intellectus consequentes, & secundi, appellationem libertatis accipiunt ab ipso Voluntatis arbitrio illos imperante.

De

(f) Ovid. Metamorph. 3. v. 7. 8. (g) Prim. 2. Q. 1. art. 1. (h) In L. Ethic. Arist. D. 5. Q. 1. art. 1. (i) Tourn. 6. Phil. Mor. pag. 61. 62.

De Virtutibus, & Vitiis.

V. P Ræter actuum humanorum Principia *Congenita*, Intellectum sc. & Voluntatem, alia distingui solent in Scholis, sc. *Acquisita*. Illa nobis concessa sunt à Natura; hæc studio, & repetitis actibus comparantur; suntque habitus boni, vel mali, seu *Virtutes*, & *Vitia*. Non agimus hic de Virtutibus *Theologicis supernaturalibus*, & *infusis*, ne falcem in alienam segetem mittamus: sed de Virtutibus *Moralibus*, & *acquisitis*, quas hac definitione complectitur Aristoteles: *Habitus electivus, in mediocritate consistens* (1); id est, in statu neque *excedente*, neque *deficiente*. In hoc sensu dicitur, Virtutem *in medio consistere*: sed quia aliud est medium *Rei*, quod sc. ab utroque extremo distat æqualiter; & aliud medium *Rationis*, quod sc. neque excedit (quoad nos) rectum rationis præscriptum, neque ab eo deficit; adhuc reliquum est: *In quo medio consistat Virtus*. Respond. 1. *Qualibet Virtus moralis consistit efficienter in medio*. 2. *Consistit in medio vel per participationem, vel per exclusionem extremorum, si hac diverso modo spectentur*. 3. *Omnes Virtutes morales, excepta Justitia, consistunt formaliter in medio*: id est, vel per *excessum*, vel per *defectum* vitiantur. Excipimus *Justitiam*, quia illi peculiare est (ut significare voluit Arist. (m)), non collocari inter duo extrema vitiosa, contra quam solum per *defectum* peccari potest (n).

VI. Virtutes morales duplicis sunt generis, *Cardinales* sc. & *Subordinatae*, sive, quæ ad Cardinales revocantur. Cardinales sunt *Prudentia*, *Justitia*, *Fortitudo*, & *Temperantia*; suntque veluti *Cardines*, in quibus tota humanæ vitæ honestas versatur. Prudentia, ut est Virtus moralis, & ad Voluntatem pertinet, definitur à Le-Monnier: *Facilitas eligendi media, obtinendo fini honesto accommodata* (o). Sed maiori amplitudine sumpta definitur ab Arist. *Habitus agendi vera cum ratione circa ea, quæ homini bona, aut mala sunt* (p): seu pressius à Conimbric. *Recta ratio agibilium*. Ex quo colligitur illam secū devolvere tum Intellectus, tum Voluntatis rectitudinem; nemo enim rectè judicare potest, quæ agenda sunt, nisi circa ea probè sit affectus. Colligitur etiam esse Prudentiæ munus triplex, *bene* sc. *consultare*, *rectè judicare*, & quod judicatum est, *ad praxim reducere*: quæ per has voces ab Arist. significantur: *Exequio*, id est, bona consultatio de his, quæ agenda sunt: *Synesis*, id est, rectum judicium, quo quidpiam agendum vel fugiendum decernitur: *Gnome*, id est, imperium, quo id, quod judicatum est, executioni tradi jubetur. Prudentiæ

(1) 2. Ethicor. c. 6. (m) L. 5. Ethicor. c. 5. apud. CC. D. 7. Q. 2. art. 2. (n) CC. Ibidem, Le-Monnier Phil. Moral. pag. mihi 122. (o) Ibidem pag. 137. (p) L. 6. Ethic. c. 5.

Prudentiæ species sunt *Monastica, Œconomica, Politica, & Nomotetica*, quæ non intrinsecè, sed tantùm extrinsecè differunt, nempe ratione objecti, circa quod versantur.

VII. Vitia quibus media est Prudentia, & quæ illam vel per *defectum*, vel per *excessum* labefactant, sunt: per excessum *Prudentia carnis*, quæ in explendis naturæ corruptæ desideriis studiosius æquo versatur. *Astutia*, sive *Calliditas*, quæ est excogitatio mediorum, sive rationum perversarum ad obtinendum finem, maximè ad alios decipiendos perversè conducentium. Hoc vitium si in dictis tantùm versatur, est *Dolus*; si factis se prodat, *Fraudis* nomen habet. Per defectum verò *Prudentia refragatur Imprudentia*, sive *Prudentia carentia*, cujus multiplex est species, *Præcipitatio* nempe, *Inconsideratio*, *Inconstantia*, & *Negligentia*: *Præcipitatio* est vitium, quo quis absque sufficienti deliberatione opus aggreditur; opponiturque bonæ consultationi, sive *Eubutia*. *Inconsideratio* est vitium, quo citra debitam attentionem fertur iudicium de mediis, & opponitur *Synesi*. *Inconstantia* est sententiæ mutatio ob nullam, leviemve causam, & opponitur *Gnomi*, contra quam etiam peccat *Negligentia*, omisso sc. diligentia executioni rem constitutam mandandi.

VIII. *Iustitia* vocabulum non sumimus hic pro *Sanctitate*, seu virtutum omnium complexione; sed prout est virtus moralis, & ab Imperatore Justiniano definitur, *Constans, & perpetua voluntas, jus suum cuique tribuendi*. Dividitur in *Commutativam*, quæ in commutationibus bonorum, in contractibus, & conventis servat æqualitatem, & proportionem arithmeticam, & in *Distributivam*, quæ merita, & pœnas pro meritis, & conditione personarum geometricè distribuit. Partes integrantes *Iustitiam*, sunt *Declinare à malo, & facere bonum*: partes autem *potentiales* à D. Thoma recensentur (q), 1. *Religio*, qua Deo cultus exhibetur in *suprema illius excellentia, & potestatis agnitionem*. 2. *Pietas*, qua officium erga parentes, patriam, & cat. servatur. 3. *Observantia*, per quam homines, qui nobis ætate, aut sapientia, aut dignitate præstant, reveremur, & colimus. 4. *Veritas*, seu *veracitas*, qua operam damus, ne aliquid a nobis ementietur aliter, atque est, vel fuerit, vel futurum sit. 5. *Gratia*, sive *Gratitudo*, qua benemeritis par pari referre studemus. 6. *Vindicta*, qua vim, & contumeliam defensorio, aut ulciscendo, propulsamus aut à nobis, aut à nostris. 7. *Liberalitas*, quæ cohibet avaritiam, & moderatur sumptus. 8. *Affabilitas*, qua quis in vita consuetudine, & hominum convivio, se comem studet exhibere. Huic affinis est *Amicitia*, mutua sc. benevolentia non latens, sed per cognitionem probitatis confirmata.

IX.

IX. Fortitudo definitur ab Arist. (r): *Melioritas inter timorem, & audaciam constituta*. Ex qua definitione patet, illius interesse *sustine- re, & aggredi*. Hinc fit, ut sint 4. partes *potentiales* Fortitudinis, *Fiducia, Magnificentia, Patientia, & Perseverantia*. *Fiducia* est pars Fortitudinis, qua confidit animus res arduas, cum opus est, *suscipere, & tolerare*. *Magnificentia* est rerum excelsum cum animi quadam splendida *propositione* agitatio, & *administratio*. *Patientia* est *virtus, qua in malis tolerandis animus obfirmatur, ac sustinetur*. *Perseverantia* denique est *Stabilis perman- sio in rebus bene captis, sive de aggressionem, sive de defensione, aut per- fessione tractetur*. Vitia Fortitudini opposita in illius definitione refe- runtur *Timor sc. & Audacia*;

X. *Temperantiam* definitur eam *virtutem cardinalem* ex Arist. (s) vocamus, qua *corporeas voluptates, in gustu potissimum, & tactu pos- tas moderatur*. Partes *Temperantiae*, *Gustum* moderantes, sunt *Abstinentia* in cibo, & *Sobrietas* in potu sumendo: moderantes verò *Tactum* sunt *Castitas, & Pudicitia*, quarum prima à voluptatibus illicitis; se- cunda à omni aspectu, & tactu impudico abstinet, utpote quæ origi- nem ducit à *Pudore*, sc. à perturbatioe animi de iis, quæ dedecus inferre videntur. Partes illius *potentiales* sunt, 1. *Continentia, qua concupiscentia motibus, ad intemperantiam provocantibus, resistit*. 2. *Hu- militas, qua cohibet hominis cupiditatem, ne extollatur, sed vilitatem su- am profitens, ad infima se demittat*. 3. *Mansuetudo, virtus ira modera- trix*. 4. *Studio sitas, cohibens sciendi desiderium circa res inanes, ac steri- les*. 5. *Eutrapelia, qua in ludis, ac jocis modum statuit*. 6. *Parcitas, qua corporis cultum, & munditiam moderatur*. Ad *Temperantiam* referuntur etiam *Honestas*, quæ est propensio in decus consentaneum: *Modestia*, quæ internos, externosque animi motus coercet, nequid agatur, aut di- catur indecorum: *Verecundia*, quæ vel aliena gesta, aut dicta inhonestè averfatur. Vitia *Temperantiae* opposita per excessum sunt, *Gula* absti- nentiae, *Crapula* sobrietati; *Libido* castitati; *Impudicitia* pudicitiae. Per defectum verò opponitur *Temperantiae* *Stupiditas*, sive (ut inquit D. Thomas) *insensibilitas*, qua homo ita redditur hebes, ut ne honestam quidem percipiat voluptatem. Reliquum erat, ut de privatis cujuslibet hominis Officiis ageremus; prout ab Ethicis diriguntur *æterna felicitatis intuitu*: illa tamen missa facimus, quemlibet hortantes, ne caducis rebus ita curas impendat, ut *Supremi Finis*, in quo summa *Felicitas* est, obliviscatur.

A. M. D. G.



Sphalmata

Corrigenda

Sub titulo: Colmographica Philosophiæ genesis

Repulica
ibidem: Societatis viros
pag. 3. adolestis
pag. 5. scepticimus
pag. 8. per unitates dummodo
pag. 14. andientiuin
pag. 16. partionibus
pag. 21. quomunodo
pag. 23. neteorismum
pag. 33. Hydragyryus
pag. 38. Gallæus
pag. 42. *aqualibiter*
pag. 58. collumbarum
pag. 59. pro *caruleo* 3. partes
luminis, & unam umbræ
pag. 76. sec. 8. 20. min.
pag. 86. summè dilatatur
ibidem: descendit
pag. 90. quoque versus
pag. 91. adnotavit

Republica
Societatis viri
adolefcentis
scepticismus
per unitates; dummodo
audientium
partitionibus
quomodo
neteorismum
Hydrargyryus
Galilæus
aqualiter
columbarum
pro *caruleo* 3. partes umbræ, &
unam luminis
sec. 8. 20. tert.
summè dilatatus
descendit
quoquo versus
adnotavit

In aliquibus exemplaribus

pag. 114. adps

adeps

**Reliqua menda benignus lector
expunget.**